





35594

I



1888. A. 413.

Petr. Joannis Sufianth.

A. 1787.





MODI LX.  
S A C R Æ  
ORATIONIS

*variè*

FORMANDÆ

A

P. CASIMIRO  
WIIUKKOIALOWICZ,

Societ. JESU.

S. T. Doctore.

*In Gratiam Incipientium collecti & Praxi-*

*bus illustrati.*  
*Ed. 1. Vienne 1684.*



\*\*\*\*\*

R E C U S I  
CASSOVIÆ, Typis Academicis Soc. JESU.  
M. D. CC. LIV.

Quid enim? dum omnimodo, si-  
ve per occasionem, siue per ve-  
ritatem Christus annuncietur: &  
in hoc gaudeo, sed & gaudebo.

*Ad Philip. c. I. v. 18.*

35.594

T.



MODI ORATIONIS  
SACRÆ FORMANDÆ.

PRÆMONITIONES.

I.



Nihil mihi vobiscum, magni orbis Doctores: nisi ut veniam petam, quatenus liceat, simplicitate, aureum littus, vestri maris radere. Felices, quos Spiritus ab alto imbuat! de cuius plenitudine prolocutus Petrus, repentinus è Piscatore Orator; plura hominum millia uno sermone, quàm piscium, multis retibus cepit. Hujus impetu velificatis, hujus motu, corda, animosque hominum impellitis; perfectissimo, ac vobis noto sapientiæ Divinæ magisterio. Illis interea qui vos à longe desiderio sequuntur: quemadmodum aliis subsidiis, ita arte & exercitatione, opus est: ut creatura, suo cooperetur Creatori. Nam *Si rumpuntur retia*, id est, si sermo est non satis dispositus, & aptus, *non labitur piscis, non humanæ hoc facundiæ est opus, sed supernæ vocationis munus*, inquit D. Ambr. in caput 5. Luc. Quanquam in hoc genere orationis semper humana facundia, & ingenium jacent: nec plus valent, quàm Divini eloquii, obsequiosa instrumenta.

II. Qui modos hos volet sibi auxiliares ; assumpta sententia dictionis, adeat unum, alterumve illorum : atque adeo cum placet, plures explorando, quis eorum sententiæ tractandæ commodior sit. Omnes certè non percurreret, quin excitetur ingenium, & voti compos fiat. Id tanto potiori jure faciendum, quia non ex quovis loco duci quævis oratio potest nisi quis non tam obviam recipere, quam reluctantem, reclamantemque rapere velit : quod genus dicendi, & spiritui & ingenio obluctatur ; ac idcirco, etiam post laboriosos conatus, parum fructum facit. Juvabit insuper, ad facilitatem usûs eorum acquirendam, eandem sententiam exercitationis causâ, à Tyronibus juxta varios modos tractari. Unde id quoque solatii veniet, quia luce clara cognoscent, sacrarum fecunditatem Scripturarum : quæ de eadem re, diversissimè dicenti, sententias & sensus tot, varietati dictionis confortatos suppeditabunt : ut vix ipse Orator, de eadem re à se dici, sibi credat.

III. Quia ad facilitatem præceptis comparandam, Praxes, sive exempla singulis subnecto : nemo ab iis obsecro, aut cultum singularem, aut *eruditionem* exigit. Existimo enim minimum interesse, quam comptus ornatûsque sit ductor : dum iter rectum monstrat : & monente S. Leone Ser. 3. de nat. *Melius est doctos onerare jam notis, quàm rudes fraudare discendis.* Nemo etiam formam perfectam Orationis sacræ, ex iisdem exemplis sumat : quia non ago Oratorem, sed puncta, quæ possent oratione deduci, iungo Hoc moniti,  
vel



vel ideo adjecero, ne videar subjectis praxibus omni affectu destitutis, probare illorum morem, qui non pauca in orationem congerunt; minime autem intellectui convincendo, ac perurgendo affectui insistant: atque ideo, sine suo, quod monet A. R. P. Noster Claudius Aquaviva Epist. de Cont. §. 2. facillime fraudantur.

IV. In dividendis his modis non ita spectavi series generum, & specierum, ut singulos rigide atq; Metaphysicè distinguerem, sed majoris claritatis gratiâ, nonnunquam, tanquam novos distinctosque explicui, qui alio capite includi merito poterant; quemadmodum etiam multos, brevitatis studio non distinxî, quibus distinctio conveniebat. Facile obtinebo veniam apud Logicos, si utiliter instruxero Rhetores. Porro quia duplex est classis, assumptorum ad orationem sacram formandam, modorum: altera quæ ex Scripturæ sacræ fontibus apertiùs fluit: altera quæ de rivis Rhetoricis, notiùs ducitur; digniori primas partes merito concesseris: Utriusque autem nexus esto, ut principia Rhetorica scripturæ sacræ firmentur robore, & in scripturæ proponendis dogmatibus, Rhetorico utamur ductu, ne humano destituamur progressu.

V. Nunquam Tyro ad dicendum procedat, quin apud se prius statuât: quod vitium oratione persequi, aut quam virtutem commendare velit. Ita fiet, ut & certo passu, ad scopum tendat, & multa vana, in verbis rebusque devitet: felicior Orator, si ejus persuasui quispiam de plebe, sincerè pectus tundat: quam si ad inanem eloquen-

tiæ famam tota civitas plaudat. In Panegyricis Orationibus id propositum servari difficile posse videtur: verum quid est sanctorum Virorum sanè gesta memorare, nisi eorum virtutes imitationi proponere? Quod tantò utiliùs fit, si certis, & Auditori accommodatis virtutibus exaggerandis, Orator magis adhæreat, aut, si post Panegyrim, populum ad imitationem virtutum ferventer hortetur.

VI. Ante omnia quicumque optat veri Prædicatoris Christiani meritum adipisci, non aliud prædicet, quàm JESUM Christum Crucifixum. Deploranda, nec ullo loci, aut Provinciæ, aut Principum geniò excusanda perversitas: qua in Concionibus, aulicissimi, dicteria, & Æsopo penè similia somnia, è rudibus indignissimæ Eruditionis petuntur: Scripturæ autem auctoritas, & sinceri, nec malè torti sensus, contemnuntur. O pessima judicia! De Nazianzeno in Apóloget. Concionator, *Deus est, qui alios Deificet.* Quis illud DEI os appellet, à quo plures venundantur lepóres in cathedra, quàm emantur lepores in emptoriis? Hi sunt, qui Hæreses scandalizant, pietatis integritatem subvertunt, verbum DEI adulterant, ejusdemque esuriem sinceram malis obsoniis corrumpunt. Infelices! si (quod ex eorum grege nuper non nemo) à morte audiant. *Prædicasti te pro me, accipe in mercedem te pro me.* Tu quisquis hæc leges; ora pro me & te, ut sint hæc procul à nobis. Interea labore tibi devoto, si juvat, utere.



## MODUS I.

## Sacrae Orationis formandæ.

CONstat ex reflexione, *Ad Naturam, ad Artem, & ad Scripturam*. Hoc modo Orationem formaturus, perspectâ sententiâ dicendâ diligenter hos tres gradus pervideat: ut quod suggererint, ad probationem susceptæ rei transferat, quod fiet, si expendatur, quid de materia dicenda suggeri possit, ex natura rerum, qui ex arte, historiis, Poëtis, picturis, tum quid ex scriptura; ex. gr. ad illa verba Matth. 4. *Si Filius DEI es, mitte te deorsum*, expendere posses, Dæmonem; cum nos filiatione Dei adoptiva vult spoliare, nunquid aliud suadere, quàm ut nos mittamus per peccatum deorsum. Est enim peccatum, *ingens deorsum, seu profundum*, cui comparare deberes. In natura, foveas, præcipita, profundum Marium. In arte, puteos, & carceres. In scriptura, specum Danielis, repletam leonibus, Dan. 6. Saltum Absalonis, plenum præcipitiis, & infamem absumpto exercitu, 2. Reg. 18. Abyssum Sodomæ & Gomorhæ cœlestibus repletam ignibus. Gen. 10.

Similiter Dominica quarta post Pentecost. ad illa verba: *Laborantes nihil cœpimus*, Luc. 5. posset formari propositio. Deo abundante, aut reluctante, omnes humanos conatus in cassum ire. Docet id Reflexio *ad naturam quia*, non

quâ volumus, sed quæ datur, cœli temperie; vel intemperie; Terræ fœcunditate, vel infœcunditate; Marium commoda, vel incommoda tempestate; Aëris salubri, vel non salubri haustu fruimur. Docet item eadem pestibus, morbis, bellis, mortibus, nullis viribus humanis (Deo abnuente) superabilibus. Docet reflexio ad *Artem*, quæ apud Poëtâs ingentia hominum molimina, Gigantum bella, affectatas Cœli sedes, in irritum cecidisse, narrat. Bene etiam quispiam ex Neotericis idem designavit, Horologio rotatili sparso, hac Epigraphe affixa. *Sine Dei numine, nihil est in homine.* Docet denique innumeris locis reflexio ad scripturam Ps. 1. Psal. 45. in Histor. Regum; circa persecutionem Davidis à Saule. In lib. 1. Danielis circa conspiracyem contra eundem, & aliis locis plurimis. Sit

## P R A X I S.

Dominica XVII. à Pentecoste.

*Diliges Dominum DEUM tuum ex toto corde tuo.* Matth. 21.

**A**ccessus & Propositio. Quæ nostra, chara quoque nobis. Chara domus, quia nostra, chara suppellex, quia nostra. Hac via ipse DEUS se nobis comendat, cum ita dilectionem sui exigit, ut se esse nostrum protestetur, inquit: Diliges Dominum *DEUM tuum*. Expendamus igitur, quibus rationibus *DEUM nostrum esse*, nobis persuadere possimus, ut eo modo ad ejus dilectionem accendamus. Con-



## Confirmatio Per Reflexionem ad Naturam, Artem, Scripturam.

**R***eflexio ad Naturam.* Respice ô homo te, & quæ circumstante, nec aliud facilius occurreret, quam quod DEUS, DEUS tuus est: Clem. Alex. in Exhort: ad gentes, orbem vocat *Academiā, in qua DEUS discitur.* Non dispari merito affirmaveris Academiam, in qua DEUS, DEUS esse noster docetur, quandoquidem omnia, quæ in mundo sunt, *portant amoris nostri pignus, proferunt indicium, indicant memoriam, inducunt notitiam,* ut item loquitur Gilibertus Serm. 4. in Cantica. Et vero; factum est, ut cum non essemus, existeremus, Creator noster est: ut cum simus, non desinamus, Conservator noster est: ut cum vivimus, ille animet; Vita nostra est: ut cum spiramus, ille recreet; spiritus noster est: ut cum operamur, ille agitet, motus noster est. Quicquid denique sumus, ille nobis totum est. In aëre spiraculum, in igne calor vegetans, in aqua humor refrigerans, in terra fulcrum sustentans. *Universa propter semetipsum operatus est dominus,* Prov. 16. *Propter semetipsam scilicet gratuita bonitate,* ait Bernar. Ser. 3. in Pent. *Propter electos suos, pro eorum utilitate.*

*Reflexio ad artem.* Improbum mundi amorem, improbissimi ejus amatores, ut affectibus humanis insinuent, mirè effingunt. Juvenem, ut à forma commendent: armatum ut à robore; inermem, ut à facilitate. Applicant sagittas, ut cor feriat: adimunt, ut rapiat; millies denique, mu-

tant speciem & vultum, uno semper proposito, ut tot modis dignum leto cupidinem, alant: & ad sui placitum efformando, persuadeant sibi, quod suus sit. O quam dignioribus amor Divinus variat formis, ut hoc nobis persuadeat, quod DEUS, DEUS noster sit.

*Se nascens dedit socium.*

*Convescens in edulium*

*Se moriens in pretium*


*Se regnans dat in præmium*

O utinam auscultemus? utinam intelligamus, quod Paulus dixit, ad Hæb. 2. v. 17. *Debuit per omnia simulari fratribus*, ut omnes scilicet lucrificeret, & omnibus persuaderet, quod eorum esset. *Ipse victima; ipse Sacrificium, ipse sacerdos, ipse altare, ipse Deus, ipse homo, ipse Rex, ipse Pontifex, ipse ovis, ipse agnus.* Omnia in omnibus pro nobis factus, ut nobis vita omnibus modis fieret, inquit Epiphan. hæres: 51. ubi advertere potes, ad illa verba, ut nobis vita omnibus modis fieret, & mirabiles modos, quibus salutem humanam operatur late prosequi.

*Reflexio ad scripturam.* Aderat vir, ætate pariter ac pietate venerandus Societatis nostræ Sacerdos communi à mensa gratiarum actioni, notavitque eum qui præibat, verba *Pater noster* ex præscripto præcum, clara voce dicenda, silenti Sibilo absumpsisse. Effundi igitur Senex in lacrymas, ac inde graviores singultus, quorum rationem dare iussus. *Quidni ait graviter ingemiscam, quando bodie dulcissima illa verba quibus DEUS se nostrum esse quotidie persuadet, id est, Pater noster, au-*  
dire



*dire non merui. cum præsertim, idem Dominus, gratissimum id sibi ostendens. Jer. 3. 4. edixerit. Frons mulieris meretricis facta est tibi, noluiſti erubescere. Ergo saltem à modo vocame, Pater meus, & Dux virginitatis meæ. Expende pii senis, & scripturæ sacræ dulces affectus, cui similes dabunt concordantiæ scripturarum: Nobis sub proposito suscepto, non licet esse tam disertis. Felices! qui cum DEUS nostrum haberi se cupit, cum Thoma respondeat. Dominus meus & DEUS meus. Joan. 20. aut cum Francisco Seraphico, decernant. DEUS meus & omnia, aut sponsæ gratiam mereantur protestantis. Dilectus meus mihi & ego ipsi Cant. 2.*



## MODUS II.

**P**ER Reflexionem, ad usum alicujus rei communem  
 five is communis sit locis; provinciis, Regnis particularibus: five magis universalis toti orbi aut Ecclesiæ. Proceditur autem duplici modo: aut usus illius, & consuetudinis, naturam, causas, cæteraque adjuncta, examinando atque explicando: aut reflectendo se, supra materiam objectam sermonis & quibus illa usibus, publicis, aut privatis deserviat, inquirendo. *Exemplum primi* dare potest die Purificationis Beatæ Virginis Mariæ, in quo potest agi. *Cur hic dies, dicatur, dies candelarum, & in eo candelæ consecrentur.* Esse autem potest causa v. g. Quia hic dies est substitutus festo Cere-

ris & Proserpinæ, quæ cum facibus celebrantur, ut docet Canis. libro 4. cap. 12. 2. Quia hodie illuxit palam in templo, novum lumen Christus, prophetante Simeone, quod sit paratum ante faciem omnium populorum: ut si non rectè abinde *ambulatur, non adscribatur luminì, sed errare volenti, & oculos claudenti, ad splendorem ejus* inquit Cassian. 3. Significatur pulchritudo D. V. M. quod in tenebris communis Purificationis, innocentissima apparuit: & tanquam lux fulsit, *tota pulchra sine macula, & sine fumo, solumque lucerna lucens & ardens*, ut loquitur de Baptista, cap. Joan. 5. 4. Significatur vitæ nostræ exitus, pro quo Simeon orat, ut fiat in pace, ad quam dum imus, ut lumen deficimus. 1. Ab ipso accensæ lucis & vitæ momento. 2. Insensibiliter ut candela. 3. ita ut facillimè extingui possimus. 4. Et sæpè insperatissimè. Bene hæc lucerna ardet illi, cui inextincta virtus durat, donec eo perveniat, quando extremum agentis vitæ, candela sacrata in manus more Christiano conferetur. Væ autem illis, de quibus Baruch. cap. 6. *Lucernas accendunt, & quidem multas, ex quibus nullam videre possunt.*

Exemplum secundi, dare item potest Dominica Sanctissimæ Trinitatis ad illud thema. *In Nomine Patris, & Filii, & Spiritus Sancti.* Reflectere enim se quiscquam posset. Quibus usibus priorum, hæc forma verborum, deserviat, atque eos usus ad laudes Sanctissimæ Trinitatis referre. E. g. 1. solemus hac forma uti in professione nostræ fidei. Et quando hæc, magis



gis fidelem decet, quàm hoc die Sacratissimo? Exurgat DEUS & dissipentur inimici ejus! dissipentur Athei, contra quos DEUM profite-mur: dissipentur falsi multorum Deorum cul-tores, contra quos unum DEUM credimus: dissipentur Arriani, contra quos Patrem & Fi-lium personas quæuales, ejusdem individua Deitatis credimus &c.

2. Solemus hac forma uti, in eventibus ad-mirandis, ut si quid insperatum, grande, in-gens contingat stupentes exclamemus. In nomi-ne Patris: quid hoc? quomodo factum est &c. An verò est dies? aut est occasio? in qua no-bis majora se miracula offerant, quam hodie? audimus Patrem, ab æterno generantem, & in æternum generaturum sine prolis auctione, quid hoc miraculi? Audimus Filium ab æter-no generatum, semper tamen generari. Quid hoc miraculi? Audimus DEUM in natura u-num, in personis trinum, unde verè unum, & verè trinum. Quid hoc miraculi? Sic pos-sent alia attributa, tam essentialia, quam Per-sonalia percurri, omnia utique unà admiratio-ne concludenda. In nomine Patris &c. &c. 3. Solemus hac forma uti in omnibus benedictio-nibus rerum. Verè enim benedictio nostra San-ctissima Trinitas est, & neque in hac vita ali-ter benedicti esse possumus, quam in nomine Patris, & Filii, & Spiritus Sancti, neque etiam in futura: in qua tota benedictio, est Sanctis-simæ Trinitatis visio. Sed ut.

Dominica XXIV. à Pentecoste.

*Mittet Angelos suos, cum tuba & voce magna, Matth. 24.*

**A**ccessus & Propositio. Tuba-suprema sonat, quis aures non erigat? Heu, nimis gravem letalemque somnum dormimus, si ad hanc vocem, non excitamur? Vox enim hæc, vox belli non pacis est. *Populi, populi in valle occisionis Joel. 3. quia juxta est dies Occisionis, & pugnabit cum DEO, orbis terrarum contra insensatos Sap. 5. 21.* Demus igitur aures, terrificæ tubæ: & quis usus illius in hoc bello futurus, consideremus.

**Confirmatio, per Reflexionem ad usum**

Tubæ in bellis, applicatum materiæ  
iudicii Divini.

Quadruplex potissimum usus tubæ, adhibetur in bellis, Datur enim Tubæ signum 1. Ad militem excitandum, & præparationem. 2. Ad progressum. 3. Ad pugnam. 4. Ad triumphum de hostibus & vindictam. Ideo igitur in tremendo quoque DEI iudicis bello, tuba audietur, hoc insonabit. Et.

1. Excitabit mortuos, & designabit præparationem. Audient enim illā mortui, inprimis per revelationem, & mox à resurrectione, auditu corporeo has aut similes voces frementem. *Surgite mortui, ad iudicium. O quot erunt, qui mallent audire. Perite, Annihilemini? Gravis, ac terrificus homini sopito, clamor re-*  
pen-



pentinus accidit: qualis accidet, vocis illius horrendæ, nominibus, tot centenis, atque millenis annis, soporatis? Heu miseros peccatores! cum viderint diffindi petras, aperiri montes, revolvi subitò immensa pondera; seque & suæ fortis, infelices ubique perdi, undique exturbari socios, nudos, trementes, horrenda visu monstra. Hæc erit præparatio eorum: cum è contra adventabit filius hominis, cum Majestate magna: sol & luna armabitur tenebris, stellæ cadent, virtutes cœlorum commovebuntur, cœli ardebunt, terra tremet, mare mugiet. *O lachrymæ ubi estis? Clamemus meritò cum Bernar. Ser. 27. fontes fluite super faciem meam. DEUS meus quid faciam cum venerit judicium tuum, quid dicam peccatrix anima? Væ diei, in quo peccavi, utinam non luxisset sol super me.*

*Secundo. Dapit signum progressus ad bellum. Joel. 3. Erumpite & venite omnes gentes de circuitu, & congregamini, ibi occumbere faciet Dominus robustos tuos. Jerem. 4. 19. Vocem buccinæ, audivit anima mea clamorem populi. Contritio super contritionem vocata est. Contritio, dum susciuntur, contritio dum ascendere coguntur. Contritio, sed inutilis, Contritio, sed longè dispar à corde humiliato & contrito. Crescet interea sonus tubæ, & omnes, divina vi, compellentur ad vallem Josaphat, Mediam inter Jerusalem & montes oliveti. Manlio, Capitolii defensi aspectus, in judicio ambitus, ut habet Liv. tantum profuit: quod non nisi aversis à Capitolio judicium sedibus damnari potuerit:*

rit: Jerosolymæ & calvariæ obtutus spem veniæ peccatoribus eripiet. Profundius verba illa, à lictore ingeminata; Marium penetrâsse creduntur; quibus artem illi fabrilem exprobrans, ictui subdidit. *Hic est gladius, quem parâsti*, quam ipse penetravit gladius: profundissimè ferient peccatores, conspecta faultis contemptæ instrumenta, quibus una erit vox. *Hi sunt gladii, quos parâsti*. Tunc ut ait Hieronym. *Lugubre mundus immugiet*, humanis vocibus, quæ ingenti dolore, ac timore deformatis: *Tribus ad tribum pectora ferient*, vesanâ desperatione omnibus afflictis, sub quæ capita quoque mutuo collident, ut impleatur Scriptura Psalm. 109: *Conquassabit capita in terra multorum*. Capita, O capita! quam audacter elevamini, quàm miserrè conquassabimini! *Reges nudo pectore palpitabunt*. Huccine fors tua Juli recidit? huc tua Auguste? ubi potentia, ubi regnum! Palpitabunt? Mundus est Mare, Reges ceti nullum in hoc mari timentes, sed extracti in littus, palpitabunt. Unde. *Simile est Regnum Cælorum sagænæ missæ in mari*. Matth. 13. *Adducetur stultus, cum suis Plato discipulis, & Aristotelis argumenta nihil proderunt*. Si stultus Plato, si Aristoteles convictus! valeat Plato, valeat Aristoteles, dum integra sit salus. Beatior est rudissimus è mundo, si nôrit servare decem DEI præcepta, quàm sapientissimus è Philosophis si his neglectis, indaget subtilissimè, decem Aristotelica prædicamenta.

*Tertiò: Urgebit bellum. Ad rem est ventum*



tum, Jer. 5. 25. *Aperuit Dominus thesaurum suum, & protulit vasa iræ suæ. O spectaculum! Hinc homo omni ope destitutus: inde DEUS, & omnes creaturæ. Ibunt directè emissiones fulgurum. Sap. 5. & tanquam à benè curvato arcu nubium, ex-terminabuntur, & ad certum locum insilient, & à petrosa ira plenè mittentur grandines. Excandescet in illos aqua maris. & flumina concurrent duriter. Contra illos stabit Spiritus virtutis, & tanquam turbo venti dividet illos.* Hæc corporum oppugnation: quæ animi! Surget enimvero contra hominem accusando, cælum, terra, tempus, homines varii, ac potissimum conscientia Psal. 94. *Arguam te & statuam contra faciem tuam.* Quid hoc monstri, quando tu homo stabis contra te! Tu & non tu, idem & non idem. Tu ad similitudinem Dei creatus, contra te ad similitudinem diaboli mutatum. Tu, ratione supra alias creaturas præditus: contra te ratione in malè factis destitutum. Tu, ad æternam felicitatem destinatus, contra te, miserè & spontè ab ea decidentem! Sic statueris tu contra te. Tu infelicitatem supremam clarè cognoscens: contra te, eam antehac considerare nolentem. Tu extrema mala tua pavens, contra te, ea effugere non volentem. Tu infelix & desperatus, contra te, salutis media contemnentem. Statueris tu contra te. Tu tremens, contra te audacem. Tu igneus, contra te impurum. Tu diaboli ludibrium, contra te superbum. Tu contemptus, contra te, primatus ambientem. Statueris denique tu, contra

te, pugnante intellectu, memoria, voluntate, & hominibus potentiis ac sensibus contra te. *Heu dies ille Domini DEI exercituum, dies ultionis, ut sumat vindictam de inimicis: devorabit eos gladius, & satiabitur, & inebriabitur sanguine eorum.* Jer. 46. 10. quare & tuba

Quartò. resonabit; ad urgendam cædem hostium, & vindictam de illis continuandam. Isa. 1. 24. Propter hoc ait Dominus. *Heu consolabor super hostibus meis, & vindicabor de inimicis meis.* Nihil à iudicis sententia restabit, nisi vindicta. Vindicta contemptæ Majestatis Divinæ, vindicta objectorum salutis mediorum, vindicta sanguinis Christi. Igitur Eze. 21. *Et duplicetur gladius, & triplicetur gladius. Hic est gladius Occisionis magnæ.* Cadent omnes impii interfecti, sicut oves in inferno positi ut ait, Psal. 40. neque satis erit vindictæ, sed duplicabitur gladius, & ad infernum secuta mors, depascet eos. Unde & Ezech. 5. *Gladium nudabo post eos, qui scilicet persequatur damnatos ad inferos: sed & rursus, triplicabitur gladius ac innumerè quoque multiplicabitur, toto æternarum pœnarum pondere damnatis incumbente, ut continuo pereant, nunquam perituri, continua morte moriantur, nunquam morituri.* *Hæc est mors secunda, in qua dolor non cessat ut cruciet: & natura non deficit, ut sentiat: inquit D. Augu. de Civ. DEI. Igni eris cibus, sanguis tuus, erit in medio terræ, oblivioni traderis* ait Ezech. 21. O vindictam tremendam! O hostes DEI infelicissimos! Ignis cibus, duo habet 1. Quæ in substantiam ignis  
verti-



vertitur 2. Quia ut sit cibus, non debet deficere ei materia; sic peccatores in ignem suppliciorum versi, non tamen deficient, ut sint ignis, & simul sint materia aeterna tormentorum, unde & additur, *sanguis tuus erit in medio terræ*, quia cum innumeris temporibus arserint: stillabunt semper, recentem sanguinis succum: donec tot sæcula transeant, ut oblivioni aeternæ tradantur: & DEUS qui de illis salvandis, ab aeterno cogitavit; nullam, de liberandis ex inferno, sit in aeternum cogitationem suscepturus. Apoc. 14. *Fumus eorum in sæcula sæculorum*. Fumus utique ex lignis surgit, quæ habent materiam non consumptam: imo humore abundantem. Tales erunt damnati, nec unquam esse desinent: hoc unum tuba tremenda, per totam aeternitatem super illos insonante. *Fumus eorum in sæcula sæculorum*. Heu mortales! cum Cypri. lib. 2. ad Desi. inclamo: *Securitati & vitæ, dum licet prævidete. Nam tunc, nec resistendi erit virtus, nec fugiendi facultas, nec pœnitentiæ locus, nec satisfactionis tempus.* teste. D. Chrys. in Matth. Unde & Angelus juravit per DEUM viventem, quia *tempus non erit amplius*, Apoc. 10. O non erit! ô vox omnia viscera conturbans! ô tuba! ad cujus sonitum animaliquescit! *Erit*, est omnium malorum solatium. *Non erit*, est omnium malorum desperatissimum signaculum.



## MODUS III.

**A**sumpta Evangelii, aut Scripturæ sententia, juxta diversos, & ab Ecclesia receptos sensus explicatur. Est autem sensus scripturæ quadruplex: Literalis, sive historicus. Moralis, ex quo instructio morum formatur. Allegoricus, seu Mysticus, qui continet mysteria fidei. Anagogicus, qui refertur ad finem ultimum nostræ creationis, juxta illud.

*Littera scripta docet: quid credas Allegoria;*

*Moralis, quid agas: quo tendas, Anagogia.*

Secundum hos itaque omnes, aut aliquos sensus, tractata sententia, copiosam tam inveniendi, quàm agendi præbebit materiam. Ut si, Dominica 2. Epiphaniæ, super illud, *Vinum non habent*. Agas 1. ad literam, de piissimis visceribus D. Virginis Mariæ: quæ, tam facile, temporalibus quoque necessitatibus proximorum, movebatur. 2. Moraliter referas id, ad commendanda opera misericordiæ. 3. Allegoricè, tractes sensum D. Cypriani Epist. 63. inquentis: *Quia apud Judæos, defecerat gratia spiritualis, defecit & vinum*. 4. Anagogicè referas ad defectum internæ devotionis, pietatis, & rerum cœlestium considerationis: sine quibus, tanquam sine vino, vita nostra, insipide agitur. Similiter, eodem die, ex occasione aquæ in vinum mutatæ, in sensu literalis, ageres de potentia DEI super creaturas.

2. Mo-



2. Moraliter, mutat DEUS aquam in vinum, cum mutat tristitiam in lætitiā. 3. Allegoricè, mutat aquam in vinum, quando lacrymæ pœnitentiæ, abluunt peccata: fiuntque, ut ait Bernardus. *Vinum Angelorum*. 4. Anagogicè, mutat aquam in vinum, quando servos suos, pro solatiis terrenis omiſſis, replet solatiis cœlestibus longè excellentioribus, & suavioribus. O felices! qui hoc vino gustato, cum Xaverio, inauditum sæculi hominibus verbum, ructant: *Satis est Domine, satis est!* Nulla interea lege adstringimur, ad hunc potius, quam illud sensum, priore loco proponendum.

## P R A X I S.

## Dominica Quinquagesimæ.

*Domine, ut videam, Marci 10.*

**A**ccessus & Propositio. Intentæ aded Cœci preces, mereri videntur, ut qua necessitate compulsus, eas constantissimè urserit, expendamus: quæ quidem necessitas, quia his verbis exprimitur, *Domine ut videam*, illis primum perspectis, ad nos convertemur: & an non simili premamur necessitate videbimus: ut si ita res tulerit, D. Augustini disciplinæ animum demus, in Psal. 65. inquiringis: *Confitere te cæcum, & illuminari mereberis.*

Confirmatio per explicationem variorum scripturæ sensuum, propositæ

*Intentione* *conve* *entium.*

*Sensus literalis.* Non aliud lumen, à cœco tanta contentione petatum, quam lumen naru-

rale oculorum, ex textu Evangelii constat. Neque potest esse non laudabilis constantia, in tam magna angustia. Narrant quidam Pulcheriam Imperatricem, aviculam aluisse, ex cuius aspectu læto, aut tristi, inferre licuit, bonum aut diversum temperamentum valetudinis. Hujus proinde extinctæ oculo, Regina inscripsit: *Non gemma, sed vita*, Benè avi, melius oculo id conveniat: *Non gemma, sed vita*: imò: *Et gemma, & vita*. Tobias cap. 5. nulum sibi evenire posse, gaudium, quod lumen cœli non videret, clarè asseruit I. Reg. II. Naas Ammonites, maximi id supplicii & opprobrii genus duxit: si erueret dextrum oculum incolis Jabes Galaad: & Evangelica similitudo, erigens malum censuit: cum malè amictum, ad tenebras exteriores damnavit. Marc. II: Quidni igitur, cœcus Evangelicus, lumen sibi donari, multum peteret, plurimum instare? *Sed si desideravit ille lumen corporis, quanto plus lumen cordis desiderare debemus*, ait D. Aug. serm. 52. de tempore: quod ipsum, si quando, inclamari debet, his temporibus Quinquagesimæ ingeminandum, iterumque ac iterum orandum: Domine, ut videam.

*Sensus Moralis.* Heu cœcitas! quàm levia & vana gaudia, quàm nimium amamus? *Nihil est aliud pro præsentibus istis laborare* inquit Chrysostomus. 67. *quàm flammam discerpere, quàm pugnis aëra cedere? Cur perforato dolio aquam ingeris? Ostende mihi hujus sæcularis studii finem.* Semper gaudium properat, nec potest ferre moras lætitia, dicit Cypr.


Cypr. lib. 2. Epist. 5. quod, etsi de munda-  
no omni gaudio, dicendum sit: potissimum de  
Quinquagesimali. Alia clam se furripiunt:  
hoc palam suam inconstantiam professum: tri-  
duanum solum est. *Domine, ut videam, tam bre-  
vis gaudii vanitatem. Iste dies, qui latus est hodiè,  
in ista civitate, cras utique non erit: nec idem, ipsi,  
cras hoc erunt: quod hodie sunt, pergit D. August.*  
70. in Joan. & transeunt omnia, & evolant o-  
mnia, & sicut fumus vanescunt, & vae qui amat  
talial! Gaudium ipsorum est quasi phræneticorum, Quo-  
modo phræneticus gaudet in insania plerumque, & ri-  
det; sic isti.

*Sensus Allegoricus.* Et utinam tantum vana  
essent hæc gaudia! sed his potissimum diebus  
convenit, quod D. Bernard. lib. 1. de Con-  
tem. cap. 2. requirit: *Quis, inquit, diem to-  
tum, duxit in sua delectatione jucundum: quin in ali-  
qua parte, reatus conscientiae non turbaverit? Do-  
mine, ut videam peccati gravitatem, post quod  
dicere non semel licet, quod Chrysost. serm.*  
126. de decollatione Baptistæ edixit: *In are-  
nam vertitur domus, mensa migrat in caveam, fu-  
rore mutatur convivium, fit cibus cædes, vinum  
transit in sanguinem, finis natali imponitur in ortu,  
exhibetur occasus, intrat bestia, non puella, quærit  
amputare, non saltare, discurret fera, non femina,  
spargit jubar per cervicem, non capillos. Expen-  
de singula, & in iis inclusa damna peccati: &  
exclamabis, Domine, ut videam.*

*Sensus Anagogicus.* Sic, sic miseri perimus! &  
pericula nostra contemnimus, atque à beatif-



fima æternitate facilè decidimus. Coram Gal-  
 liæ Rege, virtutes, choreas agebant. De his,  
 quid sibi placerent, interrogatus Urbanus VIII.  
 ad Regem tunc legatus: *Bonus*, respondit,  
*chorus, sed periculofus*. Talia sunt lætantium ho-  
 diè gaudia, tales saltus, tales choreæ, tales  
 chori. Nimiùm, ah nimiùm, periculofi! quan-  
 quam multis aliquantum videantur boni. No-  
 tæ prudentiæ, & ætatis venerandæ vir, con-  
 dictum à Dæmone cum DEO agebat, ut totius  
 anni diebus DEO facratis, tres dies Quinqua-  
 gesimales fuis ufibus concederentur: durâsse-  
 que id pacti, donec Societas Jefu in mundo  
 compareret: quæ, excitatis, illis ipfis diebus,  
 fingularibus pietatis exercitiis, ac propositis  
 indulgentiis, Diabolo fuam portionem eripe-  
 ret. At quod laudi Societatis tribuitur, liben-  
 ter aliis, ex communi genio, conceffero. Illud  
 veriffimum eft, planè hos dies, DEO, per  
 homines eripi, & Dæmoni vendicari. Alias  
 itur: hîc ruitur ad infernum. Placet etiam præ-  
 cipitari à fociis familiaribus, vicinis, etiam  
 ignotis. O fi oculi noftri aperirentur! O fi pe-  
 ricula falutis clarè paterent! pluribus nos pro-  
 fectò hoftibus circumdatos videremus, quàm  
 advertère Syri, percuffi ab Elifæo cœcitate,  
 4. Reg. 6. & in mediam Samariam inducti. Do-  
 mine ut videam! & ut videamus in bonitate ele-  
 ctorum tuorum: ad lætandum in lætitia gentis tuæ,  
 Pfal. 105. 15.



# MODUS IV.

SECUNDUM unum tantum, ex prædictis sensum, sententia explicatur: sed ipse sensus geminatur, aut multiplicatur: vel moralem sensum, ad diversam circa mores instructionem, referendo: vel Allegoriam, ad diversa fidei documenta, & sic de aliis. E. g. dicturus Dominica 4. post Epiphaniam, inquirere posses: Cur ascendente Jesu in naviculam, *motus sit permissus in mari*. Julius Cæsar, nauclero inter fluctus trepido. *Ne, inquit, timeas, Cæsaris fortunam vehis*. Nec navi, in qua Christus melius conveniebat, & ecce *motus factus est in mari*, Matth. 8. Dat causam Allegoricam D. Hier. in gloss. Strab. *Qui magna fecit in terra, transit ad mare, ut & ibi faciat, & Dominus maris ac terræ appareat*. Dari etiam altera posset, id; ut doceret, nec in Ecclesiæ navi, nec in rebus publicis, nec in homine signum esse absentiae divinæ: si fluctuare & turbari permittatur. Jud. 6. ait Angelus ad Gedeon: *Dominus tecum virorum fortissime*. Dixitque ei Gedeon. *Obsecro mi Domine, si Dominus est nobiscum, cur apprehenderunt nos hæc mala omnia?* Cui Angelus propositum persequens: *Vade in hac fortitudine tua, & liberabis Israël*. Ecce turbatio, & tamen Dominus præsens. Plures sensus facile quærenti occurrent.

## Dominica II. Adventûs.

*Cæci vident, claudi ambulant, Matth. 4*

**A**ccessus, & Propositio. Magnæ Joannis legationi gravissima Christi data est responsio, eaque rerum, & miraculorum. *Euntes inquit, dicite Joanni, cæci vident, claudi ambulant.* At non hoc videtur quæsitum, verum illud: *Tu es qui venturus es?* Latet hîc, procul dubio, mysterium, quod jam expendemus.

Confirmatio per sensum geminum  
moralem.


*Sensus primus moralis.* Nullo judicio hominem melius agnoveris, quàm ex operibus. Ne crede titulis, ne crede nominibus: larvæ sunt, umbræ sunt, & præter verba, nihil sæpe solidi habent, Tertull. cap. 4. de exhor. Casti: tribuit operibus *Prophetiæ efficaciam*. Prophetia duo potissimum habet: alterum, quod occulta enunciet: alterum, quod sine falsitate enunciet. Tales sunt Prophetiæ operum. Celent se lupi sub pellibus ovium; ignobiles animæ sub serico Patritiorum; dejectæ mentes sub purpura Principum. Opera interroga, & pandent dolos, atque rem sincerè edisserent. D. Hieronymo somnianti, persona gravis flagello armata apparuisse perhibetur, ac inde quæsisisse quis esset? Cum ille affirmasset: se Christianum esse. Ciceronianus magis es, inquit, quàm Christianus ( quod ætate florida  
lectio-



lectioni ejus majori diligentia incumberet ) atque idè tot plagis tamque gravibus affecisse , ut evigilans magno sibi cum sensu à Cicerone, ad stylum & lectionem, Christiano digniorem, se referret. O quot sunt, qui si nunc interrogentur : Tu quis es ? respondebunt, Christiani sumus. At interroga opera eorum, & audies dici : Hic totus Bacchus est ; ille Epicurus ; ille Machiavellus. De his D. Augustin. ferm. 50. *Multi postes habent signatos ( scilicet cruce ) & intus non manet habitator. Facile habent in fronte signum Christi, sed non recipiunt in corde verbum Christi.* Unde & eosdem alloquens cap. 6. in Joan. *Non audio quid sonet, sed video quid vivat. Opera non loquuntur, & verba requirimus? Quis malus, non bene vult loqui? Opera, hominem quis sit, optimè indicant: atque idè operibus Christus Joanni respondet, ut jam de ingratis Judæis, Joannes inferret, quod deinde ipse Servator asseruit Joan. 15. 24. Si opera non fecissem in eis, quæ nemo alius fecit, peccatum non haberent.*

*Secundus Moralis sensus.* Neque id solum nos Dominus docere voluit, verum ingens & excellentissimum persuadendi artificium, Concionatoribus, & Magistris, exemplo tradidit: quod est, doctrinam probare factis, & præcepta firmare vitâ, scilicet, *verba habent suadetam*, inquit Clem. Alexandr. *exempla violentiam, nec tam videntur suadere, quàm cogere*, 2. Stromat. II. & Joan. 5. clamat Servator : *Opera quæ ego facio, testimonium perhibent de me,*  
&

& Joan. 10. Operibus credite, & ejusdem 14. propter opera ipsa credite. Magnam igitur injuriam facit magistro, qui se discipulum fatetur ejus, cujus non sequitur institutum, ait Chrysost. serm. 94. qui verbis prædicat, & opera non curat, qui una manu ædificat, & altera subruit. Quid adeo simile? loquitur ironice Tetull. in Apollog. c. 46. Philosophus, & Christianus? Græciæ discipulus, & cæli? famæ negotiator, & vitæ? verborum & factorum operator? rerum operator, & destructor veritatis? interpolator & integrator, furator ejus & custos? Multi tamen his similes evadunt, qui non satis meminerunt, vivam eruditionem ad mortuam adjungi oportere. Isid. lib. 1. epist. 396.



## MODUS V.

SENTentiæ assumptæ diversæ lectiones adferrentur. v. g. Vulgata, Septuaginta, Hæbrea, & secundum singularum sensum, res assumpta probatur. Sic illud Sapient. cap. 4. *Consumatus in brevi, complevit tempora multa.* Commodissime attribui potest B. Aloysio Gonzaga Societatis JESU. Nam alii vertunt: *Consecratus in brevi*; & hoc convenit vitæ ejus in pueritia innocentissimæ. Alii, *Immolatus in brevi*, & hoc servit vitæ religiosæ, per quam se DEO immolavit. Alii, *Consummatus in brevi*, & hoc refertur ad perfectionem ejus in religiosa disciplina. Alii, *Gloria & honore coronatus*

natus in brevi: & hoc complectitur sanctitatis  
ejus publica variâque testimonia. Mihi sit pro  
more ex Evangelio.

## P R A X I S.

In festo Annunciationis B. V. MARIÆ.

*Ave gratia plena, Luc. 2.*

**A**ccessus & Propositio. Salutare exemplo Di-  
vi Archangeli B. V. Mariam, an ei gra-  
tulari hodie debeam, merito hærerem? nisi  
dubium affectum sacra pagina componeret.  
Hæc scilicet, cum ejusdem spiritus instinctu,  
*Ave & Gaude*, Virgini Deiparæ, juxta vulga-  
tam & Græcam versionem deerat; Avere ho-  
diè per nos, & Gaudere beatissimam Virginem  
velle videtur: id est, ut humiliter eam exem-  
plo cœlitum salutemus, & sincerè inenarrabi-  
lem novi gaudii congratulemur materiam. A-  
gamus pro posse utrumque.

Confirmatio ex sensu Vulgatæ,

*Ave, & ex Græco Gaude*

Narrat Burgsesius ex D. Anselmo, beatissi-  
mum hunc, & capacissimum hymnum, *Ave*  
*gratia plena*, continuò à cœlestibus Hierarchiis,  
secundum illud, Sanctus, Sanctus, Sanctus,  
Seraphicum decantari. Innumeris insuper mi-  
raculis constat, gratissimè à D. Virgine sæ-  
pius acceptatum. Utinam his, aut illis voci-  
bus, nostra salutatione adjungamur: interea  
dum dignas non possumus, quas valemus,  
dela-



delaturi laudes, humiliter ante pedes tuos adstrati. Angelicum tibi ô Virgo inchoamus.

*Ave.*

Ave r. quia per tuum *Ave* nos liberas à *væ*, quo tot sæculis mundus premebatur. Ferales literæ, diversis diversæ fuerunt: istæ, omnes malè, multaverunt, cum mater Eva, prius natos perimeret, quam pareret. Mutatur jam Evæ nomen per Ave, & *væ* inveteratum auferitur, totique mundo libertas desiderata restituitur. Floro Authore, cum Romani apud Gallos urbem & obsessum Capitolium redimerent, nec Pondus auri libram æquaret, ingeminatum est à victoribus, *væ* victis. Nulla vox hactenus in orbe frequentior, atque gravior, cum datis hosti per peccatum manibus pretium redemptionis, apud nos non inveniremus, quàm *væ* victis? Cedit tamen hodie *Væ* Angelico Ave, cedit Mariæ salutatæ. Igitur ô Virgo Ave!

Ave primò, AVE & iterum, quia gratia plena Dominus tecum. Quantum enim cum Bernardo conjectare licet: ideò gratia plena diceris, & mox Spiritus Sanctus superventurus nunciatur, ut abundes, & superabundes, ac de plenitudine tua, secundum Filium tuum participemus omnes, 3. Regum 18. Cum clausum triennio cælum, referandum esset, misit Helias puerum suum versus mare: quo, cum secundò reversus fuisset; *Ecce nubecula parva, quasi vestigium hominis, ascendebat de mari.* Tum verò Elias: *Funge currum tuum* dixit ad Achab,

Achab, & descende, ne occupet te pluvia. Pluit denique atque illa nubes arentem terram felicissimè recreavit. Nonne clauso propter peccata cœlo, totus orbis non tam triennio, sed multis sæculis aruerat? Nonne, diu non exauditus, clamabat? *Rorate cœli desuper*, Isa. 45. Ecce hodie nubecula parva, quasi vestigium hominis apparuit. Imber igitur, qui recreet universam terram sperandus. Sed quæ hæc nubes? quod quasi vestigium hominis? Nubem illam intellige, de qua Lucæ 1. *Spiritus Sanctus obumbrabit tibi*, & vestigium quasi hominis agnosce: cum audis: *Ecce concipies, & paries filium*. Vestigium dico, quod nunc primum, figit in utero Virginis, DEUS HOMO, & inde quasi homo: non quod nasciturus de Maria Christus, homo verus non sit: sed quod verus DEUS & homo, inexplicabili modo in Virgine concipiatur. Feliciter interea res nostra agitur. Rorant exauditi cœli, & nubes pluunt justum, per quem omnes irrigemur, recreemurque. *Ave Maria, gratia plena tantorum bonorum felix causa.*

Ave & Gaude. Ecquis omnes ut salutandi, ita, gaudendi enumeret rationes?

GAUDE 1. Quia hodiè mater DEI facta es. Hoc privilegium consortium non habet nominis, neque dignitatis S. Th. 1. part. q. 25. artic. 6. ad 4. *Beata Virgo, ex hoc, quod est mater DEI, habet quandam dignitatem infinitam, ex bono infinito, quod est DEUS: ut nihil ex hac parte possit melius fieri ea, sicut non potest aliquid melius fieri DEO.*

GAU-

**GAUDE 2.** Quia Mater facta, Virgo permansisti. Tanti hoc erat, ut ipsa quoque denunciata obstupescens conceptionem, interrogaret. *Quomodo fiet istud? Qualis Pater in æternitate, talis Mater in tempore*, inquit Augustinus in Nomine Mariano. Pater sine Matre, Mater sine Patre: Pater Virgo, Virgo Mater. Immo Pater, prima Virgo, ut sancti Patres Græci loquuntur, & Mater Virgo prima in terris: cum illa prima voverit virginitatem, non exemplo humano, sed magisterio Spiritûs Sancti edocta. Hinc sponsus Cantic. 2. *Sicut lilium inter spinas, sic amica inter filias Adæ.* Nam sicut lilium ex eadem terra cum spinis oritur, nec tamen spinarum vitium trahit: ita B. Virgo filium verè concipit & parit: nec tamen corruptionis & partus vitia sentit. Sicut lilium à contrariis magis commendatur: ita beatæ Virginis maternitatem cum virginitate conjunctam, matres dissimiles, magis commendant. Sicut lilii pulchritudo spinis præcellit: ita D. Virginis maternitas aliis comparata, longè illas odore sanctitatis, colore castitatis, decore integritatis superat.

**GAUDE 3.** Quia mater DEI facta omnium creaturarum Domina es effecta, & ut talis ab Angelicis choris hodie consalutata, ad Heb. 6. *Et cum introducit primogenitum in orbem terræ, dicit: & adorent eum omnes Angeli ejus.* Factum est omnino, ut hodiè Verbum caro, DEUS homo; in utero virginis, à cœlestibus spiritibus adoraretur, ac etiam ipsa beatissima Virgo ma-



magnificaretur? *Quis Deum non honoret in Virgine? Qui Virginem Dei voluit esse genetricem, reparatricem sæculi, lucem mundi.* Ildefon. in Nativ. B. V. si scabellum pedum Dei magnificandum, quid thalamus & sacratissimum tabernaculum? Honor matris, gloria Filii. Quæ admiratio incredenda Angelos incessisse? cum illum in utero matris humilem adorarent: cujus contemptor Apostata, è cœli alto, in inferos detrusus? quæ deinde, post admirationem, veneratio & tanti nati, & tantæ matris? Verè non minora in exigua Virginis cella, quam olim in cœlo dum primum incarnatio revelaretur, exacta ministeria: sed nec minor Angelorum lætitia, neque inferior cultus. Gaude igitur MARIA Virgo, de tanta tui Filii & tua dignitate, & duorum gaudiorum merito, nostros mærores leva. *Nunquid enim, quia ita Deificata, nostræ humilitatis oblita es? Nequaquam Domina. Non convenit tantæ misericordiæ, tantam miseriam oblivisci, quia, etsi subtrahit gloria, revocat natura, neque ita es impassibilis, ut sis incompassibilis.* Petr. Dam. serm. de Nat. beatissimæ Virginis.

\*\*\*\*\*  
 \*\*\*\*\*  
 M O D U S VI.

SENTENTIA Evangelii in sua membra distrahitur, quæ membra singula seorsum explicata totam conficiunt Orationem; e. g. Dom. IV. Adventus supra illa verba Lucæ 3. *Parate*

C te

*te viam Domini, rectas facite semitas ejus.* Primò ageres de viis Domini parandis, quæ juxta D. Bernard. debent esse *pulchræ, rectæ, plenæ, planæ*: tum de semitis, per quas intelligi possunt arctiora consilia, inspirationes, lumina: quemadmodum & viæ diaboli sunt apertæ peccata, semitæ autem sunt majori furo boni illitæ: ut usuræ palliatæ, simonia, jus ad res alienas prætensum, &c. Sit interea

## P R A X I S

## Dominica VI. à Pentecoste.

*Misereor super turbam, quia ecce jam triduo sustinent me, nec habent, quod manducent.* Marc. 8.

**A**Ccessus, & Propositio. Totum hodiernum Evangelium singularem amantissimi JESU spirat pietatem, quam potissimum produnt assumpta verba: *Misereor super turbam.* &c. illis proinde devotè expendendis insistamus.

**Confirmatio per membra sententiæ seorsim expensa.**

Primum Membrum. *Misereor super turbam,* inquit JESUS. O dulce Cor! quis hujus tantæ miserationis dulcedinem satis intelligat? quam exprimens Græcus textus utitur voce *Ἐκλαγίζομαι*, quæ significat: *Ex intimis visceribus compatior.* Narrat B. Pontifex, Clemens Romanus, Petrum Apostolum eò lachrymarum abundantia processisse, ut genæ copia defluerent.

fluentium guttarum exederentur, perpetuis earum vestigiis continuò in facie durantibus. Causam verò rei non solum pœnitentiam de admissa negatione assignat: verum etiam quòd D. Apostolus non posset reminisci pietatis, & suavitatis Domini, qua cum suis agebat sinè intima commotione. Nam ut necessitatibus etiam minimis maxima charitate provideret: dormientes quoque, ac per prata de via stratos, ipse obibat: atque si incommodè decumberent, caput sublevabat: componebat fessa membra: aliàque id genus officia, mira suavitatè præstabat. Particula hujus pietatis hodierno exemplo proponitur: est autem ingentis flammæ documentum, quo misericordissima ejus viscera in nos feruntur. Paucis hinc annis abiit è vita Pater Nicolaus Lancicius, Societatis nostræ, vir famâ virtutum per multas provincias clarus. Hic suis solitus dicere: Multos severo nimium de Christo judicio, atque inde secutâ diffidentiâ, multa cœli munera à se arcere. Non ergo, inquebat, est Christus, Tiberius oculis scintillans, non Marius feriens vultu, sed parens benignissimus, nostrique amantissimus: ac non nisi coactus, aliam, quàm Patris personam sumit. In revelatione D. Brigittæ legitur, Christum Dominum eum vultu ipso dulcedinem speciei prætulisse, quòd homines tristes, & afflicti, dum solatia in adversis quærerent, soliti sint dicere: *Eamus, & videamus Mariæ Filium*: atque inde solo ejus aspectu recreari credamus: & affli-



Etī, plenā spe ad eum confugiamus : Atterent peccata ? ne simus Caini , sed è contra dicamus : Major est misericordia tua , quàm peccata mea. Nicolaus Radivillus Dux in Nievicz & Olyka , Palatinus Vilnensis , sepulchrale Epitaphion , vivus poni curavit, in quo ipsi de marmore rudi , & in habitu peregrino sculpto , subscriptum. *Peccantem me quotidie, & non pœnitentem timor mortis conturbat me.* Tum ab ore procedunt verba ex Job. cap. 13. desumpta : *Etiam si me occideris, in te sperabo.* Rectè iudicatum. Difficilè est , quin nos peccata non turbent , sed si mors subeunda , in sinu Patris subeunda , aut in collo Matris , in quo *manus appendit, qui se Deo plenè commisit* , inquit Anselm. quod est dicere : *Etiam si me occideris, in te sperabo.*

2. Membrum sententiæ : *Ecce triduo sustinent me, nec habent, quod manducant.* Nulla tempora , nullâque opera apud Deum certiùs notantur , quàm sustinentiæ tentationum , laborum , tribulationum , mortificationum , Daniel. 10. v. 12. ad Prophetam Angelus. *Ex die primo, quo posuisti cor tuum, ad intelligendum, ut te affligeres in conspectu DEI tui, exaudita sunt verba tua.* Apoc. cap. 22. *Scio opera tua, & laborem tuum, & patientiam tuam,* Psal. 138. *Domine probasti me, & cognovisti me : quasi non nôisset, antequam probâisset.* Matth. 25. *moram facienti Sponso, defecerunt lampades Virginum : quibus reparatis, audire nihilominus coactæ nescio vos.* Quid ita ? nunquid error emendatus non est ?

aut

aut non instanter petunt, ac pulsant? Non vult eas nōsse, quæ tempore tentationis (hoc est, moram faciente Sponso) defecerunt: atque horâ tribulationis, inter sponsas non sunt notatæ; Cocles Horatius vulnere ab hostibus suscepto claudicans dicere auditus. *Quoties passum figo, triumphos meos numero.* Quàm felicius eosdem figit vir pro DEO sustinens? quàm melius ejus triumphî à cœlo notantur? expertus id devotus Senio, de quo VV. PP. Erat illi fons aquæ à Cella pluribus stadiis remotus: ad quem aliquoties indiem descendere molestum visum. Cogitare igitur de cella fonti admovenda: atque sub ea ipsa cogitatione, morosius ad fontem progredi: cum retrospiciens vidit Angelum, passus suos numerantem, monitusque est, ne porro à labore suscepto desineret, singuli enim, inquebat Angelus; tuæ patientiæ, & mortificationis gradus ad præmium cœlo inscribuntur. Joan. 16. quemadmodum & locis aliis, tempus Passionis suæ, horam suam, Christus appellavit. Si hora patiendi hora Christi est, hora quoque Christiani eadem censenda: neque id rursus, ideo solum ut membra capiti comparantur: sed etiam ideo, quia cœlis, ut illi debita, asseritur. Concludat Tertul. lib. de Patient. asserens: *Patientiam misericordiæ Matrem, & Deum ejus debitorem*, unde subdit. *Si injuriam penas eum deposueris, Ultor est: si damnum, restitutor est: si dolorem, medicus est: si mortem, resuscitator est. Quantum Patientiæ licet, ut Deum habeat Debitorem?*

# MODUS VII.

**S**ingula verba sententiæ singillatim expenduntur, & ad instructionem salutarem Auditorum referuntur. Sic e. g. die tertia Paschatis, expendi possent illa verba Lucæ 24. *Stetit JESUS in medio discipulorum*: Stetit scilicet ut se surrexisse è sepulchro demonstraret: stetit, ut morem Divinum, quo afflictis adstare solet, clementer probaret: stetit verò in medio, ne alicui Apostolorum particulariùs se admovisset, non communem fructum resurrectionis quispiam metueret. Sic cor *in medio* hominis constitutum, hominem animat. Sic Sol *in medio cæli* omnibus lucet. Stetit denique *in medio discipulorum*: ut in magisterio faceret nos discipulos, & doceret, medium semper tenendum, scilicet: *in medio virtus*. Nec nil, nec nimium: *medium tenuere Beati*. Tene medium, ait Bernar. *si non vis perdere modum, in te consiste*. Locus medius tutus est. Medium sedes modi, & modus virtus. Nec Angeli sumus, nec bestię, nec nimium sapimus, nec jumentis per vitia æquemur, in nobis sistamus.

## P R A X I S.

Feria II. à Pentecoste.

*Sic Deus dilexit mundum, ut Filium suum unigenitum daret.* Joan. 3.

**A**cceffus, & Propositio. Prodigiousa hæc prorsus est dilectio, cujus rationem nôsse, ut

ma-



maximè interest: ita eam, verbis ipsis inclusam, deprehendere mihi videor. Singula igitur attentè expendamus.

### Confirmatio, per Verba Sententiæ expensa.

Primum verbum, *Deus*. An ergo fortassis Deus, quia Deus est, & Rex, Princépsque summus hoc egit? ut ii, quos salvaret, sibi famularentur, se laudarent. Principes enim terræ, quò majores sunt, majori egent famulatu. O miseram hominum egestatem! quorum nec potentia cogitari potest, quin occurrat inopia. Job. 38. *Accinge lumbos sicut Vir*, ait Dominus, *interrogabo te, & responde mihi? ubi eras, quando ponebam fundamenta terræ?* Nusquam dubio procul, & nihil eramus. Deus autem noster, hoc erat, antequam creati essemus, ait Cyril. quod etiam nunc est, & nihil ei attulimus. Psalm. 114. *Omnia, quæcunque voluit, fecit.* Super quæ verba D. Aug. *Causa omnium, quæ fecit, voluntas ejus est. Facis tu Domum, quam si nolles facere, sine habitatione maneres: necessitas te cogit facere, non libera voluntas. Facis vestem, quia si non faceres, nudus ambulares: ad faciendam vestem necessitate duceris, non voluntate. Deus omnia bonitate fecit, & nullo, quod fecit, eguit; Declarasti justitiam tuam*, inquit Doctissimus Leg. lib. 1. de Perfection. Divinis. contra peccatum, quando tot millia Angelorum propter unum peccatum è cælo in tartarum deturbasti, & æternis suppliciis subjecisti, nulla spe veniæ relicta. Non tibi cordi fuit, quòd il-

li essent tanto numero, tantâ naturæ excellentiâ, & pulchritudine, tanto ingenio, ac rerum notitiâ præditi: nec curâsti omnem laudem, benedictionem, gratitudinem, honorem, & Gloriam ab illis tibi in omnem æternitatem proventuram: si illis hanc culpam condonâsses. Abi miser homuncio, & quemadmodum tui indigus esse non potuerit, qui Angelis non eguit, conclude: ac cum Ps. exclama Psal. 15. *Bonorum meorum non eges*: atque cum August. solil. 16. *Laus tua tu es, beatitudo tu es, felicitas tu es, Majestas tu es, Divitiæ tu es.*

Secundum Verbum, *Mundum*. Ejus ergo aliqua dignitas, aliqua pulchritudo, ac eminentia spectari poterat quæ DEUM Dominum ad tantum opus permoveret? Sed si Cæli non sunt mundi, in conspectu ejus Job. 15. quam immundus sit necesse mundus, terra, limus, lutum. E Sodomitica Regione. ait: Orof. lib. 1. cap. 5. *Apparet forma Regionis, sed invenitur Regio cineris.* Talis omnino mundus est, præsertim in oculis DEI, unde & Job. cap. 31. *Memoria vestra comparabitur Cineri*: Hebræi legunt *memoriæ vestræ, sermones vel parabolæ cineris.* Quid hîc dignum DEO, quid par ejus dilectioni? Victor Antiochenus explanans illud Marc. 2. quod intraverit Dominus domum Zachæi subdit. *In qua præter unam Patris Familias penitentiam, nihil prorsus boni reperit.* Quam longè aliter decerneremus, si illa domus nobis spectanda proponeretur: domus utique hominis opulentissimi? Alius laqueata palatia, aurea  
alius

alius peristromata, marmoreos alius laudaret parietes. Christus præter unam poenitentiam, nihil boni comperit. Pari ratione fallimur, dum mundi honores splendorémque suscipimus, qui coram DEO nulli sunt: unde, & qui maximi à nobis habentur, nimirum Regum & Principum: DEO Isa. 14. Strips inutilis, pollutus & obvolutus vocantur, & 3. Reg. 14. Fimus, & Psal. 82. Jer. 9. 1. Machab. 2. Stercus terræ: unde & Paulus divino judicio suum confirmans, *omnia arbitratus ut stercora* ad Philip. 3.

Tertium Verbum. *Unigenitum filium suum.* Hoc quidem certè non solum non videtur suggerere causam dandi filii, sed tollere. Quis enim filium? quis filium unigenitum? quis filium unigenitum DEI, pro mundo speret tradi? Hinc Apost. 1. ad Cor. 1. *Christum crucifixum, Judæis dicit, scandalum, gentibus stultitiam* Habac. c. 3. Domine, inquit, *audivi auditionem tuam, & timui. Domine opus manuum tuarum, in medio annorum vivifica illud.* Auditio, ad quam Propheta expavit, est præceptum mortis Christi, & ideo opus manuum ejus, in cruce pro nobis expansurum. Quantum autem, & quale sit, tunc capiemus: cum in medio annorum, vivificabit illud, id est, inter tempus & æternitatem: quando venturo ad judicandum Domino, apparebit signum filii hominis, & plangent omnes tribus terræ: flentibus malis; præ horrore conspecti signi: & bonis præ gaudio, admirabiliter dispositæ redemptionis suæ. Ni-





etum est modo tertio. Est autem Allegoria Rhetoricè sumpta, quando res sub similitudine tractantur: non rem rei assimilando: sed posteaquam similitudinem convenientem assumpsimus: ita de similitudine assumpta agendo, ut facile Auditor intelligat, quid de re, sub similitudine comprehensa, dicere velimus. E. g. ad Verba Marci 16. quibus significantur, mulieres ad sepulchrum Christi venisse *Orto jam sole*, agere posses de Christi resurrectione sub similitudine solis Orientis, explicando, quemadmodum solis ortus omnibus gratus ac salutaris contingat, obscura illustret, abscondita pandat, mundum serenet, radiorum claritate facile se ubique insinuet: quæ omnia, & singula Christi Resurgentis attributis, conveniunt: Similiter si ad illud Evangelii Matth. 9. *Non est opus valentibus medicus*, commendares poenitentiam, sub ratione medicinæ, non difficilis, certæ, sumè necessariæ, &c. ita de medicina loquendo, ut facile intelligere possit Auditor te de poenitentia loqui.

Sunt autem nonnulla, maximè à Tyronibus in hoc genere dicendi vitanda: 1. ne Allegoriæ, coram auditore inerudito, & ex plebe coactò, venditentur. A tali enim hominum grege, non intelliguntur: quod si non intelliguntur, nullum fructum faciunt. 2. Ne exortæ leves, audaces, similitudines assuman-  
tur, ut si dicas, monstrabo solem, gladio fuc-  
cinctum: id est, Christum prædicantem; ine-  
ptum ac invitum est. Quamvis enim Christus

D. *sol* in scriptura appelletur, & verbum ejus *Gladius*; solem tamen accingere gladio, nisi illi humeros, lumbos, ac manus attribuas. Ineptum est rursus dicere: Agam cum Christo jure, ante Tribunal Patris, quod nos contra promissa sæpius non exaudiat: quod leve, audax, denique insolens est. 3. Ne Allegoria assumpta facile deferatur, ne ab incendio concludas. Unde non solum cogitandum, quid de re dici possit: sed insuper, quid de re, sub similitudine assumpta dici debeat: ut si de Christo sub similitudine solis agas, non solum illa erunt adferenda, quæ Christo conveniunt, Sed quæ Christo ut soli conveniunt. Memini quempiam concionatorum die SS. Philippi & Jacobi, hanc propositionem orationi præfixisse: Comperi duos peregrinos ad nostram civitatem venire. Ibo obviam, & quid novorum ferant, requiram. Ex hac propositione, sequi oportebat, ut tractarentur laudes SS. Apostolorum, sub similitudine peregrinorum: sed ille orator multa de Apostolis, nihil de peregrinis, atque de itu obviam locutus, rem conclusit. Hinc non nemo ad alium, Quomodo contigit, ut hic orator peregrinos præteriret? Retorsit alter: nil mirum esse. Aliâ enim portâ peregrini urbem ingressi, aliâ concionator egressus. Ita plurimis evenit, hunc modum incautè tractantibus; cui errori ut facilius occurratur, primum puncta in quibus similitudo cum re convenit, tyro colligatum, singula seorsim tractet, roboret, ampli-



amplificet: Interferi tamen possunt, & debent, verba rem ciarè explicantia, ne Allegoria obscura evadat.

### PRAXIS.

Dominica quinta post Epiphaniam.

*Sinite utraque crescere ad messem.* Matt. 13.

**A**cceſſus & Propositio. Quis Paterfamilias, quis ager, qui mēſſores, quid mēſſis, explicuit ipſemet, donum à concione veniens; Salvator: & dixit, *Qui ſeminat bonum ſemen, eſt Filius hominis.* v. 37. *Ager autem eſt mundus, bonum ſemen, hi ſunt filii Regni. Zizania autem filii ſunt nequam. Inimicus autem qui ſeminavit ea, eſt diabolus. Mēſſis verò conſumatio ſæculi eſt.* Ad hanc mēſſem omnes nutrimur, atque adoleſcimus. Mēſſis ſæculi, conſummatio ſæculi eſt; & mēſſis noſtra, conſummatio noſtra in ſæculo eſt. Eja, autumnum nobis faciamus, & mēſſem humanam tantisper contemplemur, ut ejus ſpectaculo, fortis noſtræ admoneamur.

Confirmatio debet conſtare deſcriptione & explicatione convenientium mēſſi proprietatum: quæ pariter morti hominis conveniunt.

*Prima Proprietas mēſſis & mortis.* Si qua in re obliſioſi homines ſumus, ea eſt conditionis humanæ, & fragilitatis obliſio. Nati mortales, immortales non fingimus: neque id ideo, ut ad immortales curas, animo extendamur: Verum à mortalitatis cogitationibus  
ſalu-

salutaribus, memoriam avocemus. O vana spes, atque sæpè damnosæ, semper falsæ! vi-  
 reat herba vere, maturescat æstate; successu  
 autumnus succedat messis. *Metendæ sunt fruges*  
 ait Euripid: *sic jubet necessitas*. Necessitas, quæ  
 libertatem tollit, leges non admittit, omni-  
 bus imperat, omnia vincit. Naturam vincit.  
 Naturam rebus, ut dare, ita tollere non pos-  
 sumus. Naturam porrò rebus auferat necesse:  
 quæ neget naturæ autumnum, autumnus mes-  
 sem. Apoc. 14. v. 14. *Et vidi, & ecce nubes*  
*candida & super nubem candidam sedentem similem*  
*filio hominis, habentem in capite suo coronam auream,*  
*& in manu sua falcem acutam. Et alius Angelus*  
*exivit de templo, clamans voce magnâ, ad sedentem*  
*super nubem: Mitte falcem, & mete, quia venit*  
*hora, ut metatur. Vide Messorem. Filius ho-*  
*minis est: qui Joel. 3. edicit: Erumpite, & ve-*  
*nite omnes gentes de circuitu, & congregamini: ubi*  
*occumbere facit Dominus robustos tuos. Additque*  
*Mittite falces, quia maturuit messis. Nemo hîc ex-*  
*cipitur, omnes adesse jubentur, omnes falci-*  
*bus subjiciuntur: unde & coronatus apparet,*  
 quia omnium victor, omnium succisor.

*Secunda Proprietas.* Nullæ fruges, à messis  
 debito eximuntur, nulli homines, à debito  
 mortis. Dum spica sit, falci paratur. Imo  
 nobiles, adultæque spicæ, citius messorem  
 provocant, quàm viles: quanquam dum mes-  
 sis urget, neutris parcitur. Lex olim terræ  
 sanctæ fuit; Levit. 23. ut primitiæ messis,  
 DEO sacrificarentur: lex universæ terræ est,

ut

ut omnes fruges metantur. *Es. 17. Et erit in die illa, attenuabitur gloria Jacob, & pinguedo carnis ejus marcescet, & erit sicut congregans in messe, quod restiterit, & brachium ejus spicas leget, & erit sicut quærens spicas in valle Raphaim.* Ecce quâ diligentia DEUS spicas colliget, ne speret aliqua, se posse manus ejus evadere. Sileat Raphaim, gigantes, robusti, potentes, fileant & medici, (utrumque enim Raphaim interpretatur) vetus hic illud verissimum. *Contra vim mortis, non est medicamen in hortis, contra falcem non est herba, contra DEUM, non est homo. Statutum est, ad Hebræos nono. omnibus hominibus semel mori.* Dum herbæ parcitur, indulgentia latius non extenditur, nisi ad messem: ad messem. O Christiani Esdræ 4. 32. *Quando secatæ fuerint spicæ, quarum non est numerus, quem magnam arcam, incipient facere!* Quis ad hoc spectaculum non ploret Xerxes? quis ad hanc sortem suam, non ingemiscat homo?

*Tertia Proprietas.* Sed quomodo, & quando hæc? quæsit ibidem Esdras. *Quare modici, & mali anni nostri?* responsum datum. *Ne festines, tu super altissimam, ac rursus: Quando impletus fuerit numerus seminum in vobis, quoniam in statera ponderavit seculum, & mensura mensuravit tempora, & numero numeravit tempora.* Ut autumnus, ita messis certa est: sed nec autumnus, nec messis, nobis, notum tempus. Fit enim ut pro cæli benignitate, aut severitate; messis appropiet, aut tardet: ac insuper mul-




multæ fruges, casu vel necessitate, insperatè atque inæqualiter demetantur. Es. 16. 9. *super hoc plorabo, in stetu jaser, vineam sabama. Inebriabo te lacrymâ meâ Hesebon & Eleale, quoniam super vindemiam tuam, & super messem tuam, vox clamantium irruit.* Quod idem plorans Jeremias, dicit quod prædones irruerint. Insuperatissimi hospites, pariter ingratisissimi. Ferendus tamen quicumque casus, quæcunque manus, atque idè etiam pertimescendus spicis. Marschalcus Galliarum nobilis, gentilitiis liliis inscripserat, fuit, floruit, profuit. Hæc, optes merito, humanæ vitæ spicis inscribi: sed quot illarum Poëta accinet? *Ostendent hunc tantum fata*, quod Isai ex cap. 18. v. 4. adscribet. *Ante messem totus effloruit, & immatura perfectio germinabit, & præcidentur ramusculi ejus falcibus.* Fœcundas vos opto ô spicæ, sed & cautas! Floridas, sed & pavidas! Ante messem, omnes feremini, sed messis vestra incerta est. Diu floridæ, momento cadetis. Nunquam falx procul abest, quæ undecunque veniat. vobis succubendum est.

Quarta *Proprietas*. Sic tamen quoque felices, si quandocunque, & quomodocunque cadetis, illud Divi Ignatii Martyris vobis conveniat. *Fru mentum Christi sum*, nam cum post messem spicæ, & triticum, ad horreum Domini deferuntur, sineque suo gaudent: tum zizania, & infelices segetes colliguntur & exuruntur. Heu infelicia semina! quid vobis prodest, tam pulchro vere lætata esse?

quid

quid tam florenti herbâ surrexisse? si vinculis, & igni præda parabamini? ô quàm flos vester caducus! quàm brevia incrementa lætitiæ vestræ! Ligabimini! ut pares paribus sociemini, rapaces rapacibus, fornicarii fornicariis: *ut quos similis culpa coinquinat, par etiam poena compingat.* D. Greg. 9. Moral. 39. Ligabimini! ut omni libertatis spe recisa, æterni servitio ignis, abdicemini. Ligabimini! & in ignem projiciemini, ut levem exultationem in vitio, immensis expietis tormentis in igne. Difficile est, ne, sicut ubi fuerit triticum, non inveniatur zizania: *ita, ubicunque fuerit bonum DEI, non sit illic scandalum inimici*, ait D. Epip. Homil. 13. in Matth. finitque utraque DEUS crescere, *non negligendo disciplinam, sed habendo patientiam*, inquit item D. Bern. ser. 12. in Psal. 90. *Ceterum, aut vitis, unusquisque sit necesse, aut ignis: aut frumentum, aut tormentum.*



## MODUS IX.

CONSTAT ex Allegoria imperfecta, quando propositio quidem allegorica ponitur: in decursu tamen orationis non adeo tenaciter similitudini quidem cohæreat, vultu tamen proprio passim explicetur. Exemp. grat. dicturus Dominica 3. Quadr. ad illa verba Lucae II. *Cum fortis armatus custodit atrium suum, in pace sunt ea, quæ possidet*, proponeres, armaturum te militem Christianum, & tum porri-

D                      geres

geres illi gladium, clypeum, scutum, atque statim, quid singula significant, apertè explicares, juxta D. Paulum ad Ephes. 6. ut scutum intelligatur fides, gladius Spiritus, galea studium salutis: aut juxta alios sensus aliunde aptè petitos.

## P R A X I S.

In Festo S. P. N. Ignatii.

*Lucernæ ardentes in manibus vestris.*

LUC. 12.

**A**Ccessus, & Propositio. Dubitare minimè possumus, lucernas ardentes, à S. Ignatio, ex præscripto, ad supremum agonem conservatas, illud utilius considerari potest, quos impetus, in eo studio senserit: ut hac ratione ad virtutis ejus imitationem accendamus. Monstrabo igitur quaternos ventos, lucernam ejus oppugnantes, nullo tamen lucis damno.

Confirmatio debet constare ex assignatis quatuor ventis, lucem Ignatii oppugnantibus, per quos Allegoricè intelliguntur impedimenta vitæ sanctæ.

*Primus* igitur ventus lucernam D. Ignatii oppugnans est *Ventus Orientalis*, Ferox hic omnino, & validus, ipsisque initiis vitæ sanctioris extinguendis concitatus. Omne scilicet principium grave, quantò magis principium illud? quo simul est passus difficillimus, ad supremam perfectionem attingendam susceptus.



ptus. Ventus est, ait D. Aug. tom. 10. homil. 3. *tentatio*, & *fluctus* est. Ille utique ventus, ille fluctus, de cujus similibus Servator Matth. 7. *Descendit pluvia, venerunt flumina, flaverunt venti*, & domum viri insipientis subvertère. Nihil tamen hic ventus, nihil objectæ initiis ipsis conversionis, difficillimæ tentationes, in lucem D. Ignatii potuère. Nónne ventus ab Oriente consurgens, ætatis diu in sæculo militariter actæ, impetus? Nónne ventus ab Oriente consurgens, literarum perdiscendarum, ad quas vir emeritæ militiæ, & annorum supra triginta aliquot, se accinxit, difficultas? Nónne ventus ab eodem Phosphoro irruens, persecutiones innumeræ, per quas & publicis in Academia pœnis propè subiectus fuit: & diro, propter exercitationes spirituales variis traditas, carceri injectus? At lucerna ejus extincta non est, adeoque inter tenebras pœnarum, & carcerum illud Senecæ in Consol. ad Helv. à luce Ignatiana emicuit. *Carcerem intravit Socrates, ignominiam loco detracturus. Neque enim poterat carcer videri, in quo Socrates erat.* Veriùs dixeris: In quo Ignatius erat, & lucem admirandæ in suscepto sancto proposito constantiæ spargebat.

Alter ventus, lucernam D. Ignatii oppugnans, est *VENTUS MERIDIONALIS*. Mitis hic, & gratus videtur, sed cui minime fidentum sit; cum vitæ sanctitati, non minus prospera (quæ per hunc ventum notantur) quam adversa obsint. Hinc D. Augustinus lib.

17. de Civitate DEI cap. 20. *Multi timent adversitatem, & non timent prosperitatem: at adversus prospera acutis vigilandum est.* Num. 10, præcipitur clangor tubarum in bello, & convivii. De bellicis tubis dicitur: *Erit recordatio vestri, coram Domino DEO vestro, ut eruamini de manibus inimicorum vestrorum.* De tubis autem convivalibus: *Canetis tubâ, ut sint vobis in recordationem DEI vestri; Ego Dominus DEUS vester.* Adverte hic duo. Alterum, quod utrobique belli signum tuba assumatur; alterum, quod non minus innuatur periculum in convivio, & prosperis: quàm in bello, & adversis. In bello enim tuba sonat, ut memoriam nostri apud DEUM mereamur. In convivio autem, ne memoriam & recordationem DEI deponamus. Non adversitas, sed prosperitas, Angelum cœlicis sedibus præcipitavit: præcipitâtque non raro, quos in cœlum virtus provexerat. Longè hoc periculum à D. Ignatio. Nihil illius lucernæ obfuit. Auster ventosus: nihil illius facilitas & suavitas. Tot extases admirandæ, tot solatia spiritus, tot visiones cœlicæ, ipsius etiam Sanctissimæ Trinitatis, inexplicabilis & clarissima conspectio: tantum in animum cautissimum, non valuerunt: ut vanam aliquando gloriæ cupiditatem, aut amorem, ad animum admitteret. Aspirabat cum his, hominum cōmunis æstimatio, Principum reverentia, religiosorum cultus, non tamen mentem ardentissimam afflatu suo læsere, non lucem minuere; ut verè

verè Ignatius non lucerna solum accensa, sed ignis natus, atque adeò inextinctus haberi mereatur.

Tertius Ventus lucernam D. Ignatii oppugnans, est ventus *AQUILONARIS*: adverteritatum, quas in Religione condenda, conservandâque sustinuit. O quot illæ, & quantæ! Pontificum Romanorum quisque, ut habet Anony. gemmam habuit, in qua sculpta D. Ignatii imago: facem unam solem versùs, alteram contra noctuam protendebat. Prioris lesma: *Te illustrat*. Alterius: *Te exurit*. Egit utrumque gloriosissimè D. Ignatius, latè per Provincias fociis dispersis, animarum commodis intentus: quod cum ageret, evenit, quod antè notaverat Homil. II. Origen. *Qui amicitias expetit JESU, multorum sibi sciât tolerandas inimicitias. Neceſsèque fuit, ut studiosus à vitiosis minimè diligeretur*: quod rursùs adducit Clem. Alex. lib. 10. c. 17. Oppugnata Religionis novitas, nomen, instituta, mores: nihilque Aquilo turbulentus non movit, quo lucem orbi illustrando ab Ignatio accensam, extingueret. Quid interea Ignatius, luminis veri felix, & indefessus tutor? & is, cui Nazianzeni elogium Orat. 28. omni merito attribueris. *Duo arripi, ac superari nequeunt. DEUS & Angelus. Tertius est Philosophus, (Christianus Religiosus) in materia, expers materiæ, in corpore incircumscriptus, in terra cœlestis, in passionibus impassibilis*. Non aliter tamen id egit: quàm Divinæ providentiæ benignâ manu, se




à vehementissimis Aquilonis turbinibus protegente quàm lucernæ ardenti appingens eruditio Aquilonem inter & facem, dexteram è cœlis demisit, adscripsitque: *Hac protectrice, luxi scilicet, & lucem meam conservavi.* Spopondit hanc dexteræ protectionem Ignatio Christus, cum se Romæ propitium fore promisit. Notavit ejus digitum Christi Vicarius, cum in Instituti laudem edixit: *Digitus DEI hic est.* Prodidisse videtur ipse Ignatius, cum interrogatus, quâ sapientiâ S. dimissa certa spe beatitudinis obtinendæ, ad pericula humanæ vitæ communia, se pro animabus Christo lucrandis, offerret, & certa incertis commutaret: respondit. *Quid securius, quàm pro DEO periculum subire?* Tali omnino animo pericula, cum Aquilonis turbine peteretur, tulit, tali eadem vicit, atque ideò constanter arsit, & luxit.

Quartus Ventus Lucernam D. Ignatii oppugnans *VENTUS OCCIDENTALIS*: ad quem referre possumus vitæ ejus occasum, à quo, minimè extincta lucerna ejus, splendet hucusque. Sunt, quorum omnia cum vita extinguuntur. Sunt, qui deficiunt, *sicut deficit fumus à facie terræ*, Psal. 67. adeoque ab eorum obitu nihil apparet, nisi fumus, nihil sentitur, nisi fœtor: tantò etiam major, quantò magis referuntur ad illud Philosophi dictum: qui interpellatus à quopiam irriforiè: *Ediffere, quot libras fumi habet hoc lignum*, respondit graviter: *Expende primum ejus cineres.*

Verò

Verè enim majores cineres , plus fumi , plus *vanitatis* , plus etiam fœtoris ferunt. Aliena tamen hæc ab omni vitæ sanctæ exitu: aliena & à D. Ignatii forte : cujus lucerna , etiam vita occidente lucet in perennaturis vitæ exemplis , lucet in sanctissimis Institutis , lucet in frequentibus admodum miraculis. Quid ajo ? cur latius lucem non pando ? Ori tur Sol , & occidit , lucerna D. Ignatii , occasus est nescia ; toto orbe , fociis pro radiis diffusis. Verè filios Ignatii filios passionis , & filios lucis dixeris. Passionis quidem , pro filiis Core , duce D. August. in Psal. 41. præferentes in nomine & re , quod Reges ostentant in diademate , scilicet crucem : & adversa fortiter sustinentes : Lucis autem ; ex monito Servatoris , ambulantes *dum lucem habent* , viam Patris sui , Joan. 12. Cum Rigenfis Urbs , Livoniæ Princeps , Succo se tradidisset ; Sanctissimo Nomini JESU consuetis literis *J. H. S.* in templo Societatis expresso , appinxere Hæretici Draconem : cujus hiantibus faucibus , hæc ad singulas literas Nominis venerandi , subjecta applicatio. I. *Jam H. habes S. satis.* Significabatur novo invento potissimum hæretici triumphi partem esse , quod Societas ex ea urbe ejecta esset. At quàm malè ludit malum ingenium , etiam cum optimè lusum existimat , draconis speciem suaptè suscepit : cujus semper vult celare animum : rictus ad devoranda sacratissima insignia expandit : quorum præfert cultum. Verùm , & quàm malè , tam fal-

so ludit. Nequaquam ejus ingluviei præda facta est Societas : adhuc Ignatianæ lucernæ faces dracones istos toto orbe terrent. Con-  
duntur interdum , ut depromptæ facilius per-  
stringant : subducuntur uni loco , ut in alte-  
ro utiliùs luceant. Hient toto ore sævi dra-  
cones , totóque efflent gutture immanes im-  
petus , Lucerna Ignatii Pharos æterna mun-  
do erit.



## MODUS X.

CONstare hic quoque ex Allegoria imper-  
fecta censetur. De natura interea non di-  
sputo , sed ad commoditatem usûs , illum pro-  
fero. Est autem , quando Propositio quidem  
orationis simplicibus verbis ponitur : Proba-  
tio autem non simpliciter , sed sub similitudi-  
ne & Allegoria tractatur. Ex. gr. si Dominica  
Sexagesimæ proponas , inquisitum te , quid  
sit causæ , quòd Verbum DEI ex se efficacis-  
simum valdè , parùm in hominibus operetur ?  
& in Confirmatione reddas rationem Proposi-  
tionis , intentâ Allegoriâ , seu similitudine  
feminis , in viam inter spinas , & super pe-  
tram cadentis : non jam explicando , quid  
per has Metaphoras intelligatur ; sed sub ipsis  
Metaphoris intentum prosequendo. Hac ra-  
tione dicendi potissimùm uti solemus , cum  
Evangelia duo ejusdem diei , aut Evangelium ,  
& aliquis locus aliunde petitæ Scripturæ , aut  
Evangelium , & Epistola combinantur.

*PRA-*



## P R A X I S.

In Die sanctissimo Pentecostes.

*Paracletus Spiritus S. &c. ille vos docebit omnia, Joan. 14.*

**A**ccessus & Propositio. Nemo mortalium ita jucundus; quin consolatore Spiritu Sancto egeat: non omnes tamen ita felices, ut eum Paracletum hoc est consolatorem experiantur. Videamus ergo, quid ob stare possit, ne nobis promissus Consolator, non sit Contor.

Confirmatio, ex combinatione Epistolæ, & similitudinum linguæ, venti, ignis, sub quibus apparuit Spiritus Sanctus.

Tres species, seu similitudines ex Actis Apostolorum censentur, sub quibus Spiritus S. discipulis apparuit: linguæ, venti, ignis: & singulæ, ut spiritum esse Paracletum monstrant: ita cur nobis non sit sæpè Paracletus, sola docent.

I. Linguæ, significant Paracletum. Sunt enim instrumenta, suadendi, dissuadendi, erudiendi, solandi. Hinc & S. Ephrem in suis orationibus linguam, *Citharam* appellat, cujus concors harmonia, plurimum homines recreat: quæ omnia sublimiori modo, linguæ, spiritui sancto conveniunt; cum illo promisso venienti: *Ille vos docebit omnia*. Si melior gutta sapientiæ, quàm donum fortunæ: sique unius rei scientia animos maximè delectat: quod

erit solatium scire sub hoc Magistro , *Omnia* : magnum omninò : sed monente Aug. tt. 9. in Joann. *Auditorem hæc lingua desiderat. Excute aurem , intende melodiam.* Quid mirum , si nihil ab hac cœlesti lingua solatii referamus , cum aures loquenti non damus ? Illa amat loqui in solitudine , & silentio Oseæ 2. 14. quemadmodum hodie locuta Apostolis : nos publicum ambimus ; illa , vult loqui , pacem in nobis. Psal. 84. Nos extra nos , turbas quærimus. D. Baptista ad prædicandum missus Joan. 1. se totum *vocem* dixit , ut auditores toties faceret *aurem*. Quidni id quoque hæc Divini Magisterii explanatrix lingua requirat ? quod , quia non obtinet , meritò in nobis perficit , à se ipsa Eccl. 31. edicta : *ubi non est auditus , non effundas sermonem.* Quid si aliis interlocutoribus , libentiùs insuper aures damus carni , mundo , dæmoni. *Zelotypus est iste sponsus* , dicebat D. Bern. de Christo in scala Claustr. §. 10. *Si fortè alium amatorem receperis , statim discedit à te.* Idem iudicium de Spiritûs Sancti Magisterio , & Consolatione esto.

2. Ventus significat itidem Paracletum. Est enim Spiritus Sanctus , ut canit Ecclesia , *in labore requies , in æstu temperies* , quam ventus causat. Neque obstat , quòd apparuerit in specie venti , seu Spiritûs vehementis. Factum id , ut impleretur Prophetæ vaticinium. Psal. 43. *In Spiritu vehemente conteres naves Tharsis.* Quid sunt naves Tharsis , nisi viri potentes , viri divitiarum , stupentes hodie in prædicatione

tionem Evangelicam? Factum id item, ut ostenderetur modus, quo in nobis solandi uti solet: scilicet afflando nos in Spiritu vehementi. Nam ut notat B. Pater Ignatius in suis Exercitiis spiritualibus: Spiritus Sanctus solet præmittere solatiis animi conturbationes: quæ deinceps in solidum gaudium definant, sicut è contra spiritus reprobis: incipit à solatiis, definit in tristitiam. Psal. 142. *Flabit Spiritus ejus, & fluent aquæ.* O dulces aquas! o pretiosas Cæli guttas! quæ sunt non solum redemptionis peccatorum, teste Ambr. sed & refectio iustorum, quando rigabitis aridam mentis meæ? Tunc, cum flabit Spiritus ejus, Spiritus vehemens, qualis solet nubes congregare: nubes utique timoris DEI, & horrois peccati: præambulæ, liberalis pluviae, solatiis animam inundaturæ. *Secundam multitudinem dolorum meorum in corde meo! Consolationes tuæ lætificaverunt animam meam,* inquit rem expertus David Psal. 93. Quid hic agimus imprudentes mortales! Vix Spiritus vehementiam sentimus, & statim nos illi subtrahimus. Nimirum ut verissimè Joan. à Kempis, frater Thomæ apud Buss. cap. 3. *Humiles esse volumus, sed sine tribulatione: obediētes, sed sine coarctatione: pauperes, sed sine defectu: virtuosos, sed sine labore: poenitentes, sed sine dolore.* Decernente contrarium, immutabili veritate Eccles. 9. *Timorem & metum, & probationem inducet super illum, donec tentet eum in cogitationibus suis:*



*fuus: & firmabit illum, ut iter adducat rectum ad illum, & lætificabit illum.*

3 *Ignis.* Hic quoque significat Paraclitum, seu Consolatorem Spiritum Sanctum, quia in igne descendit. ait Hugo de S. Victore: *ut haberet lumen, & flammam: Lumen ad cognitionem, flammam ad dilectionem.* Quò quid facilius? quid delectabilius? Nec Cœlum dabit plura, quàm, quia ibi eum videbimus, amabimus, laudabimus, ait Aug. in Soli. Sed, ut vulgò ferunt: *Sine lignis non erit ignis.* 3. Reg. 15. immolavit Elias holocaustum perfusum aquâ, quod ignis, Cœlo lapsus, consumpsit. Miracula hæc sunt Spiritûs Sancti, pro sua potentia operantis, & Magdalenas, Paulos Guielhelmos, accendentis. Cursus, & Ordo destinatus ita fert, ut sine lignis non sit ignis. *Quemadmodum lux teste Bern. in Cant. 1. in cassum circumfundit oculos cecos, vel clausos: ita animalis homo non percipit ea, quæ sunt Spiritûs Dei. Quippe Spiritus Sanctus effugiet fictum, sed nec ei erit unquam pars cum mundi vanitate: cum sit Spiritus Veritatis.* Unde idem meritò concludit de tripl. Cusco. *Omnes nobis causamur deesse gratiam, sed iustius, forsitan, ipsa sibi queritur gratia, deesse nonnullos.* Nempe, *res cordis ista gratia est, quam quærimus: & hoc munere se ipse fraudat, qui internum ei dissimulat habitaculum, exhibere.* Da cor humanis affectionibus vacuum, carnis amoribus remotum, mundo aridum, Cœlo promptum, & Spiritûs Sancti flammâ dignus eris; fietque tibi, qualis venit, Paraclitus.



sæ Majestatis, aut alterius criminis conscii, manus judicum effugere tentent: imagines eorum per urbes proponantur: quatenus ex earum expressione cogniti: Magistratui tradantur. Ecce non unus, sed novem scelesti se Christo subtraxêre. Ecce palàm requiruntur: ubi sunt? neque necessariam diligentiam eludant, imaginem vobis eorum proponam, ut agnitos ad Christum redire compellatis. Sequi deinde deberet ingratorum hominum descriptio, & veluti quædam pictura: vultûs dejecti, oculorum palpitantium, aurium surdescentium, memoriæ perfidæ, judicii stulti, cordis vesani, &c.

### PRAXIS.

In Festo Immaculatè Conceptæ Deiparæ Virginis,

*De qua natus est JESUS. Matth. i.*

**A**Ccessus, & Propositio. Triumphale hodie Festum agimus; triumphat enim innocentia de peccato; triumphat gratia de natura; triumphat Christus in Matre sua de communi generis humani hoste: venit igitur in mentem mos vetus Majorum nostrorum, vexilla in Capitoliis, & Templis in signum Triumphi, appendere solitorum. Hunc imitabor, & triplex Vexillum, Rubrum, Album, Nigrum coram vobis præsentabo, ac appendam, singula designabunt Immaculatè Conceptæ VIRGINIS Triumphos, singulisque inscribetur in-



ingens hoc maximi Privilegii Compendium :  
*De qua natus est JESUS.*

Primum Vexillum esto *Rubrum* : rubens scilicet Sanguine Christi esse , cujus meritis D. VIRGO est à peccato originali præservata , *Sine Sanguinis effusione non fit remissio* , insonat Tuba Cœli Paulus ad Hebr. cap. 2. non solum mortalium , sed neque venialium : quæ heu ! oblii sanguinei remedii verissimè admittimus : neque originalis , à quo Deiparam liberam esse , Ildefonsi sensu affirmamus : cujus verba contra Disputatores de Virginitate *MARIÆ* sunt : *Totum , quidquid in MARIA fuit , possedit Spiritus Sanctus. Quoniam Virtus Altissimi obumbravit eam. Quod si Virtus Altissimi obumbravit in conceptu , & in partu : sicut ab omni æstu libidinis libera fuit , ita ab omni pressura maledictionis , non ex sese , sed ex Virtute Altissimi. Quapropter cogitent isti Disputatores naturarum leges : cogitent & Divinarum rerum virtutem , quia non ex natura rerum Divinæ Leges pendent , sed ex Divinis Legibus naturæ rerum , & leges manare probantur.* Jos. 6. Ruente Jericho ; Rahab sub signo purpureo tuta duravit : personante inter totius vulgi gemitus , & mortes , triumphali Josue edicto : *Sola Rahab vivat.* Opresso , ab hostibus sævissimis genere humano , per originale crimen inter omnium mortalium sævissima exitia , MARIA sub signis meritorum , & Sanguinis Christi libera à peccato fuit , edicente magno JESU : *Sola MARIA vivat.* Hoc Sponsus cœlestis in illa suspiciens , Cant. 5. *Coma*  
*ejus*

*ejus Purpura Regis.* Quid comæ, nisi Principia ut rerum, ita vitæ, juxta Patres significant? Quid Palmæ, & Purpura Regis, nisi palmares Triumphos Marianæ Conceptionis, per Sanguinem Christi, ejusque Purpuram obtentos denotent? O nostram extremam egestatem! quorum vitæ principia, gratia Dei spoliata, turpē exprobrant cum nuditate paupertatem. **MARIÆ VIRGINIS** Conceptio, longē opulentissima Purpura Regis est. Appendatur igitur triumphale Vexillum, ad decus Immaculatæ Conceptionis Virgineæ, inscribatūrque rubenti ejus Purpuræ: *De qua natus est JESUS*, ut omnes intelligant: non naturæ dono, nec meritorum priorum virtute, sed meritis JESU Christi, ejusque Sanguinis, Virginem à peccato præservatam.

Secundum Vexillum esto *Candidum*, seu *album*: typus pulchritudinis, & candoris animæ illius felicissimæ ab omni peccato liberæ Æternitate satiandæ, hoc spectaculum sufficit: interea cum Ansel. exclamare par est. *O Benedicta super mulieres, quæ Angelos vincis puritate, & Sanctos superas pietate.* Cum Salomon dedicasset Templum, 3. Reg. v. 3. nebula implevit Templum Domini; quem locum expendens D. Dami. Orat. 2. de Nativitate Beatæ **VIRGINIS MARIÆ**; atque cum ipso Psal. 18. *In Sole posuit tabernaculum suum*, conferens, sic ait: *Ad illud Templum Salomonis Dominus in nebula descendit, ut communem Judaicæ infidelitatis designaret caliginem: in hoc scilicet S. MARIA*  
in

in Sole posuit tabernaculum suum, ut sedentes in tenebris, & in umbra mortis illuminaret. Templum DEI nos quoque esse Paul. 1. ad Corinth. 3. affirmat. In hoc Templum nunquam descendit Dominus, nisi caligine umbræ mortis, id est peccati originalis præcedente: in Templum Marianum descensurus, in Sole posuit tabernaculum suum. Sol Maria semper fuit, & quia Sol, semper luxit: adeoque in ipsa Conceptione. Ut lumen Solis sole ipso non tempore, sed naturâ posterius est: ita lumen gratiæ de MARIA non post tempus Conceptionis, sed in ipsa Conceptione emicuit: quamvis naturâ prius, sub debito originali constitutam, cogitare aliquis possit. Erigatur igitur secundum Vexillum innocentiae, & sanctitatis candidum, inscribatûrque illi: De qua natus est JESUS. Hæc nimirum præcipua ratio hujus tantæ sanctitatis, & immaculatæ integritatis, est dignitas maternitatis. Quid enim vitii in ejus mente, vel corpore potuit sibi vendicare locum, quæ ad instar Cæli, plenitudinis totius Divinitatis; meruit esse Sacrarium? ait Dam. Ser. 3. de Nati. Gravis nota tantæ dignitatis, egere velo oculorum, audiréque durum illud Gen. 20. Memento te deprehensam. Imò decebat, ut ea puritate, qua major sub DEO nequit intelligi, VIRGO illa niteret, loquor cum D. Anselm. de Conceptione: Cui DEUS Pater unicum Filium suum, quem de corde suo æqualem sibi genitum, tanquam se ipsum diligebat, ita dare disponebat, ut naturaliter esset unus idemque communis DEI Patris, & Virginis FILIUS.



**LIUS** : & quam ipse Filius substantialiter facere sibi Matrem eligebat , & de qua Spiritus Sanctus volebat , ut conciperetur , & nasceretur ille , de quo procedebat , hoc est : qui natus est de **MARIA VIRGINE JESUS**.

Tertium Vexillum esto. *Nigrum* : Ferale triumphatis hodie hostibus , fortunatum autem nobis signum. Vetulinus Tyrannus , Authore Bineto , organa ex ossibus hostium caesorum struxerat , quibus inscripsit. *Salvus Regum , mors hostium*. Similis nobis canticio , tot milibus annorum occinebatur , eratque saltus Dæmonum , mors hominum : donec hodierna dies illuxit , quæ innocentiam , & vitam , generi humano in D. Virgine restituta , fatalem hostibus intulit noctem. Hanc dum nigro Vexillo signamus , revocare libet factum Olgierdi magni Ducis **LITUANIÆ** , qui Moschorum Metropoli armis occupata , vexillum **LITUANIÆ** in ipso Capitolio Moschoviae defigi , in perpetuum Triumphii monumentum voluit. Quid ni ex similitudine humanarum rerum arguamus ? in ipso Capitolio , adeoque corde inferni vexillum triumphatricis innocentiae fixum , quando juxta Psal. 63. *Sagittæ parvulorum* , id est , infantum , *factæ sunt plagæ eorum* , id est Dæmonum , & confirmata est contra eos virtus eorum , virtus utique , tot sæculis trepidata , hodiernæ lucis momento elisa. Ipse certè **DEUS** , ac Dominus noster de hac victoria triumphare , atque ad spectaculum nos invitare videtur Psalm. 45. *Vacate , & videte ,*  
quo-

*quoniam ego sum DEUS, exaltabor in gentibus, & exaltabor in terra.* Materia hujus invitationis est præmissa. *Arcum conteret, & confringet arma, & scuta comburet igni:* Arcus de longè sagittat: arma cominus feriunt: scutum hostem tuetur. O vanam omnem inimici in Maria Virgine audaciam! in cujus Conceptione arcus hostium conteruntur, quia originali labe tanquam sagitta eminè missa, VIRGO MARIA non tangitur: arma confringuntur, quia in ipsa Conceptione, in gratia confirmata, actualiter peccare non potest; scuta igni comburuntur, quia rationes, naturalis originis, filiae Adam, humanæ Conditionis, Divina exceptione, & liberalitate supplentur: quod quidem illa voce significatur: *quoniam ego sum DEUS, cui scilicet natura paret.* Erigatur igitur hoc quoque vexillum, ei que inscribatur: De qua natus est DEUS, ut significetur VIRGINIS excellentia, in qua tam gloriòse triumphat de hostibus communibus, D. Noster JESUS Christus: utque amatores JESU, & MARIAE piè exultando glorientur cum Davide Psalm. 19. *In Nomine Domini nostri magnificabimur*, aut ex lectione Hebræa juxta Genebr. & Arriam: *In Nomine Domini nostri vexilla erigemus.*



## MODUS XII.

Symbolum aliquod grave, ac magnificum,  
 Figura item, aut Hieroclyphicon assumitur,  
 E 2 &

& oratione tota tractatur: Porò tractandi modus currit per explicationem Symboli, & per applicationem illius, ad rem symbolizatam: secundum partes, effectus causas, & similia, ut ex symbolo, figurave doceamur, quid sentiendum sit de re symbolizata, figurata, &c. Unde conciones imperfectæ, quæ orationi, lemma aliquod, aut picturam præfigunt: de quibus in decursu Orationis, aut nihil, aut vix verbum adferunt, per symbolum formata dici non possunt. Sunt tantum oblectamenta ingenii, aut oculorum, non verò Cibus Orationis. Exemplum præcepti nostri posset aliquis formare die S. Thomæ Aquinatis ad illud Evangelii Matth. 5. *Vos estis Lux mundi*, dando id gloriæ D. Doctori, quod sit Lux, & quidem, non minor quæpiam; Lux solis illud interea sciscitando, quid novi esset, quod id ipsum significatura Ecclesia, solem, non circa imaginem D. Doctoris, non in manibus ejus, non supra caput, sed in medio pectore pingi voluerit? Potest autem hac ratione significari primo, quod dixit D. Ambrosius: *Alia est sapientia operum, alia opus*. Sapientia operum, est tantum præscribens speculativè opera: Sapientia quæ est opus, est Practica & Sanctorum germana. Prior gaudet fulgere radiis, gestari manibus, splendere Capite, etiam cum Phaetonte mundum adusturo: Altera, Pectus possidet, quod merito osculatus dicas cum Parente Origenis, Filii pectus noctu deosculante, *Ave carum pectus, tabernaculum Spiritus Sancti.*



2ti. Secundo potest significari Excellentia  
 scientiæ, virtutumque D. Doctoris: nam sol,  
 in pectore constitutus, est sol medium hominis  
 tenens, & quasi medium Cœli: quod cum ob-  
 tinet, lucidissimus est. Die quo D. Doctor  
 natus est, natus & D. Ambrosius Senenius  
 & D. Jacobus, omnes ejusdem Ordinis. Visæ  
 etiam in cœlo, ipsa meridie tres lunæ, & vox  
 audita. *Ad Scholas, ad Scholas.* O! in quam ple-  
 nos istæ lunæ, mutatæ deinde soles? sed vi-  
 cit cæteros, sol Thomæ, planèque meridiem,  
 in scholis Sapientiæ & sanctitatis obtinuit.  
 Tertio potest significari utilitas scientiæ ejus  
 & virtutum. Nam, dum sol medium Cœli ob-  
 tinet, tam liberalissimè radios spargit & mun-  
 do se communicat, eique prodest. *Omnes de  
 fonte publico bibunt, hoc est de pectore tuo,* ait Bern.  
 ad Eugel. l. 5. verissimè id ad D. Doctoris pe-  
 ctus retuleris, quemadmodum & symbolum  
 Herculis Tassii, qui solibus reflexione per nu-  
 bes apparentibus, adscripsit. *Quia respexit.*  
 Nisi enim Thomæ sol respexisset innumera lux  
 defuisset: adeoque quos ut soles suspicimus,  
 soles non fuissent. Similiter Dominica i. à  
 Pentec. illa verba Luc. 6. *Estote misericordes  
 sicut & Pater vester misericors est,* conferendo  
 cum aliis, Matth. 5. *qui solem suum oriri facit,  
 super bonos & malos.* Sole etiam, pro Symbo-  
 lo divinæ misericordiæ assumpto, diceret:  
 quemadmodum sol, omnibus se impendat: id-  
 que gratuito & semper, nisi aliunde, quam à  
 se ortis nubibus impediatur. Quemadmodum

item orbi temporum vicissitudine substractus, se restituat: nunquam sine sperevicturæ lucis condatur &c. quæ singula ad misericordiam DEI essent referenda, & inde ad misericordiam requisitam in Evangelio à nobis. Plena est Symbolis sacra scriptura, & abundant. SS. Patres genuini, iidemque abundantissimi, inventionum fontes. Nam Symbola Pontificum, Imperatorum Principum, magno delectu authoritatis & dignitatis pro fundamento orationis sumenda. Quodcunque autem Symbolum, aut Cujuscunque dum tibi arrideat, afferendum sumere, infra dignitatem rei est.

## P R A X I S.

In Festo S. Josephi Sponsi B. Virginis  
MARIAE.

*Cum esset desponsata Mater ejus MARIA  
Joseph. Matth. 1.*

**A**ccessus, & Propositio. Magnum ac Venerabile Nomen D. Josephi, ita auribus accidit: ut continuo in memoriam revocet, alium Josephum Patriarcham. Multis dotibus, prior posteriorem designat, posterior priorem prodit. Prosequitur utriusque comparationem Clarævallis, Sanctus Abbas homil. 2. super missus: mihi interea unum statutum declarare, quemadmodum manipulus D. Patriarchæ, de quo ipse loquitur Gen. 27. expresse- rit dignitatem Sponsi D. VIRGINIS MARIAE,

per

per Evangelii quoque hodierni Commendationem insinuatam.

Confirmatio, à proposito & explicato, Symbolo manipuli Gen. 37. *Putabam inquit Patriarcha Josephus nos ligare manipulos in agro, & quasi confurgere manipulum meum, & stare, vestrosque manipulos circumstantes, adorare manipulum meum.* Verba hæc tres potissimum nominant Circumstantias, quæ & commendando D. Patriarchæ manipulo, & celebrandis D. Josephi Sponsi Virginis MARIÆ, laudibus deserviant. 1. Quod sit visus, ille manipulus, ante alios, *confurgere.* 2. Quod sit visus, *Stare.* 3. Quod sit visus, *Adorari.*

1. Igitur, *Confurgere* videbatur manipulus D. Patriarchæ per quod significabatur, eum fraude fratrum dejectum, & in opinione Patris mortuum, iterumque dolo impiæ fœminæ alifum, tandem ope divina surrecturum.


Simili multum ratione D. Nutritius, mundi judicio dejectus, tamquam faber, & ex plebe unus sub contemptu jacuit: altè tamen affurrexit, cum dignitas ejus, illis Evangelii verbis per orbem insonuit. *Joseph fili David.* An enim hoc non est sublimiter surgere? in Throno Christi confidere, at thronus Davidis, Thronus Christi est. Sic enim Gabriël ad Virginem Lucæ 1. *Dabit ei Dominus, sedem David Patris ejus,* & quidem ut probat Cornel. in Matt. thronus hic jure primogenituræ, Josepho debitus fuit. Gen. 41. Joseph Patriarcha, currum Pharaonis ascendere jussus, glo-



riosissimè per Ægyptum circumvectus est. Beatissimus D. Virginis Sponsus, non in curru solum: sed in Throno, altè hodie attollitur, nec in Throno Pharaonis, sed in Throno Christi, nec clamante præcone sed manifestante Orbi Angelo: *Joseph fili David.* D. D. Joannes & Jacobus Apostoli, cum petiissent à Christo, Throni Communionem, Matth. 20. idque non ejusdem, sed ut unus federet à dextris, alius à sinistris: ad ulteriora merita sunt dilati. Præventus etiam est, & non solum non dilatus D. Joseph, ablato Throno Christi, ut vel inde conjiceremus, quantus coram DEO fuerit; quem & hæredem throni David, & hæredem dignum, qui esset Pater, promissi Messiae, adeoque illum, à quo successio Throni ad Christum derivaretur, DEUS elegit: ut merito, D. Bern. ubi supra, dixerit. *Plane filius David, non tantum carne, sed fide, sed sanctitate, sed devotione,* & Hugo Card. supra illa verba Gen. 43. *Filius accrescens Joseph, filius accrescens. Accrescens secundum virtutem, accrescens secundum dignitatem.* 2. Visus est Stare, manipulus D. Patriarchæ, ad significandam solidam gloriam, D. Sponsi Mariæ, & nutritii Christi, nam consurgere quidem, & tantisper erigi, non rarum est: at, *fortunam & dignitatem retinere atque in occupato vertice consistere, hoc verò satis Dominari est,* inquit; morum insignis scrutator Plutar: Id verò felicitatis evenisse, D. Nutritio Christi, testantur illa verba Evangelii. *Joseph vir justus.* Quid enim est esse justum nisi ante

ante DEUM stare : Omnibusque vitiis , constanter ac immotè dominari. Omnes, scilicet, *virtutum species* teste D. Hieron. ad Demet : *in uno iustitie nomine continentur* . Hem nos pergit Sen : Epist. 120. *qui , modo frugi tibi videbimur , & graves, modò prodigi, & vani : mutamus subinde personam , & contrariam ei assumimus* D. Josephi perpetua laus est, *vir justus* ; aut quod idem est, juxta Bernar. loco cicato, *vir virtutis*. De manipulo D. Patriarchæ loquens Lipom : in Gentes : ait, illic visum surgere, & veluti columnam stabilitum. Sic stetit Joseph Columna ; non jam fulciendo solum Cælo , sed sustinendo sinu suo, ipso Cælorum Domino par : Sic stetit Joseph , non erectus , ut caderet : sed fuscitatus, ut labentem Orbem, meritis & officio sustineret. Sic stetit autem Joseph quia vir justus. Ad Philip. 4. *Itaque Fratres mei charissimi , gaudium & Corona mea sic stante in Domino , quemadmodum stetistis immoti* : Supra quæ D. Augustin. de gratia Cap. 6. *Quid est ut stetis, nisi ut perseveretis ?* Justissimus timor D. Pauli. Ardua nimium res est, inter tot mundi tumultus sic stare, quemadmodum semel constiteris. Infra Virtutem tamen D. Nutritii cessit, quod tam arduum censetur : Constitit Josephus, & perstitit, cui Cælum adscripsit, *vir justus*, id est ut sensu D. Hieron. progrediamur : *Inconcussus, & semper vir unus* in 1. Reg. Cap. 1. 3. Visus est manipulus D. Patriarchæ adorari quod & impletum est Gen. 41. 43. clamante præcone, ut omnes coram eo genu

flecterent. Hæc dignitas D. Nutritio debita, exprimitur illis verbis Evangelii: *Cum esset desponsata Mater ejus MARIA Joseph.* Quis enim non adoret quem sic DEUS extulit? O miranda prorsus sublimitas, tua Joseph. exclamat Gerson: Ser. de Nativi: O dignitas incomparabilis, ut Mater DEI, Regina Cæli, Domina mundi, appellare te Dominum, non indignum putaverit: An idem & Christus fecit? fecit certè. Erat enim subditus illis. Lucæ 2. D. Virgini ut Matri, D. Josepho ut Patri. Nec plura ad dignitatem D. Nutritii exaggerandam, aut cultum ei debitum, persuadendum exigas. Dicebat olim Philippi Macedonis Orator: Hoc unum sufficiat dixisse, filium te habuisse Alexandrum. Rectius id nos dixerimus & gloriosius de D. Josepho. Hoc unum sufficiat dixisse, Filium te habuisse DEUM, ut proindè eximias laudes & cultum terrarum Cælorumque merearis. Trinitas hæc quædam terrarum admirabilis, & divinæ imitatrix est, JESUS, MARIA, JOSEPH: dividi à se non potest & secundum JESUM ac MARIAM D. JOSEPH, honorem Orbis sibi vendicat.



## M O D U S XIII.

PLura Symbola, figuræ, Hieroglyphica assumuntur, quæ idem symbolisent, figurerent, expriment: Ut si in festo S. Casimiri Confessoris: M. D. Litt. Patroni, Vigilantiam



tiam D. Casimiri expressam velles per Leonem; de quo Isa. 21. & clamavit Leo, super speculam Domini ego sto: per Angelum; de quo Daniel 9. & ecce vigil & Sanctus, descendit de Caelo imo Angelus. Per virgam vigilantem da qua Jer. 1. virgam vigilantem ego video. Similiter si Dominica 2. post Pascha, pastorem bonum, exprimeres per Jacobum greges soceri sui studiosissime pascentem. Gen. 31. & per Davidem, pro gregibus, cum urso & Leone dimicantem 1. Reg. 17.

## P R A X I S

In die auspicatissimo Nativitatis Domini Nostri JESU CHRISTI.

VERBUM Caro factum est. Joan. 1.

**A**ccessus & Propositio. Innumera planè hodie cœlo terraque miracula contigère. Nam patuerunt sidera, cōspecti in aëre Angeli, visa in sole, Virginis cum infante imago, fons olei Romæ subito manavit, nullum tamen, majus hoc miraculo, miraculum factum est, quo VERBUM CARO FACTUM EST. Excedit id omnino omnem captum non solum eloquentiam: Ideoque, quia quale sit capere non possumus, in imagine & umbra figurarum sacræ scripturæ, illud contemplemur:

Confirmatio debet conitare ex aliquot figuris ad VERBI Incarnationem relatis.

Inprimis igitur, miraculi hujus magnitudinem, quo, *Verbum Caro factum est*, repræsentare

tare nobis potest Visio Moyſis Exod. 3. *Appa-  
ruitque ei Dominus, in flamma ignis, de medio rubi:  
& videbat, quod rubus arderet, & non comburere-  
tur.* Nunquid non grande iſtud prodigium?  
Certe Moyſes ipſe ait, *Vadam, & videbo viſio-  
nem hanc magnam.* Magna omnino viſio, ſed  
viſionis, quâ VERBUM CARO factum, vi-  
detur umbra. Quid ita? *rubum quem viderat Moy-  
ſes in combuſtum, agnoſcimus tuam laudabilem Virgi-  
nitatem S. DEI Genitrix, canit Eccleſ.* O quam  
non, difficile eſt intellectu, negatum fuiſſe con-  
curſum igni, ad urendum, cum daretur ad lu-  
cendum? ô quam captu imperceptibile, Vir-  
ginitatem cum maternitate eſſe conjunctam?  
ignis ne noceret ſervit, DEI non rarò ea pote-  
ſtate, qua in rubo etiam deinceps prohibitus.  
VIRGO & Mater ſimul.

Nec Primam ſimilem viſa eſt, nec habere  
ſequentem.

Hinc D. Leo ſerm. 2. De Nati. Non hic  
conſideranda eſt parientis Conditio, ſed naſ-  
centis arbitrium, *ut ſcilicet haberet Matrem, quæ  
eſſet caſtrum ſecuritate, murus fortitudine, Clypeus  
deſenſione, Columna rectitudine, ſponſa fide, ami-  
ca dilectione, Mater ſecunditate, VIRGO integri-  
tate* ait Hugo: de S. Viſtor. Ser. 34. ô opus divi-  
næ potentiæ! ô prodigium naturæ, ô plusquam  
rubum incombustum! Verbum carnem factum.

Ejuſdem miraculi umbram, exprimit Colu-  
mna dux Iſraëlis. Nimirum, iterum ſolvun-  
tur tenebræ, ruruſ lux oritur, ruruſ Columna  
Iſraël illuminatur, inquit D. Nazian. Serm.

de Nati. Verum tamen ut Columna Israël non  
semper ignem sparsit, sed ductus est, ille po-  
pulus. Exod. 13. *Per diem, in Columna nubis,*  
& *per noctem in Columna ignis.* ut Dux esset in  
utroque tempore: ita Verbum CARO DEUS  
homo Salvator noster, *Lux quæ illuminat omnem*  
*hominem, venientem in hunc mundum:* Joan. 16.  
Nube tegitur, imo columna nubis est, defen-  
dens nos suscepta Carne ab æstu temporali.  
vitiis; & æterno, suppliciorum. Hinc  
D. Aug. in Joan. 14. *Noli contemnere nubem*  
*Carnis. Nube tegit, non ut obscuratur sol, sed ut tem-*  
*peretur.* Confirmat sensum D. Chrysostomus. Ser. 6.  
Christus totum pavorem divinitatis, id est i-  
gnem & Lucem, totum metum judicis, in habitum  
nostrum dedit. Nisi enim ille pergit S. Leo Ser.  
3. de Nat. ad nos, hac humilitate descenderet, ne-  
mo ad illum ullis suis meritis perveniret. Verè  
VERBUM CARO, columna & Dux Israël,  
sed longè mirabilior Dux, & mirabilior colu-  
mna, priore. Formabat illam Angelus, hanc  
Virtus Altissimi: Mutabat illa ignem nube, &  
nubem igne: ut cum luceret non inumbraret,  
& cum inumbraret non luceret: Simul ab hac,  
Lux & Umbra spargitur, Lux Verbum, Um-  
bra CARO. Non potuit in illa consistere ignis  
cum nube, nec nubes cum igne: Nubes & i-  
gnis simul hanc constituunt: & nec ignis per-  
dit Nubem, nec nubes mutat Lucem, nec di-  
vinitas tollit humanitatem, nec humanitas im-  
minuit divinitatem *Assumpsit* scilicet carnem in-  
quit Augustinus in Dialog. 965. *Non se convertit in*

Car.



*Carnem.* Quem etiam sensum explicans Flavian. Antioch. *VERBUM* ait *CARO* factum est, non quod in *Carnem mutatum sit*, neque quod *DEUS* esse destitit, sed quod *DEI* Consilio & dispositione *carnem assumpsit*. O iterum Miracula? iterum prodigia & plus quam columnæ, Israëllem ex Ægypto deducentis, prodigia, utramque enim *Substantiam*, in unum convenisse *Nisi fides credat*, sermo non explicat, concludit D. Leo Ser. 9. de Nat.

Tandem, ejusdem miraculi umbra est, sol ipse per decem lineas descendens 4. Reg. 20. Ægrotabat tum Ezechias Rex, cum solis retroacti signum, datum: Jacebat deinde æger, totus mundus, magnus ex mente D. Aug. ægrotus: ut veniret magnus medicus. Venit, & ad dandum signum salutis, sol per decem Lineas descendit, *VERBUM CARO* factum est. Sol Verbum, Caro, Verbi decies iteratus descensus. Vis eum pernôsse? Suspice cælum, & respice stabulum. 1. Ecce qui cælorum Dominus, stabuli hospes est. 2. Quem Seraphim Sanctus proclamant, huic peccatores diverforium negant. 3. Quem Cherubim stupet, hunc animalia bruta stipant. 4. Quem Dominationes adorant, hic à nemine noscitur. 5. Quem Virtutes colunt: hic infirmus jacet. 6. Quem Potestates tremunt, hic frigore premitur. 7. Cui throni succumbere desiderant, hic præsepi tenetur. 8. Qui principatus gubernat, hic sinu Virginis gestatur. 9. Quem Archangeli suscipiunt, hic despectus jacet. 10.

Qui

Qui Angelos habet ministros, hic humana ope indiget. O admirabilem & terris cœloque stupendum descensum, 1. de Domino ad subjectionem, 2. de gloria ad humilitatem, 3. de potentia ad infirmitatem, 4. de divitiis ad paupertatem, 5. de robore, ad debilitatem, 6. de opulentia ad egestatem, 7. de impassibilitate, ad tolerantiam, 8. de gaudio, ad lacrymas, 9. de magnitudine ad parvitatem. 10. de felicitate, ad humanæ vitæ misérias. En decemplicem Solis nostri descensum. Utinam illum expendas homo, utinam D. Ambrosium audias, te Cap. 2. in Luc. alloquentem. *Ille igitur parvulus*, scilicet DEUS, Homo VERBUM CARO, *ille infantulus fuit, ut tu Vir possis esse perfectus: ille involutus pannis, ut tu mortis laqueis sis absolutus, ille in præsepibus, ut tu in altaribus, ille in terris, ut tu in cœlis. Meum ergo paupertas illius patrimonium est, & infirmitas Domini mei, mea est virtus. Me illius infantie vagientis, abluunt fletus: mea lacrymæ illæ delicta laverunt. Plus igitur Domine JESU, injuriis tuis debeo, quod redemptus sum; quam operibus quod creatus sum. Non prodesset nasci, nisi redimi profuisset. Ubi tandem homines erimus DEO grati, si hic ingrati sumus ubi tandem exhibebimus corpora nostra ad Rom 12. *hostiam viventem, Sanctam, Deo placitam, si non ubi, pro nobis Verbum Caro factum est. O grande divini operis miraculū, VERBUM CARO, & grande humanæ impietatis prodigium, post DEUM factum hominem, homo ingratus, aut impurus.**

(%%+%%)

## MODUS XIV.

**D**Uæ sententiæ Scripturæ quæ videntur contrariæ assumuntur & utraque explicata, quomodo sint intelligendæ, & concordandæ: docetur subjectis pro Materiæ exigentia salutaribus monitis, illationibus &c. E. g. Dominica 3. à Pentec. tractaturus super illa verba Lucæ 15. *Erant appropinquantes ad JESUM peccatores*, opponeres illis, edictum Sap. 14. *Odio est DEO impius, & impietas ejus*, & illud Psal. 44. *Dilexisti Justitiam, & odisti iniquitatem*. Hinc consurget quæstio qui sint peccatores, quibus ad DEUM pateat accessus? Scilicet, alii illorum sunt Recedentes Jer. 17. 13. alii Appropinquantes de quibus Evangelium. Illi sunt odio, hi recipiuntur. Peccatum Theologis, est recessus seu averſio à DEO, & conversio ad Creaturas. Receditur ab illo, passibus insensibilibus, Cogitationis, Amoris: Sensibilibus, Verbi Dei, Doctrinarum Spirituum, rerum animæ neglectu. Acceditur verò, & appropinquatur passibus insensibilibus, detestationis de agnito errore, doloris de peccatis, proposito emendandi. Passibus sensibilibus, satagendo interesse Christi in suis fidelibus servis conversationi, audiendo verbum DEI, inquirendo de monitis Salutis, quod coram Phariseis Evangelici appropinquantes, implere videntur.

PRA



## P R A X I S.

Feria III. Patchatis.

*Pax Vobis. Joan. 20. Luc. 24.*

## Contraria Sententia:

*Nolite arbitrari, quia veni mittere Pacem. Matth. 10.*

**A**cceſſus, & Propoſitio. Regnum Chriſti in ſe diviſum eſſe non poteſt: Cum ergo hodie Diſcipulis ferat pacem, & Matth. 10. proteſtatus ſit: *Nolite arbitrari, quia veni mittere pacem*, meritò quæri debet: quæ ſit Pax, quam Chriſtus Diſcipulis, & cum illis nobis offert? & quæ rurſum, quam à nobis vult abeſſe.

## Confirmatio ex utriusque Pacis Explicatione.


De priori loquitur D. Paulus ad Coloff. 10. inquiens: *Quia in ipſo complevit omnem divinitatis plenitudinem inhabitare, & per eum reconciliare omnia in ipſum.* Hic eſt finis, adventus & laborum Chriſti. Reconciliatio & pax hominum cum DEO, unde & idem Apoſtolus ad Eph. 2. *Ille eſt pax noſtra, quia fecit utraque unum*, & rurſum ad Rom. 5. Monet Chriſtianos, *pacem habere ad DEUM*, quam deſcripturus D. Leo Ser. 3. de Nativ. poſteaquam Natalem Domini, Natalem Pacis dixiſſet, addit. *Vera pax eſt à DEI voluntate non dividi, & iis ſolum, quæ DEUS diligit delectari.* Conformiter Chryſo: Serm. 138. *Pax Chriſti credentium corda cuſtodit, pax quæ charitatis ſecundis*

F  
nuri-

*nutritur uberibus. Pax alumna fidei, pax quæ terrena cælestibus, & divinis humana conciliat. Scilicet, inclinans hominem ut ea velit quæ DEUS jubet & nolit, quæ prohibet. Quomodo enim, loquitur citatus Pontifex Romanus, Divinæ pacis particeps erit, cui placent ea quæ DEO displicent? Non est iste animus filiorum DEI, nec talem sapientiam requirit, adoptiva nobilitas.*

De posteriore Isa. 48. 18. *Non est pax impiis* dicit Dominus. In natali Christi nocte, cum primum ab Angelis, pax per Christum provenitura, denunciaretur, eo pacto denunciata est, quo prius requirebatur, gloria DEI. *Gloria in excelsis DEO, & in terra pax* Lucæ. 1. Quasi diceretur. Si mundus impenderit debitam gloriam DEO, merebitur obtinere desideratam pacem hominibus, si hoc non præstet, audiet, quod olim Jehu internuncio Joram, respondit 4. Reg. 9. *Quid tibi & paci?* aut, quod idem respondit, Joramo interroganti, pax est Jehu? tum ille; *Quæ pax. Adhuc fornicationis Jezabel, Matris tuæ, & Veneficia ejus multa vigent.* O quam multi sunt! qui multis pariter cum suspiriis, interrogare à se debeant: Pax ne est? tacet ne conscientia? placatus ne DEUS? amicum ne cælum? sed & quam multi, qui meritò audiant. Quæ pax? adhuc fornicationes, tuæ adhuc superbia, adhuc Luxuria vigent. Hi sunt qui vitiismersi dum pacem in mundo & cum mundo habeant, plane se beatos dicunt. At non quam mundus dat; Christus quoque dat pacem Joann. 14. nec venit eam mittere, sed  
tolle-

tollere; & gladium contra eam opposuit Matt. 10. Ut illud generaliter ad ejusmodi pacem referri debeat, quod D. Aug. in psalm. 149. de affinitatibus obsequio DEI obstantibus protulit: *Sermo DEI gladius bis acutus, unde bis acutus? dicit de temporalibus, dicit de æternis. Filius vult servire DEO: Pater non vult, Mater non vult: gladio dividuntur ab invicem. Utiliter te ille separat, malè te conglutinas. Ne existimes Christiane, cum à mundi vanitatibus avelles, pacem tuam turbari. Utiliter separaris, malè te conglutinas. Pax tua, quæ de mundo est, pax non est: periculis indormis, baratrum amas. Spartiatus ait D. Nazian. epist. 139. Lancea indicabat, humerus Pelopidas: at Christianos, pax, utique non mundi, sed Christi, utique non quam venit tollere, sed quam hodie est precatus. Christus JESUS heri, & hodie ad Hebr. 13. 8. Non potest sibi esse contrarius: sed nec potest mutari. Optat nobis pacem, sed suam; odit pacem, sed mundi, hoc est, optat bonum nostrum, odit malum nostrum.*



MODUS XV.

**D**Uo sensus contrarii ex eadem sententia eliciuntur; ut de iis problematicè tractetur, pro conclusione autem aut decisio auditori relinquitur, aut ipse Orator decedit: & ad unam sententiam amplectendam hortatur,

F 2

aut



aut etiam utramque partem tanquam rectam, & probabilem amplectitur. Eodem modo tractatur simplex problema, quod ex occasione quidem Scripturæ proponitur, sed non habet fundamenta probationis, pro utraque parte, in assumpta Scripturæ Sententia. Ex. g. si Dominica 22. à Pentec. ad illa verba: *Reddite, quæ sunt Cæsaris, Cæsari*, proponas. Utrum excellentior sit obedientia, qua obeditur ipsi DEO, an qua obeditur homini propter DEUM? Aut Dominica 23. à Pentec. ex occasione inspiratæ mortis filiæ Principis inquiras. Utrum melius foret habere certam mortis horam, an illam manere incertam? Pro certitudine agit ferè communis sensus optantium scire horam mortis. Pro incertitudine occurreret, quia aperiretur scelestis porta sceleurum. 2. Quia non posset commodè mundus gubernari, in bellis, successionibus, Magistratibus, &c. 3. Quia etiam boni faciliè pertraherentur ad malum, quod nunc in certitudine mortis vitant. Sed fit principalis præcepti.

## P R A X I S.

Dominica VI. post Epiphaniam.

*Simile est Regnum Cælorum grano Sinapis.*  
Matth. 13.

**A**ccessus, & Propositio problematica. Mirari quispiam posset, Servatorem nostrum sub grani Sinapis similitudine, Regni Cælorum commendationem proponere voluisse: quod

quòd Sinapis absterrendis potiùs hominibus à Cœlo, quàm alliciendis aptior videatur. Ne interea error huic admirationi subfit, inquiramus id ipsum, an Cœlum grano Sinapis comparatum, alliciendis nobis, aut deterrendis fit aptius?

**Confirmatio ex rationibus, pro utraque parte adductis.**


*Prima Pars.* Videtur aptiùs absterrendis. Acerbum enim illud fit necesse; quod grano Sinapis simile: quæ ex natura sua acris, & acerba est. Hinc D. Ambros. lib. 7. cap. 13. in Luc. Martyres granum sinapis vocat, quod multa acerba tolerârint; favet Apocal. cap. 7. *Hi sunt, qui venerunt ex magna tribulatione.* Cœlum quærentibus symbolum Tipotii assignaris: *Patiar, ut potiar.* Servator noster, cùm Discipulis valediceret, ita iisdem promisit, se paraturum locum, ut in mundo plorarent, & flerent, Joan. 16. quæ proprietas fruentium sinapi est: adeoque propria quærentibus Cœlum, ut *lachrymas sibi fuisse panem die, ac nocte, dum dicatur quotidie: ubi est DEUS tuus?* testetur David Psal. 42. v. 4. Exod. 22. *Decimas tuas, & Primitias tuas non tardabis reddere.* Hebr. legunt, *plenitudinem tuam, & lachrymarum tuarum.* Idem DEO lachrymæ & primitiæ: & sicut nefas negare primitias, ita & lachrymas. Christus Dominus lavit in Cœna pedes Discipulorum, suos non lavit. Quid ita? *Fortè,* inquit Ambros. lib. 6. in c. Lucæ 7. *ideo non la-*

*vit pedes suos Christus, ut nos eos lacrymis lavaremus. An non hæc omnia tristitia? an non grani sinapis, id est, cæli acerbi effectus?*

*Secunda Pars.* Aptior tamen alliciendis ad quærendum cælum hominibus similitudo sinapis. Nam si acerbitas pro cælo sustinenda non est nisi granum sinapis, ut rapiat regni opes? est autem omnino ita, quod omnes acerbitates, quæ in mundo evenire possunt, comparatæ cœlesti gloriæ, vix sunt unicum granum sinapis. *Primò* propter exiguitatem sui. *Secundò* propter durationem amaritudinis, valde brevem, unde D. Paul. ad Corinth. 4. *Id enim, quod in præsentia est, momentaneum, & leve tribulationis nostræ: supra modum in sublimitate, æternum pondus gloriæ in nobis operatur, non contemplantibus nobis, quæ videntur, sed quæ non videntur.* Vis granum sinapis? Momentaneum, & leve tribulationis. Vis regnum Cælorum? supra modum, in sublimitate, æternum gloriæ pondus. Expende singula, & amaritudines vitæ, ne granum quidem æstimabis. Unde D. Chrysost. in Matth. Homil. 16. *Tristis, quia te corporis voluptate defraudo, sed latere potius, quia cælorum regna tibi provideo: quod ut evincat, sic rursus Homil. 67. argumentatur: Terrestre certamen est tibi propositum, cuius corona in cælo reddetur. Ab hominibus exagitaris, at DEUS tibi honorem retribuet; paucis diebus curris, & æterna præmia consequeris: corruptibili corpore luctaris, & incorruptibili laudaberis.* Expende item opposita, & grani sinapis levissimam



simam amaritudinem, agnosces, atque cum D. Gregorio Libro 5. Moral. fateberis: quod, si mens forti intentione in DEUM dirigitur, quicquid in hac vita sibi amarum est, dulce aestimat: & omne, quod affligit, requiem putat.



## MODUS XVI.

Tota oratio, in Sectiones aliquot, seu paragraphos dividitur.

**Q**ui quamvis in assumpta sententia immediate non includantur, occasione tamen sententiæ, ad illos fit progressus: & quamvis iterum ipsi se non inferant: habent tamen aliquam, ex vi Materiæ connexionem, ut aptè ex uno ad alios descendatur. Hoc modo tractat, P. Engelgraue suos sermones, & unus modus, ex facillimis: E. g. Dominica tertia post Epiphaniam ad illa verba Salvatoris Matt. 8. *Volo mundare*, posses primò tractare de efficacia voluntatis divinæ: tum, de inefficacia voluntatis humanæ: ac postremò, quomodo voluntas humana in omnibus à DEO dependeat, voluntas autem divina in nulla re ad nostram voluntatem respiciat; solis actibus liberis, meritoriis præsertim, ac peccaminosis, exceptis.

### P R A X I S.

Dominica III. Adventus,

*Tu quis es.* Joan. 1.

**A**cceffus & Propositio. Interrogationem hanc qua Joannem Hierosolymæ internuncii

convenerunt : ad nos deinceps, potissimum convertendam, monet D. Bernar. lib. de Confid. ad Eugenium, inquiens. *Ate incipiat consideratio tua; & in te finiatur. Tu primus tibi, & ultimus.* Justum est ut sequamur tanti viri consilium, quod ipsum, alacrius ut præstemus, expendemus primò utilitatem reflectendi se, supra se; ut hac ratione, à nobis sæpius requiramus. Tu quis es? Secundò Incommoda, quæ sequuntur, curiosam status alieni indagationem. Tertiò. Quemadmodum reflexio supra se maximè sit necessaria, dum occasio virtutum aut vitiorum urget.

Confirmatio, ex probatis singulis paragraphis.

I. Utilitas reflectendi se, supra se.

**I**Nter gravissima hominis negotia, numerari merità potest illud, quod D. Ambr. ad Ecclesiam Vercellensem scribens, nonnulli commendat. *Assuesce unus esse; ut vita tua, quandam picturam exprimat: eandem semper servans imaginem, quam acceperat.* Innumera sunt quæ turbant hominem, & suo statu dimovent. Rectè quidem Seneca Epist. 59. *Talis est sapientis animus, qualis mundi status, supra lunam: semper, illi serenum est.* At quam benè ille loquitur, tam rarò ab aliis præstatur: nec præstari ab ullo facilius potest, quàm ab eo, qui à se sæpius requirit: *Tu quis es?* id est, qui sæpius reflectit se, supra se ad Galat. 1. Miratur D. Paulus eorum mutationem. *Miror quod tam citò transferimini ab eo, qui vos vocavit in gratiam CHRISTI:*

in

*in aliud Evangelium* : sed & mox causam subdit, dum exclamat. *O insensati Galatæ! quis vos fasciavit, non obedire veritati, ante quorum oculos, Christus proscriptus est.* Hæc ergo causa mutationis Galatarum. Christus ante oculos proscriptus, seu ab oculis relegatus, repulsus. Similem causam in quolibet cogitare licet, quem videas mutari: inchoare spiritu, consummare carne: quod scilicet se proscripserit, ab oculis suis, à sui reflexione abiverit, desciverit, non se nôsse voluerit: ideoque de statu occupato, deturbatus, jam unus esse desierit, & alius à se sit. Glorietur in Domino Psaltes Regius Psalm. 118. v. 120. *De mandatis tuis non erravi*, id est, unus, idemque semper, & in eodem statu duravi. De quo tempore id credimus dixisse Davidem: An de omni intelligere, ex eodem sic loquente licet. *Anima mea in manibus meis semper, & legem tuam non sum oblitus.* Cùm in manibus animam David verfaret, cùm se continuò consideraret, de mandatis non erravit: & legem non est oblitus, posteaquam aliò oculos divertit 2. Reg. 11. *Vidit mulierem se lavantem ex adverso super solarium suum*: atque mox Davidem perdidit, peccatorem invenit, unde Scriptura 3. Reg. 15. *Fecit Davidem rectum in oculis Domini excepto sermone Uriæ.* Pericles Atheniensium Dux apud Plutarch. quoties vestem indueret, his se alloquebatur. Vide quid agas, Græci sunt, liberi sunt, quos regis: imò Athenienses sunt. Quam meritò similibus vocibus se Christianus



sæpiùs alloquatur. Vide quid agas, quid sis? Christianus es, à Christo nomen ducis, an & mores? Reflexio talis sinè magno commodo præterire non posset. Sed ô infidelitas! inquit Bern. ubi suprà: *Novi hoc genus monstri, cuilibet, quémque velle consulere: non tamen sibi: cum interea.*

II. Gravia incommoda curiosam alienorum morum inspectionem sequuntur. Inde scilicet suspiciones, inde judicia temeraria, inde detractiones sæcundissimè pronascuntur. Lex Locrensiùm fuit, quòd si quis peregrè reversus interrogaret: Num aliquid novi? pœna grandi mulctaretur. Nobis, si DEO placet, semper nova indagantibus, nulla ab humanis legibus pœna intentatur: at ubi culpa non deest, pœna quoque deesse non potest. Quis ruinam Petri in Domo Caiphæ non doleat? Verùm quis etiam, ruisse eum propter curiosam rerum indagationem, non dicat? nimirum quia atrium Principis erat ingressus, non tam ut Magistro suo patienti condoleret, quàm ut rei eventus notaret: Advertit id D. Justinus de triumphali Christi agone, inquires: *Fortasse ideo corruit, quia non ut pugnaret, sed ut finem videret, accessit.* Etiam cum minimè speramus, curiosa aliorum inspectio præcipites nos agit. Servator noster cum à vitio curiositatis reprimeret Matth. 7. & Luc. 6. trabem primùm de oculis nostris ejiciendam, antequam festucam de alienis tolleremus, monuit,

nuit, *festuca turbat*, inquit. Aug. hom. 16. de verbis Domini, *trabs extinguit*, sed nunquid unusquisque, qui festucam adimere cupit, trabem gerit? utrumque Salvator conjunxit, quia ut plurimum, dum aliis festucam adimus, trabem attrahimus: Levia pro gravibus condemnando: & alieno peccato in nos damnationem provocando. Eubatici pisces igne ad littus posito in arenam evocantur, & capiuntur. Ita curiosi, cum ad ignem alienos mores prodentem evocantur, peccato in prædam cedunt. B. Ephrem. dicebat: *Ego duos oculos habeo; unum, quo DEUM, alterum, quo me specto: tertium, quo aliorum errores videam, non habeo.* O verba, altissimo pectori inferenda! sed minimum illa valent apud illos centoculos, imò mille oculorum homines, de quibus Proverb. 17. *Stultorum oculi in finibus terræ.* Verè stultorum, quia cum fines orbis peragrant, damna sua non notant, quæ religiosè sugillans Petrus, Abbas Claravallensis, cum oculum unum perdidisset, interrogatus, qui valeret? respondit: *Unum de inimicis evasi, & à residuo magis quàm à perduto formido.* Oculis id curiosis meritò attribueris, hostibus animæ, & prædatoribus crudelibus dominorum suorum. Curiosus nemo, nisi malevolus dixit Plautin. & Cyril. *Diaboli Evangelistas curiosos nominavit.* Dixeris & asseclas, ejusdem, sic de se Job. Cap. 2. loquentis. *Circuivi terram, & perambulavi eam.* Explicat Origenes. *Circuivi terram, in circuitionibus iniquitatis, &*  
spe-

*speculans transitu subito, quid agatur in animis. En circuitiones curiosorum! ex subito transitu, & inspectione operum levi, iudicia de constitutione animi formantium, Eximiè D. Chryto. Ser. 139. de oculo corporali loquens. Oculus visum videat, non invideat, prospiciat, non despicit. Oculus sit animæ fenestra, speculum sit mentis, membrorum sit dux; non introitus vitiorum. Tales & animorum oculos, necesse procuremus, quales debent esse corporum, nisi nostri immemores, dum aliena sectamur, illud Cant. 4. audire velimus. Si ignoras ó pulcherrima mulierum, abi post vestigia gregum. Origen. & Ruper. legunt: Si stulta es, fias capra in capris: id est, stultior fias, & alienis moribus pereas.*

### III. In occasione vitii fugiendi, aut exercendæ virtutis, maximè necessariam supra se reflexionem.

Vide quid sis, & scies, quod agere debeas: vilitatem tuam considera, si superbia extolleris: dignitatem, si infimis deprimeris. Clem. Alexan. lib. 1. Pædagog. Cognitionem sui, omnium scientiarum *Magistram* appellavit. Rectè illa enim docet Philosophiam quid agere deceat, illa Theologiam, quid tam sublimi scientiæ competat: illa denique omnes scientias convenientibus instruit præceptis, & moribus. Philippus Macedo quotidie ad virtutis vigorem conservandum ab Ephebis audire voluit: *Hominem te memineris.* Aliquando etiam cum



cum victoriis elatus, à virtute ad arrogantiam desciret : à Legato Persarum monitus : *Mette umbram tuam, & ne digito majorem, quam antea invenies* : sibi, & virtuti restitutus est. Ejus etiam filius Alexand. cum ad cursum à Coætaneis invitaretur : Regiæ conditionis memoria juveniles impetus repressit, atque non nisi æmulis Regibus, id certaminis se initurum respondit. Generosissimè Adolefcens Spartanus captivus apud Plutar. ad libertatis tutelam sui nominis, & generis dignitate exurrexit, atque exclamans identidem : *Spartanus sum, liber sum, non serviam* : capite eliso, servitutis dedecus vitavit. Basilisco simile est vitium. Huic si speculum opponas, à sui conspectu rumpitur. Speculum mentis, cognitio sui est. Si vitio opponatur, rumpatur necesse est scelus. Mirabili ordinatione constitutum, ut monstra in tenebris terreant, interdiu, vix aut nunquam appareant. Monstrum stygium, vitium est. Odit lucem, & fugit. At lux, intellectus, & cognitio sui est. Unde ubi Psalm. 18. dicitur : *Intellectum tibi dabo* : S. Ephrem. & D. Ambr. legunt : *Lucem tibi dabo*. Ad hanc respexit Joseph Patriarcha Gen. 39. cum impiæ Dominiæ vefaniam statûs sui memoriâ reprimeret ; Ecce Dominus meus, omnibus mihi traditis ignorat, quid habeat in domo sua. Quomodo ergo possum facere hoc malum, & peccare in Dominum meum. Ad hanc respexit Eleazarus, recusaturus esum carniû, Idolis immolatarum, de quo 2. Machab.

chab. 6. *At ille cogitare cœpit ætatis, ac senectutis suæ, eminentium dignam, & ingenitæ nobilitatis canitiem, & mox verba ejus sequuntur: Non enim ætati nostræ convenit fingere.* Ad hanc respexit præter innumeros D. Basilius 1. Jan. in ejus vita, qui cùm à Præsìde Modesto, nimium immodestè de Zelozissimis responsis argueretur, dicente Præsìde: *Nemo mecum tanta audacia egit*, respondit: *Quia in Episcopum non incidisti*: eoque responso, & judicis audaciam repressit, & virtutem constantiæ defendit. Ænigma Græcis à Theodeco propositum fuit, quo referebat: habere se domi filiam, quæ in infantia magna esset: ætate adulta minima: ætate extrema maxima: Umbram ille intellexit, quæ mane latè sternitur, meridie ferè nulla est, vespere maxima. Nos Christianè interpretemur: In lucè cognitionis sui nulla vitiorum umbra subsistit: Manè in ætate ignorante, dum minimè nos respiciamus, latè spargitur: at latissimè vesperi, quando per neglectum sui, oblivio sui comparatur. Vitanda talis maximè umbra, ut vitetur vitiorum negotium, perambulans in tenebris, Psalm. 90. & amanda lux, ut sicut filii lucis in virtute ambulemus: omninoque danda fides D. Bernardo monenti, quod *Præstat scire teipsum, quàm si te neglecto, siderum cursus, vim herbarum, & omnium cœlestium, & terrestrium naturas tenueris.*

MO-

S\*S

## MODUS XVII.

**D**icere hunc meritò possim commentatorium: Talem etiam censere videtur A. R. P. Claudius Aquaviva, in sua de Concionatoribus epistola. Est autem quando propositio præfixa, continua seriæ testimoniorum ex S. Scriptura aut Patribus desumptorum firmatur: nec plus ferre ingenio aut arti conceditur, quā recitatio locorum. Duo in hoc genere tractandi vitanda. Alterum ne quæstionibus multum subtilibus, & apicibus verborum nimium inhæreamus. Alterum, ne continuo testimonia obtrudendo, eaque inexplicata transeundo, nihil persuadeamus. Utendum igitur testimoniis, pro contentando intellectu: ac inde, ad movendam voluntatem progrediendum, ut sua orationi non desit commendatio.

### P R A X I S.

**Dominica II. post Epiphaniam.**

*Nondum venit hora mea Joan. 2.*

**A**cceſſus & Propositio, quod universaliter asseruit D. Aug. in Ps. 82. *Cum Aliquando DEUS tardius dat, commendat dona sua, non negat.* Id hodie specialiter impletum. Quamvis enim videri alicui possit, negasse Divæ Matri postulata Servator, illis verbis *Quid mihi & tibi mulier?* Omnino tamen non negasse Christum, sed Commendasse differendo, sua dona, probat hæc

hæc sententia. *Nondum venit hora mea*: id est. Faciam, sed non nisi præfixo tempore ne dis-  
cat à primo miraculo mundus, nihil apud DE-  
UM temere casuque agi, sed omnes eventus  
statum præfixumque ab æterno tempus habuê-  
re. Hanc igitur veritatem, valde utilem certius  
roboremus.

**Confirmatio, debet constare, testimo-  
niis scripturæ, aut Patrum, aut utrorum-  
que, quæ omnia probent à DEO de-  
stinato tempore fieri.**

4. Reg. 4. Confidentibus simul Principibus  
exercitus Israël, adest insperato unus de Pro-  
phetis, & evocato separatim Jehu, effundit  
supra caput illius oleum, ac mox abit. Infano,  
inde similis, dictus ab aliis, quid causæ apud  
Jehu habuerit, interrogaretur, eaque intelle-  
cta mox tumultuariè, Jehu in Regem eligitur  
congestis in similitudinem tribunalis, palliis.  
Quis non crederet, quàm fuerunt hæc subita  
tam fuisse casu facta? Ut ex prædestinatione  
certa eventuum & temporum evenisse, testa-  
tus post occisum Joram Regem, ipse Jehu,  
inquiens. *Memini quod Dominus levaverit onus hoc  
super eum. Nunc ergo tolle, & projice eum in agro.*  
Et de Jesabel à canibus consumpta. v. 36. *Ser-  
mo Domini est, quem locutus est, per servum suum  
Eliam*, observandum autem est, quod legitur  
in textu Chaldæo, fuisse electum Jehu ad gra-  
dum horarum, seu ad horologium solare, Quid  
hic mysterii? Dicam non dubius. Novus Rex,  
ad



ad horologium eligitur; ut intelligat, regnorum etiam fortuitorum tempora; ad statas certasque horas apud DEUM dirigi. *Isai 18. Ite Angeli veloces, ad gentem convulsam, & dilaceratam.* Felices terras, talibus dignas tutelaribus. Sed quando illæ eorum obtinent tutelam? Scilicet. Cum tempus à DEO destinatum venerit. Unde Hæbrea legunt. *Ite Angeli voloces ad lineam, ad lineam qua scilicet, in sole, horæ certæ designantur & de quibus 4. Reg. 20. Sol recessit decem lineis.* Esther. 10. vidit Mardocheus, Somnium grande ac portentosum: & surgens de strato cogitabat, quid DEUS facere vellet, nec intellexit nisi in tempore, quod DEUS illi somnis implendo, jam antequam fieret, designaret, quod sic in seipsum, proponit VII. *Venit utraque fors, in statutum, ex illo jam tempore diem, coram DEO universis gentibus: & recordatus est Dominus populi sui.* In græco, sic legitur: *Et venerunt sortes hæ, ad horam & tempus, & ad diem iudicii coram DEO.*

Ituro Christo in Judæam dicunt discipuli. *Nunc quærebant te Judæi lapidare. Joan. 11. & rursus vadis illuc?* Ad quæ Salvator, *Nonne 12. sunt horæ diei?* id est stata sunt rerum omnium apud Deum tempora, nihil temere timendum, nihilq; alia hora eveniet, quàm ea quæ illi eventui præfixa est: quemadmodum nec mors Servatori toties intentata, obvenit. Nisi illa hora quam ab æterno fuisse statam, designans Joan. 17. *Sublevatis in cælum oculis, dixit, Pater venit hora, clarifica filium tuum.*


G

Quid

Quid multa congerimus? statos esse dies, & tempora vitæ, testatur Psalmus 38. in quo David, *mensurabiles posuisti dies meos*, statam esse fortunam Psal. 30. in quo idem. *In manibus tuis sortes meæ*, statos esse regnorum casus Apoc. 18. *Væ, væ, civitas illa magna Babylon, civitas illa fortis, quia una hora venit iudicium tuum*, statas esse Principatuum suscitationes, Daniel. 18. *Usque quo visio? Et dixit ei usque ad vesperam & mane, dies, duo millia trecenti*, statam esse impiis indulgentiam. Matth. 13. *Sinite usque ad messem*, statam esse hostium Ecclesiæ pœnam Apoc. 6. 10. *Et dictum est ut requiescerent, tempus modicum, donec compleantur cōservi eorum*. Decet igitur cum D. Aug. palam profiteri Solil. 37. *Apud te Domine, omnium stabilium, sunt cause, & omnium mutabilium immutabiles manent origines, & omnium rationabilium, & irrationabilium atque temporalium, sempiternæ vivunt rationes*: tūc, illud sinceræ Philosophiæ edictum, alto corde figere. *Nosce tempus*. Fugax illud ô homo Christiane est, & cum fugit, te secum rapit. Nosce tempus; Inconstans, & cum mutatur, mutat. Nosce tempus; Breve est, & æternitate immensa ac tua clauditur. Nosce tempus. Insuper, certis & statis, horis, casibus, eventibus, apud DEUM determinatum est. Nosce tempus, Est hora qua DEUS vult adversis probari. Nosce tempus, ne infidelis inveniaris. Est hora, qua te vult alloqui; Nosce tempus, ne auribus surdis & corde indurato deseraris. Est hora qua vult converti. Nosce tempus, ne cum

par-

particula bonæ diei præterierit, imposterum,  
gratia efficaci indignus judicetur.



## MODUS XVIII.

CONFICITUR ex Thesi & Hypothesi: quando scilicet, primum in genere & universaliter, de aliqua materia tractatur, tum in specie, sive in particulari. Potest autem, hac ratione sermonem instructurus duplici modo procedere: aut in Exordio Thesim tractando, & hypotheseim, confirmandam proponendo, aut utrumque pro confirmatione assumendo. E. g. Dominica 11. à Pentec. ad illa verba Matth. 7. *Aprehendit eum de turba seorsum*, tractari posset primò generaliter, Turbam semper esse conversantibus incommodam. Unde Sapiens: quoties inter homines fui, semper minor reddi. Secundò particulariter. Illis tamen potissimum gravia incommoda tandem adferre, qui volunt à vitiis curari. Hos oportet cedere de turba cum hoc furdo. Unde de electis. II. 32. *Et erit vir, sicut qui absconditur à vento, & calat à tempestate.* Cant. 8. *Fuge dilecte mi.* Idem docuit Dominus in suscitatione filix Principis Matth. 9. Nam cum eiecisset turbam, intravit: & tenuit manum ejus, & dixit: *Puella surge.* Sancta sanctorum, qualis anima DEO placens, debent oppandi velo. Exod. 26. Similiter Dominica 12. à Pentecost. ad illa verba: *Beati oculi, qui vident, quæ vos videtis.*

*detis.* Luc. 10. posset primò Orator generaliter agere. Quòd post ascensum Christi ad Cœlos, adhuc Beati multum sint, oculi fidelium, qui vident in signis, & Cæremoniis sensibilibus, Christi Domini expressionem, & repræsentationem. Nam ejus Majestatis, & Potestatis imago est visibilis Vicarius Christi. Sapientiæ, admirandus Ordo Ecclesiæ. Bonitatis, Receptio pœnitentium. Prædicationis, Concionatores. Cultus divini, & Sacrificii in Cruce oblati: Altaria, & vera in iis Sacrificia. Diversissimarum denique gratiarum, valde multiplices, & sanctæ cæremoniæ, quibus mortua fides hæretica caret. Secundò: ageret de speciali gratitudine oculorum ex eo proveniente, quod usurpent species, sub quibus verè, & realiter Christus D. existit.

## P R A X I S.

Dominica VII. post Pentecosten.

*Attendite à falsis Prophetis, qui veniunt in vestimentis ovium. Matth. 7.*

**A**ccessus, & Propositio. Quid est, quod Servator & Magister noster non jubeat attendi ad falsos Prophetas, qui veniunt in furore leonum, in dentibus luporum, sed in vestibis ovium? Nimirum docet nos Periculosiores esse occultos, quàm apertos inimicos, præsertim in particulari, cùm inimici habentur pro amicis.

Con-



Confirmatio constat ex Thesi, & Hypothesi.

T H E S I S.

*Periculosiores occulti, quàm aperti inimici.*

In promptu causâ ex V. Beda. *Malus, ubi se simulat bonum, ibi est pessimus* & vetus monitum clamat. *Anguem in herba.* Venenum si palam propinetur quis sumat? Hostis si palam invadat, quæ musca non se fuga, aut morsu vindicet? Diu aperto Marte Abner & Joab decertavêre. 2. Reg. 2. Victus Abner, sed non peremptus. Assumpta deinde à Joabo simulata fides 2. Reg. 3. *Adduxit eum Joab ad medium portæ ut loqueretur in dolo, & percussit illum in inguine & mortuus est.* Scribit Tacitus Lib. 12. Mithridatem invictum bellis plurimis, concessisse tandem ut cum Adamisto filio Regis Hyberi pacisceretur, à quo in templum pellectus, cum fœdus ex more gentium pacturus, manum vincendam porrigit; Adamistus decidisse vincula ex manibus simulat, & se inclinans Mithridatis genua invadit, eumque sternit. Sic invictus ab hoste aperto, cadit ab occulto. Verissimè pro his, ac innumeris D. Cyp. in Epist. *Plus timendus, & cavendus inimicus, cum latenter surrepit.* Huc referam illud Davidis Psalm. 67. v. 31. *Increpa feras arundinis, Congregatio taurorum, in vaccis populorum.* Id est, da occasionem hosti latenti, & experieris quod qui latebat tanquam vipera contempta, sub arundinetis: efferaisset: ut taurus lasciviens ac mugiens, ut excludat pa-

tientiam, etiam probatam: & cogat Dei opem  
inclamare, ac dicere: *Disperge illos qui bella volunt.*

### HYPOTHESIS.

Tunc maximè periculosi occulti inimici,  
cùm habentur pro amicis. De his Chryf. con-  
formiter ad fensum Evangelii. *Multa ovium  
velleræ, innumeri ubique lupi sub his occultati: ut  
jam inter hostes tutius aliquis vixerit, quàm in-  
ter eos, qui vocantur amici. Quid ita? Cùm  
dicitur: Eamus, faciamus, pudeat non esse impu-  
dentem, D. Aug. Confess. 3. cap. 8. Quid ita?  
Quidquid inimicus optaret, amantes vovent. 6. de  
Benef. Seneca. Quid ita? Omnis amicus dicit,  
& ego amicitiam copulavi, sed est amicus, solo no-  
mine amicus, Eccl. 37. Nōne tristitia inest usque  
ad mortem. D. Volfrangus, quòd Aldericum  
nepotem amassèt, æquo magis in morte ex-  
clamavit: O utinam non nōssēm Aldericum!  
cui quoniam æquo magis afficiebar, non sinor  
ingredi Cælum impunitus. O si liceret, mo-  
rientibus omnibus talia liberè profiteri! quàm  
innumeri exclamarent: Utinam non nōssēm  
hunc amicum, illam amicam, hunc pædago-  
gum, illum puerum! quos quia æquo magis  
amabam, non sinor introire in Regnum. Mo-  
net ergo Sapiens Proverb. 27. *Diligenter agno-  
sce vultum pecoris tui, tuosque greges considera, non  
enim habebis jugiter potestatem, sed Corona tribuetur  
in generationem, & generationem. Hebræa legunt:  
An corona in generationem, & generationem? No-  
ta interrogationem? An? & à te sapius re-  
qui-**

quire: an pecus, quod intueris, an vellus amicitiae sit tibi in coronam? Nam nisi sit, hostes, & lupi sunt, non amici, nec oves, quamvis vellere amicitiae tegantur.

## MODUS XIX.

EX occasione sensus Evangelii assumitur locus alterius Scripturae ex veteri testamento, aut ex Epistolis Apostolorum, qui sensui Evangelii illustrando, aut explicando conferat. Totus deinde sermo assumpto loco innititur, atque conformiter ad argumenti exigentiam perficitur. E. g. in Festo S. Mariae Magdalenae, eximie posset tractari locus Isa. Cap. 35. *Et quae erat arida, erit in stagnum, & sitiens in fontes aquarum. In cubilibus, in quibus prius Dracones habitabant, orietur viror calami, & junci. Et erit ibi semita, & via, & via sancta vocabitur.* Similiter Dominica 16. post Pentec. ad illa verba Luc. 14. *Et observabant eum,* posset tractari illud Psalm. 11. *Impii in circuitu ambulant.* Tres enim circulos, observatores facere consueverunt. Primus est, ineptae curiositatis, qua circumeunt omnia, ut imittentur illum, qui dicit Job. 1. *Circuivi terram.* Secundus, supervacaneae investigationis. Postquam enim in observationibus suis diu huserint, à suspicionibus egressi, in eadem ferè desinunt, & intra eas remanent. Tertius est, damnosae illationis. *in quo enim alium judicas, te ipsum condemnas,* inquit D. Paulus ad Rom. 2. Sit

In Die Sacratissima Circumcisionis Domini N. J. C.

*Vocatum est Nomen ejus JESUS. Luc. 2.*

**A**ccessus & Propositio. Dubium non est, sanguinis hodiernam in Christo effusionem, maximis in genus humanum beneficiis exundasse. Hoc ipsum, Sacratissimo Nomine JESU, significandum, olim à Spiritu Sancto est edictum, cum Cantico 1. 2. per Sponsam diceret: *Oleum effusum nomen tuum.* Insistamus igitur nostris solatiis, ut quæ beneficia hodie in nos promanarint, ab hoc Oleo effuso, id est, Nomine JESU discamus.

Confirmatio constare debet explicatione sententiæ: *Oleum effusum, &c.*

D. Abbas Clarævallis, cum hæc verba: *Oleum effusum Nomen tuum.* Ser. 18. expendit, & cum illis Isa. 9. *Vocabitur Nomen ejus admirabilis*, confert, sic egregiè utraque componit. *Vocabitur*, inquit, *Nomen ejus admirabilis*, DEUS fortis, Pater futuri sæculi, Princeps Pacis. *Primum, tertium, quartum, Majestatem sonant, reliqua pietatem.* Quid horum ergo effunditur? profectò *Majestatis, ac potentiae nomen in id, quod est pietatis, transfunditur abundè per JESUM Christum Salvatorem nostrum*, quibus verbis D. Doctor clarè significat. *Oleum effusum esse Nomen JESU, quia nomen hoc sacrosanctum ostendit infinitam DEI in nos*  
pie-



pietatem, verissimè profectam. Sed ut pietas hæc apertius pateat, triplex potissimum, Olei effusio revocanda. Oleo sanantur vulnera, Jerichuntini peregrini, Luc. 10. Oleo providetur extremæ viduæ pauperis necessitati. 3. Reg. 17. Oleo inaugurantur Reges, David, Salomon, Jehu & alii. O salutarem effusionem! O nobilem piissimi nominis JESU significationem! *Oleum effusum nomen tuum JESU*, effusum ad nostram sanitatem, effusum ad nostræ egestatis opulentiam, effusum ad nostræ debilitatis robur, & humilitatis exaltationem.

Jacebat magnus ægrotus, id est mundus, juxta D. Aug. Et cum tamdiu jaceret Is. 6. *Vulnus, & livor, & plaga tumens, non est circumligata, nec curata medicamine, nec fota oleo, donec DEUS noster DEUS salvos faciendi* Psal. 67. descenderet in mundum, & vocatum nomen ejus JESUS. Oleum verè effusum, nomen istud, ad curanda nostrorum peccatorum vulnera, quemadmodum explicuit Angelus. *Vocabis nomen ejus JESUM, Ipse enim salvum faciet omnem populum.* Matth. 31. à peccatis. Quare B. Cyril. Jeros. Cath. 10, dicit nomen JESU, ex Græco, significare medium: quando quidem, ut ibidem subdit *& corporum est medius, & animorum* & D. Epiphan. Hæres. 29. inquit, JESUS in Hebræa lingua, Curator appellatur, aut medicus & Salvator. Sed piissimè ac mellifluè Bernar. Ser. 15. in Canti. O nomen benedictum! O oleum usque quaque effusum! Quousque? de cælo in Judæam, inde omnem

terram excurrit, tum pergit. *Ecce CHRISTUS: ecce JESUS, utrumque infusum Angelis, utrumque effusum in homines: & illos homines, qui computruerant, tanquam jumenta in stercore suo: homines & jumenta salvavit, quemadmodum multiplicavit misericordiam suam.*

Nec sufficit pietati divinæ, oleo hoc curata nostra vulnera, quin subveniretur egestati. *Verè pauperes facti sumus nimis Psal. 78. cum donis gratiæ & spe cœlesti, per admissa scelera privati, extrema egestate premeremur: sed oleum effusum nomen JESU, de quo ipsa veritas: Si quid petieritis Patrem meum in nomine meo, dabit vobis Joan 14. Expende liberalitatem promissionis. Si quid, non restringit, non arctat promissa. Aude, & pete in nomine JESU; nihil non obtinebis, quamquam sæpe, à te per idem nomen petens pauper, nec obulum obtinet. Ad rem nostram Paulus 2. ad Cor. 8. Scitis gratiam Domini nostri JESU CHRISTI, quoniam propter vos egenus factus est, cum ejus dives, ut illius inopiâ vos divites essetis. Quid est hoc dicere; nisi dicere, oleum effusum nomen ejus, ad ditandam nostram inopiam: Unde iterum citatus Bernard: ad illa verba Psal. 21. Sicut aqua effusus sum; Effusa est, inquit, plenitudo divinitatis, habitans super terram corporaliter: ut de illa plenitudine, omnes qui corpus mortis gestamus, acciperemus. Et Philo Carpat. ad id Cantic. Oleum effusum. Hoc est nomen illud effusum, summa charitas, ardentissimus amor Creatoris, ad creaturam. Mortalis venit, ut non semper pateremur:*  
mor-

*mortuus est semel, ne nos in perpetuum moreremur. Licet, vere omnibus D. Ambr. affectu exclamare. Lib. 2. in Luc. Maluit sibi egere, ut omnibus abundaret! Oleum effusum nomen ejus.*

Denique, Oleum effusum Nomen ejus ut essemus, *Gens sancta, Regale sacerdotium* 1. Pet. 2. 9. *hæredes DEI, cohæredes autem Christi*, qui audire mereamur, *Possidete Regnum* Matth. 25. attollimini de terra ad cælum, de fimo ad summum ut collocemini *cum Principibus, cum Principibus populi sui* Psalm. 112. *Ille in præsepibus*, ait D. Ambr. in 2 Luc. *ut tu in altaribus: ille in terris, ut tu in cælis: ille alium locum in diversorio non habebat, ut tu plures haberes in Cælestibus mansiones.* Sic, pergit Hilar. lib. 2. de Trinitate. *Humilitas ejus nostra nobilitas est, contumelia ejus noster honor est, quod ille est DEUS in Carne consistens, hoc nos vicissim in DEUM ex carne renovati.* Quod olei effusio, seu unctio significaret in Christo, dignitatem Regiam explicans Ep. 140. D. Hier. sic ait: *Qui typum illius prætulerunt, & regnandi consortes dicti sunt, oleo corruptibili sunt inuncti. Hic verb Filius DEI à DEO Patre oleo exultationis, hoc est, Resurrectionis, Ascensionis, dominationisque est delibutus.* Nil obstat, quod minus per accommodationem, sensum verborum ad nos convertamus, & intelligamus, nos in Regnum DEI, oleo effuso sanctissimi Nominis JESU, tanquam oleo Exultationis, Resurrectionis, & Dominationis immortalis uncti, ut grati tantæ dignationis, & exaltationis, iteremus cum D. Apostolo

stolo sæpiùs Ap. 15. *Dilexit nos, & lavit nos à peccatis nostris in Sanguine suo, & fecit nos Regnum, & Sacerdotes DEO Patri: Ipsi gloria, & imperium, cujus Nomen oleum effusum, in sæcula sæculorum.*

## MODUS XX.

**I**nterdum, non sententia tantum alterius loci tractatur: sed totum caput, aut Psalmus, intento Evangelii, & explicationi accommodatus, ut si de Immaculata Deiparæ Conceptione dicturus assumes Psal. 36. *Fundamenta ejus in montibus sanctis:* aut de Resurrectione Servatoris & Domini nostri, Psal. 2. *Quare fremuerunt gentes, &c.* aut de Ascensione Psal. 109. *Dixit Dominus Domino meo, sede à dextris meis, &c.* Præses ejusmodi expositionis habentur passim in Psalmis, unde ejus exemplum vix est necessarium. Nihilominus pro more sit brevis

### P R A X I S.

#### Dominica I. Adventûs.

*Videbunt Filium Hominis venientem in nube cum potestate magna. Luc. 21.*

**A**cceſſus, & Propositio. Cum qua potestate ad judicium se venturum Servator noster, præfixis verbis insinuat, eam ut mundo certio-rem faceret, multò antè servis suis manifestavit. Habet pius animus, quod stupeat, omnes autem, quod timeant: Si de illa, Isaiam, Ezechie-



chielem, Joëlem, aliosque Prophetas audiant. Ego unum ex illis, Habacucum scilicet hodie ad vos, de illa loquentem produco, cujus verba tantò diligentius expendere debetis, quanto magis omnium interest, timere nunc à iudiciis Domini, ne in ipso iudicio timeamus.

### Confirmatio ex Expositione Cantici

Habacuc.

DEUS, inquit, ab Austro veniet, & Sanctus de monte Pharan. Quot verba, tot Potestatis magnæ indicia. Nam si DEUS veniet, quis ei comparabitur? Si Sanctus, quis eum arguet? Ab Austro verè veniet, & de monte Pharan: Auster meridiem significat, & tempus maximi in Sole ardoris. Tunc scilicet accendetur velut ignis Zelus DEI, & dies veniet Malach. 4. Succensz quasi Caminus, & erunt omnes superbi, & omnes facientes iniquitatem quasi stipula: & inflamabit eos, dies veniens, ait Dominus exercituum: adeò, ut non relinquantur in eis radix, neque ramus. De monte quoque Pharan veniet; Pharan significat divisionem, apud Lanuzam, quam sanctus ille, & justus DEUS faciet: Separando improbos à probis, innocentes à reis, afflictos à cruciatibus, tempus ab æternitate, homines à DEO. Quod ut gloriosissimè præstet, operuit caelos gloria ejus, stipantibus undequaque Dominum, Angelorum Exercitibus, & laudis ejus plena est terra, qua innumeri illi comites occinent, læti de gloria Domini sui. Tantum enim abest, ut de interitu


teritu impiorum tristentur : ut potius de justitia DEI gaudeant : & contra impios simul cum Domino suo armentur ; quæ omnia expressit David Psal. 149. *Exaltationes DEI in gutture eorum , & gladii ancipites in manibus eorum : ad faciendam vindictam in nationibus , increpationes in populis : ad alligandos Reges eorum in compedibus , & nobiles eorum , in manicis ferreis : ut faciant in eis judicium conscriptum , gloria hæc est , omnibus Sanctis ejus.* Heu peccator ! heu miserande ! Quod te tunc vertes tot gladiis stipatus , tot compedibus territus , cum insuper teste D. Ansel. de similit. *A dextris erunt peccata accusantia , à sinistris dæmonia , subtus borrendum chaos inferni , desuper judex iratus , foris mundus ardens , intus conscientia urens.* Quid inter hæc spectacula non terrificum ? Vicit tamen omnia terror judicis , ideoque splendor ejus ut lux erit. Quis splendor , & qualis lux ? de quibus nimirum Apocal. 2.º 11. *Vidi thronum magnum candidum , & sedentem super eum à cujus conspectu fugit Cælum , & terra , & locus non est inventus eis.* Cornua in manibus ejus. Audiant qui exaltant cornu suum , & loquuntur adversus DEUM sublimia : venturum tempus , quo cornua eorum apprehendantur à potentia Dei & confringantur : atque cum cerebro elidantur : Gloriaris de oppresso paupere , Cornua exaltas. Gaudes timeri ad omnibus. Cornua exaltas. O bos cornute ? O bestia immanis , quam cæco impetu ageris ? Erit , erit tempus , quo videbis cornua tua in manibus ,

potentissimi ultoris scelerum tuorum, & tutoris orphanorum. Bene etiam intelligitur per hæc cornua, crux sanctissima, quam Judex pro sceptro assumet, aut certè quæ ante thronum ejus constituetur, tunc ante faciem ejus ibit mors in hoc signo triumphata, & egredietur Diabolus ante pedes ejus, virtute Passionis CHRISTI, conculcatus. Stetit, & mensus est terram. Aspexit & dissolvit gentes. Quæ inde prodigia? Stetit, mensus est, aspexit nondum condemnat, nondum fert sententiam & jam montes de his eunt, colles curvantur, aquæ diffugiunt, scinduntur rupes, cælum supplicat, infernus gemit. Ita statim Propheta. *Et contriti sunt montes seculi, incurvati sunt colles mundi, ab itineribus æternitatis ejus* Et iterum. *Viderunt te, & doluerunt montes, gurges aquarum transiit, dedit abyssus vocem suam, altitudo manus suas levavit,* Hæc est potestas magna in evangelio insinuata, hæc virtus altissimi, quam ratio humana non capit, sed fides probat. Stetit, & mensus est terram: ut omni bus constaret, Domini esse terram, & plenitudinem ejus, & confunderentur impii, vana spe temporalium successuum illusi, arguente cujuslibet conscientia: ubi nunc inanes? ubi fixa in terris fiducia? si vestræ divitiæ, cur vos ab extrema egestate non vendicatis? *Aspexit & dissolvit gentes,* ut impleatur quod dictum est, per Joëlem cap. 2. v. 6. *A facie ejus cruciabuntur populi, omnes vultus redigentur in ollam.* Duplex vultus, gravissimè homines confundit, & duplex maximè terret. Confundit, vultus  
te-

testis, crimen palam evincentis; & vultus benefactoris offensi: Terret vultus Principum in Majestate sua, & vultus judicis sententiam in reum ferentis. Talis erit vultus Domini, super facientes mala. Convincet apertè; exprobrabit inexcusabiliter. Idem erit testis, iudex & vindex, quid nū dissolvantur gentes à vultu ejus? dissolvitur nix, sole incalescente; ut pateat diu tectus fimus immunditiæ, avaritiæ, & quorumvis occultorum peccatorum. Fiet id equidem, & factum videns Propheta, quod *incurvati sunt colles ab itineribus æternitatis ejus: humiliati superbi, & qui ab hominibus pro sanctis & justis adorabantur, jam patentibus sceleribus, in terram depressi videbuntur. Sed nunquid in fluminibus iratus es, Domine? aut in fluminibus furor tuus, aut in mari indignatio tua? Aquæ multæ, populi multi: flumina labentia, gentes ut nives dissolutæ. Heu! nihil juvat hic misericordiæ invocatio: In fremitu conculcabis terram, & in furore tuo, obstupescies gentes. Hebræa! In furore, triturationem gentes, cujus triturationis esse potest Exemplum David 2. Reg. 12. qui circumegit super eos (id est Ammonitas) ferrea carpenta, divisitque cultris, & traduxit eos in typum laterum. Obstupescant gentes, super tantam mitissimi Domini severitatem, & si saluti suæ consultum volunt, assument salutarem, Prophetæ nostri timorem: qui de se, versu primò, hujus Cantici ait: Domine audiivi auditionem tuam, & timui, & rursus, eundem timorem prosequens: Audiivi, & conturbatus est venter meus,*



*à voce contremuerunt labia mea. Hic enim timor salutariter admissus, efficiet, ut tandem homo ad DEUM planè conversus, cum cælum ac terra turbabuntur, ficus enim non florebit, &c. & putredo ingressa in ossibus ab ira DEI non abscondet, dicere possit confidenter: Ego autem gaudebo in Domino, & exultabo in DEO. FESU meo, DEUS Dominus fortitudo mea, & ponet pedes meos quasi cervorum: & super excelsa mea deducet me victor in Psalmis canentem.*



## MODUS XXI.

**D**Ogmaticus, sive doctrinalis, quando ex toto Evangelio doctrinæ variæ, quæ eodem includebantur, eruuntur, atque explicandæ, probandæque assumuntur. Modus hic est unus ex facilibus. Ornatur autem, & formam sublimiorem sumit, si doctrinæ non simpliciter proferantur, sed per modum Axiomaticum, graviûmque Sententiarum producantur: Ex. g. si Dominica 21. à Pentec. Matth. 18. doceres 1. facillimè ab hominibus, ingentia apud DEUM debita contrahi: cui sermone præberet occasionem debitum talentorum. 2. Eadem facillimè pariter à nobis posse exolveri, quod posset deduci ex facili venia Domini, ad illa verba, *Patientiam habe*, concessa. 3. Ex alieno ære posse nobis succurri, cujus veritatis occasionem daret ipsa pœna servi, qui si cum conservo indulgenter egisset, eo

H ipso

ipso apud Dominum veniam constantem meruisset, quemadmodum è contra, sua in conservum crudelitate, effecit, ut indulgentiâ obtentâ indignus judicaretur.

### P R A X I S.

In Festo Visitationis B. V. MARIÆ.

*Exurgens Maria abiit in Montana, Luc. 2.*

**A**ccessus & Propositio. Plenum instructionibus salutaribus Evangelium: vix expedit, alicujus doctrinæ compendio stringere. Igitur in plura salutis monita illud partiamur.

Confirmatio per adductas, quas Orator elegit doctrinas.

Prima Doctrina: Ubi DEUS, ibi nihil arduum. Hæc elicitur ex verbis primis Evangelii. *Exurgens Maria abiit in Montana.* Ardua hæc D. Virginis censenda via, tum quia humana indicia, egressui obstare poterant: tum quia fatigationem difficilem ipsum iter ferebat. Ratio est primi, quia ab hominum conversatione, ab infantia amota Virgo, solique Deo, & Angelis ejus cognita, sensu, & re id sibi indixerat, quod de quadam Abbatisa dictum refert D. Antoninus. *Virginem gemmam esse in concha.* Ratio secundi. Quia montana transitu sunt difficilia, in quibus tamen nec quiescisse, nec resedisse legitur, sed Exurgens transivisse, scilicet à DEO impulsâ, qui, ubi adest, nihil arduum est. In hunc sensum Thomas à

Kem-

Kempis : *Suaviter equitat , quem DEI gratia portat . Et cant . 2 . Ecce iste venit , saltens in montibus , transiliens colles . Considerent id potissimum illi , qui ad vitam piam , aut ad pœnitentiam à DEO vocati , montes ante se fingunt : & insuperabiles , aut hominum respectus , aut viæ spiritualis progressus , judicant . O si DEO fide , ad meliorem frugem sincerè converterentur ! quàm facilè experirentur , quod ubi Deus , ibi nihil arduum ? quàm confidenter cum D. Hieronymo in Epist. ad Heliod. inclamarent : *Quid agis frater in sæculo , qui major es mundo ? quamdiu te tectorum umbra premit : quamdiu fumosarum urbium carcer includit . Crede mihi , nescio , quid lucis aspicio . Licet sarcina corporis abjecta , ad purum ætheris evolare fulgorem .**

Secunda Doctrina : ubi DEUS , ibi salus , ex illis verbis : *Et salutavit Elisabeth .* Semel tantum legitur Deipara Virgo salutem dixisse : nec ante , quàm utero gestaret DEUM . Ubi DEUS , ibi salus . Idem discimus ab Angelo Gabriële , qui ex cœlesti instructione non aliter dixit D. Virgini *Ave* , quàm cùm diceret : *Dominus tecum .* O quot Christiani salutem aliunde , quàm à DEO expectant ? ideoque merentur , ut in illis quoque sententia Eliæ Lib. 4. Reg. cap. 1. robur obtineat . *Nunquid non est DEUS in Israël , ut eatis ad consulendum Beelzebub Deum Accaron . Quamobrem hæc dicit Dominus , de lectulo , super quem ascendisti , non descendes , sed morte morieris .* Quot iterum ? qui cùm salutes sibi propinant , salutem perdunt .

Hæc sibi Rectè

Rectè Soholovius noster in Quæstores: *Rarus apud nos quondam usus vini fuit, idque statis temporibus, & apud paucos, magno fructu & emolumento vitæ longæ, & sanæ mentis: nunc vulgatissimus, qui ad caulas usque ad stabula pervenit. Ita erectum est magnificum temulentiae trophæum, exhaustæ apes. Pariter dixeris: Exhausta salus. Nam ut Athan. Lib. 2. Epichar. dicit frequentissimè: Ex Sacrificio epulum, ex epulo potatio, ex potatione comus, ex como ludus, ex ludo Judicium, ex judicio condemnatio.*

Tertia Doctrina: Ubi DEUS, ibi Jubilatio. Ex verbis Elisabeth, D. Virginis, & Exultatione Infantis in utero. Et quæ hæc felicissima solennitas: CHRISTUS intonat, Mater Virgo occinit, Elisabeth benedicit, Joannes in utero salit, & de utero exilire conatur! O felices, qui hoc gaudio de DEO replentur! O miseros, qui aliunde solatia sua, quàm à DEO quærunt, cum verum gaudium ibi solum inveniatur, ubi DEUS adest, de quo D. August. Confess. Cap. 40. *Est enim gaudium, quod non datur impiis, sed eis, qui te colunt, quorum gaudium tu ipse (DEUS es) Et ipsa est Beata vita, gaudere ad te, de te, propter te, ipsa est, & non altera. Et iterum: Et aliquando intromittis in me affectum, multum inusitatum, introrsus ac nescio quam dulcedinem: quæ si perficiatur in me, nescio, quid erit, scio, quod vita ista non erit. Tarantula, species aranei est, teste Alex. ab Alex. quem si quis deglutiat, gestit, salitque tamdiu, ut inter saltus vitam sæpè expiret. Talia sunt profectò gaudia hominum sæcularium, quod*  
in-



inter ea vitam, & salutem perdant. Ubi DEUS, ibi Jubilatio ad vitam est, quia & Joannes vitam per uteri materni pulsum quærit, & DEUS ipse est, in quo vivimus, movemur, & fumus.

Quarta Doctrina: Ubi DEUS, ibi Deificatio. Ex verbis D. Matris: *Magnificat anima mea Dominum*, de quibus D. Bernardinus Sen. Tom. 3. Serm. 6. *Beatissima Mater DEI plena Spiritu Sancto, & tota in DEUM transformata, jubilando dixit decem jubilationes.* Unde & idem Canticum, *Psalterium decachordum* appellat, ad quod David respexit, cum diceret: *In Psalterio decachordo psallam tibi.* At nota illa verba: *In DEUM transformata.* Nota & Cantici significationem, ac verbum *Magnificat*, significans actum laudis præsentem, & continuum. Hinc discite magnificare DEUM, ut Deo dignus sis, & quodammodo deificeris. Proverbium Polonorum est: *Non corrigito Magnificat*, significans laudes per illud DEO perfectissimas, perfectissimè impendi. Unde etiam omni jure, meritis Horatii laudem, Casimirus Sarbievius, in præceptis Lyricis probat, eundem hymnum omnibus numeris Poëticis esse absolutum. Mutare mihi liceat proverbium, aut imitando illud, dicere. Ne corrumpas Magnificat. Est, qui occinat, magnificavit, non magnificat: corrumpit. Est, qui occinat, Magnificabit, itidem corrumpit. Magnificat, occinitur, ubi DEUS, & Deificatio intercedit: & quidem Magnificat anima, non lingua, non labium.



## P R A X I S.

In Festo S. Mariæ Magdalænæ.

*Remittuntur tibi peccata tua* Luc. 7.

**A**ccessus & Propositio. Nemo est nostrum, dubio procul, qui non cum magna animi delectatione, fortunatam hanc Servatoris sententiam, Magdalænæ gratuletur. *Remittuntur tibi peccata tua*, & nemo est, qui non sibi similem optet. Eveniet omninò cuilibet, cui vera pœnitentia, obvenerit. Ne igitur nos fraudemus die bono, & spe optima, inquiremus hoc sermone, quid sit verè pœnitere; & hoc exemplo Magdalænæ perdiscamus.

**Confirmatio** debet consistere sparsis in Evangelio exemplis pœnitentis Magdalænæ.

Quid itaque est verè pœnitere. Idem primò verè Pœnitere est, mox atque à DEO te vocari sentis, ad eum, à peccatis converti. *Hodie si vocem ejus audieritis nolite obdurare corda vestra.* Monet Psal. 94. Christus de sepulchro, mane diluculo, ita peccator de peccati tumulto. Procul infaustum cras, procul dilationes. Ita egisse, D. Magdalenam, notant illa verba Evangelii. *Et ecce mulier, quæ erat in civitate peccatrix, ut cognovit quod acubuiisset, attulit alabastrum unguenti.* Non distulit nec prætendit occasionis incommoditates, sed ut cognovit de Christo, confestim se ad illum placandum proripuit. Heu quam facilè hic decipimur: *paululum* inquit Sapiens Prov. 6. 10. *dormies, paululum dormi-*

*tabis, paululum conferes manus, ut dormias, & veniet quasi viator egestas. Hinc de latrone quoque in cruce converso D. Cyril. apud Garz. dis. xcvi. 13. Rogo te; in finem vitæ protrahis pœnitentiam ad exemplum latronis? Falleris frater. Nam latro non in fine, sed in principio est conversus, nam tunc venit, cum vocatus fuit.*

Quid rursus est verè Pœnitere? Respon-  
deo, verè pœnitere, est ita peccatum detesta-  
ri, ut omnia impedimenta conversionis, &  
omnes respectus ab eo avocantes, ex nunc da-  
mnentur, & pervincantur. Id item apparet, in  
Exemplo Magdalenæ, de qua Greg. hom. 33.  
*Super convivantes ingressa est, non iussa venit, in-  
ter epulas; non erubescit. Quis dubitet obstitisse  
illi fervori conversionis, verecundiam mu-  
liebrem, malorum amicorum occurrentia blan-  
dimenta, voluptatum & carnis pavores, ho-  
minum ostentatines ac irrisiones, pœnitentiæ  
agendæ rigorem. Vicit hæc omnia Magdalena,  
& pœnitentibus verè prælufit, ut omnia di-  
scant pro DEO contemnere: opes, amicitias,  
voluptates, humana iudicia, ipsiusque vitæ  
pericula: generoso illo & Christiano animo.  
Cujus etiam exemplum pulcherrimū proponit  
nobis D. Nazian. infamatoria prima in Julia-  
num, in nonnullis Christianis; qui donativum  
à Juliano accipientes, thus adoleverant: igna-  
ri fraudis, qua illud, in ignem injicere iussi.  
Hi deinde à domesticis moniti, cum dolum  
advertissent, primum attoniti, mox zelo can-  
descentes, ac per forum discurrentes, clama-  
bant.*



bant. *Christiani, Christiani animo sumus, audiat omnis homo & præ omnibus, Deus cui vivimus & morituri sumus. Imperator nobis imposuit, cujus auro sumus vulnerati. Emendabimus Imperatorem, sanguine expurgabimus. Mox ad Imperatorem conversi. Non dona Imperator accepimus, sed morti sumus adjudicati: non honoris causa sumus vocati, sed planè ignominia donati. Gratiam tuis concede militibus Christo consignatis, cujus solius subsumus Imperio. Pro igne ignem retribue, pro cinere illo, in cinerem nos redigito, manus quas malè porreximus detruncato, nec non pedes, quibus perversè cucurrimus. Alios auro tuo honora, quos accepisse non pæniteat, nobis satis est Christus. O generosa Pectora! O paucis cognitam pænitentiam! Hoc demum est pænitere, omnia pro DEO contemnere.*

Quid tamen insuper est verè pænitere? Respondeo: verè pænitere est, post animum sincerè ad DEUM conversum, post omnia pænitiæ impedimenta sublata, post omnes respectus humanos contemptos, post lachrymarum maria effusa, se indignum gratià DEI judicare. Egregiè Salvian. describens pænitentiam Davidis lib. 2. de Guber. *Agnoscat reus culpam, humiliatur, compungitur, confitetur, luget, pænitet; gemmas regias abdicat, crepantia auro textili indumenta deponit, purpura exuitur, diademate exhonatur, cultu, & corde mutatur, totum Regem cum ornatu suo abjicit. Quid inde? quis animus, quæ confidentia virtutis Davidi? Clamat sæpius, ac præsertim Psal. 50. Averte faciem tuam à peccatis meis. Tibi soli peccavi. Peccatum meum*

*contra me est semper*, & alibi multoties. Sic pœnitere est verè pœnitere, sic pœnituisse hodie censenda D. Magdalena, quæ post tam infignem conversionem, in qua juxta D. Greg. in Luc. 7. *Quot in se habuit oblectamenta, tot de se invenit holocausta*; indignam tamen se gratiâ, & aspectu Domini sui judicavit, ideoque stans retrò secus pedes ejus, lachrymis cæpit rigare pedes ejus. O Magdalis! O peccatrix piissima? Quid ita parum audes? Nunquid adhuc ignoras, quem placas? Hic est Pater ille amantissimus, qui filio ad se converso pectus, non pedes obtulit, hic Servator, ille benignissimus, in cujus pectore Joannes, hoc est, gratia, quam tu per remissionem peccatorum es affecuta, recumbit. Cede nobis peccatoribus pedes, tibi pectus, tibi vultus, tibi labia dilecti patent. Frustra cadunt verba, & pedes petit, & à retro tanquam indigna petit. Ubi sunt illi impudentes, ubi illi pœnitentes? qui nihil obitare, quò minus ipsi Deo assistant, aut assideant, dum modo leviter pectus tangant, dum os aperiant, existimant. Non est hæc, non est, vera pœnitentia. Vera pœnitentia, semper humilis est, semperque locum quarit, in quo Magdalena peccatrix, meliori sorte, quam olim, Ruth ad pedes Booz, mulier virtutis apparuit.

Quid denique est verè pœnitere? Respondeo. Pœnitentiam inchoatam constanter retinere, & peccata quorum etiam venia certa est, continuò plangere. Ita egit Magdalena  
de

de qua ipse Servator. Osculum mihi non dedi-  
 sti, hæc autem non cessavit osculari pedes meos, in-  
 ter lachrymas scilicet, & continuos planctus.  
 Unde, & à Christi resurrectione rigidissimam  
 pænitentis vitam, in Eremo ad mortem egit:  
 quamvis ter in singulos dies, Angelicis cantibus  
 recrearetur. Placet inventio pictorum, quâ  
 passim, D. Petro gallum occinentem ap-  
 pingunt, & Magdalenam non aliter, quam ad  
 pedes Christi crucifixi, aut inter pænitentiae  
 insignia, cicilia, disciplinas statuunt. Mone-  
 mur inde, ut si quis cum Petro, Christum ali-  
 quando negavit, semper ab inde gallum, admissum  
 crimen exprobrantem obaudiat: & quanquam  
 claves regni cœlorum, in manibus collocatæ vi-  
 deantur, lachrymas tamen fundere continuas  
 non desinat. Monemur pariter, ut si quis cum  
 Magdalena deliquit, à pedibus Christi nunquam  
 recedat, pænitentiam nunquam deferat. Sed  
 illud Psal. 6. gemebundus iteret. *Laboravi in*  
*gemitu meo, lavabo per singulas noctes lectum meum,*  
*lacrimis stratum meum rigabo* Hebr. legunt. *Fa-*  
*tigatus sum gemendo, & suspirando totas noctes: la-*  
*chrymis meis statum meum immergam seu natrare fa-*  
*ciam.* Propriè, *putrefaciam, dissolvam.* Super  
 quæ D. Chrysost. Homilia 32. in Epist. ad  
 Hebr. *Quod una die, admissum fuerat peccatum,*  
*post tot annos, post tot generationes, tanquam quod*  
*recens accidisset, deflebat.* Sic pænitere, est ve-  
 rè pænitere. Sic Magdalena pænituit. Sic pæ-  
 nitere debent, qui remissionem peccatorum  
 expectant. Cæterum inquit Bernar. Ser. 3. in  
 Cant.

*Cant. Si dixerit mihi JESUS: Remittuntur tibi peccata tua, nisi ego peccare desiero, quid proderit? imò ut addit idem. Erit sine dubio, recedenti quam cadenti pejus.*

## MODUS XXIII.

**E**St expositivus, aut explanativus, quando sententia aliqua Evangelii, aut alterius scripturæ habens sensum involutum, ac incertum exponitur: Ostendendo, quis illius germanus sit sensus. Porro, aut sensus ille quem proponimus, solum vulgo ignotus est, neque habet alios sibi oppositos: aut non solum est ignotus, sed & oppositos patitur. In primo casu satis est, explanare germanum sensum, confirmare, amplificare. In secundo possunt etiam alii sensus, & interdum debent citari, ut illis refutatis, noster magis innotescat. Inter sententias huic explicationi conducentes, posset esse illa D. Paul. ad Hebr. 5. *Crucifigentes iterum filium DEI in semetipsis.* Alia enim, & vulgi rationem superans, est item illa. *Cognosco oves meas* Joan. 10 Ambiguitatem enim parit, de qua cognitione sit sermo, quando nihil fugit scientiam DEI: nec dubium esse potest, quod sit sermo de cognitione Practica DEI, de qua Incertus Tit. 3. Biblioth. PP. hic *Cognoscere, Domini diligere est.* Unde, & in iudicio dicturus est quibusdam. *Amen dico, Nescio vos, alioquin qui omnia scit, quo-*



quomodo ignorare aliquid potest. Nota illud, cognoscere, diligere est, & disce sensum, similitudine Parentum, filios dilectos, & exosos, hac voce distinguendum. Meus est hic: Hunc alium nolo meum Psal. 79. *Quid deducis velut ovem, Joseph: Non de hoc solum plaudis Psalter, quia Dominus ducit, velut ovem Joseph; sed quia deducit: quod est idem, quod cognoscere oves; quia cognoscere diligere est, quod rursum Psalter notavit, quando edixit, quia novit Dominus viam justorum, & iter impiorum peribit.* Psal. 10. Itaque, secure pascant oves Christi licet pastores sui, eas derelinquant, in necessitate: licet substantiam temporalem non illis tribuant, sed in aliorum usus convertant: tamen D. JESUS CHRISTUS verus Pastor, diligit eos, & vitam eternam dabit D. Aug. Tit. 3. bibli. in serm. Haimonis.

PRAXIS.

Feria III. Pentecostes.

*Ego veni, ut vitam habeant, & abundantius habeant.* Joan. 10.

**A**ccessus & Propositio. Illustre hoc est de Christi Domini in nos liberalitate testimonium; sed qua ratione nobis abundantius vitam impertiatur, non satis, prima fronte notum, imò quasi paradoxum. Expendamus igitur hanc beneficentiam diligentius, ut ad gratitudinem animemur abundantius.

Con-

**Confirmatio debet constare expositione germani sensûs, ejûsque probatione.**

*Quod anima est corpori, hoc DEUS animæ, dixit verissimè Augu. eò quòd gratiam Spiritus Sanctus infundat in corda fidelium, quæ est principium, & radix vivendi divinè animæ. Illa enim movet animam ad rectè operandum, illa facit actiones dignas anima & DEO, illa animæ vita est, qua si quis vivens in ipsa morte corporis invenietur, vivet iterum, vita gloriæ in æternum. Proinde duplex est vita, de qua verba Christi Domini: *Ego veni, ut vitam habeant, & abundantius habeant*, sunt intelligenda: vita gratiæ, qua vivit anima per DEUM; & vita gloriæ, qua vivet per DEUM, in DEO, cum DEO, æternum vidento, amando, gaudendo, & quidem*

Quoad vitam Gratiæ venit Christus, ut eam abundantius habeamus: quia per ejus adventum, & facilior peccatorum, quæ tollunt vitam, remissio est reddita, ut sic vitam, cum volumus, arripiamus: & copiosiora multò quàm antè auxilia, ad illam acquirendam, fovendamque allata. Sunt quidem, qui obmurmurent, faciliorem fuisse, reditum ad Deum olim, ac proinde facilius vitam gratiæ acquiri potuisse. Scilicet nihil requirebatur, nisi vera cordis contritio, nunc autem accessit confessio, in qua non leves difficultates obveniunt. Hic sensus & ignavus & rudis est. Ignavus quidem; quia in rei pretiosissimæ, qualis est salus, & vita animæ, cura minimos labores æstimat.

Rudis, quia non satis, & capit, quid vera contritio ferat, quæ si adesset, in publicam etiam peccatorum confessionem cum Magdalena rueret. Parvum verbum contritio, sed grande ejus mysterium. Quis nôrit? utrum dicat: Peccavi cum Davide, aut filio prodigo? an cum Saule, aut Antiocho? quis certus sit, se in contritione odisse peccatum super mala omnia, & moveri ad ejus odium, propter DEUM amatum super omnia? non verò immisceri dolori timorem DEI se punientis, aut amorem sibi prosperantis, aut periculum vitæ à DEO ob peccata tollendæ, quæ & similia, tollunt perfectionem contritionis, & solum faciunt attritum: ac proinde illos actus non sequitur justificatio, nec vita animæ. Vis hic gratiam experiri Christi, atterere, & confitere, & ecce actus, qui non sufficiebat vitæ reddendæ, faciet te, cum Sacramento, ex attrito contritum, & vitam indubitatè restituet, ut docet Tridentinum. D. Thomas in tertiam Partem, Metaphoram Contritionis, & Attritionis, à rebus, quæ conteri solent, ait sumptam. Age, quid facilius? conteri. Ex. g. Saxum & in cineres redigi, an solum atteri? Saxum, & petra durissima est cor peccatoris. Conteri illud omnimodè opus erat, ut in vitam animaretur: nunc atteri satis est, quia Christus venit, ut vitam per eum habeamus, & abundantius habeamus.

Quanta verò ejusdem abundantia accessit, ex auxiliis vitæ acquirendæ, fovendæque, le-

gi veteri ignotis? Crediderim equidem motiones voluntatis, & lumina intellectûs, vocationesque omnimodas frequentiores à Christi adventu fidelibus communicari, sed ne aliquis id incertum velit, fontes beatissimos, ac publicos, vitam, & gratiam fundentes, cogitemus. Sacramenta, scilicet à Christo Domino in Ecclesia instituta, gratiæ dum non obstemus, ex opere operato immediatè causativa: quorum nulla habuit lex vetus, sed solum Ceremonias, & Ceremonialia, & ut ait Apostolus ad Hebr. 10. *Umbras futurorum bonorum.* D. Bernar. huc alludens, Ser. 2. in Cant. Legem Moyſis, aut Moysem, comparat Giesi, cum baculo ad suscitandum filium Sunamitidis misso: cui vitam reddere minimè potuit. Unde inclamat: *Sequatur Dominus nuntios suos, quia sinè ipso possunt facere nihil: misit puerum, tulit baculum, & necdum est vox, neque vita. Non surgo, non suscitor, non excutior de pulvere, non respiro in spem: si non Propheta ipse descendat, & osculetur me osculo oris sui.* Vox hæc Bernardi vox totius humani generis olim fuit, qua, tractus clementissimus Dominus de Cælis venit, ut vitam habeant, & abundantius habeant. Celebratur apud Senec. lib. 9. de Clem. Augusti beneficentia, quod Cinnæ proditori suo propinaverit, inquires: *Vitam tibi Cinna iterum do, prius hosti, nunc insidiatori, ac parricidæ. Experiamur, utrum ego meliori fide vitam dederim, an tu debeas?* O quantò major, magna etiam hac liberalitate nostri Servatoris!



ris ! qui non jam semel ac iterum , sed toties nobis vitam per Sacramenta proponat ? Quoties dignè illis uti volumus , possumus , quamvis non rarò in cum sæviamus , qui se ipsum , vitæ nostræ nutrimentum esse vult , ut meritò exclamat D. Chryf. Hom. 61. ad Antioch. *Hei mihi , quot ad salutem nobis viæ ! Nos corpus suum effecit , nobis suum communicavit corpus ! Hoc est vitam velle dare , & abundantius dare.*

Quoad vitam gloriæ : Venit item Christus , ut eam abundantius habeamus ; quia & ingressus ad eam quotidie patet , & electio , ac salus æterna , ad plures , quàm in lege veteri refertur. Ad Hebr. 9. *In secundo , inquit D. Apostolus , tabernaculo , semel in anno solus Pontifex introibat , non sine sanguine. Hoc significante spiritu sancto , nondum prolatam esse sanctorum viam , adhuc priore tabernaculo , habente statum. Non enim decorum erat , pergit Primasius ad Gal. 3. aut milites qui sub vexillo Christi in veteri testamento stipendia meruerant , ante ducem triumphare : aut prius membra quam caput , cælesti gloria exornari Sanguis igitur Christi , inquit Hier. ep. 129. ad Dardan. clavis paradisi est dicentis ad latronem. Hodie mecum eris in paradiso. Et à Christi ingressu , patuere duodecim cœli portæ Apoc. 21. ne una quidem clausa : cum ne una , ante hac , fuerit aperta , quæ etiam versus omnes orbis partes patent , ut vitam homines habeant , & abundantius habeant : & salus cujus spe gloriabantur soli Hebræi totius orbis habitatoribus pateat. Apoc. 7. audit de cœlo D. Joannes , numerum si-*



cræ: quando tota concionis supellex, defumitur ex concordantiis Scripturæ hoc modo, ut dicturus orationem, assumpto subjecto sententiæ, vel prædicato, vel utroque percurrat in Concordantiis similia verba, item Synonima, ac etiam adversa, factaque reflexione ad suum intentum, ex historiis, & sententiis per Concordantias insinuat, colligat in unum, quæ ad rem faciunt: eliciendo rei assumptæ, definitiones, causas, effectus: aut advertendo, ad circumstantias, quis, quid, ubi. Sic enim copiosa non poterit non colligi, dicendi materia: qua in forma orationis pro suo placito disponet. Dicam quod sentio. Modus hic suggerendæ materiæ est aptus, sed prudentiâ judiciosâ indiget, ne verba secuti, multa ineptè congeramus, atque cum de re plurima dixerimus, ad rem nihil dicamus: & tædii, laborisque multum adfert, cum sæpè innumera verba examinanda se offerunt. E. g. si die Paschatis triumphale illud Evangelii præconicum accipiam *Surrexit*: longissimæ centuriæ verborum erunt decurrendæ, sub dictionibus, surgo, resurgo, exurgo, & synonymis harum inclusæ: tum verò ad ordinem aliquem revocandæ. Certum tamen interea sit, etiam plurimum concionum materiam, hac ratione simul suppeditari posse. Nam, si examinem in Concordantiis *surrexit*, inveniam surrexisse, Barac. Jud. 4. 14. adversus Sisaram, dicente DEO: *Surge, hæc est enim dies, in qua tradidit DEUS Sisaram in manus tuas*, unde eum gloriosè pro-

stravit, & iterum audivit v. 12. *Surge Barac, & apprehende captivos tuos.* 1. Reg. 17. *Cum surrexisset Philisteus, festinavit David, & cucurrit ad pugnam.* 16. Judicum. *Dormivit Samson ad mediam noctem, & inde consurgens, apprehendit ambas portæ fores cum postibus, & sera, impositasque humeris suis, portavit ad verticem montis, qui respicit Hebron.* En materiam ex quæstione, quomodo surrexit? sufficientem Orationi. Similem dabit circumstantia Quis, nam si quæram, qui soleant surgere? dicuntur in Scriptura, surgere primò humiliati, juxta illud Psal. 119. *De Torrente in via bibit, propterea exaltabit caput.* Nam tò exaltabit est synonymum verbi *surget*; & Psal. 19. *Surreximus, & erecti sumus.* Secundò, afflicti Psal. 126. *Surgite, postquam sederitis, qui manducatis panem doloris.* Et 1. Esdræ 9. v. 4. *In Sacrificio vespertino surrexi de afflictione mea.* Tertio: *Qui dormierunt*, unde & de Christo Propheta Psal. 3. 2. *Ego dormivi, & soporatus sum, exurrexi.* Quarto: *succursuri alienis malis*, Exod. 9. *Surge, & descende citò, quia peccavit populus, &c.* quæ omnia, & singula satis aptè serviunt Servatori, humiliato, afflicto, surgenti, si rursus adhuc reflectam. Ad quid surgitur? legam Gen. 44. jussum surgere famulum Josephi Patriarchæ, ut voluntario, & pio dolore vocarentur fratres Patriarchæ, quorum consortio & maximè Benjamin frui prius frater volebat. Num. 16. 15. *Surrexissè Moysen, & abiissè, ac populum abduxissè à Dathan, & Abiron; ne absorberetur cum illis.* Exodi 24. v. 24. *Sur-*



rexisse eundem, ut ascenderet montem, in quo eum operuit Glória DEI. Jos. 17. Surrexisse populum, ut plecteretur peccatum Achammi. 2. Esdræ 2. Surrexisse Esdram, ut provideret Hierosolymæ dirutæ. 2. Reg. 3. Surrexisse Abner, ut congregaret populum ad David. 4. Reg. 7. Surrexisse Elisæum, ut suscitaret Sunamitidis filium: qui fines valdè commodè flecti ad Christi resurrectionem possunt; & multi similes, ac potiores ex plurimis restantibus locis deduci, sicut & ex aliis circumstantiis, ac reflexione supra locos Dialecticos, eorúmque ad ejusmodi dictiones applicatione. Unde sit & mihi ex restantibus

## P R A X I S.

In Festo Solennitatis Paschatis.

*Surrexit.* Marci 16.

**A**ccessus, & Propositio. Quando Angelus felix, faustumque *Surrexit* intonat; quando tota Ecclesia lætè illud ingeminat, æquum est, ut nos quoque idem cum gaudio promamus. Ut autem tantò promptius Cor lingue consonet, quid læti, quid fausti, hoc lætum faustumque *Surrexit* ferat, tantisper expendamus.

Confirmatio deduci debet ex occasione dictionis *Surgo* in Scriptura variè applicatæ.

Primum itaque, quod felix, faustumque *Surrexit* intonat, est Victoria Christi, & triumphus de hostibus, de quo Psal. 67. *Exurgat*

**DEUS**, & dissipentur inimici ejus, & fugiant omnes, qui oderunt eum, à facie ejus. O quàm frustra fremuerunt gentes! & quàm inania meditati sunt populi! Ecce surgit, quem occisum voluerunt, & dissipat inimicos suos. Ubi mors victoria tua? ubi stimulus tuus inferne! fugit mors, victus infernus, dissipati custodes sepulchri, dissipata consilia Judæorum, dissipata infidelitas gentium. Triumphus planè est, ait Hilar. lib. 10. de Trinitate, *sepeliri mortuum, sed resurgere DEUM*: Secundum hominem pro nobis omnia infima pati; sed secundum Deum, in his omnibus triumphare, 2. ad Corinth. 5. Et si cognovimus secundum carnem Christum, sed nunc jam non novimus. Quid ita Beatissime Doctor? Nimirum in resurrectione, victoria, & triumpho, *Absorpta videtur in Deitatem humanitas, non quòd mutata sit substantia*, loquitur Ber. sermone de verbis Apocalypseos, signum Magnum, sed quod affectio Deificata. Tenuit, scilicet juxta D. Leo. S. 18. de Passione disposita, *mansuetudo patientiam, & cohibita famulantium sibi Angelicarum virtute legionum, hausit calicem doloris, & mortis*: sed jam, pergit idem, *Totum supplicium transtulit in triumphum*: & illum quidem triumphum, in quo solo auditum sit Surrexit, cum anti-quis triumphatoribus mors potius occinere-  
tur à monitore triumphatori inclamante: *Memento te hominem, id est ex Scripturæ sensu, quia pulvis es, & in pulverem reverteris.*


Alterum, quod Surrexit felix, feliciter intonat, est, Christum surrexisse, ut nos fergamus.

mus. Judi. 7. ait Dominus ad Gedeon : Surge, & descende in castra ; quò cum descendisset, audita narratione somnii roboratus. Surgite, inquit ad suos, tradidit enim Dominus in manus nostras Castra Madian : sicut excitatus Gedeon excitavit suos : sic surgens Christus surgere vult nos, de quo Apostolus Eph. 5. Surge, qui dormis, & illuminabit te Christus. Duplex autem resurrectio à nobis requiritur. De veteri homine ad novitatem vitæ, & de humilitate spei ad spem vivam Resurrectionis, ad Roman. 6. Quomodo Christus surrexit à mortuis, per gloriam Patris, ita & nos in novitate vitæ ambulemus. Expectantes utique illud tempus, quando exultabunt ossa humiliata, Psal. 50. In momento scilicet, in ictu oculi in novissima tuba : canet enim tuba, & mortui resurgent incorrupti, 1. ad Cor. 16. Quòd si quæris cum D. Chrysoft. Ser. 103. Quæ est ista tuba, quæ inferis infert bellum, sepulchri resolvit moles, intonat mortuis vitam, resurgentibus in lucem, perpetim dat triumphum? audies cum eodem : & ab eodem : Tuba, quæ in principio mundum vocavit ex nihilo, ipsa in novissimo Mundum revocabit ex perduto ; & quæ initio hominem suscitavit ex limo, ipsa in fine hominem resuscitabit ex pulvere. Credamus ergo, quòd Crux corporis nostri sit aratrum, fides semen, sulcus sepulchrum, resolutio germen, expectatio tempus ; ut cum ver Dominici adventus arriiserit ; corporum nostrorum matura tunc viriditas vitalem resurgat in Messiem ; nescituram jam finem, nescituram canitiem, non passuram falces, nec flagella sensuram.

Ibidem Chryso. Tertium, quod *Surrexit* felix, feliciter intonat, est, *surrexisse* Christum, ut & mortuis, & vivis dominetur, ad Rom. 14. O Regnum felix, & augustum! felix, quia Princeps hujus mundi, ejectus foras, & nos, qui filii antea tenebrarum, nunc filii lucis, & qui servi peccati, nunc liberi in Christo. Augustum, quia nullis clausum terminis, nullis interceptum spatiis, ut in nomine JESU omne genu flectatur. Canutus Angliæ Rex, apud Chok. in Politic. cùm à suis salutaretur Dominus terræ, ac maris, jussit se ad littus tumescentis maris deferri, cùmque mari imperaret, ut à tumore desisteret, illud autem insolescere pergeret. *En*, inquit, *quàm vanè me Dominum maris dicitis, cui illud obtemperare renuit.* Piè omnino ac variè, nec aliter de reliquis dominiis, dicerent Domini: si quàm parum imperio valeant, cogitarent. Non ejuscemodi diminuto jure, sed pleno, ac perfecto surgit Christus, *ut dominetur vivis, & mortuis*, atque hunc humiliet, & hunc exaltet, hunc allidat, & hunc elevet, hunc vitâ, & hunc morte donet. Imperat infernis, ne clausos dimittant, imperat locis purgatorii, ut alios solvant, alios recipiant, imperat cœlis, ut electos beent. Agnoscamus, & amemus tantum imperium, ne iterum, per vitia jugo dæmonis subjecti, audiamus, 2. Paral. 12. Hæc dicit Dominus: *Vos reliquistis me, & ego reliqui vos*: non jam, ut sciatis, *distantiam*  
*ser-*



*servitutis meæ, & servitutis regni terrarum, sed regni Christi, & regni diaboli.*



MODUS XXV.

UNUS actus, ad diversa objecta, intentio ad fines, factum ad tempora refertur; ut si de misericordia Dei locuturus; dicas de misericordia in peccatores, pœnitentes, & iustos: aut de iustitia dicturus: dicas qualis exerceatur in præsenti, & qualis in futura vita. Similiter sententiam illam tentatoris in Dominicam 1. Quadrag. *dic ut lapides isti panes fiant* Matth. 4. referre posses, ad diversos status hominum, qui circa jejunium tentantur, V. g. ad statum eorum, qui simpliciter à jejunio avocantur. His enim persuadere conatur tentator, ita non esse necessarium homini jejunium, si cut non sunt necessarii ventriculo lapides; ut docere ausus impius Calvinus, contra quem cum Christo tota clamat Ecclesia. Rursum ad statum eorum, quibus suadet indulgere sibi per dispensationes inique obtentas; aut alio modo in jejunio. A talibus enim exigit: ut lapides, panes fiant, hoc est rigor temperetur, durties emolliatur. Denique ad statum quibus, aliud cum nequeat persuadere, suadet cum jejunio, excessum in frugalitate, sive per cibum, sive potum, quem excessum notant Commentatores in plurali dictione, *lapides & panes*; cū Christo Domino reficiendo, panis sufficere

posset, & non esset opus panibus. Vide Velasc. ad Philip.

P R A X I S.

Dominica III. post Pascha.  
*Tristitia vestra vertetur in gaudium.*  
 Joann. 16.

**A**ccessus & Propositio Est cur agamus gratias DEO Domino, quod nos, de tristitia vertenda in gaudium monuerit. Timendum enim erat, ne multi ploratu & fletu, ab ejus obsequio deterrerentur. Interea, ut hoc ipso solatio certius fruamur, expendamus. Quando hæc mutatio tristitiæ, in gaudium, servis DEI obvenire soleat.

**Confirmatio, debet constare, referendo**  
 factum, aut faciendum ad tempora.

Et si meritò, huic interrogationi, Quando tristitia servorum Dei mutetur in gaudium? iri possit obviam, illo Christi Domini Responso, *Non est vestrum nōsse tempora.* Neque enim determinatæ sunt vices adversitatis, & prosperitatis: nihilominus ex modo quo Dominus solet procedere nobiscum, tempus quo tristitia vertatur in gaudium, observatum est. Et.

I. Tempus illud ipsum, quo afflictiones, & tribulationes, tam internæ, quam externæ invadant. Adesse enim tunc, protinus, servis suis consuevit Pater misericordiarum, eosq; mirè, ut de ipsa afflictione maximè gaudeant,  
 ear.

eam ament, & in ea se oblectent; quod fit per lumen speciale de Dei providentiâ, quâ omnia adversa imitti agnoscunt; osculantur boni filii manum Patris plectentis, amantque voluntatem ejus, secum fieri. Quia respiciunt magnitudinem Majestatis: flectunt colla humiles, & libentes. Quia intelligunt bonitatem; sciunt sibi omnia cooperari in bonum, & exultant; corpore quidem gementes, spe autem gaudentes, & cum Aug. Psalm. 53. in geminantes. *Planè calcavit, planè tribulavit, sed quid mihi fecit? uva eram, vinum ero.* Huc respexit David cum dixit Psal. 4. *In tribulatione dilatasti mihi.* Huc Abacuc, cum exclamavit Cap. 3. *Ingrediatur putredo in ossibus meis, & super me scateat: ut requiescam in die tribulationis, ut ascendam ad populum accinctum nostrum,* hoc est parum curo quod afflictionibus tanquam putredine, usque ad ipsa ossa corrodar: quando in hac ipsa tribulatione, requiem invenio, natam præsertim ex spe, quod ascendam ad populum accinctum nostrum, beatorum, scilicet, cum DEO triumphantium. Hinc illud D. Theresiæ. *Domine, aut mori, aut pati.* Hinc D. Ignatii Societatis nostræ Parentis. *Pluris se facere & estimare minimum granum tribulationis pro DEO sustentatæ, quam omnes totius orbis delitias.* Hinc Xaverii in mediis laboribus, & periculis. *Satis est Domine, satis. Aut me jam tolle de hac vita, aut noli tanta mole opprimere gaudiorum &c.*

II. est Tempus alterni successus, prosperorum post adversa, Phœbi post Nubila, cuius mensura à nobis definiri non potest, adventus sperari potest. Hac ratione mutata tristitia Job. 42. quando *Dominus benedixit novissimis Job*, magis quam principiis ejus, item tristitia Josephi, quando à fratribus venditus, familiæ Putiphari est præpositus: ac rursus in carcerem projectus, ex carcere ad primatum Ægypti vocatus Gen. 45. Tristitia Davidis; à Saule primum ejecti, mox in regnum ab universo populo Israël vocati: ab Absolone rursus pulsi, & rursus cum summa gloria regno restituti 1. Reg. 2. capite. Tristitia Mardochei Esther 4. Tristitia Tobiae quando factus cæcus 2. 11. & rursus visum recipit 11. versic. 14. Quod Abraham montem illum in quo Isaacum immolare est prohibitus, appellaverit: DEUS videt, docet Scriptura Gen. 22. & subjungit; unde usque hodie dicitur: *In monte Dominus videbit*. Hæc verba D. Hier. in traditionibus Hebræorum ait abiisse in proverbium, ut locus omnis, qui tentationi, qua probatur virtus, serviret, diceretur: *In monte Dominus videbit*. Intelligat hæc Christianus, intelligat servus DEI: ut quando tristatur: cogitet id sub oculis clementissimi Domini fieri, & in monte, de quo dictum: *DEUS videt*; ac proinde spem certam concipiat, quod tristitia ejus vertetur in gaudium. Admirandas enim, & semper servis DEI amicas, oculus DEI in eos intentus, mutatio-



nes facit : Vidit Dominus humilem Virginem, & fecit DEI Matrem, & Beatam inter omnes. Vidit Publicanum, & fecit Sanctum; vidit in telonio, & collocavit in Apostolico folio; Vidit Magdalenam peccatricem, & fecit Pec-  
catorum Patronam. Beati, quos DEUS oculo suo dignatur; nihil est, quod ab ejus intuitu beneficii sperare non possint, adeoque ut etiam tristitia, vertatur in gaudium.

III. Et principaliter. Tempus quod finit omne tempus, & beatam inchoat æternitatem! quando, ut ait D. August. Serm. de S. Laurentio *licet claudere in momento oculos, quibus mundus videtur; aperire eos statim, ut Deus videatur.* O felix mutatio! cui accinit Psal. 29. *Convertisti planctum meum in gaudium mihi; confidisti saccum meum, & circumdedisti lætitiā.* De hac apud Job. cap. 5. *In sex tribulationibus liberabit te, & in septima non tanget malum.* Sex tribulationes, sunt tribulationes 6. dierum, quibus hebdomadæ, & vita nostra perficiuntur: septima est beatæ æternitatis, ut explicat P. Menoch. Eandem describit Apocalyp. 21. *Absterget DEUS omnem lachrymam ab oculis Sanctorum, & jam non erit amplius, neque luctus, neque clamor, sed nec ullus dolor, quia priora abierunt.* Tum perfectè implebitur, quod dixit Propheta Psal. 84. *Et plebs tua lætabitur in te.* In te, qui cum summum bonum sis, summum gaudium præstas. In te, qui cum æternum bonum sis, æterno gaudio oblectas. In te, qui deficere nequeas, indeficiente gaudio recre-



nior fert sententia celata; quod in carne, de Virgine assumpta &c. &c. Similiter, si de Ascensione Domini locuturus, prius ejus Magnificentiam, excellentiamque proponat, tum explicet circumstantias, quare post 40. dies? quare Discipulis præsentibus? quare de monte Oliveti? quare vestigiorum signis relictis in lapide? &c. &c.

## P R A X I S

In nativitate B. Virginis Mariæ.

*Liber Generationis JESU Christi Matth. 1.*

**A**ccessus & Propositio. Certum est, idè librum generationis hodierno festo prælegi, ut in eo sacratissimam Virginem MARIAM, hodie mundo editam, Matrem esse DEI intelligamus. D. tamen Bernardus, eam quæ Dei Mater nascitur, vult etiam esse Matrem nostram. Verba illius sunt in salutatione D. Virginis. *Tu mater Regis, tu mater exulis, tu mater hominis* quod veluti explicans, D. Ans. apud Viug. in Apocalyp. ait *multitudo electorum, cum Christo, in utero Virginis prædestinata descendit.* En rationem Matris hominum, quia hodie nascentis virgo, non aliter Christum concepit, quam ut electos conciperet. Confiteamur igitur, & consalutemur minimè dubii, Matrem natam DEI, Examinemus etiam, quomodo eadem conceperit electos, ut mater hominum, tum verò quid à tali matre sperare possimus, inquiremus.

Con-

**Confirmatio debet constare Probatione**  
 quod in utero Virginis electi sunt concepti,  
 & est Probatio substantiæ rei: tum, Ma-  
 tris proponi proprietates.

*Prima pars Gen. 25. 22. Cum paritura Esau, & Jacobum Rebecca esset collidebantur in utero ejus parvuli, inquit Scriptura. Perexitque ut consuleret dominum, qui respondens ait, duæ gentes sunt in utero tuo, & duo populi, ex ventre tuo dividuntur, quo responso, ut clarum est, appellata fuit Rebecca, Mater non duorum solum hominum, sed duorum populorum. Duæ gentes sunt in utero tuo, quasi dicat scriptura: Duos filios geris, & simul innumeros homines generantes; quia duo tui filii, duarum gentium capita sunt, & nascuntur: ad quos quotquot sequentur, tanquam ad Principes generis sui referentur. Eodem omnino sensu quod proposuimus explicandum, ut Beata Virgo Maria, solum quidem JESUM CHRISTUM servatorem nostrum, secundum carnem in utero gestaverit: quia tamen ille caput est, & primogenitus omnium electorum, cum Christo in uterum Virginis descendisse dicantur: adeoque ideo Mater DEI, & hominum, eadem consalutatur. Psalm. 109. Tecum principium in die virtutis tuæ. Explicat locum Eruditus Jansen. Ante Luciferum, omnemque naturam, ego te, mea virtute, sine virili cooperatione, è solo virginis utero, hominem generare decrevi; jamque tunc in mea prædestinatione, gemi primogenitum te, & caput omnium filiorum constituens. Nec alius omnium in*  
 ute-



uterum Virginis descendit: quàm qualis prædestinatus fuit; ut sic in eundem uterum, descenderet cum illo, numerus electorum quod rursus, Regius Psaltes affirmaturus, ita id sibi certum asserit, ut exultabundus inclamet. *Viderunt ingressus tuos DEUS*, Psalm. 67. *Ingressus DEI mei, Regis mei, qui est in sancto*. Qui sunt hi obsecro ingressus? nisi ingressus incarnationis in uterum Virginis? Nusquam enim, ille qui habitat in sancto, factus magis Deus meus, aut Rex meus, quam cum meam assumpsit humanitatem. Consentit Augustinus hic. *Ingressus tui, inquit, visi sunt, id est manifestati, revelata gratia novi testamenti*, quæ utiq; alia non est, quam incarnationis. Sed jam ingressus novimus, quales fuerint audire volumus. Pergit ergo Psaltes, & simul cum Christo ingressos Virginis uterum electos, nunciens ait: *Ibi Benjamin adolescentulus in mentis excessu: Principes Juda, Duces eorum Principes Zabulon, Principes Nephtali*, hoc est, ut explicat iterum D. Antistes Hipponensis: *Principes Confessionis, fortitudinis, Principes fidei, spei, & charitatis, verbo, electi*. Nunquid ergo Sion dicet: *Homo, & homo natus est in ea*, Psalm. 86. Nunquid unius filii matrem illam consalutabimus? Nequaquam. Sed sicut letantium omnium habitatio est in te, sancta DEI Genitrix: Verè, nemo in te non videt, nisi qui rectè non videt, *Choros castrorum*. O Castissima Sunamitis Maria! Cant. 7. Verè, *venter tuus sicut acervus tritici, stipatus liliis*, juxta quod ex-


plicat D. Ambros. lib. de Institut. Virginum. *Unum granum frumenti fuit in utero Virginis, Christus Dominus; & tamen acervus tritici dicitur, quoniam granum hoc virtute continet omnes electos, ut sit ille Primogenitus in multis fratribus.*

*Secunda Pars. Proprietates Matris. Erigere jam spes Christiana! erigere gens ad nascendum de tali Matre electa! O felix, nimiumque felix, cui Christus frater est, cui Mater MARIA! verè Mater, quæ de se natos nutrit, fovet, tuetur, nihilque, quod piam Matrem deceat, desiderari patitur. Nutrit, unde à Sapientia æterna edictum, Cant. 1. *Meliora sunt ubera tua vino, & ad hoc, quod spiritualiter sit significandum, imago B. Virginis de Sardenai non longè Damasco, visa carnis mamillas emittere, ut narrat Nierember libro 10. cap. 78. quibus vestigia hucusque apparent, gratissimo liquore, inde incessanter stillante. Fovet; hinc iterum in Cant. 6. *pulchra ut luna, & electa ut sol dicitur, qui duo planetæ, fovendis omnibus germinibus, maxime apti, & ad id à natura dati. Unde tam Sol, quàm Luna dicitur Parens rerum. Hinc & ipsa de se per Spiritum Sanctum Eccles. 24. *Radiciavi in populo honorificato, & in parte DEI mei hæreditas illius, & in plenitudine Sanctorum detentio mea. Tolle radicem, sustulisti vitam; tolle hæreditatem, invenisti egestatem; tolle fulcrum, molis induxisti ruinam. MARIA radix iustorum est, MARIA hæreditatem donat, MARIA sustinet suos, ac fovet. Hac****

sub-

sublata nemo non ruerit, ab hac fatus nemo abundanter non creverit. Tuetur; O quis hæc præsidia dignè explicet! verè *mille clypei pendent ex ea*. Cant. 3. *Omnis armatura fortium: ideoque D. Damasc. Orat. 1. de Nati. & Ser. 1. de Dorm. ac Assumpt. appellat illam, Gratiarum pelagus, conceptaculum potentiae divinæ, officinam immensorum bonorum, omnem mentis captum, & intelligentiam superantium*. Et Bernar. Ser. de Nativi. B. V. omnes monens ait: *In Mariam DEUS totius boni plenitudinem posuit, ut proinde, si quid spei in nobis esse volumus, si quid gratiæ, si quid salutis ab ea noverimus redundare*. O Maria! O Divinæ potentiae, & clementiæ thesaurus inexhaustus! quis mihi tribuat, ut quòd B. Stanislaus Kostka à socio itineris quæsitus, num te amaret? ingenti cordis, vultusque ardore dixit: *Quid quæris Pater? Mater mea est*; id ego pari fervore hodie proloquar, atque ut id alii credant, ac sibi persuadeant, efficiam. Verùm nec deest, nec deerit unquam Matris pietas in Maria, dum non deficiat filiorum debitum in nobis, 2. Reg. 2. Dicit Dominus ad David de Salomone: *Ego ero ei in Patrem, & ille erit mihi in filium*, sed quo pacto? *Pacto salis*, quemadmodum illud appellatur 2. Paral. c. 13. id est, sub Conditione: si mandata ejus servaverit. Idem nobis persuadeamus necesse, de nata hodie: DEI, & nostrum Matre; semper illam futuram Matrem, si semper nos fuerimus filii, obsequentes mandatis, & imperiis ejus. Cæterum loquor cum

Christo, Ser. 12. ad illa verba : Pater Abraham, miserere mei. *Infelix, quem sic ipsa Origo arguit, quem sic ipse lucis author addidit. Infelix, cui in judicio pro magnitudine Criminis non miseri-ri genitor, non Pater ignoscere non affectio potuit subvenire.* Tu dicas idem de MATRE, & meliora cura.



## MODUS XXVII.

**M**ULTUM est affinis proximo. Constat etiam duabus partibus. Prima parte tractatur Propositio assumpta, sive ea explicet naturam alicujus rei, sive proprietates. Altera autem parte inferuntur aliqua principia ad morum, & vitæ emendationem, ex priori tractatu deducta, eaque amplificantur, ac inculcantur. Tantò autem ingeniosius id fieri censetur, quantò illationes majorem habent cum priori proposito connexionem. Unde etiam in hoc modo tractandi, possunt in secunda parte tractari proprietates, circumstantiæque rerum, sed non ut suprà eas probando, verum per connexionem cum probatis, illationes salutis animarum utiles perurgendo. Ex. g. Dominica 18. post Pentec. ex Occasione Paralitici Christo oblatis, dicere quis possit de gravitate culpæ lethalis. Nam sicut Paralysis omnes vires, omnem, se per se juvandi modum, imò omnem motum adimit; & non nisi aliena ope sustentari valet; ita culpa lethalis omnes ani-



mi vires aufert, omnia merita tollit, imò ut nullis motibus supernaturalibus homo moveatur, ex se meretur: omninoque sola gratuita Dei ope, saluti restitui potest. Tandem, descenderet ad illationes, cognitionem gravitatis consequentes. V. g. Quantum debeat Deo homo, quod à lethalis culpæ lapsu servetur. Quantum iterum debeat, si postquam labitur, surgat. Quantum etiam, quod à lapsu surgens, non solum stare valet, sed & merita resumat, & eadem cum incremento præmii augere possit. Similiter, si quis exaggeravit in prima parte, mysterium Incarnationis: secundam construet, ex illationibus, inferendo: quomodo debeamus DEO respondere; tam fidei in promissis, tam admirabili in consiliis, tam pio, & in nos propenso in salutis nostræ studiis. &c.

## P R A X I S.

Feria II. Pentecostes.

*Sic DEUS dilexit mundum, ut filium suum unigenitum daret pro illo. Joan. 3.*

**A**ccessus & Propositio. Ignem de cælo in mundum missum, hesternæ die esse, teste D. Luca Actor. 2. agnovimus: ignem hunc non venisse nisi ut ardeat, orbemque beatis flammis occupet, hæc verba *sic DEUS dilexit mundum*: edocent. Quod enim charitas tanta memoratur nisi ut Spiritus S. flammæ, in nobis excitentur? Majus tamen etiam aliquid intendi,

hoc incendio, mens conjectat, quando, non quæcunque charitas DEI, sed summa, ejus erga nos dilectio, memoratur. Est autem id optare, misso hoc igne à nobis DEUM, ut omnes, in gratissimum illi holocaustum, per beatos ignes cedamus. Id dum declaro, Spiritus Sancti gratiam supplex imploro.

**Confirmatio constare debet probatione** quod nos velit DEUS habere unum holocaustum: & subjectis illationibus.

*Prima Pars.* Ea est optimi DEI in nos beneficentia, ut cum suo, eoque supremo jure, quantumvis maxima nostrum exigere possit obsequia: contractu nihilominus hominibus communi, cum hominibus DEUS agat; qui est: *Do, ut des, facio, ut facias*, ut sic nos ad rectè faciendum provocet. Hinc Psalmista 115. *Quid retribuam, inquit, Domino? non quid tribuam, ut significet, se præventum donis, & muneribus.* Id rursus clarius confitens idem Ps. 26. *Prævenisti, ait, eum in benedictionibus dulcedinis, posuisti in capite ejus coronam de lapide pretioso, coronam utique, qua cinctum caput, nusquam se movere posset, quin in ejus beneficia, quibus se prævenit, incideret.* Hunc eundem contractum, memorare credenda verba Evangelii: *Sic Deus dilexit mundum, ut Filium suum daret pro illo*, ac proinde exigere, ut Spiritus Sancti flammis, humiliter, & copiose conceptis holocaustum desiderabile DEO fiamus: quale holocaustum, prius pro nobis fi-

lius

lius unigenitus factus, fuit? & quod nos fieri deinde oporteret: An verò ille non holocaustum? ad Eph. 5. 2. *Dilexit nos, & tradidit semetipsum pro nobis, oblationem, & hostiam DEO, in odorem suavitatis*, ac ne dubitaremus, qualis hæc oblatio, & hostia censenda olim in Abrahamo præmoniti sumus, cui Gen. 22. dictum accepimus. *Tolle filium tuum unigenitum, quem diligis, atque offeres illum in holocaustum.* Sed in Abrahamæ holocausto, ait Zeno Veron. Serm. 1. de Abraham, *solus Deus voluit, qui aliam victimam procuravit; in holocausto pro nobis oblato. Sic DEUS dilexit mundum, ut Filium suum daret*: quatenus & nos tantâ beneficentiâ provocati nosmet eidem in holocaustum immolemus; significatum idem per præceptum de holocaustis Num. 20. ubi primum versu 16. dicitur: *Phase Domini erit, offeretisque incensum holocaustum Domini.* Tum v. 26. *Dies etiam primitivorum* (hoc est Pentecostes, ut docet cum aliis Cornel. & Monachus hic) *venerabilis, & sancta erit; offeretisque holocaustum.* Quid Phase? nisi holocaustum, quo Christus Pascha nostrum immolatus est? Quid dies primitivorum? nisi item holocaustum, quo nos per Spiritum Sanctum in die Pentecostes tanquam primitiæ Christi offeramus, significat? Hinc & duplex quotidianum holocaustum; mane, Christi oblationem designant; vespere, nostram, ad quam omnes ex imitatione Christi provocamur. Levit. 1. triplex genus animalium holocausto aptum enumeratur. Ex majoribus,

bos, aut vitulus. Ex mediis, oves, & capræ, nam sub ea voce Hebræa veniunt. Ex minoribus, vel volucris, turtur, vel columba. Hæc qui interpretantur. Alii censent per holocaustum primum, & maximum, (Ribera lib. 4. de templo, capite 3.) signari holocaustum, quod pro nobis obtulit Christus: per medium, holocaustum Martyrum; per postremum, holocaustum Confessorum. Alii (ut Rupert. Radulph. Iside. apud Cornel.) docent, per holocaustum boum significari, victoriam fortium, qui labores suos fraternis substernunt commodis; per holocaustum ovium, victimam illorum, qui imbecilles corpore operum innocentia, & morum simplicitate subveniunt aliis; per holocaustum denique avium, victimam eorum, qui scientiæ, & contemplationi vacant, ut DEUM agnoscant. Sequamur sensu, quem voluntas cujusque eligit; holocausti nos debito obligatos inveniemus, nisi fortè nec Martyres, nec Confessores, nec fortes, nec debiles, nec DEO digni haberi velimus. Intellexisse interea nostrum debitum censendus Philo, qui totum mundum *victimam DEI* definivit; ideoque concidi in frustra holocaustum asseruit, ut hac divisione significaretur, debere nos DEO, nosmetipsos, pro sole, luna, terra, mari, aëre, & reliquis orbis partibus offerre. Intellexerunt tamen multò melius Christiani, quotquot, aut per sacram vitam, aut per ipsum Martyrium se DEO sacrarunt, inter quos meritò memo-



randa 20. millia Christianorum, ad quos in Ecclesia congregatos cum Diocletianus misisset, ut Idolis sacrificarent, ignibus aliàs exurendi, uno animo responderunt : *Omnes nos Christiani sumus, unum, eumque solum DEUM, & Regem esse credimus Christum, ipsi, Patrique, & Spiritui Sancto sacrificare, atque nos omnes una offerre parati sumus.* Niceph. lib. 7. hist. cap. 6. His adjungenda felix feliciū filiarum Mater, quæ cum sub Dariamo Tyranno, ante oculos cara pignora necari pro Christo videret, identidem ingeminabat : *Tibi Christe Domine hoc meum offero Sacrificium.* Baron. 522. quo ad usque & ipsa par victima caderet. Eja Christiani ! assumamus dignos vocatione nostra animos, & nos DEO, sic diligenti mundum, ut Filium suum daret pro illo, in holocaustum devoveamus : quod ut ritè fiat.

*Pars secunda. Infertur primò.* Meminerimus victimam holocausti debere esse masculum, Levit. 1. & immaculatam. Heu ! quomodi illi masculi qui quacunq̃ tentatione, quacunq̃ occasione, quacunq̃ sociorum invitatione, de via virtutis, ad vitiorum cænosa protrahuntur. Quomodo immaculati, quibus mens impuris cogitationibus, os turpiloquiis, cor omnigenis sceditatibus scatet.

*Infertur secundò.* Victimam holocausti non debere esse cæcam, Lev. 2. v. 22. Heu ! quomodo non cæci, qui nec Cælum respiciunt, ad se sua pulchritudine alliciens, nec terram, nec vanitatem mundanorum gaudiorum, nec

pericula præsentis vitæ, nec territamenta æternitatis.

*Infertur tertio.* Victimam holocausti non debere esse mancā, neque læsam, Ibid. Heu! ubi integritas virtutis! ubi perfectio bene inchoatorum? ubi executio piorum propositorum? Nimis apud multos manca, gravitèrque læsa.

*Infertur quarto.* Victimam holocausti debere ante immolationem extendi, & formari in formam crucis. Villapan. lib. 3. de temp. cap. 37. *Heu! quàm multi, minimè ad id prompti! quàm facilè levissima adversitate opprimimur, terræque, superòsque querelis infestamus.*

*Infertur quinto.* Victimam holocausti debere pelle detracta, & in partes sectam immolari. Unde D. Greg. 1. moral. *Pellem hostiæ detrahimus, cum à mentis nostræ oculis superficiem virtutis amovemus, cujus arcus in frustra concidimus, cum distinguentes, subtiliter, ejus intima, membra tuncque cogitamus.* Heu! quàm multi virtutem jactant, nec colunt, laudant, nec amant. Quàm multis neglecta conscientiæ ratio? Oratio verbis plena, affectu nulla? frequentia in templo non rara, cultus DEI vix ullus.

*Infertur sexto.* Victimam holocausti totam, ac perfectè DEO in honorem exuri, atque immolari. Heu! quàm multi, quàm multum sibi, mundo, voluptati, DEO autem vix aliquid donant. Quàm stulte juvenus vanitati sacratur, senectus cœlo promittitur? Quàm impiè vinum mundo propinatur, fæces DEO



*vit, decorem indutus est. Dominus regnavit, exultet terra, si fidem das, quam negare non potes Regio Psalti. Christi scilicet Ascensio, nostræ lætitiæ, & gaudiorum, est provectionio; quod dum palam fecero, obstaculum quoddam, ejusdem lætitiæ, ab adversariis religionis objici solitum, altera parte sermonis rejiciam.*

### Confirmationis prima pars, Doctrinalis.

Ascensionem Christi esse nostræ lætitiæ provectionem. Os aureum aureusque; prædicator gentium, D. Paulus cum hodiernæ diei acta Hebræis denunciât, hac illos cap. 6. affatur sententia. *Præcursor pro nobis introivit Jesus. O felicem nuncium? O veram lætitiâ! O augustam gaudii suadam! quæ, cum multa concludit, tum verò illud potissimum includat; Christi ascensionem nostræ lætitiæ esse provectionem. Quæ enim, veræ lætitiæ Major materia? quæ justior gaudii causa? homini æternitatem suspicienti, exhiberi potest, quàm illa? quâ spes ejus ad possessionem æternam felicitatis obtinendæ erigitur? At hoc est, quod nobis Christi Ascensio exhibet, quando qui ascendit, præcursor pro nobis introivit, ut impleat quod discipulis dixerat. Vado parare vobis locum Joan. 14. Hinc Augustin. in solil. Ubi caro mea regnat, ibi me regnaturum spero. & D. Leo. ferm. 1. de Assum. quo præcessit gloria cepit: eo spes vocatur, & corporis. Apud inferos emancipatio nostra est, & stipulatio nostra in cælis, ait Tertul. de fuga in perfec. sublata sunt*  
por-



portæ sempiternæ, ut introiret Rex Gloriæ, Dominus virtutum: hominem de terris: imo ab inferis mercatus in cælos. *Et contra Gnostic. Scito, & accessum illum, exinde complanatum vestigiis Domini: & introitum, exinde reſeratum, viribus Christi: nec ullam moram aut questionem, in limine occurruram Christianis, qui non dignosci habeant illic, sed agnosci; nec interrogari, sed admitti. Nam etsi adhuc putas clausum cælum, memento claves ejus hic Dominum Petro, & Petrum Ecclesiæ reliquisse. Nos Christi mors vivificat, inquit idem confirmans August. Ser. 176. nos Resurrectio erexit, nos Ascensio consecravit. In illo nostræ originis corpore, cælestibus regnis, arrham nostræ conditionis imposuit. Gen. 45. dicebat Joseph ad fratres trepidos. Pro salute vestra misit me Deus, ante vos, atque ut id probaret, copiosis primum muneribus oneratos: habitatores Aegypti, cui præerat, quam primum facere studuit. An non eadem vox triumphatoris hodie Christi? an non res & munificentia, quo excellentior, eo illius in nos beneficentiæ, testis copiosior? salutarisque spei motrix validior? Quid est dicere? *Euntes in mundum universum, prædicate Evangelium omni creaturæ: Qui crediderit & baptisatus fuerit, hic salvus erit, nisi palam profiteri, quod pro salute vestra misit me Deus, ante vos. Quid est? gratiam miraculorum & benedictionem liberalissimam Divinarum manuum ut habetur Luc. 14. conferre? nisi muneribus cælestibus ad obtinendi regni cælestis spem, erigere. Parum tamen visum summæ benignitati, hac bene-**

ne-

neſicientia nobiſcum agere; niſi, quod nos ſpe-  
rare deberemus, id de factò, beatiffimis præ-  
ſtare Patriarchis, atque *aſcendens in altum, cap-  
tivam duceret captivitatem* quam in ſpiritu ſuſpi-  
ciens David, ad nos provocavit. *Psalm. 57.*  
*Rex virtutum, dilecti, dilecti, & ſpeciei domus di-  
videre ſpolia*, id eſt: Eja exultate, Chriſtiani  
dilecti, quia Chriſtus ſalvator humilis; glo-  
riofus hodie ſuper omnes cœli aſcendit regnat-  
que virtutes; nec aliter aſcendit ac regnat,  
quam, ut hominibus, ſpecioſiſſima domus cœ-  
li dividat ſpolia; à devicto humani generis ho-  
ſte, glorioſiſſimè hodie vindicata. Surgamus  
animis, furgamus lætitiâ, quando ſpes noſtra,  
aſcendente Chriſto eo proveſta eſt, ut liceat,  
illi, juxta D. Pauli ad Hebr. 6. *incedere uſque  
ad interiora velaminis*, id eſt in cœlum hacte-  
nus velatum hodie ita revelatum, quod unus-  
quiſque optimo jure, dicere poſſit, quod edi-  
xit lib. 4. ep. 31. Seneca. *Subſilire in cœlum ex  
angulo quovis licet: Exurge modo O vir Chriſtia-  
ne, & te quoque dignum, ſinge DEO.* Hoc age,  
& aſcenſione Chriſti evectus, ſpe quoque &  
lætitia, felici provehere.

**Confirmationis Pars Secunda, controver-  
ſa de Chriſti Domini reali præſentia  
in Euchariftia.**

Ecce verò dum omnes meritò gaudemus,  
gaudium noſtrum magna parte tollere nobis  
vult Genevenſis Doctòr; lib. 4. cap. 17. n. 27.  
Chriſtum inquit, aſcendiſſe in cœlos gau-  
des: ac inde ſpe ad illum proveheris: vide, ut  
aut


aut falleris, aut caperis Romane. Si enim neges ascensum, caperis: si affirmes & gaudeas, falleris: cum ea ratione, tibi & tuæ Ecclesiæ, præsentiam Christi, quam in Eucharistia asseris, eripis; quod meritò justam tristitiam cuivis pariat. Quis enim eam sequelam insolubilem non agnoscat? Christus ascendit in cælum, & sedet ad dextram DEI, igitur non est in Eucharistia! sed pro! incautum ne dicam graviora, magistrum; qui sibi, de Christo loquenti credi vult, & Christo, de Eucharistia dicenti. *Hoc est Corpus meum* fidem negat. Non sunt humanæ virtutis, quæ loquimur opera, sed Divinæ potentiæ; per quam ita Christus ascendit in cælos, & sedet ad dexteram Patris; ut idem Christus, verè & substantialiter sit præsens in Eucharistia. Idem enim qui dixit *Vado ad Patrem*, dixit pariter Matth. 28. v. 9. *Ego vobiscum sum, usque ad consummationem sæculi*, spondens utique ita se discessurum, ut non nos relinqueret: ita nobiscum versaturum, ut Patris sedem obtineret non duplex Christus, sed idem ac unus in pluribus locis existens, non ita descendens ad altare ut deferat cælum, sed ita existens, sub speciebus, ut earum substantiam in substantiam corporis, & sanguinis sui ad verba consecrationis transmutet, an verò semel prolatum hominis verbum, in mille auri us hominum diversorum esse potest? divinæ autem illud potentiæ non liceat, quod Christus existens in cælo, constituetur simul in templis & alta-

altaribus? At audiamus Greg. Niss. lib. de S. Baptismo, aliud longe ab hoc magistro docentem, *Panis iste, panis est initio communis, sed ubi eum verbum sacrificaverit, corpus Christi, & dicitur, & est. Audiamus August. in capite utrum sub figura, de Consecr. distinct. 2. Fideliter fatemur, ante consecrationem panem esse & vinum, quod natura formavit: post consecrationem verò, carnem Christi & sanguinem esse, quod benedictio consecravit? ubi eras Caule? cum hæc sacratissimi viri profiterentur? ubi eras, cum ante hos, à prima Christi & Apostolorum ætate, tota (Ecclesia, ut citatio omnis seculi autoritatibus, latè probat Bellarm. lib. 2. de Eucharistia) in idem consentiret! imo ubi eras, cum jam esses in tempore, & abesses à te, ac te, ac tuo ingenio in Matth. 26. caput hoc scribens. Verè, in cæna, nobis datur corpus Christi, ut sit animis nostris in cibum salutare: hoc est, substantia corporis Christi, pascuntur animæ nostræ, ut verè unum efficiamur cum eo, & lib. 4. instit. cap. 17. In sacra sua cæna, jubet me sub symbolis panis ac vini, corpus & sanguinem sumere, nihil dubito, quin & ipse verè porrigat, & ego percipiam. O nimium mobile ingenium; quod tam disertè afferta rursus non semel deserit, & nostram lætitiā turbaturus inclamat. Qui ascendit, nunquid & descendit! Ita omnino. Nam quem admodum qui descendit, ipse est qui ascendit: ita qui ascendit, ipse est qui & descendit, non passibus corporis, sed admirabilis viæ dignatione, ut qui descendit de cœlis, afferente*

sym-



symbolo Catholico in uterum virginis, non deserto cœlo; idem etiam nunc, descendat ad altare, non desertâ dextrâ Patris. Verbum, caro factum, semel in virgine; verbum Caro, Panem verum, verbo carnem, efficit, quotidie in altari. Non habitat, in manu factis templis DEUS, quod illis indigeat aut capiatur: sed incolit illa, ut nos soletur; nec prodibit ad judicandum ex sacris thecis; sed declaraturus est, in illo die, palam suam præsentiam; quam nunc speciebus sacratissimis velatam, ita colimus: ut revelationem filiorum DEI expectantes, de vera Christi in cœlis & Eucharistia præsentia, hodie potissimum gaudere, atque spes nostras ad superna attollere debeamus. Vide Chryf. homil. 5. de sacerdotio Homil. 2. ad popul. & homil. 24. in 1. ad Cor. quibus locis diserte hos terminos nectit; eundem, simul sedere ad dexteram Patris, & manere nobiscum in Eucharistia, docet; addit deinde, quodd sicut Elias abiturus, reliquit Elisæo pallium: ita Christus nobis corpus suum; ea tamen diversitate; quod Elias pallium dando Elisæo: illo se privaverit; Christus dando nobis corpus suum, illud idem ad cœlos assumpsit.



## MODUS XXIX.

[Magines Sacræ, totius orationis nonnunquam suggerunt structuram, quod sit, quan-

do forma imaginis five modus repræsentandi rem signatam, explicatur: reddendo causas, cur hac, vel illa ratione pingatur, quid ejus partes, quid adjuncta notent, ut, si dicturus de Passione Domini assumat ad tractandum, formam, qua pingitur Servator crucifixus, & agat 1. Cur Caput gerat inclinatum? 2. Cur idem spinis in morte, & à morte coronatum? 3. Cur oculos clausos? 4. Cur os silens, cur aures minimè audientes? 5. Cur vultum confusum? 6. Cur pectus apertum? 7. Cur manus affixas? 8. Cur pedes perforatos? Cur totum corpus confectum? Idem de aliis aliorum Sanctorum iconibus, præsertim variis insignibus, & titulis illustribus. Ex. g. de Principum Apostolorum clavibus, & gladio, de Joannis calice, de Bartholomæi pelle, de Sebastiani sagittis, de Casimiri lilio, de Alberti remis, & Pontificio, Sceptro, &c. Advertendum autem, non semper omnes imaginis partes aut adjuncta tractari, sed interdum omnes, unâ quoque interdum posse assumi.

## P R A X I S.

In Festo SS. Apostolorum Petri, & Pauli.

*Tu es Petrus, & super hanc Petram ædificabo Ecclesiam meam, & portæ inferi non prævalerunt adversus eam. Matth. 18.*

**A**ccessus, & Propositio. Ita hodie firmitatem Ecclesiæ in Petro fundatæ, & adversum portas inferni munitæ profiteor, ac veneror, ut simul ad infirmitatem illorum respiciam, qui  
con-

considerantes, diversis locis, ut in Anglia, Suecia, ac imprimis Oriente, vigorem Ecclesiæ, & decus collapsum, inquirere non raro soleant: Quid sit? quod DEUS Dominus, concessio tanto indefectibilitatis privilegio, universali Ecclesiæ, partibus tamen nonnullis, illam concuti, ac collabi sinat? Ad hanc itaque infirmorum quæstionem respondere volo; nec aliter id faciam, quàm iis adductis argumentis, quæ sacre Apostolorum Petri, & Pauli in suis Symbolis repræsentant imagines.

### Confirmatio ex consideratione clavium Petri, & ensis Pauli.

Quod oculis patet, sermone longiore ut formetur non interest. Tales verò sunt Divorum Apostolorum, quorum alter cum clavis, alter cum gladio pingitur: & uterque, & sigillatim & junctim sumptis Symbolis, causas, Cur DEUS partes Ecclesiæ per loca, & Regna varia labi sinat, edocet.

Ac primum divi Petri claves, non dubiè quidem in Petro supremam, ac plenariam gubernandæ Ecclesiæ potestatem significant? Qui enim domus claves possidet, potestatem in domum habet. Hinc & Apoc. 1. ait Dominus: *Habeo claves mortis, & inferni*, significans mortem, & infernum in sua esse potestate. Si tamen verba Servatoris, quibus illas tradit, expendantur, rem quoque nostram apertam faciunt. *Tibi, inquit Christus, dabo claves Regni Cælorum.* Quid causæ, quæro, quodd

quod Christus promittat Petro claves, non clavam? An quia unius Cœli plures portæ? unde dicitur: *Tollite portas Principes vestras*, Pf. 23. Cogitent id delicatuli, qui se nullo studio Cœlum posse occupare existimant. Inter causas interea cæteras illa quoque verissima, & nostri propositi est, ideo Petro dari claves, non clavam, ut significetur Petri fidem, & Ecclesiam; non alligari, nec stringi locis, Provinciis, Regnis, sed esse indefectibilem, ac universalem, quæ indefectibilitas, ac universalitas permixtis, Ecclesiæ in nonnullis partibus, ruinis magis demonstratur: cum, quamvis in multis locis videatur ruisse, ipsa tamen semper subsistat. S. Leo Serm. 3. de Passione: Christus, ait, non in templo, nec intra septa Civitatis, sed foris, & extra castra crucifixus est; ut Crux Christi non templi esset ara, sed mundi. Pari modo dicere de clavibus Petri licet, esse, & dici claves, non templi, non loci alicujus, sed mundi, & totius Regni Cœlorum. Origen. in Comment. in Matth. Petro quidem, ait, sunt datæ claves, non unius Cœli, sed multorum Cœlorum, ut quæcunque ligaverit super terram, sint ligata, non tantum in uno Cœlo, sed in omnibus Cœlis: ad eos autem, qui multi sunt ligatores, & solutores, sic dicit, ut solvant, & alligent: non in Cœlis sicut Petrus, sed ut solvant, & alligent in omnibus locis, id est, singuli in suis. Quod si hæc ratio argumentandi, in comparatione verorum clavigerorum valet, quid dicemus de iis, qui sibi dolose claves arrogarunt? Gloriabatur olim impiè



piè Donatus , apud Augustinum , sibi claves  
 Affricæ , & in ea Regni Cœlorum commissas.  
 Idem dixisse poterat Arius in Oriente , & alii  
 Hæresiarchæ ; sed quæ istæ claves , dispersæ,  
 ac dissipatæ , atque demum singulares ? ut si  
 Donato Affricam eripias , si Ario Orientem ,  
 nusquam subsistant. Non sic Petrus ; qui ge-  
 stat claves Regni Cœlorum , nunquam sua di-  
 tione , nunquam suo jure , nunquam etiam Re-  
 gnis , ac Provinciis destitui potest , ad quod  
 referas item sensum Clemen. lib. Stromat. 6.  
*Philosophiam (dic tu hæresim) Si quis Magistra-  
 tus prohibuerit, ea statim perit ; nostram autem doctri-  
 nam , à prima usque prædicatione , prohibent simul Re-  
 ges , & Tyranni , & singuli Duces , & Magistratus  
 cum universis Satellitibus in nos belligerantes ; & ex-  
 scindere conantes , illa autem magis floret.* Specia-  
 le hoc Petri clavium Privilegium , ut nihil de-  
 perdant , quamvis aliquibus portis occlusis sub-  
 trahantur , præsertim , cum singulari Divina  
 providentia id evenisse , eveniréque comper-  
 tum sit , ut si quæ Provinciæ his clavibus sub-  
 trahantur , aliæ continuò substituantur. Id fa-  
 ctum post Lutheri , Calvinique hæresim mon-  
 strat Indiarum , ac Japoniæ conversio : id fie-  
 ri post miserum item quorundam Regnorum  
 lapsum , docent recèns literæ , quæ de innu-  
 merarum gentium conversione significant.

Sed & gladius Pauli innuit aliam causam , cur  
 Ecclesia in se indeficiens , in aliquibus terris ,  
 Regnis , Provinciis deficere sinatur ? sunt au-  
 tem peccata populi , propter quæ justo DEI

judicio beneficium salutis illis subtrahitur. Gen. 3. post narratum lapsum primorum parentum concludit Scriptura. *Ejecitque* (DEUS scilicet) *Adam, & collocavit ante Paradisum voluptatis Cherubin, & flammeum gladium, atque versatilem.* Quidni Ecclesiam dicamus esse Paradisum? Quidni Paulum Cherubin? Paradisus primam dedit homini vitam; Ecclesia reddit; in qua *salvos nos fecit*, ad Tit. 3. *per lavacrum regenerationis.* Paradisus arborem fovit; Ecclesia panem vitæ. Joan. 6. *Ego sum panis vivus.* Paradisus fontibus gratissimis scatebat; *Fluminis impetus* Psal. 45. *lachrymarum scilicet, & pœnitentiæ, letificant Civitatem David:* id est, Ecclesiam. Paradisus erat medium beatitudinis; Ecclesia suos salvat. *Qui crediderit, & baptizatus fuerit, salvus erit.* Marc. 16. Est ergo Ecclesia Paradisus, ante quam stat Cherubin, Paulus, Cherubin enim alis vehitur; Paulus ad tertium usque Cœlum provectus. Cherubin sapientissimus; Paulus 2. ad Corinth. 12. *audivit arcana verba, quæ non licet homini loqui.* Cherubin Paradisi custos; Paulus Ecclesiæ. Sed cur gladio terret? ut discamus, ideo multos Ecclesiâ, & à multis Ecclesiam excludi, propter quod exclusus est primus homo ex paradiso, scilicet propter peccata. Scio, D. Chrysostomo, Pauli gladium dici Coronam, qua caput suum cingi optat; at, ut Cherubin tamdiu Adami custos, quamdiu ille DEO obsequens; mox verò, post peccatum, factus ultor; ita Paulus piorum Corona, impiorum ultor. O si illa

illa Regna, quæ jam à Christo, & Ecclesia rescissa sunt, prævidissent imminetia sibi pericula! O si & alia præviderent! profectò non alia illis spectacula occurrerent frequentius, quàm gladiatorum districtorum, Templis ipsis, & Ecclesiis propter peccata, maximè in ipsa Ecclesia committi, solita, imminetium: quales & ante Hierosolymæ excidium, in aëre visi, supra templum notantur, & quales eidem prædicti à Christo Matth. 21. videntur, quando *intravit in templum DEI, & ejiciebat omnes vendentes, & ementes*: tum verò graviter increpans: *Domus mea*, inquit, *Domus Orationis vocabitur, vos autem fecistis illam speluncam latronum*. Quidni potius diceret? Emporium, aut forum, in quibus vendi res, & emi solent, non verò speluncam. Tria potissimum spelunca habet: 1. Est asylum latronum, ad quod vitaturi supplicia confugiunt. 2. Est velamen scelerum, sub quo multa homicidia, & malefactorum malæ partitiones, aliæque immania scelera peraguntur. 3. Est nutrix, & limes mortis, à quo scelerati ad necem, & gladium prodeunt, aut producuntur. Faciunt igitur improbi Ecclesiam speluncam, propter priora duo, quia eò confugiunt vitaturi supplicia peccatorum, & cùm confugiunt, asylum suum volunt esse velamen criminum novorum, supra quæ ingemiscens Chrysost. homil. 32. *Domus priscis temporibus Ecclesiæ erant: nunc ipsa etiam Ecclesia in Domum redacta est. Nihil ante in privata domo carnale loquebantur: nihil nunc*

*in Ecclesia spirituale memoratur : sed huc etiam fori, & judicii negotia introducitis, quas ob res acerbè fleo, & nunquam flendi finem faciam. Quidni igitur ex eo tertium sequatur? ut Ecclesia, facta hoc modo spelunca, fiat nutrix gladii, & primus limes iræ Divinæ contra peccatores, quam indicat Pauli gladius, & explicat horrendis minis Dominus, Jer. 7. dicens : Nunquid ergo spelunca latronum facta est Domus ista, in qua invocatum est nomen meum, tum subdit v. 15. Projiciam vos à facie mea, sicut projecì omnes fratres vestros, universum semen Ephraim. ac rursus: Tu ergo noli orare pro populo hoc, nec assumes pro eis laudem, & orationem. Quid gravius dici potuit? & quæ clarior causa reddi, cur nobis orationum communio, cur laudandi DEI loci adimantur, cur à facie Domini cum Regnis, & Provinciis abjiciantur? quam hæc dicta Prophetæ, & peccata nostra, & iram DEI, gladio D. Pauli signatam, memorantia.*

Restat, ut conjunctim quoque sumptæ claves Petri, & gladius Pauli, causam suggerant; cur DEUS sinat Ecclesiam in partibus quibusdam orbis collabi, & est: violentia, quæ clavibus, & gladio improbè interdum ab hominibus infertur. *Gloriosi Principes terræ quomodo in vita dilexerunt se, ita & in morte non sunt separati, ait de Apostolis Ecclesia. Par illis vita, ac mors obtigit. Ardet zelo Petrus, & pro Christo se morti offert, Matth. 26. Etiam si me oportuerit mori, non te negabo. Ardet Paulus, & ad ejusdem gloriam cupit esse anathema pro*  
fra-



fratribus, ad Rom. 9. Humilis Petrus Christi præsentia se indignum judicat: *Exi à me Domine, quia homo peccator sum.* Luc. 5. Humilis Paulus minimum se Apostolum judicat, 1 Cor. 15. *Ego minimus Apostolorum.* Indefessus labore Petrus, Judæam, Græciam, Romam prædicatione implet. Par studio Paulus, eadem, aliâque loca prædicans, obit. O pulchram vitæ similitudinem! quam mors par coronet. Pro eadem Religione, eadem die, ab eodem Tyranno, Martyrio coronati: Ut tandem, nec post mortem separarentur, ambo Principes, Tutores Ecclesiæ simul esse meruerunt; ita illam defensuri, ut & claves gladio, & gladius clavibus jungatur. Num. 32. ait de Israëlitis Scriptura: *Egressi sunt de Ægypto per turmas suas in manu Moyse, & Aaron.* Ubi Orig. *Ad exeundum de Ægypto, non sufficit una manus, sed manus Moyse queritur & Aaron.* Ito secuta cogens sub talibus Ducibus. Commodissimè id refert ad Duces Ecclesiæ, Petrum, & Paulum; verum ne duæ tibi manus dissensionem ingenerent, adverte Scripturam dicentem: non in manibus, sed in manu Moyse, & Aaron, quod notans, qui suprâ Origen. *In manu, inquit, Moyse, non in manibus.* Unum enim opus uniusque una manus est, atque una perfectionis expletio: scilicet in Moyse, Aarone populi liberatio: in Petro, & Paulo, Ecclesiæ per claves & gladium defensio, & tutela. At quam non rarum, etsi impium? ut & claves Petro & gladius Paulo, si superis placet, vi extor-

queantur? Quid agunt, qui, nequaquam debita præparatione præmissa, Sacramenta sibi ministrari volunt? Petro claves extorquent. Quid, qui excommunicationes, interdicta, & alias pœnas Ecclesiæ contemnunt. Paulo gladium, ad Ecclesiæ jura tuenda datum, eripere nituntur. Fit ergo, ut ejusmodi turbatores, audiant dicta, Jos. 7. *Quia turbasti nos, exturbet te Dominus.* Gravis erat multis solus aspectus clavium, fiat ergo, ut Ecclesiæ sublatæ non inveniantur, etiam cum quærentur. Oderant sacras Conciones, audiant hæreticas, Paganasque blasphemias: fugiebant frequentiam Sacramentorum, arescat anima sine usu illorum. Execrabantur monitiones, decreta, minas Prælatorum, sentiant servitutem Barbarorum. Tollantur de medio populi DEI, qui tollere claves Petri nitebantur de Ecclesia, rescindantur per bella, aliosque infaustos eventus à fidelibus, qui voluerunt ferre fulgorem gladii per Ecclesiam micantis cum infidelibus: ut sicut ait Chryf. in Psal. 3. *Unde est fons peccati, inde procedat, plaga supplicii,*

---

## MODUS XXX.

**P**ER Profopopæiam, vel quasi Profopopæiam, quando scilicet Orator, induci Oratione, aliam à se personam loquentem, & quid illa dicat, non in quo, ipsi audiri velit, refert: explicando interea, illa aliena dicta, probando, amplificando. Possunt autem induci, ratione

gra-

gravitatis debitæ, servata, non solum res animatæ, sed & inanimatæ, ut cœlum, sol, elementa, & his paria: quemadmodum fecit D. Aug. in soliloquiis, inquirens DEUM, & inducens creaturas respondentes: *Ipse fecit nos, & non ipsi nos.* Hic modus dicendi, potissimum convenit, si sermo habeatur de rebus dubiis, difficilibus, admirandis, E.g. si de Immac. Conceptione locuturus, dicat: Nolle se in materia non definita, definire; sed rogare ab Auditoribus, ut auscultent de ea re loquentes, Prophetas, Patres, admirandas historias, quibus per Protopopæiam sermo esset dandus; similiter, si de sanctissima Trinitate dicturus, asserat, mysterium id sibi esse inexplicabile. Audirent igitur potius, de ea re, gravissimas Athanasii, Augustini, Nazianzeni; sententias: quas illæ personæ edicentes, citari deberent.

## P R A X I S

Dominica III. post Pascha.

*Modicum & non videbitis me, & iterum modicum & videbitis me.*

**A**ccessus & Propositio. Modico Evangelii, modicum vitæ nostræ designari, plurimum cum D. Augustino 101. in Joan. id affirmante; consentiunt: sed modicum vitæ, esse verè modicum; nimis quam pauci sibi persuadent: atque ideo, diuturnitate & gravitate laborum terri, illud Hebræorum Esa. 28. v. 13. submurmurant. *Expecta, reexpecta, modicum ibi modicum*

*dicum ibi, modicum ibi, modicum ibi; fitque quod subdit Propheta. ut cadant retrorsum, & illaqueentur & capiantur. O quis mihi det, ut hoc modicum, esse modicum hodie persuadeam! Non assumo audaciam: verum rogo, ut mecum pariter gravissimos, ac sapientissimos viros, id suadentes audiat.*

**Confirmatio per inductionem testium,  
propositum suadentium.**

Atque primum audire mihi videor D. Præsulem Hipponensem loco cit. sic concludentem. *Modicum est, hoc totum spatium, quo præsens pervolat seculum, quod ut intelligamus, mox subdit. Hoc modicum longum nobis videtur, quoniam adhuc agitur: cum finitum fuerit, tunc sentiemus, quam modicum fuerit. Hem nostros errores, qui tempus, non ex eo, quod egimus, mensuramus; sed ex eo, quod speramus; aut potius fingimus: cum tamen, quod non egimus, nullo modo nostræ mensuræ subsit, quod gessimus mensurari possit. Numera ergo triginta, quadraginta, aut sexaginta annos, quos gessisti, & dic quantum de illis tibi hodie restet. Certe nisi falsum ames; & si Jacobi ætatem attigeris, dices. Dies peregrinationis meæ, centum triginta annorum sunt, parvi, & mali. Genes. 47. Nihil ex illis restat, nisi unum momentum; cui, an aliud successurum, ignoras; sed etsi succedant millia, cum finita fuerint, tunc senties, quam modicum fuerit: tunc apud te frustra requires, ubi illi familiares? ubi illa gaudia, ubi*



ubi illa juvenus? ubi illæ voluptates? Transierunt sicut umbræ, & nullum sensum, nisi minutissimi modici, reliquerunt. Unde prædictus doctor rursus in Psal. 36. *Recole annos ab Adam usque ad hodiernum diem. Percurrere scripturas: heri benè, Adam ille, de Paradiso lapsus est. Ubi sunt præterita tempora? Sic pauca utique, quæ restant transibunt. Si toto illo tempore viveres, ex quo Adam de Paradiso dimissus est, in hodiernam diem: certè videres vitam tuam, non fuisse diuturnam, quæ sic evolasset.* Psal. 36. *Cum perierint peccatores, videbis.* Quid verò illud est, quod tunc videri possit, postquam peccator, justissimis sepulchri absorbetur tenebris? Job. 20. *Quod laus impiorum brevis sit, & gaudium hypocritæ ad instar puncti.* Nam quasi sterquilinum in fine perdetur, & qui eum viderant, dicent, ubi est? Gen. 3. Adam interrogatus à DEO, ubi es? respondit. *Vocem tuam audiui in Paradiso, & timui, eo quod nudus essem, & abscondi me.* Tum primum Adam, perfectè se miserum agnovit, cum quæreretur, ubi es? tunc & homines, miseriam, & instabilitatem, ac brevitatem suam agnoscunt, si à se requirant, ubi es? post tot scilicet annos, & post tot decades annorum. Ah infelix! si non prius hanc interrogationem ordiaris, nisi posteaquam, ipsa mors aut infernus à te requisierit. Ubi es? Certè si Adam in Paradiso extimuit ad hanc vocem, gravius te necesse est expavescas: sed non te abscondes. Igitur nunc à te require, ubi sis? ubi sit pueritia, in juvenute, ubi juvenus in virili ætate, ubi virilis

rilis ætas in senectute; & videbis quod à D. Augustino doceris, quia, *hoc modicum, longum nobis videtur, quia adhuc agitur, cum finitum fuerit, tunc sentiemus, quam modicum fuerit.*

Validiore tamen, insuper ratione, hoc modicum, esse verè modicum, videtur persuadere Propheta Aggæus cap. 2. v. 11. sic nos in persona Dei alloquens. *Adhuc unicum modicum est, & ego commovebo cælum & terram & mare & aridam.* Quibus verbis innuit, transiturum mox tempus ducimus, & successurum aliud tempus, in quo, jurante Angelo, Apoc. 10. *Tempus amplius non erit: sed successura est temporis, imensa nulloque unquam terminata fine, Æternitas: cui quantumvis temporis, compareretur, modicum, & iterum iterumque modicum est.* Scribit de S. Galgano, Philip. Ferra. in Catal. 88. Illum, post annum, in obsequio divino perfectè exactum, vocem è cælo audivisse, se ad præmium continuo percipiendum, vocantem. *Satis est quod laborasti: metes nunc, quod seminasti.* Multi credo forent, qui annuo obsequio cælum obtinere vellent; sed reverà, quantumcunque illud longum videatur, nec annum est, sed nimis quam modicum, æternitati comparatum. Quid appendis cum infinito inclamat Aug. Psal. 36. *quantumcunque finitum? Decem millia annorum, decies centena millia, si dicendum est, & millia millium, quæ finem habent, cum æternitate comparari non possunt.* O quam profunde stylo ferreo, ad intelligendum id, imprimenda cordi essent Seraphici verba Francisci.

cisci. *Modica voluptas, pœna immensa: modicus labor, gloria æterna, multorum electio, omnium retributio.* Quid agitis peccatores, dum mundum sectamini? *modica voluptas pœna immensa.* Quid metuitis pii, dum susceptos pro DEO labores deferitis? *Modicus labor, gloria æterna.* Utrobique modicum est, si æternitati comparatur: & utrumque eum animum in Christiano exigit, quo respondit, gloriosissimus Martyr, Thomas Morus, consorti suæ, ut in suorum solatium, Regiæ voluntati, quamquam improbæ, assentiretur suadenti, posteaquam enim, sciscitatus ab illa fuisset; Quamdiu tandem illis solatiis uti liceret, quæ illa promitteret? & uxor respondisset; Facile crediderim 20. aut 30. annis, exclamavit: Vis ergo me ita stultum, ut annos 20. aut 30. æternitati immensæ præferam! Non emo tantum tantillo; nec perdo. Hoc diu noctuque Christiani nobis proponamus, & intelligemus, quam verè Hieron. in proem. cap. 8. Ezech. dicat. *Nil longum, quod finem habet, & æternitate excipitur.*

\*S

## MODUS XXXI.

PER suspensionem, vel quasi suspensionem, quando scilicet Orator, ita de aliquo, tanquam principaliter intento, se acturum proponit: quod prius de alio, tanquam minus principali agere velit; cum tamen in priori po-

tius, vis orationis consistat, quam in posteriori: etsi posterius, tamquam præcipuum Auditor expectet E. g. si Dominica 2. Pentecostes dicturus, hoc modo proponat. Invitaturus vos ad magnum convivium prodii, sed antequam id faciam, suadebo inprimis, ne ab hac invitatione vos excusetis atque sic, primum rationes excusantium, à cœna magnarejiceret; tum verò, ad invitationem descenderet: similiter si Dominica 8. quæ est de peccatoribus appropinquantibus, diceret: se vel le, peccatores Christo præsentare. quod antequam fiat: instructurum, quales debeant esse, qui velint præsentari, aut, quam desiderandum hoc sit peccatori, præsentari Christo.

## P R A X I S.

## Dominica Quinquagesimæ.

*Postquam flagellaverint, occident eum.*

*Luc. 18.*

**A**ccessus & Propositio. Refert vita B. Joannis fervi DEI, solitum illum, deferre secum imaginem reconditam crucifixi, qua per occasionem deprompta, per nomen & præsentiam crucifixi, multa ab hominibus petebat, ac impetrabat. Imitabor eundem hodie, & Christi crucifixi imaginem, quam Ecclesia Evangelii verbis repræsentat, assumens: à vobis Auditores per ejusdem crucifixi nomen, & gratiam, nonnihil, illudque exiguum petam;  
non



non prius tamen id ipsum factururus, nisi cum breviter ostendero, justissimum esse; ut quod à nobis per nomen Crucifixi petitur, facile concedamus.

**Confirmatio debet primo loco posteriorem partem tractare, quæ est: Quod per Crucifixi Nomen petitur, facile concedendum.**

Ita omnino, cum omnis ratio doceat, non neganda ei paucula quædam, ac exigua: à quo maximis sis præventus muneribus. Quis hominem ferat, qui ex infimo statu alienâ gratiâ ad sublimem, opulentumque gradum evectus; si ejus deinde benefactor aliqua re egere videatur, eandem neget? præsertim si alter in eo juvando, omnes opes expenderit. Heu Christiani! respicite in Crucifixum, cum per Crucifixum aliquid peti auditis. Videte, ut pauper, ut nudus appareat. Quid ita? quia in nos omnes opes expendit, atque semetipsū in nostri pretium exinanivit ad Philip. 2. quod idem Isai. annuntiat 52. *Disciplina pacis nostræ super eum, & livore ejus sanati sumus.* Devotissime Aug. Medit. cap. 7. *Quò nate DEI, quò tua descendit humilitas? quò tua flagravìt charitas? ego iniquè egi, tu pœna mulctaris. Ego facinus admisi, tu ultione plecteris; ego crimen edidi, tu torture subjiceris; ego superbivi, tu humiliaris; ego tumui, tu attenuaris. Mea igitur paupertas pergit. Amb. 2. in Luc. illius patrimonium est, & infirmitas DEI, mea est virtus. Maluit sibi egere, ut omnibus abundaret.* Apud Augustum Imperato-

rem veteranus miles causam dicebat, cui discernendæ, aliquos ex Patribus conscriptis, Imperator destinabat: tum miles pectoris vestimento diducto, & vulneribus patentibus. *Noni ego Cæsar periclitante te Altiaco bello vicarium quæsiui, sed pro te ipse pugnavi.* Subjicit Seneca: *Erubuit Cæsar, atque ipse in advectionem descendit: veritus ne non modo superbus, sed etiam ingratus haberetur.* Itane? beneficiorum memoria Cæsarem ad concedendum, quod desiderabat, Veteranus ille movit: nos latius longè patentibus, & beneficiis, & vulneribus Crucifixi ad indulgendum, quod per Crucifixi Nomen petitur, descendere recusabimus? Apage infelix ingratitude, & tu, à quo aliquid per nomen Crucifixi petitur, memineris insuper; venturum tempus, cum per idem nomen salutem tuam deposes. Vide ergo, ne si illud auditum, leviter dissimiles, à te quoque prolatum, meritò dissimuletur. Usu multarum Provinciarum receptum, inter bivia, & viarum divisiones Crucifixi imaginem locari. Aderit bivium geminæ æternitatis, tunc exclamabis: *Domine JESU Christe Fili DEI vivi, pone Passionem, Crucem, & Mortem tuam inter iudicium tuum, & animam meam.* Adverte, quam id mereberis, si jam, cum à te eodem nomine aliquid petitur, animum avertis. Sepeliebatur inferno dignum cadaver, ut habet Speculum Exempli. cui adstantes Sacerdotes, dum pro more illa verba ex Job assumpta, & in funere fidelium ab Ecclesia decantari solita: *Parce*

*mibi Domine, nihil enim sunt dies mei, occinunt, Crucifixi proxima imago distincta voce respondit: Non pepercit, non parcam. Utinam nemo sit, sed heu multi futuri! quibus similia, vox interna, in agone intonabit: Non pepercit, non parcam; non exaudivit preces miserorum, non exaudiam; noluit cor suum moveri ad nomen Crucifixi, non movebor. Absit hoc à nobis, quibus nihil magis auxiliari potest, inter illa extrema pericula, quam nomen, & merita Crucifixi. Scribit Flor. 264. anno 1548. mortuum virum piissimum Ordinis Capucinorum, qui singulis noctibus, longas flagellationes faciebat, eo insuper genere flagellationis adhibito semel in anno, quo, tot ictus corpori infligebat, quot inflicti, Christo flagellato ex revelationibus habentur. Hic tamen deinde apparens fratri Joanni Apulo, & interrogatus, in quo statu esset, respondit: *In via salutis, quam sola Christi passione, & ejus meritis consecutus sum.* Id certè etiam sensisse dicendus Joannes ab Alverra, qui moriens his D. Bernardi verbis fratres est allocutus: *Christi Passio ultimum refugium, singulare remedium. Deficiente sapientia, justitia non sufficiente, sanctitatis succumbentibus meritis, illa succurrit.* Hic noster quoque sensus sit necesse: quo, ad concedendum facile, quidquid Christi Crucifixi nomine petitur, nullo negotio permovebimur.*

Confirmationis secunda pars principa-  
liter proposita, sed suspensa.

Jam igitur pro Crucifixo, ejusdem Crucifixi nomine supplico, jam peto; tantum intelligere vellem, an quod peto, concessuri sitis. Respondete non mihi, sed Crucifixo Servatori, concedetisne, quæ peto? Hæret non nemo, & prius significari cupit, quid petam? Proh turpissimam parvitatem. Cur quæris, quid pro Crucifixo petam, cui nihil meritò negare potes, si petam? sed cum D. Bernardo fateri debes: Quia fecisti me, debeo tibi me, quia autem refecisti, factus homo; adde, & passus pro me, debeo plus quam me. Sis interea velim certus, nihil tuis commodis, nihil opibus, nihil incolumitati obfuturum petendum, quin potius id, quod leve sit, & cum Crucifixo donaveris, tuæ maximæ salutis tuis deserviat emolumentis. Illud verò est, ut quoniam tres primi quinquaginta dies à malis Christianis cum frequenti offensa DEI Domini expendantur, tu ô Christiane Crucifixi amator, in hoc templo, in hac hora, in hac præsentia ipsiusmet DEI Servatoris, firmo animo statuas singularem curam: quatenus eosdem sine omni peccato transiges. Ecce quod peto, quàm parum, quàm justum, quàm salutare! Triduo sustinuit Dominum turba, & meruit ingenti miraculo refici, Marc. 8. hoc tu pariter spera, si triduum istud DEO donaveris. Reficieris, & cum ingenti delectatione



reficietis: cū ſenſeris animum purum, conſcientiam quietam, DEUM amicum, ac inſuper tibi ſingulariter pro eo momento obligatum, quo videbitur *Filius hominis in majeſtate magna*, & *plangent omnes tribus terræ*, Matth. 24. Tunc tu hilaris levabis caput tuum, gaudebisque in DEO JESU tuo. Sed & cū venerit hora mortis deſtinata, & cū quidquid dederat, aut promiſerat mundus, ablatum fuerit: ſumes ſecurus, in manus tuas Crucifixum, aut pectori ſuperponi ſenties: pondus utique contemptoribus Crucifixi, non ſuſtinendum. Tunc denique implebitur in te, quod ad Heliodor. ſcribit D. Hieron. *Tunc ad vocem tubæ pavebit terra cum populis*, & *tu gaudebis. Tunc tu ruſticanus*, & *pauper exultabis*, & *videbis*, & *dicet*: *Ecce crucifixus DEUS meus.*

[illegible]

MODUS XXXII.

**P**ER interrogationem, quando Orator, quasi dubius, aut instructionem meliorem ab aliis petiturus, proponit, se de aliqua re quaesitum: vel ab auditoribus, vel ab absentibus, vel ab aliquibus statibus, & ordinibus, hominum, vel à scriptura, vel à Patribus, vel denique ab aliis creaturis, totumque sermonem per interrogationes iteratas nectit, E. g. si quis de SS. Trinitate, inquirat sententias, diversas, easque allatas suscipiat, aut rejiciat.

M	3	7	5	-	4	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-	-
---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---

Item, si ad Evangelium Dominicæ 13. post Pentec. Novem autem ubi sunt? requirat à diversis hominum statibus, an ejusmodi ingrati, apud illos non foveantur, formando pro necessitate causæ, responsiones: & ad salutare exhortationes derivando: aut si Dominica 15. à Pentec. ex occasione defuncti filii viduæ in Naim, inquiratur à Medicis, Philosophis, Theologis, an mors vitari possit? simili etiam modo disponitur oratio per figuram Responsionis; ut si Dominica 5. Quadrag. ad illud: quare non creditis? reponatur unum, ac aliud quia, sed sit.

## P R A X I S.

Dominica IX. post Pentecost.

*Non reliquetur lapis supra lapidem.* Lu 19.

**A**ccessus & Propositio. Occasus Hierosolymæ urbis, orbi, & ætati omni admirandæ monet nos, nullam civitatem, imò nullam Rempublicam tam felicem debere censerì, quæ non suum occasum aliquando subire cogatur. Illud tamen verum est, ut subito præcipitari: ita aliquandiu conversari, consiliis, ac moribus humanis, Respublicas posse. Sed quæ hæc consilia, qui mores? longum esset de utrisque differere. Hoc igitur solum hodie quæram. Per quid Regna præcipitentur. Neque id rursus, tanquam sententiam mihi arrogans narro: vero: sed vobis coram, à viris inprimis Reipublicæ gubernandæ, peritis, tum à Sacra Scriptura id requiram.

Con.

Confirmatio per Interrogationes  
texta.

Est suus etiam posthumis manibus sermo, Aud. est sua oratio, tantò certior, quantò apud omnem posteritatem constantior. Illos igitur alloquor; ac inprimis tuum iudicium requiro, vetustissimè observator Rerum publicatum Livi, & tuum ornatissime Romani Imperii Cultor Flore, Agite, decernite. Quid sit quod potissimum Rempublicam Romanam præcipitârit, & præcipitare possit alias? Respondet prior lib. hist. 2. *Id unum venenum, ea labes civitatibus opulenti reperta, ut magna imperia mortalia essent.* Quid ais vir doctissimè ficcine credis, imperia, ut homines; mortem agnatam habere? Ita omninò censet: & Divinæ Providentiæ, statuta imperiis tempora designantis, jura prodit; O vanas hominum curas? O fallaces cogitationes! quæ immortale aliquid censent, quod mortalis constituit manus. Quicquid stat, ruat necesse est: & si jam *Floro aures damus: tum ruat, cum maximum robur, & incrementum sumpsisse videtur. Roma enim, ait ille magnitudine sua ruit.* Roma utique illa, quam Servius, in Eclog? Virgili, dicit non tantum magnitudine, sed genere differre ab aliis civitatibus, & esse quendam alterum mundum. Roma item illa, supra quam exclamant, D. Fulgent. *Quam speciosa sit necesse Hierusalem Cælestis, si sic fulget Roma terrestris!* Si ergo hæc, & tanta Roma magnitudine ruit: vi-

deant quam accomodè ad bonum commune agant, qui fines imperii sui cum orbe terminatos volunt; imò scilicet pro Jove, Cœlis imperare desiderant. Sed fortassis, aliam ruentium imperiorum causam, maximum Philosophiæ, & Politicæ decus, Aristoteles assignârit? Bene est. Ad te jam ô laureatum caput convertor; & quibus potissimum causis, Respublicæ collabantur, inquirō. Duas ille assignat, lib. 2. Arnisæi, in suam politicam, scribentis, primam honores nimios paucis collatos; aliis exclusis. *Cum enim multitudo inopum ab honoribus exclusâ est*, ait idem 3. polit. cap. 2. *eam Rempublicam oportet plenam esse hostium.* Quod plena sit hostium, plena erit insidiarum, plena impugnationum, se in ruinam agentium, Secundam dicit esse Nimiam potentiam civium, præsertim armatorum, *Qui enim arma in manu habent, eorum arbitriis est, ut maneat, Respublica*, 7. polit? cap. 9. Dicere id posset nostra Polonia sub Sigismundo primum III. ac mox sub Joanne Casimiro Regibus, civili potentia gravissimè pressa, ac penè in exitium supremum protrusa. Sed nunquid adhuc alios non adibo? & ab iisdem non requiram? Ut latè non evager, te ornatissime Salusti, & te Fortissime Rex Jugurtha, non præterierim: quin Rerumpublicarum ruentium causas, requiram. Uterque eodem libro historiæ salustiane respondet. Et ipse quidem Salustius, occasum imperiorum, in mutationem morum refert, iisdem quippe artibus imperia conserventur, quibus  
com-



comparata fuerint, Rex autem, sensus animi alta voce promens: his Romam cadentem, & in ea, orbis imperia alloquitur. O venalem Romam, si quis reperiatur, qui eam meretur? Turpe & exitiosum Regnorum ludibrium, venale in magistratibus imperium. Quid agat virtus? quid sapientia, quid Heroum fortitudo, ubi omnia pecuniæ prostant? Abesse certè illa, talibus imperiis debent: & si absint, magna imperia, quod horrebat Augustinus, fieri est necesse, magna latrocinia, ac inde; pœnæ occasus subire.

Sed cur ego hos morer, quin ex ipsis Divinæ Sapientiæ oraculis rem expediam. Te ergo Divinissime vates Isai, te Jeremia, te Michæa, te Zacharia: vos quotquot, DEI luce perfusa claruistis pectora, interrogo? quanam sint? quæ Principatus, Regna, Imperiæque in præceps agunt? Nemo illorum non illa voce Eccles. cap. 40. respondet: *Mors, sanguis, contentio, & romphæa, oppressiones, fames, & contritio, & flagella super iniquos creata sunt hæc omnia.* Eheu peccata quàm facilè admittimini, & quàm dimittimini difficilè! nec hominibus tantum singulis, sed totis Regnis, ac Imperiis interitum adfertis! Zachariæ 5. vidit Propheta Amphoram, cui infidebat fœmina, habens nomen, *Iniquitas*, in terram Senaar transferri. Quod istud monstri? Regnorum scilicet, consentientibus Scriptoribus, vices significantur, quæ propter iniquitates populi mutantur, & transferuntur: juxta edictum Spiritûs Sancti Eccles.

10. v. 8. *Regnum à gente ad gentem transfertur propter injustitias. Quod si inquiramus, quæ potissimum scelera hanc pœnam DEI secum trahant, dicet Isa. cap. 25. esse luxum, & superbiam: Quis cogitavit, inquit, hoc super Tyrum, quondam coronatam? cujus negotiatores, Principes, institores ejus, inclyti terræ. Dominus exercituum cogitavit hoc, ut detraberet superbiam omnis gloriæ. Dicet item idem cap. 26. esse pauperum oppressionem: incurvabit habitatores in excelsu, civitatem sublimem humiliabit. Quid ita? reddit causam, conculcabit eam pes, pedes pauperum, gressus egenorum: scilicet confirmante David Psal. 10. Tibi, O DEUS, derelictus est pauper: orphano tu eris adjutor. Denique concludet ipsa Veritas, & orbis Servator: esse impœnitentiam, quam hodierno sermone describit Luc. 19. Quia, si cognovisses & tu, & huiusmodi in hac die, quæ ad pacem tibi: nunc autem abscondita sunt ab oculis tuis. Audite hæc Reges, audite Regna, & intelligite, quia patiens est Dominus, & multæ misericordiæ: verumtamen, nisi convertamini in die, quæ ad pacem vobis est, in tempore opportuno, Psal. 33. aut ut Heb. legunt, in tempore inventionis: fiet, quod post impœnitentiam Jerosolymæ prædictum: Venient dies in te, & non relinquetur lapis supra lapidem. Cogentibus peccatis vestris, DEUM quodammodo invitum, ad ultionem justam, de vobis sumendam: juxta quod loquitur Salvian. lib. 6. de Provid. Circumsonabant armis, muros Carthaginis populi barbarorum: & Ecclesia Cartha-*

*Carthaginensis insaniebat in circis, luxuriabat in theatris. Alii foris jugulabantur, alii intus fornicabantur. Pars plebis foris erat captiva hostium, pars intus, captiva vitiorum. Tum addit: Et cum hæc omnia fierent, quid aliud talis populus agebat, nisi, ut cum DEUS perdere adhuc fortasse nollit, tamen ipse exigeret, ut periret. O cæcitatem! O amentiam, semper vitandam!*

MODUS XXXIII.

SENTENTIA habens specialem Emphasim, aut propter mysterii excellentiam inclusam, aut propter beneficii magnitudinem, significatam, aut propter præmii, vel pœnarum excellentiam exaggeratam; ita tractanda assumitur, ut toto Orationis decursu probationes, aut amplificationes illius nectantur; ipsa autem suo sensu singulas sæpius concludat. Potest autem ejusmodi sententia non solum ex Evangeliiis sacris assumi, sed & aliunde peti: atque rei propositæ adnecti. Sic exaggerat in Vigilia Nativitatis verba illa: *JESUS Christus Filius David nascitur in Bethlehem Juda, melissius Bernardus*. Sic in ipso die Nativitatis verba illa: *Verbum Caro factum est*, decus Concionatorum P. Petrus Skarga Societatis nostræ. Hujus etiam exaggerationis formam premit Drexel in Rogo damnat. cap. 10. ad illa verba: *Æternitas piorum suspirium*.

PRA-

In Festo Omnium Sanctorum.

*Beati, Beati, Beati, &c. Matth. 5.*

**A**ccessus & Propositio. Si quis dies potest, hodiernus etiam debet persuasum nobis reddere, quod olim sibi certum, coram toto mundo edixit, tuba sacrae Eremitae Hieronymus. Vox ejus est: *Nullus labor durus, nullum tempus longum debet videri, quo gloria aeternitatis acquiritur.* O quam pauci hanc vocem audiunt! quam pauciores intelligunt! ut autem intelligant, plurimum omnino interest; quatenus ad eam gloriam, ad quam creati sumus, & quae felices animae Sanctorum jam fruuntur, animosè accingamur. Eja auditores! demus tanto negotio tantillum temporis, & ad Christi Domini praedicationem reflexi, quam meritò id sentire debeamus, quod nullus labor durus, nullum tempus longum debet videri, quo gloria aeternitatis, qua Beati fruuntur, acquiritur, expendere hodie velimus.

**Confirmatio debet, aut potest constare**

Exaggeratione singularum Beatitudinum, quae omnino eae sunt, ut illis rectè pensatis, exclamare necesse sit: *Nullus labor &c.* Regnandum enim E. g. Beatis est: & in Coelis regnandum; & quid hoc? & quantum? quantoque labore dignum? Pro domo una, pro familia conservanda, quantus labor suscipitur, & neque sic multum se laborasse credit, qui, quod



quod desideravit, assequitur. Statuatur autem præmium laboris, Regnum Poloniæ, Galliæ, Hispaniæque certo acquirendum; quid non tentabit humana, non dico ambitio, sed & gloriosum generis animi propositum? Grachus apud Plutar. cum Pontificatum abiturus in forum prodiret, atque per matrem, difficultatibus objectis arceretur: *aut mortuum me*, inquit, *hodie*, *aut Pontificem videbis*. Quis hic improbus pro Pontificatu ad mortem labor? quid verò Pontificatus, quid omnia alia ad Regnum cœleste: Haræ comparatæ ad Palatium, casæ ad Templum. Quid enim hæc Regna? & quid illud? Primum recogita, aliud innuit. D. Aug. Manual. cap. 7. *Ibi vita sempiterna, & sempiternè beata, ibi gaudium sinè mœrore, requies sinè labore, opes sinè amissione, sanitas sinè languore, abundantia sinè affectione, vita sinè morte, perpetuitas sinè corruptione, beatitudo sinè calainitate, omnia bona in charitate perfectæ, & plena scientia in omnibus, & per omnia*. Expende, quanti hæc constant, & quanti facienda, quando cum Regno cœlesti veniunt. Verè, verè nullus labor magnus, nullum tempus longum debet videri, quo gloria talis æternitatis acquiritur; sed pergit Servator: *Beati &c. quoniam ipsi possidebunt terram*, Minui res videtur. Quid enim, ni possideant, imo continent terram, quorum regnum est in Cœlis? At latet hic ingens aliquid, & beatissimum, quod affecutus D. Hippon. Præsul lib. 1. de Serm. Domini in monte: *Illam*, inquit, *credo terram, de qua in Psalmo dicitur: Spes mea*  
*es,*

*es, tu portio mea, in terra viventium. Significat enim quandam soliditatem, & stabilitatem hereditatis perpetuæ: ubi anima per affectum bonum tanquam in loco suo requiescit, sicut corpus in terra: & inde cibo suo alitur, sicut corpus ex terra; ipsa est requies, & vita Sanctorum. Da mihi obsecro in terris talem terram, quæ sit terra viventium, quæ habeat soliditatem, & stabilitatem hereditatis perpetuæ, in qua tanquam in loco suo anima per bonum affectum requiescat. Heu! si tot laboribus, ac ærumnis terra mortuorum, terra non habens stabilitatem, terra, in qua non invenitur requies animæ, quæritur: Verè nullus labor magnus, nullum tempus longum videri debet, quo gloria eternitatis acquiritur. Simili modo cæteræ beatitudines expendendæ essent, & simili sententia concludendæ, in quarum examine ad magnitudinem gloriæ Sanctorum percipiendam duo quoque illa non imeritò consideranda. Primò: quàm variè sapientia summa beatitudinem illam exaggeret, appellando illam septies diverso vocabulo, quod est (humano modo loquendi) significare: rem talem esse, quæ satis explicari non possit. Secundò: concludendo Beatitudinem ultimam, verbis initialibus: quoniam ipsorum est Regnum Cælorum, & omnes unà Beati, Beati, Beati &c. quod eandem difficultatem exprimendi significat: & quandam abyssum felicitatis, de qua cum plurima dixeris, dicere tamen taliter non possis, quin reliqua profundissimo silentio involvas, illud*  
ite-



Post hunc Apologum, subsumere deberes: quod, quæ causæ recensentur ruinæ Regis Amasias: eædem sint causæ, cur, qui se exaltat humilietur. Propositio porro, dictarum causarum explicata, reliquum sermonis compleret. Potest autem hæc spectari in his: Quia, sicut Amasias Joam provocavit, ita superbus provocat DEUM: Quia sicut Amasias provocavit inæqualem, & carduus libanum: ita superbus, provocat inæqualissimum. Quia sicut Amasias, variâ est elatus victoriâ, ita superbus vanis effertur suggestionibus nec vult esse contentus suo nec se cohibere domi suæ &c. &c. Advertendum etiam hîc est, posse nonnunquam Apologos & parabolas ex proprio quoque sensu condi, sed in hac re magno judicio est opus. Liberalior esse potes in iis, quæ sensum aliquem, Sacræ Scripturæ parabolicae efferunt, & denique per sententiam citatam, aut mysterium fidei explicatum innotescunt: ut si de Christo, sub parabola Regis; de peccatore, sub parabola rei; aut vincti differas: aut, si simili modo, sententias aliquas proponas, E. g. illam Prov. 10. v. 26. *Sicut fumus oculis, sic piger &c.* posses tractare dicens. Magnatē quēpiam adiisse domum alterius, cæterum ornatam & cultam, sed fumosam &c. sed sit præcepti generalis.





Feria II. Paschatis.

*Nonne hæc oportuit Christum pati, & sic intrare in gloriam suam Luc. 24.*

**A**ccessus & Propositio. Heri Christus infernos expurgavit, hodie expugnat mundum. Id nunc spectare placeat.

**Confirmationis ingressus, per historiam quæ Facti similitudinem exprimat.**

Narrat libri iudicium cap. 16. Principes Philistæorum, acturos Dagoni, supra capto Samfone, gratias: congregatos fuisse in urbem Gassæ; atque inibi, post convivia celebrata lætantes, adduci imperasse Samsonem: ut coram se luderet. Domus, erat plena virorum ac mulierum, plaudentium ac tripudiantium: innitebaturque duabus columnis supra quas ut reclinaret, cum impetrasset Samson; apprehendens ambas, invocato Domino Deo suo: adeo fortiter concussit, ut domus rueret: & tria millia utriusque sexus, spectatorum sui ludi, occideret.

**Confirmationis reliquum, per applicationem rei assumptæ, ad historiam citatam, & per ejusdem probationem.**


Quid ni mundi ac mundanorum domum huic Philistæorum comparem dicamus? domus Philistæorum, domus sacra Dagon; id est frumento: Domus mundi ac mundanorum, do-

mus dicata escis. Domus Philistæorum, Domus convivantium, domus mundi, domus eorum, qui soli Deo ventri, continuo sacrificant. Domus Philistæorum, domus lætantium & plaudentium, nihilque de imminente periculo cogitantium, domus mundi ac mundanorum, domus tenentium tympanum, in manibus suis & ducentium in bonis dies suos, atque in puncto ad inferna descendantium. Utraque porro hæc moles duabus columnis nititur. Altera scilicet columna, cui domus mundi nititur, illa impiorum persuasio est Sap. 2. *Cinis erit corpus nostrum, & spiritus diffundetur, tanquam mollis aura.* Altera, illa aliorum; *Venite, coronemus nos rosis &c. Fruamur creaturâ tanquam in juventute, celeriter.* Aut enim homines mundani, quales Athei immortalem animam non credunt: Sed Spiritum cum aura, post mortem diffundendum: aut, immortalitatem quidem non negant; sed se nunc frui posse mundo; ac deinde regnare cum Christo confidunt. Deturbat hanc utramque columnam, his dictis Christus: *nonne oportuit &c.* & mundum expugnat ac domum ejus fallaciamque evertit. Ruit ergo, prima columna mundanorum & mundi, scilicet, incredulitas Resurrectionis & vitæ secuturæ. Nam aperte, post mortem, denunciat superesse gloriam suam & eam probat, resurrectione sua, ac ipso habitu peregrini, in quo hodie comaret. Eximiè id docet D. Gregor. verba hæc apud Barad. *Nonne oportuit Christum pati, &c. cum illis, Is. cap. 28.*

ut faciat opus suum, alienum opus ejus, ut opere-  
tur opus suum, peregrinum opus ejus: hoc est, ait  
citatus Doctor: Existimatis, Discipulo alienum  
opus esse à Messia, pati & crucifigi? Alienum qui-  
dem est, & peregrinum: sed hoc opus alienum su-  
scipere, & facere oportuit, ut faceret opus suum, ut  
intraret in gloriam Regni sui, ut haberet regnum  
in hominibus, sanguine suo redemptis. Erigere, qui  
hæc audis, & Apostoli monitum ad Rom. 8.  
indubitata fide cordi fige. Qui suscitavit Jesum  
Christum à mortuis, vivificabit & mortalia corpora  
vestra. Sic ruet in te mundus, cujus columnam  
primam, exemplo Resurrectionis suæ, & gloriæ  
beatæ memoriæ, subruit Christus.

Ruit porro, & secunda columna mundi, ac  
mundanorum: scilicet, vana & falsa persuasio;  
posse aliquem, gaudere mundanè in mundo: &  
regnare cum Christo: Nonne oportuit &c. Chri-  
stum ergo pati oportuit, ut intraret in glo-  
riam suam: & te non oportebit pati, ut mè-  
rearis gloriam non tuam? vide argumentum  
efficacissimum, non jam ab utili, non ab ho-  
nesto, non à convenienti, sed à necessario:  
adeoque intellige, in dialectica cœlesti, ter-  
minos hos, pati & obtinere gloriam, converti-  
biles esse, Mutuo se hæc inferunt: si cum  
Christo vis regnare, cum Christo oportet pa-  
tiaris. Unde idem servator, Ego inquit dispono  
vobis regnum, sicut disposuit mihi Pater Luc. 22.  
Symmachus legit, Ego promitto vobis Regnum,  
sicut promisit mihi Pater. Quæris autem, quo-  
modo Christo promiserit Pater! Quid quæris?

quod habes. Oportuit pati, oportuit calicem bibere, quem universis in Joanne & Jacobo propinans requirit. *Potestisne calicem bibere, quem ego bibiturus sum?* Apoc. 22. *Beati qui lavant stolas suas in sanguine Agni, ut sit potestas illis, in ligno vitæ, & per portas, intrent in Civitatem.* Vis scire? Quid sit lavare stolam in sanguine Agni? Audi Aug. in Psalmo. 67. iniquentem. *Tingis carnem tuam (hoc est stolam) in Christi sanguine, si vitia diluas, peccata detegas, mortem Christi, in carne tua circumferas.* Vis intelligere, quid sit intrare per portam, est ingredi; per viam, à Christo designatam: viam crucis, viam Regiam. Nam, ut ait Tertul. de pœnit. *Furto quidem aggredi facile est, sed DEUS thesauro suo providet: nec finit obrepere indignos.* Igitur pefsum, mala columna, mala præsumptio mundi eant pariter utræque columnæ: Ruat mundus, Triumphet Christus: quinos, & veram immortalitatem, & veram ad immortalitatem viam, hodie docuit.



## MODUS XXXV.

**T**Ota Oratio satis commodè formatur per Syllogismum: cujus partes probatæ integrum constituunt sermonem. Quæ autem pars, major, an minor, aut etiam conclusio, sit prius locanda? item minori, an majori magis insistendum? pro materiæ ratione est decernendum, cum hoc insuper adjuncto, ut con-



clufioni debiti affectus, adhortationesque sub-  
jungantur. Sit nunc in fyllogifmo directo :

## P R A X I S.

## Feria V. Coenæ Domini.

*Cum dilexiffet fuos, ufque ad finem dilexit  
eos. Joan. 13.*

**A**ccessus & Propositio. Si dignum admiratio-  
ne fpectaculum fuit, videre Salomonem  
in throno : de quo Cant. 3. *Ferculum fibi fe-  
cit Salomon, ex lignis Libani ; columnas ejus fecit  
argenteas, reclinatorium aureum, afcenfum purpu-  
reum, medium conftituit charitate*, dignius cer-  
tè admiratione eft fpectaculum videre hodie  
Chriftum, in terra prostratum, & ad pedes  
Apostolorum procumbentem. Nam & plus,  
quam Salomon hic, & magis admiranda Maje-  
ftas demiffa, quàm fublimis. Supra cætera ta-  
men in utroque fpectaculo miranda admiran-  
dum eft medium : quod ficut Salomon, ita  
Chriftus conftituit charitate. Quod verò il-  
lud medium ? antecessit Cæna legalis, & ab-  
lutio pedum : fecuta eft proluxa difcipulorum  
confolatio, medium obtinuit institutio SS.  
Euchariftiæ. Planè medium conftitutum cha-  
ritate, planè medium, de quo dici poffit : *Us-  
que in finem dilexit* : hoc eft, maximè, supremè,  
perfectiffimè, ut explicat Chryfoft. Theophili  
Euthy. apud Cornel. Id verò ut melius pateat,  
adferam caufam, qua probem, Chriftum in in-  
ftitutione Euchariftiæ, & dilectione nos dile-

xisse, quæ sit in finem, seu quæ egerit: quod maximum, dilectio vera egisse potuit.

**Confirmatio, & totius Orationis textu-  
tura per Syllogismum.**

*Major.* Dilectio, quæ efficit, ut amatus, & amans fiant unum, est dilectio in finem, agitque, quod summum agere dilectio potest.

*Minor.* Sed dilectio Christi in institutione Eucharistiæ declarata, est dilectio, quæ efficit, ut Christus amans, & homo amatus fiant unum.

*Conclusio.* Ergo dilectio, dilectio declarata in institutione Eucharistiæ est in finem, seu quæ egit, quod summum agere potuit.

**MAJOR.**

Agere plus amor nequit, adeoque plus audere, quam ut amatum & amantem unum faciat. Herculeanis columnis Carolus *Non ultra* sustulit: dilectionem sinceram ultra eas metas, quibus amor amatum, & amantem in unum mutat, nemo promovebit, Cant. 8. *Fortis ut mors dilectio: dura ut infernus æmulatio: lampades ejus, lampades ignis.* En triplex charitatis supremæ Symbolum, Mortem, Infernum, Ignem. Quid mors, nōne quem possidet, mortem aliam quodammodo facit? & diffusum latè: cum vitæ profusione hominis non esse? Quid infernus? nōne quem obtinet, totum absumit, & in se redigit? Sed in igne vis amoris  
cla-

clarius lucet, à quo materia subjecta ita absumitur, ut amplius stramen, lignumve dici non possit: sed dicatur, & sit ignis, atque unum in aliud mutetur, cumque id actum fuerit, agi plus non potest. Idem fit in sincera charitate, non quidem in corporibus, sed in cordibus, & affectibus. Transeunt dilectione amici in unum, & cum transierint, quod agat amplius dilectio, non habet. Hinc, si à sapientibus viris requiras, quid sit verus, & summus amicus? respondebunt cum Aristotele 9. Ethi. *Amicus, alter ipse*, respondebunt cum Alexandro de Ephestione: *Et hic alter ego*, respondebunt cum Abulensi in 1. Reg. cap. 8. quæst. 1. *Cum aliqui veri amici sunt, tanta in iis est colligatio, quod jam non sunt ut duo homines, sed ut unus.* Vidēsne ut amplius de summa dilectione dici non potest, quàm si dicatur, quod amatus & amans unum sint. Unde necessariò quoque concludi debet, quòd dilectio summa plus agere nequit; atque si amantem & amatum faciat unum. Addat veritati pondus Beatissimus Aug. Confess. 4. Cap. 6. de summo suo in amicum mortuum affectu, sic loquens: *Bene quidam dixit de amico suo: dimidium animæ meæ; nam ego sensi, animam meam, & animam illius unam fuisse animam in duobus corporibus, & ideo horrore erat vita, quia volebam dimidius vivere: & ideo fortè mori metuebam, ne totus ille moreretur, quem multum amaveram.* Huc quoque refertur, quod Scriptura de Jonatha, & Davide dicit 1. Reg. 18. *Anima Jonathæ conglutinata est animæ David: &*

N 4

dile-

dilexit eum Jonathas, quasi animam suam, quæ est uprema exaggeratio amoris.

## MINOR.

Quid jam dicam? cum id dicendum est, in institutione Eucharistica, id à dilectissimo JESU actum, ut ille, & homines unum essent. Patet veritas, testimonio ejusdem supremæ veritatis. Joan. 6. *Caro mea verè est cibus, & Sanguis meus verè est potus. Qui manducat meam carnem, & bibit meum sanguinem, in me manet, & ego in eo. Et rursus: Sicut misit me vivens Pater, & ego vivo propter Patrem; ita & qui manducat me, vivet propter me. O dilectionem admirabilem! O unionem nunquam satis perceptam! vide interim ad eam intelligendam: Quodd Caro Christi sit cibus, & sanguis sit potus, utrumque utique in comedentem mutari solitum: quanquam, ut ait idem Servator apud Augustinum in Confessionibus, aliter in hoc cibo res mutantur. Cibus, inquit, grandium sum, cresce, & manduca: & non tu mutabis me in te, sed ego mutabo te in me. Vide rursus ad idem melius cognoscendum, quia Christus asserit, homines manducantes se, vivere propter se: quod item, eam cum homine unionem indicat, qua vita unitur cum vivente, ut proinde sicut vita in homine, ita Christus sit principium operandi: hoc est, sentiendi, intelligendi, volendi divinè per actus conformes, actibus Christi, propter quos dici possit: *Vivo ego, jam non ego, vivit verò in me Christus*, Ad Galat. 2. Hinc ea in homine mansuetudo noscitur, quæ*



quæ in Christo, ea patientia, quæ in Christo, ea humilitas, quæ in Christo. Non me interea latet, majorem quandam unionem, quam hanc, adeoque Physicam, & realem asseri, à viris doctissimis, inter sacratissimum Christi Corpus, & inter dignè illud sumentes; sed quicquid de eo modo sit, illud infallibile est, quod Christus in iis, & illi in Christo, adeoque unum sunt: & quamvis non audiant, aure, experiantur tamen in re, quod Servator D. Mechtildi post Communionem edixit: *Tu in me, & ego in te, & in æternum non derelinquam te.* Et Cant. 2. 16. *Dilectus meus mihi, & ego illi.* Quærit hic D. Bernard. O sancta anima, quid tuus ille tibi, quid tu illi? Quenam, quæso, inter vos hæc tam familiariter, favorabiliterque discutienti exhibitio, & redhibitio? tibi ille, tuque vicissim illi. Sicubi in hac certè securissima unionem DEI, & hominis meritò inquiras. Quid tuus ille DEUS tibi? quid tu illi? nec aliud commodius responderis, quam quod ait August. 26. in Joan. *Da amantem, & sentit, quod dico, da desiderantem, da esurientem, da in ista solitudine peregrinantem, atque sitientem, & ad fontem patriæ æternæ suspirantem: da talem, & scit, quid dicam: si autem frigido loquar, nescit, quid dicam.* Interea certum est ex illa unionem, consequi unionem intimam affectuum. Certum est etiam, ejusdem unionis effectus redundare etiam in partem sensitivam, atque ipsum corpus dignè communicantium. Si te enim Phantasmata non molestant, si imaginationes tur-

bulentæ non distrahunt, si passionēs animi non turbant, si luxuria miteſcit, si ſuperbia non intumeſcit, gratias age Corpori, & Sanguini Chriſti. Mirum autem, quod quibusdam & vultus ad ſacra altaria hilareſcat, & facies lucem quandam, & Angelicum cum dignitate decorem præferat: mirum, & felix, illud autem felicius, quod propter hanc unionem Chriſti cum hominibus corpora hominum ſingulariter ab Angelis custodiantur; & ut aſſerit rursus D. Chryſ. lib. 6. de Sacerdotio: Corpora eorundem mortuorum, more ſatellitum iisdem ſtipantibus, in vitam æternam custodiantur.

## CONCLUSIO.

O DEUS! O amor! O humana ignavia! hic ſicubi meritò illud Beati Ægydii ſupra cunas Chriſti infantis ſuſpirantis, inſclamem: *Amor non amatur, amor non amatur; ſed & illud ingeminem, D. Chryſoſt. Homil. 61. ad populum Antioch. Hei mihi, quot ad ſalutem nobis viæ? nos Corpus ſuum effecit, nobis ſuum communicavit corpus, & horum nos nihil à malis avertit. Non illi ſatis, loquitur idem Homil. 60. hominem fieri, colaphis cædi, & cruciſigi: verum & ſemetipſum nobis commiſcet, & non fide tantum, verum & ipſa re nos ſuum effecit Corpus. Verè hæc dilectio eſt ad finem, ſumma, ac ſuprema, cui cum nunquam dignè reſpondere poſſimus, ſaltem pro virili reſpondeamus.*



**Exordium, per maiorem propositam.**

Multi multa legunt, variisque authoribus oblectantur; nihil tamen credo gratius legent, sed & nihil gratius diligentiusque legere deberent: quàm, si in eos codices inciderent, ex quibus, quo favore Dei utantur, & quo in futurum usuri sint, discere possint. Hac scilicet ratione, & immensa mala facillè evadere, & immensis bonis, potiri possent.

*Propositio.* Non fallor Aud. hâc nos felicitate hodierna dies natæ Deiparæ donat. Quod, quam non vanè dicam, tum decernetis: cum me, de eo differentem, quòd liber generationis, sit liber, explicans, quid unusquisque de se præsumere, ac deinceps à Deo sperare possit, audieritis.

**Confirmatio, ex probata minore, quæ est  
idem cum propositione.**

Ezechiëlis capite 2. narrans de se Prophetam, ait. *Et vidi, & ecce manus missa ad me, in qua erat involutus liber, & expandit illum coram me, qui erat scriptus, intus & foris, & scriptæ erant in eo lamentationes, & carmen, & Væ.* Mirabilem sanè librum: qui sic gaudia, & lacrymas miscuerit: Non facile hæc jungunt mortales; sed neque DEUS ubi necesse est, disjungit, quia, cum ex æquo merita omnium penset, cui væ, væ, cui carmen, carmen; simul etiam, semelque scribit. unde & in libro Ezechiëlis, simul hæc junxit: denunciaturus scilicet ex mente interpretum *Væ peccatoribus,*  
lacry-



*lachrimas & lamentationes pœnitentibus, Carmen justis:* atque hac ratione, propositurus unum librum, in quo unusquisque pro statu suo (qui triplex est, peccatorum, pœnitentium, & iustorum) legere posset, quomodo res suæ haberent apud Deum, & quid deinceps ab eodem sperare posset. Huic libro Ezechiëlis, compar est, liber hodie porrectus, liber generationis Jesu Christi. Quidni? scriptus ille liber intus & foris, & hic: plenus enim est, innumeris undequaque mysteriis; Angeli manu traditus ille, Ezechiëli, & hic D. Matthæo: cui ideo Angelus appingitur. Triplicem ille statum hominum respicit, & sub eo singulos concludit, similiter & iste. Væ ille peccatoribus, lamentationes pœnitentibus, carmen justis denunciat: idem & hic facit: ut proinde, pro hoc statu triplici, quisque in eo, spes suas legere possit, ac imprimis.

### Væ peccatoribus.

Tales inter alios fuere, Reges, Abias, & Achaz, in libro Generationis citati. De Abia 3. Reg. 15. *Ambulavitque in omnibus peccatis Patris sui*, qui etiam hinc nominatur, Scilicet Roboam. De Achaz, habemus 4. Reg. 16. qui etiam in peccatis devenit: ut filium suum dæmonibus immolaret; quid deinde? Mali, male perdit. Væ ergo peccatoribus! Nil juvat illos, claro nomine, nil alto sanguine cense-ri, dum sceleribus scatent. Ecce prædicti Reges, cum sui paribus, ipsius Christi patres fue-

fuere, de eorum sanguine Matrem accepit, & corpus sumpsit: & tamen æternum perire, imo, *infelix* inquit Chryso. Ser. 122. *quem sic ipsa Origo arguit, quem sic ipse lucis author addicit. Infelix, cui in Iudicio pro magnitudine criminis, non misereri genitor, non Pater ignoscere, non affectus novit subvenire.* Merito id, supra hos Reges, merito, supra unumquemque peccatorem inclames. Quisquis es cujuscunque status es, si peccator es, *Infelix es, quem sic ipsa Origo arguit, væ peccatoribus.* Vivo ego, Dicit Dominus Jer. 22. *Si fuerit Jechonias annulus in manu dextera mea, inde evellam eum.* Annulus, signum nobilitatis & excellentiæ est. Nemo tamen sceleratus ei fidat. Contemnetur, abjicietur. *Una, vera, sola & communis cum Christo nobilitas est, pergit aureum os hom. 45. ut voluntatem Dei facias, hic propinquitatis modus, multò melior est. Potest qui non genuit esse pater, & qui genuit, non esse Pater.* De reliquo quanquam, ego, inquit Dominus, Psal. 81. *dixit, Dii estis & filii excelsi omnes, vos tamen (nisi peccata caveatis) sicut homines moriemini, & sicut unus de Principibus cadetis. Væ igitur peccatoribus.*

### Lamentationes Poenitentibus.

Harum nos monet Ezech. Rex, & David: de Ezechia Isa. Cap. 38. *Flevit Ezechias fletu magno, de Davide item quis ignoret? & ipse de se profitetur Psal. 41. fuerunt mihi lacrymæ panes, die ac nocte.* Felices lacrymæ, & omnibus gaudiis nobiliores, quæ sic Deo placuerunt

runt: ut hi Reges in libro generationis inter pœnitentes scriberentur: ac proinde, de Deo sibi reconciliato gaudere mererentur. Scilicet, audire meruit Ezechias exauditam esse orationem ejus, & David 2. Regum. 12. *Transtulit Dominus Peccatum tuum à te.* Quam vere Chryf. *Quod defendi, non potest*, quam fanctè Bernardus Ser. 1. in Octava Paschæ, *Est baptisumus aliquis, in compunctione cordis.* Sed planè, ad rem præsentem D. Chryf. in Psal. 50. *In codice, inquit, sunt scripta peccata tua, sponsia peccatorum tuorum lacrymæ tuæ sunt: effunde lacrymas & delebis.* Ita factum est cum Ezech. ita cum Davide, qui in numero eorum, quibus vā, prius inclamatum, scripti: lacrymis, peccata sua deleverunt, ut hodie inter lamentantes legentur. Videte Christiani, an vos, inter eosdem legi mereamini, & si meremini, lacrymas salutare fovete, ne similes efficiamini improbo Esau: de quo Gen. 27. *accepto pane, & lentis edulio, comedit, & bibit, & abiit, parvi pendens, quod primogenita vendidisset: quin curandum esset, ut omnes imitaremur, Divam Catharinam Genuensem, quæ, in contritione cordis, per plures menses perdurans: illud solum ingeminabat: non amplius mundus, non amplius peccata.*

### Carmen Justis.

Tales hic plures numerantur. Abraham, Isaac, Jacob. Carmen Justis, sed inprimis Justissimæ, ac principi Justorum Virgini Ma-

riæ

riæ, hodie in mundum editæ. Carmen tibi & lætitia, O Diva; Virgo! hoc libro scribitur, quia, JESU Christi filii DEIMATER denunciaris, ac inde omnium hominum felicissima, dignissima. Verè, te Deus elegit, & præelegit, O dilecta Patris æterni, O mater filii, O sponsa Spiritus S. Gaudere igitur & exultare debes, debentque omnes tibi applaudere, salutare carmen dicere, ac beatam prædicare, inter omnes generationes. Carmen igitur tibi sanctissima infantula, sed & carmen in tua navitate omnibus justis. 1. Quia in tua nativitate panditur liber, veræ generationis JESU Christi, & omnium electorum, 2. Quia tu es porta, de qua Psal. 117. *Hæc porta Domini, justii intrabunt per eam.* 3. Quia tu es Dux omnium justorum, quos deducis ad terram promissionis, assimilata columnæ ignis, & nubis, de qua Exod. 13. tria præcipua legimus: quod populum electum, Ducebat, Protegebat, Regabat. Sic equidem tu Electos ad Patriam felicem ducis; es enim illis juxta Ambros. *species castitatis: & norma virtutis.* Protegis; inter Deum & illos mediatricè agendo, & promerendo, ut per te respiciens DEUS, perdat inimicos eorum: *Regis*; ne aberrant: mentem illustrando, & à deviis vitiis abstrahendo. Carmen igitur, in libro Generationis, cum tua nativitate justis.







tam sincerè; & animo optemus, & opere præstemus, Interea ad ipsum magis excitabimur, cum expenderit: Qua ratione, congruè ad hodiernam festivitatem, Beata MARIA, optimam partem, elegisse censeripotest.

### SYLLOGISMUS.

*Major.* Qui locum maximè humilem eligit, optimam partem eligit. *Ratio:* Quia secundum mensuram humilitatis, mensuram gratiæ, & gloriæ DEUS partitur.

*Minor.* Sed Maria Virgo, locum maximè humilem eligit.

*Conclusio.* Ergo Maria Virgo optimam partem eligit.

*Confirmatio.* A ratione Majoris, post omisam ipsam Majorem.

Secundum mensuram humilitatis cujusque, dona gratiæ, & gloriæ à DEO obvenire, contentiens omnium DEO charorum sensus est. Edixit nimirum ipsa suprema Veritas, Matth. 23. *Qui se humiliat, exaltabitur:* unde & sequi necesse est, humiliationem, & exaltationem paribus gradibus crescere: ut quantò quis magis descendit, tantò etiam magis ascendat, majorique gratia, ac gloria dignus efficiatur. Sublimiter D. Aug. lib. 20. de Civit. Dei cap. 18. de protoplasto. *Cum esset limus, factus est DEUS: cum vellet esse DEUS, factus est colonus.* Scilicet Jacob. 4. *DEUS superbis resistit, humilibus dat gratiam,* atque juxta Richardum de S. Victor. in c. 26. Cant. *Humilitas est lo-*

*cus gratiæ DEI: adeò, ut tantum sit capax gratiæ aliquis, quantum fuerit humilis. Quod si gratiæ, igitur & gloriæ. Nam exultabunt ossa humiliata. Pſal. 50. Longè sunt ab eo sensu ii, quorum vox Ifai. 14. habetur. Ascendam super nubium altitudinem. Sed quàm longè ab eo sensu, tam longè à gratia, & gloria: tam etiam propè ad illud baratrum, de quo Propheta ibidem: De tracta est ad inferos superbia tua. Ita omnino res se habet, quod casuri gravius, tollimur altius: spontè autem nostra depressi, gratia & gloria DEI digni efficimur, atque partem, quam Evāgelium Christi optimam nominat, promeremur. Major omīssa resumitur. Neque enim melius quicquam homini obvenire potest, quàm gratum DEO vivere, ac deinceps præmia Regni cœlestis promissa obtinere, tantoque id ipsum melius est, quantò copiosius utrumque evenit, optimum etiam, si copiosissimum, quod solis humillimis sperandum.*

## MINOR.

Quid hīc loquar? cū de Virginis MARIE humilitate dicendum est. Grande edictum Andree Creten. Oratio: de Dormitione Deiparæ: *Solius DEI est, pro dignitate laudare Deiparam: quod tantò certius hīc asseruerim, quantò certior sum, quia ille est, qui respexit, & perspexit humilitatem ancillæ suæ: fecitque, ut beatam illam dicerent omnes generationes, Luc. 1. Veneror humilitatem Magdalenæ accumbentis ad pedes JESU, veneror & Petri, deprecantis Dominum, ut à se abiret; nemo*

tamen eorum tam humilem locum elegit, quàm sacratissima Deipara MARIA : ut idè consensu Theologorum uno illo actu, quo se in salutatione sui Ancillam Domini nuncupavit, cùm Mater DEI salutaretur : omnem aliorum humillimorum excefferit humilitatem. Hoc enim de se sentire non solum erat, ante pedes Domini jacere, sed infra pedes creaturarum, propter DEUM amatum se prosternere, atque adeò à summo dignitatis gradu ad infimum descendere, quid enim altius DEI MATRE? quid inferius, non jam libera, sed ancilla? placet pro merito, quod devotus ejus cultor asseruit : Mundus Marianus dispu. 22. n. 6. Mariam, dum illa verba humillima proferret, factam abyssum quandam inscrutabilem, & immensum quoddam vacuum, ad quod DEUS humilium amator se inclinaret, sed non pro illo tantum momento talis fuit, verum nunquam alia in oculis DEI vixit, meruitque.

## CONCLUSIO.

Ut optima pars ei obveniret, atque infinis gratiæ donis, dum viveret; & gloriæ muneribus, hodiernæ Assumptionis die repleretur: hinc Richar. ubi suprà, de ejus humilitate loquens: *Sicut, inquit, virtutem hanc perfecte, & totam possedit, ita totam eam gratia implevit, totamque decoravit.* At Ildephon. Ser. 22. de Assumpt. de muneribus gloriæ: *Sicut, ait, est incomparabile, quod gessit, & ineffabile, quod concepit: ita incomprehensibile præmium gloriæ, quod meruit*



*meruit*, solent Geometræ ex planta, seu pede molis ejus metiri altitudinem. Liceat & nobis ex hac veluti planta, & pede, secus quem sedens MARIA hodie describitur: hoc est, ex ejus humilitate metiri ejus altitudinem. At id quoque impossibile est, cum utrumque satis capi non possit, illud ergo dixisse sufficiat: quod quemadmodum humilitate descendit, ad infimos pedes, ita gloriâ ascendit ad supremum caput, scilicet Christum, quemadmodum ab Apostolo nominatur ad Ephes. 1. & ad Colos. 2. Non est enim in terra, neque in cœlo tam veneranda, tam sublimis dignitas secundum Christum, Caput nostrum, atque MARIE. 1. Caput est Christus omnium creaturarum, propter excellentiam naturæ humanæ, conjunctæ cum Divina: proxima secundum hoc caput, dignitate D. Virgo conjunctionis tantæ, mirabilis artifex, Mater DEI, & hominis dignissima. 2. Caput est Christus, propter excellentiam imperii: est enim ex naturæ Dominus ac Rex cœli, & terræ: proxima secundum Christum Dominum, Virgo MARIA: est enim naturæ jure, Domina ac Regina omnium. 3. Caput est Christus, quia est principium, & causa prædestinationis electorum: proxima secundum Christum, D. Virgo MARIA: quia neminem vult Deus salvari, nisi per illam. 4. Caput est Christus, propter excellentiam sanctitatis, quia impeccabilis fuit; proxima secundum Christum, D. Virgo MARIA: quia nec originali, nec actuali peccato, singulari



## Confirmatio per Enthymema.

*Antecedens.* Bellorum causa, sunt peccata.

*Consequens.* Ergo ut sit pax, statuendus JESUS  
in medio.

## ANTECEDENS.

Pericula, mors, bella peccati malus fœtus  
sunt, peccato in cœlis invento; factum est præ-  
lium magnum Apoc. 12. ambitione inter ho-  
mines, malè exoriente, Justin. *Ninus primus  
bella fecit.* Habet vita, Joannis Servi Dei Fer-  
nandinum, virum nobilem; suscepta pro ani-  
marum conversione servi Dei opera, non sa-  
tis benè interpretantem, secutum illum clam  
fuisse, cum Joannes, domum ei suspectam,  
subiret. Ecce verò, dum ante illam moratur;  
videt in fronte domus, omnia peccata sua de-  
scripta, sibi repræsentari: & gladium, verti-  
ci de cœlo impendere. Admirabile, & terrifi-  
cum miraculum; toti mundo, ea parte com-  
mune, quod peccatis gladius impendeat, de quo  
Ezech. 21. *Mucro, mucro evagina te ad occidendum,  
lima te ut interficias & fulgeas.* Quid ita? *Venit dies,  
in tempore iniquitatis, præfinita.* Anachrotapius,  
sollicitas Deo fundebat preces: cum à tergo  
ingens clamor infremuit. Bellum, bellum.  
Territo & admiranti anachoretæ responsum ab  
humani generis hostibus: *Desine orare, & desi-  
nemus bellare.* Licet æquissimo jure, id verbum  
immutemus: & toto orbi, audienda voce incla-  
memus: Desinite mortales peccare, & cessabunt  
bella bellare. Cæterū, *gladius devorabit vos, inquit*

*Dominus Isa. 1. v. 20. si me, ad iracundiam provocaveritis.*


CONSEQUENS.

Quod si ita est, si pacem dari mundo, si Regnis, si nobis cupimus, Christum necesse est, medium inter nos, & DEUM offensum, statuamus causam. D. Apostolus 1. ad Timot. c. 2. v. 6. quia est *Mediator DEI & hominum, homo Christus JESUS, qui dedit redemptionem semetipsum pro nobis.* Hoc igitur in medio statuto, ac inter nos mediante, DEO reconciliari, & pacem licebit obtinere. Gen. 15. Cum Abraham offerret DEO, divisit oblationes per medium: *Et apparuit Clibanus fumans, & lampas ignis transiens inter divisiones illas.* Mysterium hac ratione, pacis cum DEO ineundæ à nobis, ut notat Cajet. hic agebatur, mediùsque Clibanus, & lampas Christum signabat, qui in medio nostri constitutus pacisceretur de nobis. Succedit aliud Num. 16. Occisis cœlitus propter seditionem, quatuordecim & septingentis de populo Israël, dixit Moyses ad Aaron: *Tolle thuribulum, & hausto igne de altari, mitte incensum desuper, pergeque citò ad populum, ut ores pro eis.* Factum. Stansque Aaron inter mortuos, ac viventes, pro populo deprecatus est, & cessavit plaga. Sapite Christiani, & dum bella, dum mores sæviunt: Aaronem meliorem, Pontificem vestrum Jesum Christum, placare contendite, ut dum steterit inter vivos, & mortuos, cesset plaga. Ezech. nono: Missis Angelis ultionis, in quorum manibus vasa interitus, visus est



est vir unus in medio eorum, qui quemcunque signasset, innocuus, intactusque durabat. Vir hic juxta Gregor. 22. Moral. cap. 13. est Christus. Hic in medio nostri stet necesse, & malis gladii, ac interitus non tangemur. Filioli, inclamat Joannes Epist. 1. cap. 2. hæc scribo vobis, ut non peccetis: sed & si quis peccaverit, Advocatum habemus apud Patrem. Jesum Christum justum, & ipse est propitiatio pro peccatis nostris, quod planè divinè explicans D. Ambros. lib. 1. de Isaac his rationem mediatoris in Christo commendat: Ipse Christus ore suo felle, & aceto potato, os nostrum est, per quod Patri loquimur: corde suo, quod lancea transfixum est, cor nostrum est, per quod Patrem amamus: oculi ejus sanguineis lachrymis fluentes, oculi nostri sunt, per quos Patrem videmus: manus ejus transfixæ, manus nostræ sunt, per quas nos Patri offerimus: pedes ejus vulnerati, pedes nostri sunt, per quos ut filii prodigi redimus ad Patrem: ut totus Salvator, quantus est, & quicquid in eo est, nobis patrocinetur. Habemus, cui fidamus mortales, habemus, quo Mediatore in tot bellorum malis utamur. Ah demus nostro bono, nostris minimum malis coacti, medium JESU locum! sit medius, & Mediator, sit medius inter nos, & DEUM deprecando: sit quoque medius inter proximos, & proximos, charitatem mutuam fovendo: sit medius in corde, illud possidendo: sit medius in judiciis, justitiam prosequendo: sit medius in castris, virtutem fovendo: sit medius in consiliis, recta suggerendo: sit me-

dius in privatis domibus, innocentia incolarum se oblectando, & eveniet, ut sit *Pax vobis.*



## MODUS XXXIX.

**S**olum nonnunquam antecedens, aut consequens probatum, totam sufficiens est constituere orationem. Unde sequitur, posse quoque ex antecedente Accessum, & Exordium formari, ut consequens probetur, & posse consequens in exordio poni: sicut & conclusionem Syllogismi initio Syllogismi. Sed tunc iterum, in fine, consequens aut conclusio repetitur, aut affectus proportionati materiae, subjiciuntur. E. g. Domin. 15. à Pent. supra illa verba. *Ecce defunctus efferebatur*, posset formari tale Enthymema. Spectaculum acerbum, communis in uno mortalitatis, proponitur. Ergo merito, magna reflexione expendendum: & inde oratio à consequente inchoari. Nimium incurii sumus, si adhuc hodie, per varia divagamur: & non toto animo huic tumulo affigimur. Res nostra agitur, nostra omnino, & non solum viduae Matris: quod ut credatis, ostendam hunc juvenis unius tumulum, esse communis mortalitatis spectaculum. Rursus, posset item, supra illa verba Dominicæ primæ post Pentecost. *fecit cœnam magnam & invitavit multos*, hæc constitui argumentatio. Qui vocat ad cœnam, est Christus: Ergo est parendum: & tunc; antecedens aptum esset obire vices

Exor.

Exordii. Consequens autem, deberet probari & perurgeri. Sed sit aliqua, pro more, præcepti principalis

## P R A X I S.

Dominica VI. post Pascha.

*Hæc dixi vobis, ut non scandalizemini.*

Joan. 16.

**A** Ccessus & Propositio. Quemadmodum Discipulis periculum scandali imminebat ex Christi passione: ita sæpè probis etiam viris, occurrit ex malorum successibus, & adversitatibus bonorum, quod eas pro signis irati Numinis habeant. Ne ergo in talibus occasionibus scandalizentur, demonstrabò contrarium: quòd nihil in mundo pati, sit signum insignis, graviter irati Numinis.

## Confirmatio per Enthymema.

Antecedens: nihil in mundo pati, est signum, quòd DEUS aliquem à sua cura abjecerit. Consequens: Ergo non debent bonos scandalizare mali, quando non patiuntur. Hujus Enthymematis Antecedens solum probatum facillè constituet orationem: cùm consequens apertè sequatur, aut breviter inferatur. Paradoxum videri posset, quod proponitur, nisi id tam clarè sacræ literæ docerent, quod nullus dubitandi locus relinquatur Ezech. 16.

*Aufertur zelus meus à te, nec irascear amplius, quis non diceret hoc promisso felicem Jerusalem? sed nimium quam felicem, cùm mox subjiciatur: Ergo & tu confundere, & porta ignominiam tuam:*

*tuam: quod significat, illum, à quo DEUS au-*  
*fert zelum suum, ne illi malum immittat, si-*  
*bi relinqui, & à cura DEI abjici, quæ ira Dei*  
*gravissima est. Explicat idem August. Serm.*  
*37. de verbis Domini tali proposita quæstione:*  
*Vis nôsse, nulla pœna, quanta sit pœna? Davidem*  
*interroga, qui ait Psal. 9. Irritavit Dominum pec-*  
*cator. Quare, quid vidisti? vidi peccatorem impu-*  
*nè luxuriantem, & exclamavi: Irritavit Dominum*  
*peccator. Quare hoc dixisti? vide, quid sequitur.*  
*Secundùm magnitudinem iræ suæ non quæret: ideo*  
*nempe non exquiret, quia multum irascitur. Origen.*  
*Homil. 8. super Exod. misericordiam DEI cum*  
*justitia comparaturus: Vide, inquit, misERICOR-*  
*diam, & pietatem, & patientiam boni DEI, quan-*  
*do vult misereri: & indignari se dicit, & irasci,*  
*sicut per Jerem. cap. 6. ait: dolore, & flagello*  
*castigaberis Jerusalem, uti ne abscedat anima mea*  
*abs te. Hæc si intelligis, miserationis vox est. Vis*  
*audire indignantis DEI terribilem vocem? audi,*  
*quod dicit per Oseam cap. 4. ubi cùm enumerasset*  
*multa nefanda; quæ Jerusalem commiserat, addit:*  
*Non visitabo super filias vestras, cùm fornicantur,*  
*neque super sponsas vestras, cùm mæchantur. O*  
*voces, nisi utraque aure obsurduerimus gra-*  
*vissimas! O iram ingentem DEI! non punire,*  
*nec sinere malos tale quid pati. Verùm non ita*  
*id sentiendum, ut in solis improbis illud sit*  
*verum: nihil pati, esse signum irati DEI. Uni-*  
*versim hæc persuasa esse debent. Deus enim,*  
*quem diligit, castigat, & quem non castigat,*  
*non diligit, soli illi ab ira Dei, & interitu*  
apud



apud Ægyptios, atque Ezechielem liberi, qui crucis signo litera Tau insigniti: nec causa rei difficilis, scilicet, quod qui adversa non sentiunt, facile fortunæ blanditiis corrumpuntur, ac pereunt. Psalm. 52. *In labore hominum non sunt, ut cum hominibus non flagellabuntur: ideo tenuit eos superbia, operti sunt iniquitate, & impietate sua. Fieri non potest, ait Græcus Poëta, ut fortuna mentem habeat.* Et Seneca Epist. 94. *Quasi ista contraria sunt: bona fortuna, & mens bona; denique Horatio iudice: Naturam plerunque fortuna corrumpit.* Sed habemus firmiter his sermonem Scripturæ, quæ narrat de opulentissimo epulone apud D. Lucam: tot illum bonis abundasse, ut in plures quoque annos abundè desiderata sufficerent. Quid inde? *Purpura, bisso, delicatis vestibus, epulis blandis; fortunæ utique indulgentis blanditiis, ferrea viscera crudelis anima nutrieat: teste Chrysol.* unde & sepultus in inferno. De Salomone D. August. lib. 15. de Civit. DEI cap. 19. *Bonis initiis, malos exitus habuit: dat statim causam: Quippe secundæ res, quæ sapientum animos fatigant, magis huic obsuerunt, quam profuit ipsa sapientia.* Abundantissimè rem totam Isai cap. 26. v. 10. edisserit, quando hæc loquentem DEUM inducit: *Misereamur impio, & non discet justitiam facere; in terra Sanctorum iniqua gessit, & non videbit gloriam Domini.* Hoc est: fiat, ut bonis malus fruatur, & ut nihil mali patiantur, qui in terra Sanctorum degunt, & recti videntur, hinc sequetur, ut dediscant justitiam, scelesti  
eva-

evadant: Audiit Bernardus Ser. 42. in Cant. & rem nostram concludens, pro nobis merito locutus: *Tunc magis irascitur DEUS, cum non irascitur. Misereamur, inquit, impio, & non discet Justitiam. Misericordiam hanc ego nolo; super omnem iram Misericordia ista, sepiens mihi viam Justitiae. Volo, irascaris mihi, Pater misericordiarum, sed illa ira, qua corrigis devium: non qua extrudis de via. Illud nobis benigna tua adversio parit: hoc formidolosa nutrit dissimulatio. Cum enim sentio te iratum, tunc maxime confido propitium; etenim cum iratus fueris, misericordiae recordaberis. Attende ad hæc piæ animæ, ut cum successus aliorum, & vestras patimini adversitates, non scandalizemini. Felicissimus quisque extrema quæque patitur, dum DEUM amicum habet: Infelicissimus, quisquis indulgentissime à fortuna fovetur, dum DEUS illi inimicus est. Delphinum Camer pinxit, in mari ludentem, cui inscriptum: *Metuenda procella. Taurum alter, liberè per Pascua vagantem, cui præfixum: Devotus victimæ. Hæ sunt spes continuè gaudentium, & nihil adversi tolerantium: Hi sunt, super quos inclamat D. Præsul Hippon. in Psal. 72. Attende illos superbos, illos indisciplinatos; attende taurum devotum victimæ, permissum errare liberè, & vastare usque ad diem occisionis. O Domine! O Pater misericordiarum! Hæc mihi sit consolatio, Job. 6. ut affligens me dolore non parcas. Vel sanguine subscripsero, quod cum Greg. lib. 7. opto. Qui ideo hæc quibusdam*  
par-*

parcit, ut eos in perpetuum feriat; ideo me hic feriat, ut hic non parcendo, in æternum parcat.

## MODUS XL.

**P**ræfixa propositione, duæ aut tres, pluresve causæ eam probantes assumuntur, quæ dicuntur, *Principales*, singulæ deinde, seorsim, rationibus minus Principalibus probantur, exornantur; amplificantur, atque hoc pacto plenam constituunt orationem. Modus hic *Primus* fundamentalis est: & per reliquos sparsus: ut proinde in gratiam Tyronum, merito hic tabellam subjiciam, cujus in cæteris quoque argumentationibus meminisse juvabit: ut hoc veluti filo, in ratiocinando ducantur.

**P**ræfixa igitur propositione, ponitur.

1. Ratio Principalis, ipsam propositionem directè probans.
2. Ratio Rationis Prioris, seu Principalis.
3. Confirmatio Rationis, à causis adjunctis, similibus, &c.
4. Exornatio, ab exemplis, testimoniis & quavis eruditione.
5. Amplificatio, seu exaggeratio dictorum, à paribus imparibus, majoribus, minoribus.
6. Illatio Propositionis, quæ interdum apertè occultè interdum fit: & sine ejus mentione expressa, ad secundum ordinem transitur.

Hoc

## Hoc expleto assumitur rursus.

1. Ratio altera, item principalis, Propositionem ipsam directè approbans.
2. Ratio rationis secundæ principalis.
3. Confirmatio rationis secundæ, & reliqua ut supra.

Idem cum tertia, & pluribus rationibus fieri debet: si quis eas adhibeat: unde Tyrones ut connexioni asuescant, dum propositione præfixa rationem unam assumunt, nihil de alia cogitent; sed unam premant, quam posteaquam sufficienter excoluerint, tum ad aliam animum applicent, videantque ne probationes alterius, rapiantur, & sic de reliquis.

*Secundò.* Modus hic, est amplissimus ingentiumque materiarum, capax E. g. de universa servatoris Passione dicturus, posses unius facti, aut dicti mysterium, per causas tractando de tota Passione disserere v. g. reddendo causas, cur Caput moriturus inclinaverit? En vero Mysterii causam primam, ex Theop. apud Baron. tom. 4. lib. 7. *Nos primum expiramus; & deinde inclinamus caput: ille autem prius inclinavit caput, deinde expiravit: ex quibus omnibus; non nisi significatur, quod ipse fuerit Dominus mortis.* En secundam. ex Rupert. lib. 4. in Joan. quod scilicet inclinaverit, fatigatus, id significant verba Ruperti, supra illa verba, *JESUS autem fatigatus sedebat sic ita loquentis. Quomodo in fonte relucet solis imago, sic ista Domini fatigatio, fatigationem alteram spectat; quam ipse in arcano divinitatis sue, meditabatur*



tur concilio, Quam ergo sui fatigationem meditabatur. *JESUS* ipse ex itinere suæ humanitatis vera passione, veris doloribus, & sua morte erat fatigandus. Hoc igitur cum factum est, inclinavit caput! En tertiam, ex Bernardo Ser. de passione. *Inclinato capite, Christus factus obediens, usque ad mortem, tradidit spiritum.* En quartam, ex Origene 13. in Matth. *inclinavit Christus caput, & quasi supra Patris gremium, illud reclinans exiit.* En quintam ex August. *caput habet inclinatum ad osculandum.* lib. de Virg. His adde, inclinasse caput, ut significaret se colere Patrem, usque ad mortem, ut reciperet è limbo liberandos, ut valediceret circumstantibus, ut notaret Margaritam in pectoris sui agro latentem, qua nobis Regnum cœlorum emeretur: hoc est reliquum aquæ & sanguinis de vulnere lateris profluxuri. Has causas singulas, aut illarum præcipuas, si rectè tractaveris, ingentem dicendi campum explebis, sed sit.

## P R A X I S.

In Festo S. Jacobi Apostoli.

*Potestis bibere calicem, quem ego bibiturus sum. Dicunt ei possumus, Matt. 20.*

**C**Alix quem Dominus propinavit Joanni & Jacobo, calix mixtus morte & sanguine fuit. Mirum idcirco merito esse potest, quod tam alacriter sit susceptus. Longè interea diverso animo, à multis suscipitur, quamvis non tam acerbo potu, repletus propinetur: Hinc

P

ut

ut illorum resolutio miranda, ita horum ignavia vituperanda: quam ut excutiamus, videamus, quid nobis persuadere possit, ut eum, dum porrigitur, alacri animo suscipiamus.

**I. Ratio Propositionis Principalis alacri animo, hic Calix suscipiendus,**

Quia calix est.

Primum Condimentum est hujus calicis, ipsum Calicis nomen. Non maria scilicet nobis adversitatum propinantur, sed nec flumina, aut inexhausti cadi. Totum quod sumi debet, calix est. Aut enim, argumentabatur Stoicus, Adversitas magna est, aut levis. Si magna est, diuturna esse non potest: si levis est, non premit; atque sic utrinque calix modicus est. Propinat quidem Deus & calices, quorum sex non exinanitur Psalm. 74- sed hos bibunt peccatores terræ, discipulos autem & fideles Christianos, modica nimium amaritudine perstringit. Unde & Paulus momentaneum & leve tribulationis appellat: & ipse Christus alibi, Grano sinapis & modico fermento eas assimilat: vetus proverbium habet: Non arare DEUM in bove, & asino: quod est, non imponere onera viribus graviora, sed dare cum tentatione proventum, Matth. 20. Improbi operarii, de mercede non contenti, labores suos exaggerant. *Portavimus pondus diei & æstus.* O quantillum, quantis verbis exaggerant! Non annum, non menses, sed diem memorant, & pondus vocant, Sic multi, ma-

lè patientes, labores suos & adversitates inique æstimant, ac ingens aliquid atque portentosum concludunt, cum tamen vita tota nostra, non aliud sit, quam quod *hodie* appellatur, ad Heb. 3. unde omnes acerbitates minime cenferi possunt, onerosæ, sed breves sunt, calix unus sunt, uno generosi animi haustu, alacriter absumendus.

## 2. Ratio Principalis: Quia calicem hunc prius Christus bibit.

Secundum Condimentum, hujus Calicis est, quia Christus prælibavit, unde subdit. *Potestisne bibere Calicem, quem ego bibiturus sum. Egit Clementissimus Dominus nobiscum, sicut solent agere Medici cum nauseabundis ægris, quos ut animent, potiones Medicinales, quantumvis amaras prægustant. Sic & Christus Dominus, ut nobis Calicem hunc gratum redderet, ipse prior sumpsit Cant. 4. Favus distillans labia tua. Quid ni ab his potio amara dulcescat? Unde August. in Matth. Alliciens inquit, quem ego bibiturus sum, ut ipsa cum eo communicatione laborum, promptiores redderentur. Suadebat olim Stoicè Annæus Epist. 98. dic tibi, ex istis, quæ terribilia videntur, nihil est invictum: Singula vitæ, jam multi. Ignem Mutius, Crucem Regulus, venenum Socrates & nos vincamus aliquid. Melius ad eadem adversa ferenda animabat, se Gregorius. Mecum Abel occiditur, à fratre, mecum Loth vexatur à civibus, mecum Agar ejicitur à Domina, mecum Jacob patitur famem, mecum*

*Ezechias ægrotat ad mortem, visu orbat* Tobias, *Job filiis & bonis: exulat Helias, secatur Isaias.* Perge dum placet. Crucifigitur Petrus, gladio necatur Paulus, occiditur Jacobus, torretur oleo Joannes. Magna hæc omnino virtutis Exempla, quibus illud Prophetæ subjeceris, Jer. 49. *Ecce quibus non erat Judicium ut biberent calicem, bibentes bibent, & tu quasi innocens relinqueris?* Nihil interea in adversis æque anime valet, atque Christi Exemplum, ut nullo modo possit, illi desipere Christi calix, cui Christus sapit. Dedit ejus Rei specimen recens, suo obitu Justus Lipsius, vir diuturnæ sæculi eruditi memoriâ dignissimus: quem cum ægrotum solarentur amici, atque suum argumentis, roborarent animum: ille ostensa Christi patientis effigie. *Hæc ait est vera Patientia Christiana:* eò quòd Christus pro nobis passus, is sit, qui suo exemplo omnem adversis acerbitalatem adimat, adeoque omnes ad calicem hodie propinatum alacriter sumendum movere possit.

### 3. Ratio Principalis: Quia hoc calice Regnum propinatur

Tertium condimentum hujus calicis est, quòd nos ad illum alacri animo sumendum movere possit, regnum in eo propinatum. O si hac conditione regna terræ propinarentur, non calices sed fluvii acerbissimæ potionis toto ore sorberentur. Scita est pro filio Nerone, matris ejusdem ambitio, quæ cum ab au-  
spici-



spicibus accepisset filium si regnaret, se occisurum; occidat inquit dum regnet. Siccine ergo regnum terræ speratum, efficiet ut mortes promptè bibantur: regnum cœli propinatum id præstare non poterit? at palam propinatur; id non petentibus dicitur: *Potestisne calicem bibere.* Cleopatra cum unionem pretiosissimum in potione Antonio porrexisset, subjecisse fertur, regnum bibisti Antoni. Optimo jure, id patienti Christiano dixeris; propinatus est Calix calumniæ, & sustinuisti, Regnum bibisti Christiane. Porrectus est Calix ægritudinis, & æquo animo excepisti; Regnum bibisti Christiane. Oblatæ injuriæ & opprobria & concoxisti; Regnum bibisti Christiane; gloriarique meritò cum Psalte potes Psal. 15. *Dominus pars hæreditatis meæ, & calicis mei.* Eximiè D. Ambr. de tentatione Christi. *Qui vult coronam dare tentationes suggerit, hoc est calicem propinat. Etsi quando tentaris, agnosce quia paratur corona. Tolle certamina, tulisti coronas, tolle cruciatus, tulisti beatitudines.* O absit illas tollamus! quin ad eas promerendas, amaritudines temporaneas, generoso animo suscipiamus; & calicem tribulationum, alacriter sumamus, ut inter illos connumeremur, de quibus Servator. *Beati qui persecutionem patiuntur, propter Justitiam, quoniam ipsorum est Regnum cœlorum.*





suum, adiit Rex Thronum & sedem suam: ut ipsa re declaret quod prædixerat apud Ezech. 43. cum Prophetæ templum olim ædificandum, monstrâsset. *Filii hominis, locus solii mei, & locus vestigiorum meorum, ubi habitabo, in medio filiorum Israël: in æternum.* Hunc igitur locum, hoc solium hodie occupavit, futurus nobiscum in eo usque ad consummationem sæculi, ne minus de hoc loco quam de cælo dici possit. Hic locus solius Dei est; unde & Psal. 10. utrumque prophetice jungens, *Dominus in cælo sedes ejus; Dominus in templo sancto suo:* hoc est ille idem Dominus, qui sedem fixit in cælo, pari præsentia adest, residetque in templo: quanquam in cælo conspicuus, in templo velatus. Confundi igitur gravissimè debemus, nisi hoc ita cogitamus, ut simus in templis ea reverentia, quam Dei præsentia requirit, & versemur. O si liceret cœlestibus sese immiscere cohortibus! facile ab iis disceremus, quo cultu divi cœlites, Dominum suum colant, quoque nos eundem, in templo colere debeamus. Apoc. 4. vidit Joannes ostium apertum in cælo. Quid inde? *Et ecce sedes posita erat in cælo, & supra sedem sedens.* En Regem, & Dominum nostrum, in cælo & templo residentem. Quod porro ejus famulitium 1. Ante ipsum Thronum, erant 7. lampades, qui sunt 7. Spiritus Domini. Secundò quatuor animalia, quorum facies, leonis, bovis, aquilæ, & hominis. Tertiò viginti quatuor seniores sedentes super thronos, circumamicti vesti-

mentis albis, & in capitibus eorū coronæ aureæ. Quartò Angeli stabant in circuitu throni ejus. Quintò Assistebat turba, quam dinumerare nemo poterat, ex omnibus gentibus & tribubus & populis & linguis. O admirandam majestatem! O dignitatem, Dei nostri in comparabilem! Multum nostri interest cognoscere, quid hi Throni stipatores agant. Scilicet ut ibidem notatur: Spiritus Seraphici continuo amore flammant: Cherubini & animalia quatuor, non habentes requiem die ac nocte Sanctus Sanctus proclamant: Principes & potestates, ante sedentem in Throno, coronas jactant; Angeli in faciem suam sternuntur; universa turba una voce *Salus Deo nostro & qui sedet super thronum*, personat. Erigere fides Christiana, & confundere ignavia! *Dominus in cælo sedes ejus, Dominus in templo sancto suo*. Idem Dominus, idem Deus, quid ergo torpes? imò quid tam irreverenter, oculos, os, verba in præsentia illius jactas? Vide quid debeas. Si Seraphinus est, cura ut in templo, in præsentia divinæ majestatis cor tuum animusque, tanquam lampas succendatur. Si Cherubinus, & conscius tibi laborum pro Deo toleratorum, ut bos fortitudinis perfectæ Christianæ, ut leo mentis cælo addictæ, aut Aquila: vitæ dignæ homini, ut verus homo: nihilum tamen tuum agnosce, & Deo Sanctus Sanctus inclama. Si Princeps es, si potens, si Rex, si Imperator, diadema tuum, ante altaria sterno. Si Angelus, in terram procumbito, si quis-




quispiam de populo Dei, salutem Deo & agno dicit, Absint loquelæ, absint cachinni, absint omnis levitas. Eheu! siccubi, hic certe nunquam levis. O rem intolerabilem! *Dominus in cælo, Dominus in templo sancto suo*, & tamen, qui colitur in cælo, temnitur in terra. Prô pudor! prô vesania! Ignes illi purissimi, libenter ad Dei gloriam uruntur, titio inferni salutis flammam non admittit! Cherubini pleni oculis certique salutis, oculos levare ante Deum non audent: vespertilioes & noctuæ in lucem omnem audacissimè jactant! Principes gloriæ, solo adsternuntur: mancipia vilissima, in altum surgere nituntur! discite mortales à cælo, quid agere debeatis in terris; ne si malè tanta exempla temnatis; pessimè ab optimorū consortio excludamini: Dominus in cælo &c.

2. **Ratio Principalis**, aditûs templi,  
ut daretur exemplum Parentibus,  
quæ primum via filiis monstranda.

Adiit Puer Jesus templum, tanquam Paterfamilias occupaturus locum suum, sed & voluit in eo videri hospes, in prima pueritia sua. Visitaverat quidem jam Elisabeth, & Joannem sanctificaverat: sed id factum, in utero Matris. Nunc autem primum, visibili specie, puer tenellus, adit templum cum Parentibus suis, ut det Exemplum cæteris parentibus quæ primum via monstranda sit filiis, in ætate tenera eorum. Proh! Crimen Christiani sæculi! prius assuefieri pueros ad ludos, quam ad preces,

prius deduci ad symphonias, quam ad aras, nondum scire orare etiam, didicisse conscientiam profanare. Non sic Christiani, non sic, initium sapientiæ timor Domini, quem docturus servator exemplo, primam eruditionem & instructionem pueritiæ in eo sitam monstrat, ut manu ducantur ad templum, seu ad pietatis, aliarumque virtutum exercitia Eccles. 12. *DEUM time, & mandata ejus serva, hoc est enim omnis homo.* Eo omnis industria parentum collimet, quatenus apud prolem suam eam mereantur felicitatem, de qua tota eorum & sua ætate gaudere possint. Bonum volunt, cum sic volunt, sed bonum, malè multi volunt, cum licentiæ & insolentiæ frenis laxatis, pietatis & virtutis obliviscuntur. Quid ita? cum enim hæc finunt, ea finunt, quæ non possunt, illos pariter ac suos dilectos omni solari tempore; quod scriptura illis verbis commendat. *Hoc est enim omnis homo*, id est, omnis temporis solatiis, serviens homo. Amas filii teneritudinem? citò mutabitur; hoc non est omnis homo. Amas amœnitatem, & hilaritatem? cum ætate defervescent: hoc non est omnis homo. Amas valetudinem, & incolumitatem? levissima febri deperdi possunt: hoc non est omnis homo. Illud igitur illi in culca. *DEUM time, & mandata ejus serva: hoc est omnis homo.* Non rejecerim tamen illorum quoque Politicorum civilem sensum, qui explicaturi, quid sit *omnis homo*, ajunt illum esse, qui sit aptus, ut proverbium est: *Et ad chorum,*

Et ad forum. At quis talis est? iterum ingemino: *Deum time*, &c. hoc est *omnis homo* & ad chorum, & ad forum. Vis magnos Sacerdotes, Episcopos, Archi-Episcopos, cogita sincerissimos DEI cultores, Aarones, Samueles. Vis magnos domûs Gubernatores? cogita piissimos Tobias. Vis magnos Judices, Duces, Principes? cogita DEO obsequentissimos, Moysen, Josua, Samsonem, Gedeonem, Davidem. Ecce quemadmodum pietas ad omnia est utilis, & quomodo timentes DEUM valent & ad chorum, & ad forum, ac quomodo viri pii sunt *omnis homo*. Tales ut plurimi juvenum evaderent, præivit Christus exemplo, primûmque iter ad templum suscepit, quatenus eo comitatu Servatorem, Parentes filios suos deducerent. Memento igitur ô *Juvenis*, *Creatoris tui in diebus juventutis tuæ, antequam veniant dies afflictionis*. Eccl. 12. Et *appropinquant anni*, de quibus dicas: *non mihi placeant*, &c.



## MODUS XLII.

PROpositione, ut aliàs præfixa, una tantûm propositionis ratio Principalis assumitur: quæ rationibus minûs principalibus probata, confirmata, exulta, Orationem constituit.

PRA-

In Festo S. Michaëlis Arch-Angeli.

*Quis putas, major est in Regno Cælorum?*  
Matth. 18.

**A**ccessus & Propositio. D. Michaëlem, Christiani populi Principem, & Angelorum Ducem consentiens veneratur Ecclesia. Superfluum igitur est, inquirere an ad prædictam interrogationem. *Quis putas major est in Regno Cælorum?* responderi debeat. Talem esse D. Michaëlem Arch-Angelum: quin potius videamus, quemadmodum gloriosissimum hoc insigne, Majoris, seu Ducis, obtinuerit.

**Ratio propositionis principalis, quæ probata confirmationem & orationem totam constituit, quia obtinuit pro eximiis, meritis, hanc dignitatem.**

Non una manu honorum titulorumque insignia porriguntur. Præbet illa interdum favor, donat interdum gratia, mercatur pretium, rapit ambitio. Absalon favore populi regnum occupavit 2. Reg. 15. Jason emit Pontificatum 2. Maccab. 4. Baasa 3. Reg. 15. Zambri 3. Reg. 16. seditione Principatum invasere. Absit ut hi, aut similes gloriosè titulos & dignitates suas obtinuisse censeantur. Humiliter atque ingeniosè caput orbis D. Gregor. Epist. ad Imperatricem, de sui in Pontificatum electione. *Ecce serenissimus Imperator, fieri Simiam, Leonem, jussit: & quidem pro visione illius, vocari*



*ri Leo potest, fieri autem Leo non potest. Verè, quicunque alia quàm meritorum via dignitates adipiscuntur: vocari quidem Magni ac Maximi possunt, fieri non possunt. Talium tamen plena sunt Mundi Regna; nemo autem esse potest, apud Judicem ac arbitrum DEum. Solæ ibi merita coronantur, solæ virtutes, præmia, honores & dignitates capeßunt. Unde Apocal. 2. *Vincenti dabo manna absconditum, & dabo illi calculum candidum, & in calculo nomen novum*, scilicet honorum & dignitatis. Longe Psaltes. 61. *semel locutus est DEUS, duo hæc audiui, quia potestas DEI est, & tibi Domine misericordia, quia reddes unicuique secundum opera sua.* 2: ad Timoth. 3. *Non coronabitur, nisi qui legitime certaverit.* Atque hæc via est, via Regia, via gloriosissima, ad titulos atque honores: quod rectè sentiens Alphonsus Aragoniæ, cum, non nemine virtutes Nicolai Pecenini laudante, alter respondisset. Hæc omnia valitura aliquid, nisi Nicolaus, lanionis esset filius, subjunxit: At qui ego; mallem esse Peceninus, quam nonnullorum Regum filius: notans eos gloriosissime Magistratus occupare, qui non genere iussfragante, aliisve artibus, verum virtutibus ad eos promoverentur. Sed quid humanis immoramur, cum ad sublimissima D. Michaëlis merita, spectanda provocemur Apocal. 12. *Factum est prælium magnum in Cælo. Michaël & Angeli ejus præliabantur cum Dracone.* En campum, en merita, gloriosissimi Archangeli, pro Deo, contra rebelles spiritus*

ritus decertantis. Expende illud *prælium magnum*, ut intelligamus res ingentes à Michaële gestas, & illud, *Michaël & Angeli ejus* ut agnoscas Michaëlem, fuisse aliis Principem, subjiçendi se creatori suo. Michaël, interpretatur, *Quis ut DEUS?* Pulcherrimè concordat nomen cum factis, inclamat Rebellis princeps. *Ero similis altissimo*. Reclamat Michaël. *Quis ut DEUS?* Attollit ille solium, super nubes, Demittit se Michaël, infra DEI pedes. *Quis ut DEUS?* Occupare ille satagit sedem summam, & ponere super Aquilonem. Avocat Michaël animum suum & sociorum ab impia ambitione. *Quis ut DEUS?* Robur ille suum æstimat; Michaël potentiam Dei veneratur. *Quis ut DEUS?* Dignitatem ille suam metitur. Michaël Dei Majestatem. *Quis ut DEUS?* DEum ille hominem adorare repugnat. Michaël, in infirmitate carnis, Divinitatem latentem adorat. *Quis ut DEUS?* Grande bellum non armorum, sed animorum? in quo merito illud quoque advertas, quia sicut dicitur *Factum est prælium magnum*, ita ut eidem attribuitur, quod, *Factum est silentium magnum*, cum Michaël præliaretur &c. At quomodo conveniunt prælium, & silentium? silentium est indicium attentionis, reverentiæ, timoris admirationis. Regnabant ergo & filebant, in furiis vesani, in silentio ad robur Michaëlis, attoniti. *Quis ut DEUS?* Pugnant & filebant in bello effrænes, in silentio, Magnitudinis Divinæ, in Michaële sese ostentan-



verò ad veras, solidasque causas, aut causam descenditur, & pro rei exigentia una ex illis, pluresve asseruntur. Hac ratione dicturus aliquis Dominica 9. à Pentec. inquireret causas, unde profectæ censeretur Christi lachrymæ, rejectisque illis, quæ ex conturbatione imaginationis, ac passionum: item ex apprehensione damnorum temporalium, in hominibus evenire solent; in solam Christi referre factum misericordiam: quæ tot populis æternum interituris compateretur. Similiter Dominica V. Epiph. posset super illa verba: *Sinite &c.* inquiri, Cur DEUS peccatores toleret? hic sit

## P R A X I S.

Dominica XV. post Pentecost.

*Ecce defunctus efferebatur Filius unicus  
Matris suæ. Luc. 7.*

**A**ccessus & Propositio. Defunctum hunc, quem hæc verba unicum Matris appellant, verba Servatoris eundem à morte excitantis adolescentem declarant; ait enim: *Adolescens tibi dico surge.* Hem mors! quàm immitis es, quæ nulli sexui, nulli ætati parcis, tenerosque flores cum maturo gramine metis. Hoc enim verò fortassis Tiberius aliquis queri meritò possit apud Sueton. *Sibi immeritò tam immaturæ vitam eripi:* sed absit id à Christianis animis, quibus idem cum DEO velle, ac nolle sit necesse. Nam sicut corona soli Principi competit, sic propria voluntas soli DEO. Unde, cum homo vult  
ali-



*aliquid per propriam voluntatem; DEO aufert, quasi suam Coronam, D. Anselm. cap. 8. Similit. Illud tamen humiliter hodie inquirere licuerit: Cur DEUS sæpè immaturas in multis mortes permittat.*

**Confirmationis prima pars per rejectionem aliquarum causarum.**

Fato id inprimis quodam agi nonnulli credunt, quod nascentes premere cùm cæperit, non priùs desinat, quàm opprimat. Scribunt scilicet illi, qui apud Franc. Patrit. lib. 3. de siderum natura, ratiocinantur, animos nostros Divino nutu, signifero, latòque orbe delafpos: ex cœlestibus sphæris suos motus accipere: adeoque vitam, ejusque durationem ab astris, & fatis pendere, insolenter affirmant: tantòque insolentiùs, quia iidem & Deum, & fatum colunt. Verissimè de ejusmodi Aug. *Dum fata sequuntur, fatuos se ostendunt. Posuerunt signa sua, signa ait Psaltes 73. & non cognoverunt sicut in exitu super summum.* Fallax invenitur Mercurius, mendax Saturnus, insanus Jupiter, stultus Mars; quia, qui eos in signa sua (neque enim ad id à DEO sunt creata) eligunt; quamvis eam scientiam credantur petere à summo; non cognoscunt, sic enim in exitu latere illos debet egressus è vita, sicut latuit ingressus: & quemadmodum incertissimi sunt, quæ illos mors, aut ubi expectet: ita id aliis nuntiare nequaquam possunt; sed nec possunt invenire causas, quæ eam aliunde

inferant, quàm à nutu DEI. Domini enim Psal. 67. Domini exitus mortis, & Psal. 74. Quia neque ab oriente, neque ab occidente, neque à desertis montibus, scilicet mors venit, quia DEUS Juxta est: sed à folius DEI decreto. Certius igitur affirmaverit aliquis, immaturas mortes peccatorum, maturata esse supplicia. E dicto scilicet Psal. 54. Viri sanguinum, & dolosi non dimidiabunt dies suos. Quare cùm eam pœnam conscius culpæ deprecaretur David Psal. 101. dicebat: Ne revocès me in dimidio dierum meorum; & Ezechias conscius innocentie vitæ, accepto nuncio ingruentis mortis, flevit valdè, Is. 38. causamque lachrymarum his enunciavit: In dimidio dierum meorum vadam ad portas inferi: quod erat, subvereri, ne innocens morte peccatorum decederet. Et hoc quidem in multis verissimum est; vitam eorum in pœnam vitiõrum præcidi. Unde & in exemplis sacris legitur: Juveni ad turcam ituro canitiem subitam erupisse, significatùmque cœlitus, ad eam ætatem, ac canitiem perventurum fuisse, nisi sceleribus vitam demeruisset. Accedit, scelestos, ac insolentes homines, dum sibi omnia concedunt, ebrietatibus, gulæ, luxuriæ, aliisque peccatis immergi, quæ vitam gravissimè minuunt. Absit tamen, universim istud concludamus dicente Scriptura, Sef. 4. Justus si morte præoccupatus fuerit, in refrigerio erit. Et, consummatus in brevi, complevit tempora multa. Quæri potest, cur pœnam peccati, quæ est mors, prius luerit Abel justus, quàm impius Cain, ad quod

respondens D. Ambrosius lib. 2. de Abel, & Cain cap. 10. *Nonne in his aperte vox DEI clamat. Errant, qui putant, hic esse omnem vivendi gratiam. Ecce enim justus, innocens, pius propter gratiam devotionis, odia sui incurrens, immaturus adhuc ævi sublatuſ est parricidio; at iniquus, sceleratus, impius, etiam cæde fraternâ pollutus, longævam duxit ætatem, duxit uxorem, posteritatem reliquit, urbes condidit, & hoc meruit permiſſione Divinâ: quod etiam congruenter revoces ipsam ſignificationem Abel. Nam Abel interpreta- tur dupliciter: 1. Quid hoc? 2. Vanitas lu- ctus. Non immerito itaque, ac sæpè luganti- bus de ſimmatura morte dixeris: quid hoc? quod hæ lachrymæ, quod fletus? Vani ſunt lu- ctus, & vanitas.*

**Confirmationis ſecunda pars per asser-  
tionem cauſarum.**

Non aliud igitur mortes præmaturæ referen-  
dæ, quàm quò vita refertur, Quis dicit, cur  
alii hoc, illo alii ſæculo naſcantur? cur ſub  
his aſtris nonnulli, nonnulli ſub aliis? il-  
lud indubitatum eſt, omnes hos vitæ, & mor-  
tis eventus à beneficentiſſima DEI providen-  
tia, & noſtræ ſalutis deſiderio provenire: quod  
quidem in præmatura morte, reſpectu illorum  
primis certum eſt, de quorum ſimilibus Sap.  
4. *Placens DEO, factuſ eſt dilectuſ, & vivens in-  
ter peccatores, translatus eſt. Raptuſ eſt, ne malitia  
mutaret intellectum ejus, aut ne ſictio deciperet ani-  
mam illius.* Solabatur timores ſuos olim Sene-

ca de Remed. fortunæ. Juvenis, inquit, moriar? fortasse alicui malo subducar, quod si nulli alii, certè vel servituti. Juvenis moriar? non refert, quot annos habeam, sed quod acceperim. Si plus vivere non possum, hæc est senectus mea. Non iniqua multis solatia, sed longè his meliora. *Raptus est, nè malitia mutaret intellectum ejus, &c.* Hæc servus DEI fidelis sæpè cogitet, & mortem immaturam non timebit, misericordiasque DEI cantabit, quas liberalissimus Dominus largiùs effusus, ita in Evangelio mortem incertam, ideoque per varios etiam status vagam omnibus denuntiat, ut continuò præmoneat: *Vigilate, vigilate.* Certissima est mors, & post hoc judicium; nolo illam vobis esse noxiam, ideo *vigilate.* Hinc August. de 10. chordis. *Ante ultimum judicium DEI tui compone causam tuam. Tunc erit ipse Judex causæ tuæ, qui modò testis vitæ tuæ. Possibilitatem mortis initium vitæ facit. Incertus ergo dies, tanquam quotidianus sperandus est. Et idem alibi: Latet ultima dies, ut observentur omnes dies.* At inquires: si salutis nostræ hac mortis vicissitudine consuli debet: multò meliùs consultum fuisset ejus certitudine. Nemo se ad illam non securissimè præpararet, ejus horam certò cognosceret. Quid verbis promittis, quod rebus negas? Quid spondes facturum te, quod facere cum possis, non vis? Pœnitentiam te gesturum, si deinceps mors immineat, promittis? Gere modò, & mortem non timebis. Anne tunc verè pœniteres, cum jam peccare non pos-



posses, qui nunc pœnitere non vis, ut peccare pergas? Sera nimis pœnitentia, & rarè sincera, quando tunc de peccatis dolemus, cùm nos peccata, velimus nolimus, deserunt: & dolere de iis noluimus, cùm peccata deserere potuimus. *Tali*, inquit D. Ambros. *pœnitentiam promittere utut possim, veniam promittere non possim.* Et D. August. Ser. 71. ad fratres in erem. *Satis alienus est à fide, qui ad agendam pœnitentiam tempus senectutis expectat.* Subjiciamus igitur nos sub potenti manu DEI, amplectamur benignissimum mortis variæ, adeoque immaturæ decretum, etsi sapimus, quotidie mortem expectemus, ut quotidie parati salutem faciliùs consequi possimus.

[illegible]

MODUS XLIV.

**N**arratorius sive Historicus, cum nimirum res gestæ alicujus. continuatione explicantur: singulis aut pluribus punctis & circumstantiis rerum insistendo, eas explicando exaggerando, & congruis doctrinis ac affectibus amplificando, uti eo possumus potissimum in narratione Passionis servatoris nostri, in Historia Nativitatis, Resurrectionis, Ascensionis: itemque festis aliorum Sanctorum, in quibus res piæ ab illis gestæ, memoriâ Ecclesiæ celebrantur. In iis etiam solennitatibus, quæ, piæ meditationi, ex conformitate rationabili factorum plura suggerunt, quam de iis, in

Scriptura habeatur. Hac ratione in assumptione B. VIRGINIS MARIE posses prosequi genus Mortis illius, quod Angelis circumstantibus, quod filio præsente, quod toto cælo effuso Spiritum tradiderit: tunc prosequi, quomodo anima ejus beatissima corpori restituta, quomodo cum eodem è tumulo educta, quomodo virgo elevata in aëra, cincta sanctorum millibus, à vita ad DEI thronum, ibidem coronata. Exemplum dare hujusmodi perfectum, nimis longum est. Suggestur igitur quam brevissimè ad impetum Tyronum.

### P R A X I S.

In Ascensione Domini N. J. CHRISTI.

*Et quidem D. Jesus postquam locutus est eis assumptus est in cælum. Marc. 16.*

**A**ccessus & Propositio. Abiit à nobis Magister noster, abiit Dux, abiit Parens noster, sequamur ergo abeuntem, mentis passibus: quem corporis pedibus, sequi non possumus.

Confirmatio ex narrata historia Ascensionis, insistendo ejus punctis.


Quò ergo primum passum movebimus? Extra civitatem progredi necesse est. Extra illam enim discipuli à Domino ascensuro advocati. Eheu infelix civitas, quam jam Christus linquit! Fuit tempus cum veluti gallina congregans pullos suos obiret te, & congregaret filios tuos, jam nunc vale, & quem projecisti

sti extra portam cum cruce, eodẽm careas glorioso. Adjudicando innocentem cruci, abjudicasti te ejus Regno, cujus quemadmodum æternum inops eris, itaque neque nunc, gloriam prægustabis. Extra civitatem, Jesus ascensurus abiit, & in Montem utique vicinum horto Gethsemani, & oppositum durissimæ Calvariæ. Scilicet, contraria contrariis opposita, magis elucescunt, hinc signa victoriæ, monumentis opponuntur passionis. Discite Mortales ubi vestra gaudia, vestros agere debetis triumphos. Nondum gaudia vestra spectantur, non possunt ostendi labores: si dum gloria monstratur, non possunt numerari merita, vanis gaudiis diffluitis, decipimini lætitiâ. Per angusta ad augusta itur, & nunquam lætior triumphat virtus, quam in memoria, adeoque aspectu exantlatorum laborum. Sed quid, quod post 40. dies, diem triumphi sui destinavit? salutaris hic est hominibus numerus. Quadraginta annis Israëli proximus fuit. Post quadraginta dies, Moyse tabulæ legis datæ; pro quadraginta dierum itinere, Elias cibo roboratus. Majora etiam his D. August. 17. in Joannem suggerit cum sic ait. *In hoc ergo sæculo quasi quadragesimam abstinentiæ celebramus: cum beatè vivimus, cum ab iniquitatibus & ab illicitis voluptatibus abstinemus; sed quia hæc abstinentia, sine mercede non erit, expectamus beatam illam spem, & revelationem gloriæ Magni Dei & Salvatoris nostri JESU Christi.* Quid metuis Christiane athleta? quid labores fugis? aude & post bre-

vem quadragesimam mercedem copiosissimam & nunquam defecturam spera. Hoc & mons olivarum, & vestigia lapidi impressa significant. Auspice virtute, Christoque Duce, nihil non superabis. Mollescent etiam saxa, ab ejus imitatione, dura cadent, petrosa findentur. Audis Christum invitantem Matth. 11. *Discite à me, quia mitis sum, & humilis corde; & dicis: durum est, petra est.* Audis dicentem, Matth. 16. *Qui vult venire post me, tollat crucem suam, & sequatur me; & iterum dicis: durum est, petra est.* Ah sit sanè petra! sed petra à Christi exemplo emollita est. Vide pedum sacrosancta signa, passuum vestigia, exemplorum documenta, & saltem amodò dic, quod optimè dixit, si pariter effecit, Seneca in Epist. lib. 4. ep. 21. *Subsiliare in cælum ex angulo licet.* Exurge modò, & te quoque dignum finge DEO. Licet equidem, licet, ac nimium quoque par est, suspirare ad illam meridiem, quam meridiano ascensus tempore designavit, & per D. Bernardi suspiria nobis judicavit. Sic enim sanctus ille Abbas orbi auditori, Ser. 33. in Cant. inclamat: *O verè meridies! plenitudo lucis, & fervoris, solis statio, umbrarum exterminatio, deficcatio paludum, factorum depulsio; O perenne solatium! quando jam non inclinabitur dies, & lumen meridianum? O vernalis temperies! O æstiva venustas! O autumnalis ubertas! & ne quid videas præteruisse, quies, & feriatio hyemalis.* O quot in hac diei luce, cœlestia simul effulsère lumina, quot de fideriis palatiis obviam pro-



processere agmina, quis undique cinxit comitatus? *Viderunt ingressus tuos*, Psal. 67. *ingressus DEI mei, Regis mei, qui est in Sancto. Prævaluerunt Principes conjuncti psallentibus in medio jubencularum tympanistriarum. Ibi Benjamin adolescentulus in mentis excessu. Principes Juda, Duces eorum. Principes Zabulon, Principes Nephthali.* Eja fratres, jungamur gaudiis! sed ut his jungi dignè possimus, jungamur meritis. Ad gaudia tamen certè invitat, qui ascendens super omnes cælos, edicit: *Vado parare vobis locum*, Joan. 14. unde Paulus ad Hebr. c. 6. *Præcursor introivit JESUS.* Tertull. de fuga in persecut. *Apud inferos emancipatio nostra est, & stipulatio nostra in cælis. Sublatæ sunt portæ sempiternæ ut introiret Rex gloriæ: Dominus virtutum hominem de terris, imò ab inferis, mercatus in cælos.* Et contra Gnost. Scito, & ascensum illum exinde complanatum vestigiis Domini; & introitum exinde reферatum viribus Christi; nec ullam moram, aut quæstionem in limine occursuram Christianis, qui non dignosci habent illic, sed agnosci: nec interrogari, sed admitti. Nam etsi adhuc putas clausum cælum, memento claves ejus hic Dominum Petro, & per eum Ecclesiæ reliquisse. Est, cur gaudeamus, est, cur cum D. Leon. Ser. 1. de assumpt. lætantes proclamemus: *Quò præcessit gloria capitis, eò spes vocatur & corporis: aut cum Aug. Serm. 176. Nostri Christi mors vivificavit, nos resurrectio erexit, nos ascensio consecravit. In illo nostræ originis corpore, cælestibus Regnis, arrham nostræ conditionis imposuit.*



## MODUS XLV.

**A** Definitione simplici rei, quæ pro propositione præfixa, & in progressu sermonis, rationibus probata, Orationem conficit. Copiosissimi sunt in his SS. Patres, præsertim in definiendis vitiis, ac virtutibus, item in laudibus Divorum, ac B. Virginis MARIE, ex cuius titulis, è D. Patribus collectis, justus libellus, *Nomenclator Marianus* dictus, in manibus plurimorum teritur. Hoc modo formari posset Concio, Ex. gr. Dominica Sanctissimæ Trinitatis, definiendo, & probando Festum Sanctissimæ Trinitatis, esse Festum beatæ æternitatis. *Primò*: quia, quidquid sub eo recolimus, supra homines est. *Secundò*: quia nulla Sanctorum per totam æternitatem futura occupatio, nisi DEUM trinum & unum videre, amare, laudare. O quæ hæc cognitio incognitorum! quis amor? quæ laus? Similiter definit Festum Ascensionis Domini nostri. D. Epipha. Episc. Cypr. in Bibliothe. PP. esse *colophonem æconomiae Domini*, quia scilicet hic dies æconomiam Domini instauravit in Cælo; Christi ibi Principatum occupante, & Sanctis in Cælum inductis, locum suum inter Angelosprehendentibus. Instauravit in terra, Apostolis ad prædicandum missis, fidelibus Baptismo præscripto, omnibus creaturis, ut servis suis obediant, imperio dato. Instauravit denique in inferno, Patribus è limbo liberatis, Principe

cipe inferni alligato, potestate nocendi hominibus multum imminutâ. Verum succedat

## P R A X I S.

Dominica III. post Pascha.

*Mundus autem gaudebit.* Joan. 26.

**A** Ccessus & Propositio. Democritum Philosophum, quicquid agi videret in orbe, omne id risisse, narrant veterum annales. Causam risûs seiscitantibus respondit: Quia nihil in mundo non ridiculum. Alium jam Democritum habemus, quem Christus Veritas Mundum esse denuntiat, cujus una, constansque sit occupatio, gaudere, aut ridere. Quid causæ? filet hic Democritus, sed cogitanti occurrit: Mundum id risu suo continuo agere, ut mundanos homines irrideat. Sistamus igitur, & quàm verus, bellusque sit hic suorum irrisor, videamus.

Confirmatio per probationem definitionis, quòd Mundus sit Irrisor suorum.

Duo genera irrisionum omnibus noscuntur. Aliud, quod palam tale habetur: aliud, quod cum id minimè præferat, id tamen maxime agit. Ad primum genus refertur exemplum, quod habetur I. Paral. 19. ubi Amnon malè persuasus de Legatis Davidis, tanquam de exploratoribus, ad eorum contemptum, & irrisionem, eos decalvavit, rasit, & præcidit tunicas eorum. Item exemplum de Samsone, quan-

quando Jud. 6. post erutos Samsoni oculos, *præceperunt Principes (scilicet) ut vocaretur Samson, & ante eos luderet.* Tandem exemplum Servatoris nostri, irriforiè in ædibus Pilati in Regem coronati, & illusi. Alterum genus irrifionis ut occultius est, & varium, ita difficile circumscribi potest; de tali D. Hier. epist. ad Rulti. *Ne credas adulatoribus tuis, imò irriforibus aurem ne libenter accommodes; qui cum te adulationibus soverint, & quodammodo impotentem mentis effecerint; si subito respexeris, aut Ciconiarum deprehendas colla post te curvari, aut manu auriculas agitari asini, aut æstuantem canis protendi linguam, &c.* Utroque hoc modo Irrisor Mundus ridet suos. O quot hîc Amnon, venerandos ætate senes, in leves scurras, inter sua tripudia decalvat, & radit! O quot majestuosas, & ad omnem gravitatem formatas togas in suam levitatem decurtat! Pudeat longæ vestis, cui brevis virtus est, nullaque verecundia. Neque segnius Samsonis ludus luditur, ut Mundus irrisor risu suo pascatur. Gaudent vocari fortes, invicti, potentes, magni Principes, Duces: & dum viribus nimium fidunt, ab hostibus infensissimis excæcati, pericula imminencia non vident. Ducunt in bonis dies suos, & in puncto ad inferna descendunt. Vultis & pompam spectare ludicrè à Mudo coronatam? O quàm innumeri sub illa vivunt! quot frontes spinis onerantur, & gloriantur de auro! Honor indignis collatus spinæ sunt. Quot manus arundine fatigantur! & sceptrum

præ-



præferunt; Imperia leviter administrata, levis arundo sunt. Quot rudia vel era corpus affligunt, & pro Purpuris jactantur. Rudes animi sub serico, pecus menetiturum est. Quot genæ colaphis cæduntur, & mulceri existimantur? vultus hominis status est hominis, cui duplices genæ, virtutis & famæ. Est igitur, qui nobili sanguine editus, ignobilibus vitiis serviat. En alapam famæ, & virtutis. Est, qui militiam professus, spoliis pauperum gaudet, & iis ditari cupit. En item alapam famæ, & virtutis. Est, qui sacrationem vitam vovit, & profanos mores gerit. En tertio alapam famæ, & virtutis. Amant tamen sic ornari, sic suspici, sic haberi, sic cædi, & præberi risum Mundo fallaci, de quo verissimè August. tom. 10. Ser. de Jejun. *Iste mundus aut ridet nos, aut irridetur à nobis, aut contemnimus, aut despici-mur.* Utinam auscultent Psalmistam inclamantem, Psalm. 4. *Ut quid diligitis vanitatem, & quæritis mendacium:* utinam toties decepti aliquando sapiant, sed ne id fiat mille rursus modos hic irrifor adhibet, quibus suos infascinet, quorum non postremus est adulatorum præceptis decerptus, quem memorat D. Hier. epist. 14. ad Celant. *Est sanè grande, & subtile artificium, laudare alterum in commendationem sui, & decipi-endo animum sibi illigare decepti.* En mundi imaginem, laudatur voluptas ut stabilis, opes ut constanter servituræ, lætitia ut animum satia-tura; & heu! omnia contra veniunt. Scilicet *Prosperitas hujus mundi,* teste August. in Psalm.

habet

habet asperitatem veram, jucunditatem falsam, certum dolorem, incertam voluptatem, durum laborem, timidam quietem, rem plenam miseriae, spem beatitudinis inanem. Caligula Imperator ex fide Dion. lib. 59. Jovis apparatu tumens solio insidebat, divinitatem omnibus Diis, & lapidibus reclamantibus invasurus. Interrogavit igitur à Gallo milite, quid sibi esse sub ea pompa videretur? cui Gallus: *Magnum omnino deliramentum.* Tale revera est, quidquid Mundus mundanis commendat, & quicquid stultis fraudulentissimis Irrisor persuadet. Quid enim obsecro, brevis voluptas, quâ æternus dolor emitur? magnum omnino deliramentum. Quid paucæ divitiæ, quibus æterna egestas comparatur? magnum deliramentum. Quid laus populi, quid favor amicorum, quid cultus clientum, quid reverentia minorum, quibus æterna perditio, contemptus, infelicitas emitur? magnum deliramentum, & tamen sic delirare placet, sic gaudere, & ridere, dum & ipsi irrideantur. Felix, qui cum Salomone concludit: *Risum reputavi errorem, & gaudio dixi, quid frustra deciperis?* Eccl. 2. Complures legunt: *Risum dixi derisionem.* Verè mundi risus mundanorum irrissio; nam ridet, & irridet, & quemadmodum continuò irridet, ut monitum D. Ansel. lib. 1. c. 8. alta mente figamus. Si *Mundus*, vel aliquid eorum, quæ sunt mundi, ridet tibi, noli arridere illi. Certè frater non ridet sibi, ut in fine risus tu rideas, sed simulat risum,

ut & inuideat. Esto igitur cautus, & cum ille tibi fallaciter ridet, tu veraciter irride eum.



## MODUS XLVI.

PLures definitiones, propositionem conflant aut etiam plura membra definitionis, descriptivæ: singulæ autem partes aut membra seorsim probantur: aut ad unum finem omnes probationes referendo, aut doctrinas varias singulis annectendo, quemadmodum dictum habetur de causis, modo 40. & 41. vide etiam exemplum definitionis descriptivæ, artificio revocandi totum Evangelium ad unam propositionem conjunctum, modo 22. Sit nihilominus.

### P R A X I S.

Dominica II. Quadragesimæ.

*Assumpsit Jesus Petrum, & Joannem, & Jacobum fratres ejus. Matt. 17.*

**A**ccessus & Propositio. Habet Christus quos familiarius assumat in suos, habet & Dæmon, habent & homines. Nam, si quis cælum ascendisset, naturamque mundi & pulchritudinem respexisset, insuavem illam admirationem, ei futuram, nisi aliquem haberet, cui communicaret; dicebat ex sensu communi, & vero, Architas. Sed hem nos! quam sæpe fallimur, & per familiares, quos vitæ solatio assumimus, gravissimè affligimur. Magno delectu opus est, ne in latentissimam scyllam impingas, & tamen minimè id cura-  
tur

tur. *Fide, sed cui, vide:* ait vetus verbum : ama bonos, cave malos- Hi enim sunt, qui amicitiae fructum corrumpunt, qui spes nostras maximè fallunt, qui totius vitae iura perturbant, vultis brevibus quid sint socii mali nōsse? dicam sane esse diaboli præcipuos cooperatores, animorum sævissimos homicidas, Christi gravissimos inimicos: atque utinam, quam ego id indubitanter asseveravero, vos credatis.

**Confirmatio, ex singulis definitionibus sensim probatis.**

Sunt igitur mali socii, Diaboli præcipui cooperatores. Quidni? idem opus utrinque agitur, eadem pernicies struitur. Trahimur in vitia à Dæmone, suggestionibus; à sociis suggestionibus, & exemplis. Heu quam multi dicere possunt, quod humiliter de se Aug. lib. Confes. 3. *Præceps ibam tanta cæcitate, & inter coëtaneos meos puderet me minoris dedecoris, cum audiebam eos, jactantes flagitia sua, & tantò glorianes magis, quantò magis turpes essent; & libebat malum facere, non tantum libidine facti, sed etiam laudis. O nimis inimica amicitia! & seductio mentis investigabilis, cum dicitur: Eamus, faciamus, & pudet non esse impudentem. Inventor scilicet ille, auctorque peccati, ait Leo Ser. 4. de Collec. primum superbus ut caderet, deinde invidus ut noceret; quia in veritate non stetit, totam vitam suam in mendacio collocavit, omniadque deceptionum genera de hoc venenatissimo fonte produxit, ut ab illo bono, quod ille pro-*



*propria elatione perdiderat, spem humanæ devotionis excluderet. Vide dæmonis, & malorum fociorum lusus. Lapsus ille primum alios in ruinam trahit: isti quoque cū à virtute defecere, alios ad vitia pertrahere nituntur. In mendaciis dæmon totam suam vitam collocavit; isti etiam mentiuntur affectus, mentiuntur desideria, mentiuntur vota, mentiuntur successus, & quia sciunt, pergit eo sensu D. Pontifex de dæmone, non solum verbis, sed etiam factis DEUM negari, multis, quibus auferre non possunt fidem, auferunt charitatem. Res est omnibus lachrymis ploranda. A multis id ipsum concessum esse amicis, & fociis, quod negarant diu suggestori. Scilicet à dæmone animus; ab amicis vultus, oculi, aures, & animus feriuntur; quæ prælia non numero tantum, sed & robore sunt valentiora. Recogita exempla, in quibus dæmon forma hominum ad effingendam virtutem multorum, non sine effectu est usus; ego illud revocaverim, quod multis palam est; cū diu discordias inter maritum, & uxorem concitare non valentem, fœminæ deinde illis familiaris operâ, ad id consequendum usum. Hæc dum pro recepta amicitia huic, atque alteri varia, eaque contraria narrat, intra triduum gravissimorum tumultuum infelix extitit causa. Tulit illa quidem sceleris præmium, cū à dæmone audivit, se tot annis laborantem præstare non potuisse, quod illa triduo præstiterit, ideoque inferno se digniorem, ad quem mox rapta fuit; sed & vitando-*

rum malorum sociorum grande reliquit exemplum, cum probavit. Sæpè crimina facilius ab amicis putatis, quàm ab ipso dæmone persuaderi. O germana diaboli instrumenta malos socios! O primarios ejus suggestionum cooperatores! felix, qui omni arte fugit vitandos plùs quàm dæmones; nam qui non vitavit, & vitia illorum non est secutus, Martyr erit mihi invictus, cui illud Christus adscribet: *Qui me confessus fuerit coram hominibus, confitebor & ego eum coram Patre meo*, Matth. 10. Non est dictum, coram tortoribus, carnificibus, Tyrannis, sed coram hominibus, ut notaretur confiteri Christum inter homines, inter socios, familiares præsertim malos, martyrio par factum esse. At nostra damna propinquius inspiciamus, quòd scilicet socii mali sint *sævissimi animorum homicidæ*. Hanc nobilissimam portionem hominis illi petunt, non latus, non caput, non denique aliquam partem pretiosissimam corporis. Quid ita? cum peccatum suadent, ac persuadent, mortem animæ inferunt. *Quod est enim anima corpori, hoc est DEUS animæ*, ait Aug. Quemadmodum igitur separata anima à corpore sequitur mors corporis; ita separato Deo ab anima sequitur mors animæ, atque ideo, quemadmodum si corpus mortui moveri incipiat, si manum surgere, si surgere, si proloqui prodigium supra naturam est: ita si peccator adhuc spirare, respirare, suspirare, & actionibus animi pii fungi possit, ingens beneficentiæ Divinae mira-

miraculum est, quo non intercedente quodvis lethale peccatum eam infert mortem, à qua amplius homini DEO vivere non liceat, æternumque sepeliri debet in inferno. *Ego sum*, inquit Salvator Joan. II. *Resurrectio, & vita*. Id ne ad corporum solum suscitationem referas, sed animorum mortem cogites, audi Origen. Tit. 28. in Joan. peccatores ad Lazarum mortuum referentem. *Neesse est aliquos etiamnum Lazaros esse, qui post contractam cum DEO amicitiam infirmati sunt, & periére*. Orat. Psaltes enixè Psal. 26. v. 9. *Adjutor meus esto, ne derelinquas me*. Euseb. & Theod. legunt: *Ne me ad corvos projicias*. Qui sunt, qui projiciuntur ad corvos? corvorum pastus cadavera sunt. Quæ verò, obsecro cadavera? quibus ne immisceatur, rogat vates. En ipsum interpretem sui. *Adjutor meus esto, ne derelinquas me*. Idem ergo est, à DEO dividi, & mori, peccare, & fieri cadaver, ac tradi corvis, sed quibus corvis? mali corvi, mali socii, mali amici, sævissimi homicidæ, qui nostris mortibus, nostris cadaveribus gaudent, ac aluntur. De his D. Aug. tom. 9. in Joan. *Non omnis, qui dicit: pax vobis, quasi columba audiendus est; unde ergo discernuntur oscula corvorum ab osculis columbarum? osculantur corvi, sed laniant, à laniatu innocens est natura columbarum*. Ubi ergo laniatus, non est vera in osculis pax. En oscula falsa, en corvos, en malas mortes, en cadavera, quibus hi homicidæ gaudent: neque Christum, væ sæpius talibus intentantem, ac


præsertim Luc. 17. audiunt : itaque concludit ibi Salvator : *Utilius est illi, si lapis molaris imponatur circa collum ejus, & projiciatur in mare, quàm ut scandalizet unum de pusillis istis :* quod si adhuc non fit, fiet certè, sed in pejus. Scitum est, quòd molæ Deorum serò molant, sed bene comminuant. Hæ molæ conduntur hætenus, dum veniat tempus, quo appensæ collo impiorum projiciuntur in profundum, quemadmodum projectus est lapis in mare. Apo. 17. v. 21. Sunt denique focii mali, Christi gravissimi inimici ; quia Christum charissima, gratissimâque possessione animarum spoliant, easque seductas Dæmoni vendicant. Prò nefandum scelus, & nullis verbis satis explicandum. Quis non excretur nefas, quo mancipium aliquod vilissimum, improbum, furens, vesanum, excluso proprio Regni hærede in throno collocetur ? hoc scelus agunt, imò hoc scelus vincunt, qui per verba, aut exempla animis sociorum, DEO excluso, eas Dæmoni per peccatum mancipant. Horret animus, referre impietatem compertam hominis, qui cum ad sanctissimæ Eucharistiæ usum accederet, ut nondum consumptis speciebus, Christum corporaliter præsentem adesse crederet. *Adsis, ajebat, Diabole, cedo tibi animam. Abeat Christus, excludatur, exturbetur.* O fulmina ! ubi tunc delitescebatis ? aut ubi delitescitis, cum simili injuria, per malos socios, Regno suo, & sedibus suis exturbatur, de quo sic apud D. Brigit lib. 1. Revel. c. 1.

Chri-



Christus: *Ex toto oblitus, & ejectus sum, & contemptus, & tanquam Rex à proprio Regno expulsus, in cuius loco Latro pessimus electus est, & honoratus.* O grandem injuriam! O audaciam hostis Christi! Neque hinc sistunt illorum inimicitiae. Grandius est, quod sequitur; quia privant Christum fructu gravissimorum laborum, & vitae ejus, evacuántque, ac annihilant passionem ejus, dum faciunt, ut vita, & passio Christi nullum effectum sortiatur in animabus, malorum sociorum consortio seductis. Hoc revera magis cogitari, & deplorari, quàm exaggerari potest. Cum Quinctius Varrus in germania profligatus fuisset, Dio lib. 19. is dolor Imperatorem Augustum invasit, ut sæpius id unum inclamaret: *Quincti Varre, redde legiones.* Ah! quod fulmen impios feriet, cum Judex supremus idemque animarum humanarum, unicus ut amator, ita servator, super scandala intonuerit. Impurissime Mæche, licentiosissime Juvenis, audacissime familiaris, redde animas, utique vita mea, laboribus, sanguine partas, tuo autem scelere, blanditiis, consiliis, exemplis ereptas. Sanguis meus super te, hoc makes, hoc cruentaris, hunc in salutem eorum effusum in te per injurias meas, & ingentia damna convertisti. *Quid niteris bonam ostendere viam tuam? Jerem. 2. ad quærendam dilectionem. In alis tuis inventus est sanguis pauperum, & innocentum: non in fossis inveni eos.* Quærit piissimè D. Hipp. Episc. Confess. 9. c. 13. *Quis refundet ei sanguinem,*

*nem? quis ei restituet pretium, quo nos emitt? ut ei nos adferat. Nemo equidem, nemo talis esse potest: sunt tamen multi, qui id minimè cogitent, jura Christi invadant, animas perdant, Sanguinisque pretiosissimi pretium auferant. Hos iterum moneo, ut quid responsuri sint Christo Judici, seriò cogitent, quemadmodum & nos, ut ab illorum consortio fugiamus remotissimè, cogitare semper par est.*



## MODUS XLVII.

**D**ucitur tota oratio ab enumeratione partium. Locus amplissimus est, & extenditur ad divisionem, Generum in species: specierum in dividua; accidentium in subiecta; Actuum in objecta; Actionum in fines factorum in eventus; Locorum in spatia; Personarum in subiecta; statuum in formas; formarum in causas; & his similium; ut ideò quoque excusatum me sperem, quod aliqua quæ huc revocare possem, singulariter in superioribus attigerim, aut infra dicendis perstricturus sim. Ex tam multis enim divisionibus, sunt nonnullæ, quæ & facile concionatori deservire possunt & in turba aliorum non facile discernuntur: proptereaque merito specialem mentionem requirebant.

Ex hoc fonte ducendi orationem sacram, modus imprimis communissimus est, quando orator, rem, seu significatum generale, aut

in

in ipsa propositione, aut in propositionis probatione in suas partes dividit, & de iis tractat: non tam argumentando ac inferendo aliquid, de ipso significato generali (nam de hoc statim) quàm explicando quibus partibus, aut subdivisionibus generis, illud conveniat. Unde magis spectatur, qualis sit res, cui conveniat, ad quid referatur: quam sit. Hac subdivisione usus non raro servator ac Magister orbis est, ut cum semen subdivisit, in semen cadens, in petram, in viam, & in terram bonam, idque de verbo Dei explicuit. Item cum distribuit talenta, in talenta lucrosa, & talentum defossum. Messiem pariter, in triticeam, & Zizaniorum & plurimis similibus locis. Sit.

## P R A X I S.

In festo S. Mariæ Magdalenæ.

*Ecce mulier quæ erat in civitate peccatrice.*  
Luc. 7.

**A**ccessus & Propositio. Spectaculum quodpiam, D. Magdalenam D. Lucas vult asserere, cum voce demonstrativa, universos alloquens. *Ecce inquit mulier*, quemadmodum spectaculum fieri iniquus iudex Christum voluit, cum edixit *Ecce homo* Joan. 19. Et sanè, facta est hodie Magdalena spectaculum Deo, humiliatam respicienti; Angelis, de conversione gaudentibus; hominibus, per fora & convivialia atria, illam pariter admirantibus. Nec satis est; facta est quoque nobis spectaculum,

humanæ infirmitatis, Pharisaicæ temeritatis, Christi clementiæ & pietatis. Hæc ut viciniōra nobis, expendamus.

**Confirmatio, per spectaculi, in propositione distributi probationem.**

D. Magdalena *spectaculum humanæ imbecillitatis*: talem esse persuadet D. Greg. hom. 33. cum ait. *Neceſſe eſt, ut cum peccatores conſpicimus, noſmet ipſos prius ex illorum calamitate deſteamus quia fortassis inſimilibus lapſi ſumus, aut labi poſſumus.* Notum illud ac D. Auguſtino attributum. *Nil eſt quod non faceret homo, niſi illum prohiberet Deus, propter hominem, factus homo.* Franciſcus Galliarum Rex, apud Carolum Imperatorem captivus, poſtibus inſcribi curaverat. *Hodie mihi, cras tibi.* Reſcripſit Carolus. *Homo ſum, humanum à me nihil alienum puto.* Veriſſimè uterque quanquam alius, pro ſorte præſenti audacius. Interim quiſquis homo eſt, humanæ fragilitati non fidat, atque ita Magdalenæ caſus metuat. *Qui ſtat, videat ne cadat*, monente D. Paulo, cui adſtipulatur Præſul. Hipp. hom. 27. *Semper ſtare, ac nunquam cecidiſſe Divinum eſt, atque mirabile: quod ipſum adeò hæſerat D. Bernard. ut graviffimam legem ſibi dixerit. Firmum eſt mihi propoſitum nunquam ridendi, quo ad uſque audiam ex ore DEI illa verba: venite Benediſti: neque à fletu deſinam, donec liber ſim, ab illa ſententia, Ite malediſti.*

D. Magdalena *ſpectaculum Pharifaicæ temeritatis*. Talis facta eſt, cum illam Phariſæus ad



pedes Domini jacentem cernens, concluderet. *Hic si esset Propheta, sciret utique, quæ & qualis esset mulier. O malum oculum, & cor pessimum? Temere egit, inquit, Pontifex Romanus ubi sup. Vidit flentem Magdalenam, & tamen peccatricem vocat: scelus quod non videt memorat virtutes, quas intuetur tacet. Sed & quot hujus Pharisei imitatores! ad quos D. Chrys. homil. 63. Quid ita alienis inbias O homo! Recordare Pharisei, qui cum ad probos non respexerit; sed peccantis opprobria viderit, labores suos amisit. Videas oculos aliquorum, tam itupidos ut una sede fixi, vix ad latus gyrari possint. His sunt similes animi, qui cum vitio alieno adhæserunt, averti ab eo non possunt, quamvis id de iis, jam dici possit, quod de Magdalena prosequens Bernar. Ser. 4. Quis eam peccatricem dicat, quæ dum peccata deplorat, odit iniquitatem: dum osculatur pedes Domini, diuigit iustitiam. Agitur tamen non raro perperam. Vident religiosum, & ostentant sæcularem; vident pœnitentem, & rident insolentem, vident humiliatum, & memorant superbum. Eccl. 34. Hoc secundum hoc, visio somniorum ante faciem hominis, similitudo hominis. Juvenis, olim malæ amicæ, malè amicus; post vitæ melioris electam frugem, in eandem incidit: quam cum generoso vultu, insalutatam transiret, venenato mulier Sibilo. Ego illa sum, cui adolescens, jam Christo devotus. At ego, non sum ille. Nôsse hæc credebat se hominem, quem jam nôrat. Hoc secundum hoc, visio*

somniorum, quâ tamen non solum inutiliter, sed impiè aliqui delectantur, ut imitentur Phariseum, cui Magdalena, facta est spectaculum temeritatis, reclamante D. Chrys. hom. 24. *Non pietatis est, tam rigida adversus delicta sententia, sed inhumanitatis; & personam quidem dilectionis sibi imponit, quasi alienorum morum curam gerendo: opus autem malitiæ implet extremae.*

D. Magdalena spectaculum Christi Domini clementiæ & pietatis ingens hæc omnino. 1. Quia tam facile admisit ad se tantam peccatricem. 2. Quia eandem coram Phariseo dignanter defendit. 3. Quia clementissimè omnes culpas ignovit, dicens. *Remittuntur ei peccata multa.* O viscera Servatoris dulcissima! O pietatem misericordissimam! Imperatorum non nemo cum excubias inviseret, rogatus à vigili, porrigeret benignè manum osculo. *Nondum, respondit, tecum in gratiam redii.* Et alteri idem petenti. *Quid relinquam amicis?* Immortales iras, mortales agimus. Servatori, videre humilem Magdalenam, & misereri, idem est. Nulla mora in accessu, nihil durum in acceptu, nihil asperum in verbo. Admittitur, suscipitur, defenditur: ut gloriari posset cum sponsa. Cant. 2. *Læva ejus sub capite meo, & dextera illius amplexabitur me.* Quid læva, nisi pars ad quam peccatores statuuntur? Quid dextera, nisi pars ad quam beati fecernentur? O lævam tremendam! O desiderandam dextram! Magdalenæ utraque favet: Læva sub capite ponitur, ut secura à pænis, tormentis, & damna-

damnatione peccatis debita, in Christo quiescat; dextra autem dat amplexus, ut se ad gratiam receptam non ignoret, & de dulcedine ejus inter lachrymas, & pia suspiria gaudeat. Eja fratres, qui secuti sumus errantem, sequamur pœnitentem, & quod in Magdalenâ gratulamur, in nobis impleri curemus. Omni enim ratione alienum est, id, quod rectum judices, rectè factum nolle. Contigit aliquando, Virum Religiosum cum desperatissimo peccatore ante Christi crucifixi Imaginem argumentari: Nôstine hanc Imaginem? Respondet reus: *novi*. Cujus putes illa est? Respondit: JESU CHRISTI Filii DEI. Uris Sacerdos: Pro quo tandem tam dira tormenta Filium DEI credis passum? Respondit: Pro peccatoribus. Perrexit Sacerdos: omnibusne? Respondit reus: ita est, pro omnibus; subsumpsit Sacerdos: igitur & pro te. Respondit reus: nequaquam. Rursus ego Sacerdos: Nunquid ergo tu non peccator? Imò verò, ait ille, sum, & maximus. Tum Sacerdos ex mysta dialecticus: Christus passus est pro peccatoribus omnibus. *Concessit*. Tu es peccator, atque ut ais maximus. *Concessit*. Ergo & pro te. Hoc verò contumacissima mente pernegavit. Miseram cæcitatem! de qua tamen plurimum participant, qui quam suavis sit Dominus, & ad veniam facilis, in multorum exemplis, atque Magdalenæ claret nomine; redire tamen ad illum, quod necessario sequi deberet, nolunt. Videant, ne hæc sit participatio





## PRAXIS.

In Festo S. Joannis Baptistæ.

*Quis putas Puer iste erit? Resp. Erit magnus coram Domino. Luc. i.*

**A**ccessus & Propositio. Si esse magnum coram hominibus gloriosum habetur, atque laudabile, quantò magis is suspiciendus, qui meruerit talis esse coram Domino. Hunc verò debere haberi D. Joannem Baptistam prius, data ab Angelo sententia, quàm hodierna moveretur quæstio, ostendit. Quæritur hodie: *Quis putas?* dictum autem diu ante: *Magnus coram Domino.* Huic igitur magnitudini contemplandæ insistamus, ut Joannem Magnum coram Domino agnoscamus, agnitionemque veneremur.

**Confirmatio.** per distributionem inferendo ex partibus totum. Magnus coram Domino Joannes in infantia, pueritia, & reliqua vita; ergo Magnus simpliciter.

D. Joannes Magnus in infantia, scilicet in utero Matris sanctificatus. Et hoc quidem beneficii: & excellentiæ collatum est, Jerem. ut habetur cap. ejus 10. *Et factum est verbum Domini ad me, dicens: Priusquam formarem te, in utero, novi te, & antequam exires de vulva, sanctificavi, & prophetam in gentibus, dedi te.* Hoc tamen ipsum beneficium, liberalius est in D. Joannem effusum. Jeremiæ etenim, nonnisi diu post, id ipsum revelatum fuit. Joannes in ipso

ipso utero, id beneficii & accepit, & agnovit: ac propter illud in utero Matris exultavit. D. Chryf. homil. 3. de præcurfore. *Saliebat, simul chorum ducens, & ægrè ferens, quòd teneretur in utero: exclamabat adversum mensium conversionem, tanquam injustam: quatiebat matricem, in claustro, naturæ insultabat calcibus, modum nascenti accusabat, & clausis labris, vociferabatur figuris, talia propemodum, motu dicens Elisabethæ. Iniquè facis. O mater quæ tardas. Lux venit, solve matutinum. O miracula! O magnum ab utero coram Domino Joannem! cujus magnitudinem rursum suspiciens Idem Doctor Hom. de Nativ. exclamabat. O res admirabilis, & præter opinionem! Quam in cælo ignoraverunt Angeli, cognovit Joannes, qui gestabatur in utero. Thronos latuit, & eum qui erat in matrice, minime præteriiit. Quare & Antopater Episcopus Bestrorum apud Metaph. Præfert eum in utero prophetis, inquiens. *Fuisti spiritu afflatus, ut qui domum Prophetiæ accepisti in utero: Saliens in ventre ea dicebas, quæ Moyfi cum consenuisset Deus significavit. Qua de causa te majorem Prophetis vocavit spiritus Ecclesiæ.**

D. Joannes Magnus in pueritia. Quia in triennali ætate, aut ut aliorum fert opinio, octodecim mensium puer, vitam professus, Eremiticam. Magni sint & admirandi Antonii, Magni Hilariones, Magni Alexii, huic exemplo, par nullum, nec æquale adfertur: Heu! care puer quo pergis? quo Duce? quo Magistro? quo Exemplo? mundum tam maturè fugis

fugis? Verissimum Chryf. de Nat. ejus. *Joannem obsecratio genuit, non natura. Imo natura tremula stetit*; Quidni, in ejus quoque pueritia expendenda, item asseramus, tremulam hîc stetisse naturam. Trimus puer ædes paternas, carissimosque ac optimos parentes liquit: Tremula natura stetit, solus, nullo duce, nullo comite, mundum fugiens, desertum petiit: Tremula natura stetit. Victu, amictu, fociis destitutus, constantissimè, vitam corpori acerbissimam, sustinuit: Tremula natura stetit. Obsecro te, qui audis, ut mente humili eremum hanc, penitus intres, atque ubi Joannem tenellum in genua procumbentem, orantem, corpus ciliciis, durisque plagis exercentem, tantisper contemplaris, facile evinces, ut ignaviam tuam detesteris, & cum Joan. Guerri Abb. Serm. i. de Bapt. fatearis, quod is est Joannes in pueritia, *cujus etiam prima elementa justitiæ, modum supergressa sunt perfectionis humanæ, cujus rudimenta primævæ ætatis, gravitatem sapientiæ vicere senilis*. Prov. 30. v. 18. *Tria sunt difficilia mihi, & quartum penitus ignoro. Viam Aquilæ in cælo, viam Colubri super terram, viam navis in medio mari, & viam viri in adolescentia*. Jansen per viam Aquilæ intelligit perspicacitatem Joannis Evangelistæ, qui sacramenta Divinitatis lucidissimè perspexit, & enarravit: per viam colubri, viam Christi humi serpentis & tandem exaltati & triumphum agentis: per viam navis, viam Ecclesiæ, quæ Petro Naucloero, per immensos eluctata fluctus,

pri-

primatum in orbe obtinuit: per viam adole-  
 scentis, adolescentiam Divi Joannis Bapti-  
 stæ in eremo actam: verè difficilem, verè ad-  
 mirandam, verè eam per quam Joannes in  
 Pueritia sit Magnus coram Domino. Tandem  
 Divus Joannes, *magnus coram Domino* in reli-  
 qua vita. 1. Quia ut ait August. homil. 4. de  
 Nati. Bapt. *Joannes non invenitur inter discipu-  
 los Domini, sed invenitur potius habuisse discipulos  
 cum Domino. Quid est hoc? quid est iste homo?  
 homo? homo tantum? quis homo tantus? Quantus  
 tantus homo? tamen non sequebatur inter discipulos  
 Dominum, & sequebantur eum discipuli: absit, ut  
 dicam contra Dominum, sed tamen quasi extra Do-  
 minum. Discipulos habebat Christus: discipulos ha-  
 bebat Joannes docebat Christus, docebat Joannes.* 2-  
*Qui ut ait Damian. sub finem Ser. de prærogativis  
 Baptistæ, Joannes Patriarcha, imò Patriarcha-  
 rum finis & caput. Joannes Propheta, imò plus  
 quam Propheta: Joannes Angelus, sed & inter An-  
 gelos electus: Joannes Apostolus, sed & Aposto-  
 lorum Primus & Princeps, quia fuit homo missus  
 à Deo. Joannes Evangelista, sed & Evangelii pri-  
 mus messor, prædicans Evangelium Regni. Joannes  
 Virgo, imò Virginitatis insigne: pudicitiae titu-  
 lus, castitatis Exemplum. Joannes Martyr, sed  
 & Martyrum lumen.* 3. Quia meruit ipsum  
 Christum sui laudatorem: & non est exaggera-  
 tivum, sed fide summa credendum Elogium,  
 Matth. II. *Inter natos mulierum non surrexit ma-  
 jor Joannes Baptista. Denique ejus æstimatio-  
 nis sanctitas illa fuit, ut etiam post mortem*  
 resur-





militer ad illa verba. *Amice, ad quid venisti?*  
 Dominica 19. Pent. dicturus de fine hominis:  
 diceret non venisse nos in mundum ut viva-  
 mus, nec ut viventes bonis vitæ fruamur.  
 Igitur ut vitam æternam, Deo serviendo, pro-  
 mereamur.

P R A X I S.

In Festo S. Matthæi Apostoli.

*Venite ad me omnes, qui laboratis, & onera-  
 ti estis, & ego reficiam vos. Matth. II.*

**A**cceſſus & Propositio. Duo sunt præcipua  
 omnium laborum solatia, finis & præ-  
 mium. Hinc D. Chrys. *Quis agonem suscipit, un-  
 de palmam non sperat?* Utrumque hodie, labo-  
 rantibus Christus spondet, quemadmodum  
 utrumque D. Mathæus adeptus. Felices quot-  
 quot laboratis, & onerati estis, si à Christo  
 refici merebimini. Inquiramus itaque, quis il-  
 le tandem sit? ne frustra operâ consumptâ,  
 serò ingemiscamus.

Confirmatio, constans tali argumenta-  
 tione, ex loco distributionis.

Nec labori communi mortalium, nec labo-  
 ri, pro fama, dignitate, memoriâ suscepto,  
 neque multo magis labori, quo id agitur, ut  
 desideriiis sæculi indulgeatur, hæc merces con-  
 venit. Ergo soli labori pro Deo, propria-  
 que & proximorum salute exantlato.

Primus gradus ac veluti status laborum est  
 communis, quo omnes ad vitæ sustentatio-  
 nem

nem adstringimur, & de quo à Job. 5. dicitur: *Homo nascitur ad laborem* & quamvis in hoc quoque statu non desint ignavi, rariores tamen, quàm alibi sunt. Quis artificum studia, mercatorum curas, colonorum sudores, literatorum vigilias, curialium insomnia, militum praelia aut ignoret, aut comprehendat? Planè anni nostri, sicut aranea meditantur, Psal. 89. Gyramur, evisceramur, nullisque laboribus parcimus. Cùm autem quis opus suum maximè perfecerit, cùm laborem consumaverit, Ecccl. 5. *Sicut egressus est nudus de utero matris suæ, sic revertetur, & nihil auferet secum de labore suo*: Nihil, omnino nihil. Ubi labor, ibi merces; Terræ laboratum est, cùm terras excesseris, qui debeat, non erit: nisi fortè apud Christum, ea ratione Cælum lucrari te posse putes, quàm stipendium à Magnate quodam in Polonia, exterorum non nemo exegit. Hic enim cùm videret annua stipendia aliis solvi, ut sibi quoque pariter numerarentur, petiit: cùmque herus interrogasset; quo merito id exigeret, respondit: Ego hoc anno in aula tua versatus, diligenter observavi, quid in gratiam tuam præstare possem, neque id aliter me consecutum speravi, atque si ea facerem, quæ tui agerent sa muli. Hos ego cùm viderem, toto anno in tui gratiam comedentes, & bibentes, meam illis ut operam non segnis junxi, ita eorum mercedem mihi quoque tribuendam non dubius spero. Sed ô boni! Regnum Cælorum non est cibus, & esca, de æternitate non luditur.

ditur : sed neque deberi potest tantum præmium vilibus , terrenisque latronibus. Alter status laborum est , veluti altior , ac sublimior , in quo laboratur , non communibus vitæ præfidiis , sed famæ , honoribus , dignitatibus , meritorie posteritatis , quod ipsum tanta contentione agitur , ut suis laboribus non illibenter homines immoriantur : illudque Senecæ c. 20. de brev. vitæ ingeminant. *Turpis ille est , qui videndo lassus citius , quàm laborando , inter ipsa officia collapsus est.* Agendum opus , nunquam cessandum , dum vita non cessat. Turrianum hic revocem , de quo idem ibidem ? an Augustulum ? de quo Baron. de Turriano sic habetur , quòd post annum 90. vitæ , vocatione ab officiis accepta , componi se in lecto jufferit : & velut exanimem à circumstante familia plangi. Lugebat domus senecionem quasi mortuum , nec finivit ante tristitiam , quàm laboribus officii est restitutus. De Augustulo hæc accepimus ; Oraculo edictum acceperat : *Augusti veste tegetis.* Purpuram inde Imperatoriam designari ratus , eandem ambire cæpit , pulsus in exilium , spoliatus deinde bonis omnibus , à spe sua , & antequam è templo ad funus raptus , Augusti cujuspiam famuli ( Gregarii nomen erat ) veste obtectus sit. Quis quotidie Turrianos , nisi continua ambitione exerceantur , se deplorantes non videt ? Quis non novit Augustulos , per suprema vitæ pericula , honores , dignitates prensantes. At durissimos labores , gravissima odia , æternas



nas vigilias parati suscipere, posteaquam somnum mortis dormiunt, nihil de tot, tantisque rebus, nihil de laborum præmio inveniunt. Nihil iterum, ut primi nihil. *Exibit spiritus eorum, & revertetur in terram suam, in illa die peribunt omnes cogitationes eorum*, Psal. 145. Alexander Severus fumo perimi iussisse honorum mercatorem, traditur in *Polit. Chok.* hoc adjecto: *Fumo pereat, qui fumos vendit. Fumus omnino est, quidquid honorem, dignitatem, posteritatem vocamus.* Unde & Psalter in hominum persona: *Defecerunt sicut fumus dies mei*, Psal. 101. Fumus cum glomeratur in aëre, saxum, & petra videtur, sed hæc petra, & hoc saxum nimis fluidum est, citò evanescit; sic honores, & dignitates grande aliquid præferunt, sed levissimè dispereunt. Fumus sursum tendit, & cum vix aliquid ignis rapuerit, plurimum crassæ secum defert materiæ: idem in ambitiosis patet, qui sursum conantur, exiguaque nimium luce sibi solis illustres, plurimum secum fumi, & fætoris trahunt. Amatur tamen tam tenebrosus fumus, amatur! & pro eo plurimum laboratur: sed labor totus inanis est, ac si solvitur, illo minuto constat. *Recepisti bona in vita tua*, Luc. 16.

Tertius status laborum est, cum ideo suscipiuntur, ne aliquid desit, qua sæculi hujus voluptatibus indulgeatur, de horum mercede non est, de quo agamus, cum ab eorum sociis ex inferno nuntiatum sit, Sap. 5. v. 7. *Lassati sumus in via iniquitatis, & perditionis, &*

*ambularimus vias difficiles , viam autem Domini ignoravimus. O dies laboris infelicis ! O tempora tanto malo transacta , ad quorum significationem Judithæ 13. Omnes fatigati erant à vino , inde mors & cædes suprema. Restat igitur quartus status laborum , quo detinentur illi , qui pro DEO , propria , ac pròximorum salute animosè desudant , & corpore quidem terras incolunt , animo Cœlos : & quidquid agunt , Christum semper respiciunt , Christo labores suos commendant. Hi sunt , qui in patientia sua possident animas suas , & qui veniunt ex magna tribulatione , lotis vestimentis suis in sanguine Agni. Jud. 15. cùm fessus Samson profligatis mille hostibus mandibula , orta ex labore siti conficeretur ? Aperuit Dominus molarem dentem in maxilla asini , & egressæ sunt ex eo aquæ , quibus haustis refocillavit spiritum , & vires refecit. En quibus DEUS parat refocillationem post laborem , Samsonibus pro DEO pugnantibus , & ad se confugientibus ; sed & aliud exemplum in Tobia habemus , de quo Scriptura Tob. 2. Contigit autem , ut quadam die fatigatus à sepultura , veniens in domum suam , jactasset se juxta parietem. Quid deinde admirandis solatiis à DEO Domino recreatus , de quibus reliquum Historiæ sacræ narrat. Hæc sperare debent , qui in proximorum salutis cura desudant , Deoque se in iis impendunt. Scribit id expertus D. Xaverius in Epistolis. Tanta est vis solationum cœlestium , quæ DEUS impertit his , qui in hac vinea laborant ,*

ut

*ut si quod in hac vita est gaudium, hoc mihi unum videatur. Verum hæc prælibatio tantum gaudiorum illorum est, quæ promittuntur laborantibus pro Christo his verbis: & ego reficiam vos. Hoc enim tunc implebitur, cum laboribus exantlatis servi fideles intraverint in gaudium Domini sui, & factus fuerit ipse, qui promittit laborum merces, magna nimis, unde & dicit: ego reficiam, non per creaturas, sed per me. Videre id licet in exemplo Sancti Evangelistæ Matthæi, ad quod nos etiam D. Chrysostomus remittit, homil. 75. in Matthæum inquires: Monstra animam tuam ægotantem Paulo, accede Matthæum, ab ipsis diligenter audias, quid eum oportet facere, qui laborat propter spem, &c.*

## MODUS L.

**I**D, quod sub similitudine, metaphora, Allegoria, Parabola, Evangelium, aut Scriptura tradit, exponitur sensu claro, atque probatur. Exempla tot esse possunt, quot penè leguntur Evangelia. In libertate autem cuiusque erit unum, aut aliquot sensus proficere.

### P R A X I S.

In Communi Virginum.

*Acceptis lampadibus non sumpserunt oleum secum. Matth. 25.*

**A**cceſſus & Propositio. Et factum fatuarum Virginum, & pœnam cognoscimus, superest,

pereſt, ut alienis periculis cauti reddamur, nec ſinamus lampades noſtras extingui: quod ut præſtari commodè poſſit, diſcamus, quid ſint lampades ſinè oleo.

### Confirmatio per ſenſum Allegoriæ clare redditum.

B. Nilus antiquiſſimum, & ſacraſſimum Eccleſiæ decus lampadem ſinè oleo vult haberi, *conſcientiam ſinè cultu*: unde in Paræneſi ait: *Pro lucerna utere in actionibus tuis conſcientiâ; ea enim, & quæ in vita bonæ ſunt actiones, & quæ malæ, oſtendet*: veriſſimè Vir veritate, & ſpiritu plenus. Lucerna conſcientia eſt, neque aliud lumen clarius eſt, quo homo dirigi ſinè errore poteſt, quàm conſcientia. *Lucerna pedibus meis verbum tuum, & lumen ſemitis meis*, inquit Pſal. 118. Si id de verbo DEI, per leges ejus ſignificato intelligas, bene eſt: intelligi tamen idem optimè poteſt de verbo illo, de quo idem Pſal. *Audiam, quid loquatur in me Dominus*, Pſal. 84. nunquam ſilet DEI monentis vox intra nos. Inſitam conſcientiam habemus, quæ veritatum infallibilis Magiſtra, Lux, & lumen mentium fit. Hujus interea luminis, dum à quibusdam nulla cura geritur, fit, ut extingatur, eveniâtque conſcientiæ ſinè cultu, quod lampadi ſinè oleo. Venerabilis Beda cap. 45. refert morem cercorum conſecrandorum in veteri Eccleſia fuiſſe: ut Sacerdos cereum porrigens pueris, his verbis uteretur: *Pueri, veſtra vita cerea eſt. Adoleſcen-*




scentibus : *Conscientiâ tuâ utere pro lucerna. Vi-*  
*ris: In hunc modum inflammatum cor tuum ardeat,*  
*ut possis dicere: anima mea in manibus meis semper.*  
 Senibus : *Videte senes, quanta vobis olei abundan-*  
*tia opus est, ut lucerna vestra in æternum ante Di-*  
*vinam Majestatem ardeat.* Notandus verborum  
 ascensus, qui post traditam lampadem, ejus  
 continuam præ oculis gestationem, & olei  
 provisionem commendat. Scilicet, ut con-  
 scientiæ cultui continuo invigiletur, atque at-  
 tendatur. O quot sunt! quibus cum illa pri-  
 mum adedè clarè præluxisset, ut minimos er-  
 rores, atque nævos ostenderet, tandem sen-  
 sim sinè sensu, voluntario neglectu eò sunt  
 prolapsi, ut *per diem incurrant tenebras*, Job.  
 5. & *quasi in nocte sic palpitent*: imò, ut cum im-  
 piis in tenebris conticescant, & in circuitu illo Psal.  
 15. *ambulent*, quem explicans D. August. Con-  
 fes. 6. his ingemiscit. *Væ, væ animæ meæ, quæ*  
*speravit, si à te recessisset, se aliquid melius habitu-*  
*ram: versa, & reversa, ceu impiorum (ceus impio-*  
*rum circulum) & in tergum, & in latera, & in*  
*ventrem, & dura sunt omnia.* Justissimo DEI  
 Judicio contingit, ut qui bona conscientia,  
 & lumine DEI usi, utrumque neglectu cultûs  
 & studiorum contempserunt, ferant senten-  
 tiam, qualem tulit Pontifex ille apud B. Da-  
 mian. lib. 1, ep. 20. qui lampadi ante D. Pe-  
 tri sepulchrum appensæ, sumptus subtraxit.  
 Huic enim aliquando oranti, vir ætate gravis  
 apparens, alapam impegit: à cujus ictu, his

alapaē adjectis : *Quia extinxisti lucernam meam, extinguam & ego lucernam tuam ante DEUM.*

Sed & aliam lampadem sine oleo. Hugo Ca-  
ren. in cap. 5. Matth. assignat, dum ait, *lucerna sine oleo, doctrina sine vita.* Doctrinam esse lucernam, totius Ecclesiæ consensus fatetur, cum in Doctorum festis populo prælegit. *Vos estis lux mundi.* Ratio quoque palam evincit, cum sapientiâ & doctrinâ mens dirigatur, quemadmodum luce, oculi, & corpus reguntur. Non semper tranquillo utimur, nec sole semper sereno, & phæbo nubila succedunt, & diebus noctes. Accende lucernam, consule rationem & sapientiam, & utrumque securus vinces. At doctrina, sine vita, lucerna est sine oleo. Lampadi quispiam deficienti, tu doctrinæ, malis moribus corruptæ, adscripseris, *plus fætoris quam luminis.* Quis dicat rectè luxisse, qui finem suum ignorantes aberraverunt à via justitiæ, & queri Is. 59. audit *Expectavimus judicium, & non est: Salutem, & elongata est à nobis.* An non lampas fatua? Sapientia sine vita, Doctorum Bononiensium, qui grandi numero damnati, in Friderico religioso comparuere. Spec. Mag. Exem. An non lampas fatua? Hugo Episcopus scientia miraculosè donatus, & dum infelicem ludum impiæ vitæ diu luderet, ad inferos abreptus, Ibid. An non lampas fatua? Doctor Parisiensis, qui justo DEI judicio se condemnatum palam est professus, in vita S. Brun. An non lampas fatua? Concionator doctissimus, qui ignea in Averno Cathethe-

thedra pressus, os omnibus damniatis conculcandum porrigebat. Clausa est his janua nec à DEO cogniti, quia lampades eorum sinè oleo vitæ bonæ extinctæ. Verissimè P. Nazian. Oratione de grandine : *Sapientia prima est vita laudabilis, Deoque expiata, seu purgata. Non is, qui in verbis sapit mihi, sapiens est, sed ille, qui pauca de virtute sequitur, multa verò ostendit operibus : fidemque sermonis per vitæ roborat actionem, longè mihi est præstabiliior formæ pulchritudo, quæ conspici potest, quam quæ Sermonis pingitur industria: nec non divitiæ, quæ manibus continentur, quàm quæ effinguntur sompno : sapiamus, sed vita quoque & exemplo ; Intellectus enim bonus omnibus facientibus eum, Psal. 110. Cæterum pergit August. in Confess. Pereant hæc omnia, dimittamus vana, & inania, conseramus nos ad solam inquisitionem veritatis. Vita hæc misera est, mors incerta, si subito obrepit, quomodo exhibimus? Præcesserat, quod his subjungo : Deputentur tempora, distribuantur horæ pro salute animæ.*



## MODUS LI.

**R**Ei sub similitudine in Evangelio, vel Scriptura propositæ proprietates assumuntur, ac seorsim significato applicantur. Ex. gr. Dominica Septuag. sub similitudine operariorum ad vineam vocatorum, diceret: Fideles ad Ecclesiam vocatos intelligi, tum de eorum offi-

officio per expensas laborantium in vinea proprietates ageres, quales sunt: Plantare, purgare, eradicare, Torcular premere, quæ omnes Christianæ institutioni essent applicandæ.

### P R A X I S.

Dominica VIII. post Pentecost.

*Laudavit Dominus Villicum iniquitatis, quod prudenter fecisset. Luc. 16.*

**A**ccessus & Propositio. Cum ea villici iniqui prudentia hodie memoretur, quæ & laudem Domini meruit, & cæteris notam inussit; auditur enim: *Filii hujus sæculi prudentiores sunt filiis lucis, in generatione sua*: æquum est, ut in quo eluxerit, diligenter pensemus; quatenus à vituperio insipientum coram æquissimo Iudice liberemur.

Confirmatio per proprietates prudentiæ villici, ad nos relatas.

Et prima quidem prudentiæ villici proprietas est cogitatio, agnito recipiendæ villicationis periculo, de ordinando statu suo in futurum suscepta. *Quid, inquit, faciam? Quia Dominus meus aufert à me villicationem.* Præsentissimum imminentium malorum, aut præsidium, aut levamen. *Quid faciam?* Non est sapientis dicere, non putabam: quod in re quavis verum est, in re salutis æternæ verissimum. dormitantibus sponsis vox audita: *Ecce sponsus venit*, dormientibus etiam hominibus, *Initicus*



*micus homo superseminavit zizania.* Tam faciles miseri ad somnum fumus, tamque negligentes futurorum, ut meritò Chrysol. illud Ser. 39. usurpare liceat. *Hospes in domo est, morbus, pericula, mors, æternitas, & tu dormis? Quid faciunt, qui se non in cubili, sed in ipso collocant sepulchro, qui se non somno, sed morti tradunt?* Rex Chaldæus Balthasar in medio convivio scribentem dexteram in pariete vidit, quæ illius pericula denotaret. Habuit ejus rei interpretem fidissimum Danielem, neque tamen quidquam ad vitanda pericula egisse legitur. Idem Dario, Nabuchodonosorique evenit: his plurimi similes. Quanquam innumeris vocibus, ac exemplis de imminentibus malis moneantur, in utramque aurem dormiunt. Quotus est, qui secum sedulò agat: Mors imminet certa, quid faciam? hora ejus incerta, quid faciam? Reddenda ratio villicationis, quid faciam? subeunda sententia Judicis, quid faciam? à momento pendet æternitas, quid faciam? Longè quàm aliter David Psalm. 76. *Cogitavi dies antiquos, & annos æternos in mente habui.* Longè aliter & Ethicus Seneca epist. 102. ad Lucol. *Fuvat de æternitate animarum querere. Credebam enim facile, opinionibus magnorum virorum, dabam me spei tantæ, jam eram fastidio mihi, jam reliquias ætatis infractæ contemnebam, in immensum illud tempus, & in possessionem omnis ævi transiturus.* Heu si in his quoque filii sæculi prudentiores sunt filiis lucis!

Secunda Prudentiæ villici proprietas: quia maturè periculis suis providit. Ad primas scilicet

licet minas, cum nondum Domino rationum monimenta in manus tradidisset; convocatis debitoribus. *Quantum, inquit debes Domino meo &c.* Quam procul illi ab hac prudentia? qui omnia in ulterius differunt, nec maturè rebus consulunt. Una bene ætate vixerunt; authore Flori. Reim. Christiernus; Rex Daniæ & Augustus Poloniæ, quorum alter vulgi sensu, Rex hesternus, crastinus alter; dicebatur. Nimium quam multi hesterni, crastinique homines, qui, quod est agendum, aut in ferum differunt, aut actores se fuisse antea profitentur, si agendum occurrisset, qui propositum statim urgeant, qui pericula se eludere non posse credant: qui voci scripturæ monentis 94. Pf. *Hodie si vocem ejus audieritis, nolite obdurare corda vestra* attendant, paucissimi. Tum solum homi-  
 dierni esse amant, cum exclamatur, diabolico, ut ait D. Bonavent. in 2. Sab. invitatorio. *Venite fruamur bonis.* Refert D. Damian. Epist. ad B. Dominicum Loricatum, usitatum id DEI voluntate, Vesuvio: quod quando aliquis dives reprobus, in vicinia moriebatur, flammæ ingentes fundere consuevisset. Accidit igitur ut Abbati Desiderio inter ejusmodi incendia, apparerent aliquando dæmones, materiam multimodam, igni fovendo aptam colligentes: & in Vesuvium congerentes fassi etiam sunt, qui essent; & cui incendia pararent præstolamur, inquebant, Principem Capuæ Pandulphum, & Jonnnem Magistrum Militiæ Neapolitanæ. Missio nuncio comper-  
 tum

tum Principem dictum, illo tempore mortuum. Joannes autem Magister ab Abbate admonitus. *Nunc*, respondit, *obviam ibo Imperatori* (Otho II. erat) *porrò, post ejus adventum spondeo me seculum deserturum.* Heu hominem in tantis periculis nimium incautum! ideoque perditum nam ante Imperatoris adventum, cum 15. dies vix supervixisset, misere est extinctus. Idem memorat, Salernitanum Principem, cum vidisset Vesuvium exundantem, edixisse. *Sceleratum aliquem divitem, in proximo procul dubio moriturum, & in infernum descensurum.* Dixit, nec sibi cavit, eademque nocte in scelere à morte interceptus. Vix ullus est, vix est in inferno, cui non hæc imprudentia nocuerit. Periculis maturè non occurrisse, quibus occurrens iniquitatis villicus, laudem meruit domini.

Tertia proprietas prudentiæ villici laudatæ est, quia ad evadendum malum, quod metuebat, media quàm aptissima quæsit, deliberavit enim secum, an egestatem imminentem laboribus pellerè posset, aut mendicationes, & postquam conclusisset. *Fodere non valeo, mendicare erubesco*, tum verò id quod sibi uniunicè proficuum videbatur, elegit: scio quid faciam &c. Daniel. c. 4. posteaquam Daniel Nabuchodonozori interpretatus fuisset somnium, de arbore succisa, subdidit protinus: *Quamobrem Rex consilium meum placeat tibi, & peccata tua elemosynis redime, & iniquitates tuas misericordiis pauperum.* Gen. 40. posteaquam Joseph famem imminentem Pharaoni prædixisset subdidit  
 pari-

pariter: *Nunc ergo provideat Rex, virum sapientem & industrium &c.* scilicet veræ prudentiæ certissima lex est, sine proposito, media ad eum consequendum apta prosequi. Quis navigat sinè remo? quis bella gerit sinè gladio? quis messem sperat sinè semine? quis botros, sinè cultu? In omni naturæ opere prudentes, in salutis causa maximè stulti sumus: & cum finem nos intendere profiteamur, media aut deferimus, aut neglectim, & fortuita amplectimur. Quod medium certius naufrago, quàm tabula? tabula pœnitentia est, quam fugimus: quod vulnere, quàm medicina? Medicina emendatio est, quam non curamus; quod ruituro jamjam parieti propinquo, quam recessus? ruina ruinarum, mundus est, quem amplectimur. Huic socius, illi domus, officium, alteri causa ruinæ est. Clamat igitur Cyprian. lib. de spec. *Qui spontè corruit, quid faciet, si fuerit impulsus?* Monet rursus idem lib. de singular. Clericor. *Nunquam securus cum thesauro latro tenetur inclusus: nec intra unam caveam habitans cum lupo tutus est agnus: ipse se voluit superari, qui hostem proprium in suas portas induxit.* Neque tamen his movemur, aut media periculorum evadendorum arripimus. Illa verò hac in parte stultitia maxima videtur, maximamque orbis partem occupavit, quod cum omnes ad beatam æternitatem se tendere vellet dicant, & ad eandem viæ sint diversissimæ, adeoque alius alteri status ad id proficiuus, aut nocivus sit, turbatissimo ordine in vitæ pericula



cula ruimus, aut parentum conditionem, aut fortunæ aspirantis ventos secuti, rarissimæque omnino cogitamus, an hac, vel illa via æternitatem attingere possimus; atque ita mediis ad beatum finem obtinendum conformibus omissis, ipsa beatitudine excidimus. Heu utinam vel hîc sapiamus! ubi una electione statûs, felix, aut infortunata eligitur æternitas.

## MODUS LII.

**A** Notatione, seu Ethymologia nominis, quando scilicet origine nominis deducta, probatur id nominis rei convenire, vel non convenire. Ex. gr. si in Festo SS. Apostolorum Petri, & Pauli D. Petrum esse veram, solidamque Petram probes. 1. quod fundatam super se Ecclesiam sustineat firmissimè. 2. quod adversariorum impetus retundat robustissimè. 3. quod quanquam cunctis emineat altissimè, radices tamen in terra per humilitatem agat robustissimas. Unde & D. Petrus capite ad terram verso, crucifigi voluit.

Ad notationem revocanda Anagrammata nominum, quæ dum sint gravia, convenientem Oratori sacro dabunt materiam. Ex. gr. in Festo S. Casimiri M. D. L. Patroni, posset nomen ejus anagrammaticè explicari: Casimirus *sum ac Iris*, quod aptè illi applicaveris, si ve quod schismate sublato pacis inter Deum, & Lithvaniam signum dici possit, unde & in Polonico idiomate nomen ejus olim pronuntiatur

T

batur

batur *Kazemirus*, quod authorem pacis significat, sive quoddam, ut Iris à sole, ita ille à SS. Eucharistia, quam ponè noctes exigebat, lumen mutuabat: sive quoddam candor iridis ejus pectus, viror virginitatem, rubor mortem amore castitatis electam denotat. Rursus *Casimirus* *Casus miri* anagrammaticè redditur. O quot miri casus in *Casimiro*! jacent regna contempta infra pedes, & vita infra virtutem. Unde illud:

*Sponte cadis, sed amore cadis Casimire pudoris,  
Mirus te Christo mirificante cadis.*

Sic & Ignatius dicitur *Ignis natus*, ad illuminandos homines, ad accendendos frigidos, ad exurenda vitia.

*Modus* promovendi Orationem à Notatione sive sit illa una, sive plures, idem tenendus, qui præscriptus est de Definitione.

### P R A X I S.

In prædicto Festo S. Casimiri Patroni  
M. D. Lithuaniae.

*Casimirus. Anagramma. Mirus Isaac.*

*Beati servi illi, quos cum venerit Dominus,  
invenerit vigilantes. Luc. 12.*

**A**ccessus & Propositio. Nomina à Deo ad significandas virtutes Sanctis imponi, tum Abrahami, & D. Petri exemplo, tum aliorum multorum patet. Inter hos ego numeraverim D. Casimirum M. D. L. Patronum.  
Quid

Quid ita? urgent cum alia significata ejus nominis virtutibus D. Juvenis significandis cognata, tum id, quod Casimirus, vocibus paululum mutatis reddatur *Ifac Mirus*. Mirus Ifac Casimirus, quia pariter ac ille, à prima ætate virtuti addictissimus, mirus Ifac Casimirus, quia pariter ac ille, divinorum contemplationi deditissimus: Mirus Ifac Casimirus quia pariter ac ille, divinis legibus obedientissimus: illud tamen præ cæteris, Casimirum facit Isaacum Mirum, quod sicut Isaac sub gladio parentis constitutus, fieri voluit victima, DEO gratissima; Ita D. Casimirus, Isaac nobis mirus, vixit ceciditque victima, ejusdem Majestati devotissima. Huic tanto operi pensitando, insistam, & cum D. Casimirum, factum esse victimam Dei, eamque miram demonstravero, abundè id quoque patebit, quod is fuerit Ifac mirus, & quod eum Dominus, invenerit vigilantem.

**Confirmatio, D. Casimirus fuit victima**  
DEO sacra, eaque mira, in sui devotione & immolatione. Igitur fuit Ifac mirus.

D. Casimirus victima DEO sacra: notum illud D. Isid. Pelus. lib. 3. ep. 75. *Pulcherrima res est piam mentem & castam carnem habere*. Duo hæc sunt, quæ hominem constituunt, & duo sunt, quæ sanctè culta, eundem Deo consecrant. Psal. 4. *Sacrificate sacrificium justitiæ*. Quid justius, quàm ut cite des, à quo te accepisti? quid sanctius, quàm ut totum des, quod accepisti?

Hoc vero est mens pia, & corpus castum. Hæc sunt primitiæ hominis, DEO caræ, hoc par turturum aut columbarum, à matribus post partum offerri præceptum, sed & ab ipsis nobis offerendum; atque à D. Casimiro, promptissimo animo oblatum. Cum, ideo è communi vulgo exemptus, & Regio sanguine ortus, videri potest; ut Principatibus, & Regnis se manciparet: DEO potius sacrari voluit, cujus Majestati animo addicto, corpus quoque castitatis inviolabili amore Regius Princeps sacravit: ut quantus quantus viveret, ac quantus quantus occideret, victima DEO viveret, occideretque. Sed neque quæviscunque victima, verùm mira in sui devotione, mira & in immolatione, ut quàm excellentissima ratione, *Casimirus, fieret Isaac mirus*. Mira igitur hæc victima in sui devotione, quod ut pateat, revocandum est, quod cap. Gen. 22. Habetur; Dominum scilicet tentasse Abraham, cum diceret. *Tolle, filium tuum unigenitum, quem diligis Isaac: & vade in terram visionis, atque ibi offeres eum in holocaustum*. Quibus verbis contineri præceptum, Abrahamum ad immolationem filii obligans, autores consentiunt. Grande sanè præceptum, grandis obedientia Abrahami, grandis & Isaaci, qui ita voluntatem Dei à parente cognitam sit veneratus: ut mortem, ad ejus placitum libens elegerit, & illi se devoverit. Nihil minus in D. Casimiro cogitandum, illud autem, ut pote in Isaac miro magis quoque admi-



admirandum: quod nulla lege, nullo præcepto arctatus, ad mortem pro DEI placito fubeundam se devoverit, virginitatis gloriam: Christo intemeratam oblaturus. Certè si mors ea de causa suscepta defuisset: vita ipsa, castè atque intemeratè exacta mors haberi debuisset, & Casimirum victimam miram, mirumque Isaacum effecisset. Hoc significavit ante Paulus: cum Romanos cap. 12. obsecraret. *Obsecro vos, ut exhibeatis corpora vestra hostiam viventem sanctam, DEO placentem.* Hoc denunciavit Magnus Tertullianus lib. de velan. Virginibus cum virginitatem definivit. *Virginitas est curarum silentium, pars carnis, virtutum Principatus, naturæ oblitio.* Religiosus vir diu eremum (in V. V. Patrum) incoluerat, cum ejus germanus auxilii secularis egens, Eremitam adiit, ut sibi prodesset rogaturus. Respondit ille, pergeret ad 3. fratrem: quem cum alter defunctum paucos ante annos nunciasset. Atque ego, inquit, à tot annis, quod à mundo secessi mortuus sum. B. quoque Basilus apud Nazian. in ejus laudem: cum judex tormenta minitaretur. *Quid agere; inquit. tormenta queant, cum corpus desit?* Hos tales viros nemo non sacras DEO victimas dixerit. Talis certè apud DEUM haberi speravit August. de utilitate jejunii, cum dixit *Excrucio me, ut ille parcat, de de me pœnas ut ille subveniat, ut placeam oculis ejus, & delectem suavitatem ejus, Nam & victima excrucietur, ut in aram imponatur.* Jungamus hic, Isaac mirum. D. Casimirum.

An non hic, dum virgo vivit vivus moritur, dum vivus moritur, vivus fit victima, eaque mira: sive quod facillè spontanea, sive tam prompte, DEO devota. Nondum strinxit mors gladium, sed jam transfixit victimam felicem, virginitatis Martyrium: nondum cecidit corpus, sed jam jacet corporis indulgentia; nondum subleſtus ſentiendi vigor, sed jam præciſa ſentiendi licentia: nondum tranſeſtū hoſtiæ caput, sed jã trunca in innoſcente voluptas: nondū diviſus, à conſortio corporis animus, sed jã ſeparatus ab illecebris mundi, ſpiritus vivit, & mortuus eſt, ſentit, & ſenſu caret. præeſt, & in ſupremæ majeſtatis cultū, Deo, Regum Regi, occidua victima adſternitur. O Caſimirum, Iſaac mirum! O mirā victimam! atque dignam, quæ ipſa, ſit *victima & altare* quemadmodum D. Hieronymus virginem epiſt. 8. ad Demetrium apellat. At non deſunt aliæ quoque aræ, ad quas hanc victimam mirus hic Iſaac devoveat Quid enim aliud agat, illa pietas, qua noctes perpetuas, ante templum D. Stanislao Vilnæ ſacrum, exigit? quid illa, qua ſacerdotibus litantibus prociduus in terra, Princeps adeſt? quid, qua templa ignoto hominibus habitu & non rarò? Virginitati hæc ſacra litantur, Caſimirus DEO victima occumbit, sed parum hæc ſunt Caſimiro. Cum vivens factus ſit DEO victima, moriens quoque victima cadere cupit, adeoque ut virginitatem ſemel devotam, integram conſervet, cum medicorum ſententia & conſilio vivere non

non virgo posset, mori virgo mavult. O Casimirum, nimium iterum Isaac mirum! O admirandum vitæ contemptorem! O triumphatorem mortis prædicandum! delectet spectaculum morientis, quibus probetur exemplum viventis: jacet Regius adolescens, Principe insignis purpura, ponè illū Sceptrū & diadema, sanguinis, & successionis insignia. Turba frequens aulicorum, consanguineorum, amicorum circumstat, parens senio mæstus, lachrymis cara colla rigat, omnes suam felicitatem, suum decus in ejus vita situm, supplices profitentur. Ætas, alia parte immatura, Regum opulentia, Princeps libertas, illecebræ voluptatum, comitatum, & suffragia hominum augment; unum rogant, unum suadent, vivere velit, proposito cedat. Quid hic agat fortissimorum unusquisque, quò se vertat, discat à Casimiro, si à virtute non didicit. *Malle mori, quàm fœdari.* Maluit enim verò ille, & vitæ defectu, amore virtutis suscepto, obiit. Videte, ut hic gloria D. Casimiri assurgit, ut & Isaac vera mortis immortalitate, & mirus Isaac suspici debet. Gen. 22. posteaquam gladio subductus est Isaacus, dicit Dominus ad Abraham: *Quia fecisti hanc rem, & non pepercasti filio tuo unigenito propter me, benedicam tibi.* Verissimè Theophil. *Liberalis munerum nostrorum est acceptor DEUS: cui desideria usque adeò accepta sunt, ut pro opere libenter acceptet.* Et Nazian. Oratione de laud. Basil. *Magnus Abraham es Patriarcha, & novæ victimæ*

*maſtator.* Eſt tamen ſuum quoque operi pretium, & morti non ſolùm nolitæ, ſed & obitæ. Unde Pſal. 125. *Pretioſa in conſpectu Domini mors Sanctorum ejus.* Magnus Abraham novæ victimæ maſtator, magnus Iſaac novæ victimæ ſuſceptor; Magnus & Iſaac, ac inde Iſaac mirus Caſimirus ipſe, difficillimæ mortis pro DEO ſuſceptæ nova victima, novum ſacrificium, holocauſtum. Non dixerim in hac Iſaaci mori volentis, & Caſimiri morientis comparatione, quod Zeno veron. Ser. i. de Abrahamo, noctu conſurgente ad immolandum, dixit. *Facile eſt inceſſiſſe, ſcandamus montem, jungamus ligna, exeat gladius: illud tamen meritò revoco, quod apud D. Paulum 2. ad Corinth. 4. lego. Ut ſublinitas ſit virtutis Dei, & non ex nobis: quæ illa? Si fortè tribulationem patimur, ſed non anguſtiamur; aporiamur, ſed non deſtituimur, dejicimur, ſed non perimus.* Scilicet, non humanarum virium eſt, in tot difficultatibus operum heroicorum illas timere, triumphare; ſed virtutis Dei ſublinitas, & ut Græca habent, *Hyperbole virtutis DEI.* Hæc Hyperbole igitur, hæc ſublinitas in D. operata Caſimiro, cum tam liberè victima caſtitalis caderet. *Caſimirus Iſac mirus.* Contemplatus Abrahæ, & Iſaaci holocauſtum Zeno, qui ſupra lib. de patientia exclamavit. *O novum ſpectaculum! ac verè DEO dignum, in quo finire difficile eſt, utrum ſit patientior victima, an Sacerdos? non percufforis, non percutiendi claudicat color, non membra tremore vibrantur, non demiſſi,*  
non



*non torvi sunt oculi. Nemo rogat, nemo trepidat, nemo se excusat, nemo turbatur, nè verè sit parricidium. Ille erexit gladium, iste cervicem sub tanto, non dico humanitatis, sed naturæ metu, læti sunt, medius stupet gladius, nullo impedimento suspensus. Quid obsecro in spectaculo immolati Casimiri dicemus? An non hoc quoque novum, & DEO dignum spectaculum? sub paterna manu Isaac, sub mortis ictu Casimirus spectatur. Non quæritur verò, patientior sit victima, an Sacerdos? quia ipse victima & Sacerdos; Inde tamen non percussoris, non percutiendi claudicat color; suam contra se, non manum, sed virtutem armat, non membra tremore vibrantur, non demissi, non torvi sunt oculi. At rogat Pater, trepidat curia, turbatur Regnum, ne verè sit parricidium. Gloriæ ista materies, non imminutio est: dum Casimirus sub totius naturæ metu solus lætus est, dum in tantis casibus gaudet, & se Dominum promeruisse, quod item Zeno dicit, triumphat. Quærit Basil. Seleu, Or. 7. quid sit, quod Abraham immolaturus filium, id secreti, Saræ uxori non prodiderit, & respondet: Facinus tam audax Saram celat, neque ad Matrem affert mandata. Quamobrem? amans DEI est, at ingenium ejus vereor. Intueor matris in Deum propensionem, ac metuo affectum in liberos: DEI amans est mulier, at mater est. Mulieres naturæ impotentia devictæ, res importuna. Vereor, ne lachrymis sacra fœdet, ne puero complorato injuriam imperanti arroget: ne vultu confuso sacra disjiciat, Deoque vim afferat:*

*ne mente infracta, rei tam stupendæ gratiâ spolièr.*  
 Cessèrè hæc omnia pericula Casimiro, cessèrè  
 Isàaco novo, ac miro, nihil lachrymæ paren-  
 tis, nihil dolor, nihil gemitus innumerorum  
 in fortissimum pectus valuit. Non celata vi-  
 ctimæ necessitas, sed spontè suscepta: non  
 imminuta innumeris artibus devotio, sed ac-  
 censa sanctitas; manus quoque ejus ligatæ non  
 sunt. Invisus mundo, carni vitæ morti suaptè,  
 ac constantissimè DEO se obtulit victimam,  
 Casimirus Isac mirus.

## MODUS LIII.

**F**ormari solet Propositio in terminis ita op-  
 positis, ut primo aspectu repugnantia, aut  
 contraria proponi videantur, quæ deinde ex-  
 planata, & probata totam constituent oratio-  
 nem, E. g. Dominica Septuag. ad illa verba:  
*Quid statis otiosi?* proponi posset, Dari nego-  
 tia otiosa, & otia negotiosa. Dominica 6.  
 Epiphan. de grano sinapis. Cælum esse ma-  
 ximum & minimum, vel amarulentum & dul-  
 ce. Dominica 20. à Pent. nisi signa videritis,  
 Oculos verissimos esse testes, & falsissimos; ve-  
 ri enim sunt in humanis, falsi in Divinis rebus.

### P R A X I S.

Dominica IV. Quadragesimæ.

*Colligite fragmenta.* Joan. 6

**A**ccessus & Propositio. Nemo est, qui non  
 meritò miretur, hanc tam mirabilem pa-  
 num

num multiplicationem, quæ non modò satia-  
vit quinque panibus totidem millia hominum;  
verùm etiam insuper 12. Cophinos fragmentis  
implevit, de quibus Christus: *Colligite fragmen-  
ta*. Huic miraculo par, sed usu minus D. Au-  
gust. agnoscit, pasci tot sæculis, de paucis  
granis totum orbem. Simile, & aliud notare  
possumus, quod est: dari manus, quæ cùm  
liberalissimè multa dent, dando rem augeant;  
& dari alias manus, quæ cùm studiosissimè bo-  
na congregent, illa dissipant. De utraque ma-  
nu loquemur.

**Confirmatio per explicationem, quæ ma-  
nus dando habeat, & quæ colligendo dissipet.**

Manus, quæ impendendo liberaliter retinet,  
ac auget, est manus eleemosynaria, Eccl. 17.  
*Eleemosyna viri, quasi signaculum cum ipso, & gra-  
tiam hominis, quasi pupillam conservabit*. Non pe-  
rit, quod in eleemosynas datur, sed à DEO  
mirâ conservatur diligentia, quasi pupilla;  
nec aliò transiisse videri debet, sed est cum  
homine, quasi signaculum illius hominis, aut  
ut alii *quasi sigillum*, ex quo noscatur homo ta-  
lis à Deo, aut denique ut rursus alii habent,  
*quasi sacculus cum ipso*, in quo utique optimè res  
servantur. Scitum de Tiberio Christiano Im-  
peratore, qui sollicitæ de continuis eleemo-  
synis uxori solitus erat respondere: *DEUS  
providebit*; quemadmodum scilicet ille, aurea  
cruce insignitum, sub marmore invenerit the-  
saurum, cui inscripta fuisse illa verba: *In pau-  
pe-*

*pere aurum, in corde secretum, in Deo vitam tuam  
 credito. Lego apud Neot. in Joan. Causa,  
 propter quam multiplicati sunt hodie panes,  
 & quamvis distributi superfuerunt, princeps  
 est, manus divinæ attactus, de qua Hier. in  
 cap. 14. Matth. Frangente Domino, seminarium  
 fit ciborum. Hac manu sacrantur omnia, quæ  
 in eleemosynam dantur; Vir enim eleemosy-  
 narius, vir Deo plenus est, adeoque manu  
 Dei utens, de qua Psaltes 144. Aperis manum  
 tuam, & implet omne animal Benedictione, D. Aug.  
 Ser. 231. de tempore, ut id evincat, hac ra-  
 tione à contrario utitur. Qui tales sunt (id est  
 parci) pauperi eleemosynam petenti dicunt: vade,  
 vade in ante, & dabit tibi Deus, & utique dum  
 ambulaverit, homo ei daturus est. Quid est ergo,  
 quod dicit: Vade in ante, & dabit tibi Deus;  
 nisi, vade ad illum hominem, qui habet Deum,  
 quia daturus est Deus. En ut quod homo da-  
 re videtur, dat DEUS! unde data illa de ma-  
 nu Dei provenientia, conservari ac augeri  
 convenientissimum. Sed ne hæc mystica cui-  
 piam videantur, audiat edictum. Prov. 3. Ho-  
 nora Dominum de tua substantia, & implebuntur  
 horrea tua saturitate, & vino, torcularia tua redun-  
 dant. Audiat Nazian. orat. de Basil. dicentem,  
 Eleemosinam esse pietatis promptuarium, commu-  
 ne locupletum ærarium. Locupletum dicit, &  
 non pauperum, ut norint non divites, ubi  
 servare illas valeant. Date, & dabitur vobis di-  
 cit Christus, quod nobili exemplo confirma-  
 tum, (narrat speculum Exem.) in monaste-  
 rio*



rio virorum religiosorum quos abundè alebat pietas opulentorum, dum illi quoque succurrerent necessitatibus aliorum pauperum. Accidit igitur ut non nemo Abbatum, natura & vitio partior, consuetam pauperum portionem subtraheret. Minui inde, reditus conventus, atque ad summam egestatem redigi: dum pauper ignotus portæ accedens, eleemosinam olim consuetam peteret. Cui respondens portæ custos. *Alia, mi frater, nunc status nostri conditio, quam ut aliquid concedere possimus. Nos quoque, nostra conficit egestas.* Tum Peregrinus, hujus verò rei quæ putas causa? ignotam sibi respondit religiosus. Igitur ergo pandam, pergit peregrinus, & hæc est. Duo fratres hoc olim incolère monasterium. Alteri nomen, *date*. Alteri, *dabitur vobis* illum vos, per vestram in pauperes tenacitatem claustrò exclusistis, hic, Dei voluntate, abeuntem fratrem, secutus est. Revocate igitur *Date*, & veniet *dabitur vobis*, quod mox mutatis parcitatis legibus, ille experiri est conventus, experieturque quisquis Dei causâ munificus esse voluerit. Manus, quæ studiose bona congregant, ea perdit.

Est manus, quæ bona iniquè contra DEI vetitum congregat, sive id fiat per avaritiam, sive per injustitiam. Primum & secundum diserte edisserit Psalm. 36. *Mutuabitur peccator, & non solvet: justus autem miseretur & tribuet.* De posteriore Job. 20. *Divitias quas devoravit evo-*

met, & de ventre illius extrahet illas Deus. Verè, avarorum & injustorum, sepulchrum patens est guttur, de quibus Psal. 91. *Dilexisti omnia verba præcipationis.* Hebræa legunt *Devoratio- nis*, sed nec hoc sepulchro condent malè par- ta quin illa extrahat DEUS. Leo rugiens prin- ceps impius, super pauperem Job. 28. Quis hunc? aut quis huic similem Leonem non expavescat? nihilominus, breve tempus est. dum au- diatur, quod Psal. 33. ait. *Divites eguerunt, Leo- nes esurierunt.* Unde idem Job. rursus cap. 27. *Si comparaverit quasi terram argentum, & sicut lu- tum probaverit vestimenta, præparabit quidem; sed justus vestietur illis; & argentum innocens dividet, ædificavit tinea domum suam.* Benè sicut tinea, quæ domum suam perdit & corrodit, dum præ- parare videtur: quod & D. Nazian. annotans orat. 9. ad Julian. *Ne ex aliorum egestate opes no- stras comparare sustineamus: neque cum aliorum la- crymis misceamus, à quibus tanquam à rubigine ti- neaque confumentur,* Osee 8. *In aranearum telas, erit vitulus Samariæ, quia ventum seminabunt, & turbidinem metent: culmus stans non est in eo, ger- men non facit farinam, quod & si ferent, alieni co- medent eam.* Mirum est, vitulum in aranearum telis hæere posse, sed id DEUS facit, dum insolentes, & de alieno pingues, in suis la- boribus iniquis, supra quos ut araneæ evisce- rantur, capit: ut fructum eorum non perci- piant & cum multas vanasque spes, tanquam ventos seminaverint, ac turbidinem & affli- ctio-

ctionem pauperum messuerint, lucrentur nihil, perdant speratum fructum, opes, divitias insuper.

*In prolem dilata ruunt perjuria (& cætera scelerata) Patris.*

*Et pœnam, merito, filius ore bibit.* Claud.

\*\*\*\*\*

## MODUS LIV.

**P**Ercepto sensu thematis inquiritur, qui sint sensus hominum vero illi sensui Divino contrarii, aut disparati: aut denique quacunque ratione oppositi. Collectis denique his sensibus, verba insuper aut sententiæ, oppositæ sensui scripturæ, tanquam ab adversantibus prolatae formantur. Inde ad eorum examen, & repugnationem, quæ totâ diffunditur oratione descenditur. E. g. Dominica 5. post Pascha. *Si quid petieritis Patrem in nomine meo dabit vobis*, potest procedi sic. Et magna, & certa Christus promittit, nec tamen satis fidem invenit. sunt enim qui voce, & vita clament. *Non petam & non tentabo. Sunt qui censeant. Petam, impetrabo, sed non omnia.* Cum his agam, & ex iis vos quid sentire debeat is intelligetis. Similiter Dominica Passionis super illud Thema. *Quis ex vobis arguet me de peccato*, quo significatur à nemine posse opera Dei argui, potest procedi sic. Nemo erat apud Judæos, qui innocentiae Christi certissime, aliquid objiceret, & inveniuntur apud  
Chri-

Christianos qui iustitiam DEI exagitant. Quærat enim hodie, quod tum quæsit Christus, & respondebit, Calvinus. *Ego.* Respondebunt Pusillanimes. *Ego.* Respondebunt, & scandalizati. *Ego.* Quia scilicet: Calvinus facit DEUM Autorem peccati. Pusillanimes in eundem rejiciunt, quod ad meliorem frugem non resurgant; Scandalizati, toties inquirunt, quare præponatur impius? O monstra audaciæ, & sententiarum! stemus contra illa pro DEO, & jam expugnemus &c.

## P. R. A. X. I. S.

Dominica IV. à Paschate.

*Vado ad eum qui misit me.* Joan. 16.

**A**ccessus & Propositio. Hic est finis omnium, ut ad eum perveniamus, à quo in hanc vitam missi, atque editi sumus, DEUM: hoc etiam studium debet esse omnium, ut ad eum continuò pergamus, dicamusque omnium voce actionum. *Vado ad eum qui misit*, sed ô quam diversus multorum sermo! sunt, qui, ut in magnis itineribus solet, quiescant; sunt qui ab oriente ad occidentem pergant; sunt, qui exerrent & divagentur; atque cum una vox, esse debeat omnium. *Vado ad eum qui misit me*, alius ait, *Ascendo*; alius, *Quiesco*; alius, *Divagor*. Audiit has voces D. Aug. Tit. de reditu ad Patriam, & auditis, ad cæterorum cautelam, hæc conclusit. *Via ista nostra, ambulantes querit. Tria sunt genera hominum, quæ odit,*

*Rema-*



*Remanentem, retrocedentem, Aberrantem.* Placet tantisper inhærere sensui, & reclamantium CHRISTO, expendere errores. Ad DEI gloriam.

Confirmatio, à rejecto statu illo triplici Recessus, Quietis, Erroris.

*Via cæli odit retrocedentes, quorum vox Cedo. Nemo scilicet, mittens manum ad aratrum, & respiciens retro, aptus est regno DEI* Luc. 9. unde & horrendum illud, Pauli ad Hebr. 6. *Impossibile est enim, eos qui semel sunt illuminati, gustaverint etiam domum cælestem, & prolapsi sunt rursum, revocari ad pœnitentiam, additque quod tali consummatio, sit in combustionem. In principio lapsis venia datur ab omnibus, ob imperitiam: ait os aureum, sed eum, qui, post multos cursus, conciderit, nemo dignum venia judicaverit.* 2. Reg. 18. Commisso prælio Absolon profligatus est, cecideruntque 70. Millia exercitûs; qui, cum re desperata cederet, saltum retro superandum habebat, de quo scriptura. *Multò plures erant, quos saltus consumpserat de populo, quàm hi, quos voraverat gladius.* Cum primùm homo, viam cælestem, virtutis amore ingreditur, ingentem saltem post se linquit, periculorum occasionem, peccatorum, mortis, inferni. Videat ergo qui hanc superare possit, postquam profligatâ constantiâ retrocedit. Dubium interea non est, quod innumeros hic saltus consumat, quem viris religiosioribus D. Bernar. Ser. 63. in Cant. proponens, sic ait *Præsu-*

mitur ille saltus, de excelsō in abyssum, de pavimento in sterquilinum; de cœlo in cœnum. Nascituro servatore nostro, orbis describitur Luc. 2. Reddit causam D. Ambros. in caput idem Luc. Quando nascitur CHRISTUS omnes profitentur, non enim Augusti, sed Domini est terra. Quid deinde? patebit cum sanguinem circumcisis infans fuderit; de quo Hugo de S. Victore Serm. 49. Nova circumcisio, novum nomen, nova hereditas, novus populus, novus ritus, novus annus. Hem Christiani, sanguine CHRISTI, hæredes cœli scripti sumus, attamen, Jerem. 17. Recedentes à te, in terra scribentur. Proficientium, non recedentium, privilegium est, cœlis inscribi: illi verò, suis sua nomina inculpsere marmoribus; sive inferant scripturæ, sive affigant imaginibus, recedentes à DEO, ab eodem in terra scribentur; cujus scriptionis si quem latet mysterium, consulat Autores, quid JESUS scripserit, cum illum scribentem descripsit. Joan. 5. cap. 8. v. 6. JESUS autem inclinans se deorsum, scribebat digito in terra, peccata scilicet, ut multi sentiunt, & damnationem Phariseorum: è quibus quisque pro se lectis, non sustinuit vultum CHRISTI, sed unus post unum exhibant.

Via cœli, odit Remanentes. quorum Vox Quiesco. O miseram hominum cæcitatem! qui aliter. judicant de rebus, quàm sint. Ibi quærimus gaudia, ubi locus lacrymarum, ibi quietem, ubi sedes laborum; Quis hic quiescat? ubi nos, volentes, nolentes, anni nostri auferunt

ferunt. Nam sicut in navibus Ait Ambros. dormientes aguntur in portus, etsi nullus sensus sit navigandi, ita & nos dum quietem ambimus, sine sensu abripimur. Rursus idem. Surge qui dormis. Tu dormis, & tempus tuum ambulat: & inde, ne dum tu dormis, tempus tuum prætereat; ideo etsi dormis, cor tuum vigilet, ne ferietur. Nemo in vita, quietem annorum aut laborum quæsierit, nemo illam invenerit. Cum Constantinus à nomine suo Constantinopolim institueret, limites urbis ipse Imperator, tam latè metiebatur, ut admirans, aulæ Præfectus quæreret. Quousque Domine? Respondit Imperator. Quousque qui ante me præcedit. Chol. in Polit. Hoc sibi Christianus sæpe dicat, his ignavum, interrogantem, quousque? retundat: Quousque qui præcedit. O qui dicit discite à me quia mitis sum & humilis corde Matth. 11. Estote perfecti, sicut & Pater vester perfectus est. Matt. 5. sequimini. Vado ad eum qui misit me. Joan. 7. Gen. 17. Vidit Jacob scalam, & in ea Angelos descendentes, atque ascendentes, neminem sedentem, neminem quiescentem. Ego, pietatis exercitationem, scalæ Jacob visce, rectè comparavero. ait Basil. capad in Psal. 1. Agendum est, laborandum, DEUS spectator est, idemque merces. Tum primum quiescemus, cum spectatori Deo placuerit. 1. Gen. 49. de Jacobo Patriarcha. Collegit pedes in lectulum, & mortuus est. Non prius collegit, non prius quievit, quàm mors supervenit, à qua, Amodo jam dicit spiritus, Apocal. 14. ut requiescat à

U 2


labo-

*laboribus suis.* spiritus dicit, non caro, non homo, non tepor, non ignavia, unde & opera Beatorum sequuntur illos, tanquam collecta & consummata: non se ante faciem ostentant, tanquam gloriabunda, & agenda. Quiescentes in via Amalecitæ 1. Reg. 30. percussi sunt à David plaga suprema.

Via cæli odit *Errantes*, quorum vox: *Eva-*  
*gor.* Hi sunt, qui viam quidem Domini deser-  
 tam nolunt, sed multa sibi concedunt, & dum  
 & DEO, & sæculo vivere volunt, in illud D.  
 August. Confess. 7. cap. 21. impingunt. *Aliud*  
*est de Sylvestri cacumine, videre Patriam pacis, &*  
*iter ad eam non invenire; & frustra conari per in-*  
*via, circum obsidentibus, & insidiantibus, fugiti-*  
*vis, desertoribus; cum Principe suo leone & draco-*  
*ne: & aliud, tenere viam illuc ducentem, cura cæ-*  
*lestis Imperatoris munitam, ubi non latrocinantur,*  
*qui cælestem militiam deseruerunt.* At avocat de  
 itinere commune humani consortii diverso-  
 rium? Nunquam tale quietum, rarò tutum?  
 At amicus propè habitat? Nemo amicus, qui  
 causæ salutis nocet. Sed & Angeli hospita-  
 runt apud Abraham. Nondum corpus abjeci-  
 sti, vide, ne dixeris: Risum mihi fecit Do-  
 minus. Sed & Loth inter impios pius? Hic  
 quoque eorum flammis arsisset, nisi miracu-  
 lo eductus fuisset. Proverb. 21. *Vir, qui erra-*  
*vit à via doctrinæ, in cætu Gygantum commorabi-*  
*tur.* Facile de via deflectitur, sed nimis ar-  
 duum, Gygantum insidiantium manus evade-  
 re. *Juravi, inquit Dominus Psal. 94. in ira*  
*mea*



*mea, si introibunt in requiem meam. Vis causam iræ? Semper hi errant corde. Non est seria confessio, non vera pœnitentia, ubi facile de via deflectitur. Erratur corde, & Dei ira concitatur. Prov. 26. Dicit piger: leo est in via. Piger hæc vox, nemini audienda: neminem hic leo devoravit, qui in via perrexit, sed de eo scriptum: Conculcabis leonem, & draconem, dummodo pergere audeas; at est alius leo 1. Pet. 5. designatus, qui circuit, quærens, quem devoret. In hujus fauces cadunt, qui de via errant, quemadmodum incidit apud Cantiprat. lib. 2. c. 30. qui post confessionem factam in mollietate ipso die Paschatis revolutus repente exclamavit: Vindicta Dei super me! vindicta Dei super me! atque in his vocibus expiravit. Surgamus igitur, & Paulum imitemur dicentem ad Philip. 3. Sequor autem, si quomodo comprehendam, sicut & comprehensus sum à Christo JESU, fratres, ego me non arbitror comprehendisse. Unum autem, quæ quidem retro sunt obliviscens, ad ea verò, quæ sunt priora extendens me ipsum, ad destinatum persequor, ad bravium supernæ vocationis DEI in CHRISTO JESU.*



## MODUS LV.

**A** Comparatione similium, dissimilium, parium, imparium, adeoque contrariorum, five unum cum uno, five cum pluribus comparès. Ut hac ratione facile in oratione proceda-

U 3 tur,

tur, seliguntur aliquot rationes, membra, similitudines, paritates, aut disparitates, secundum quas res cum re confertur. E. g. Dom. 14. Pentec. super illud: *Nemo potest duobus Dominis servire*: posset institui comparatio disparium Dominiorum DEI, & mundi, de qua ut sciant distantiam servitutis meae, & servitutis Regni terrarum, ait Dominus 7. Paral. 17. Et Dominica V. post Pentec. Ira tribus septa terramentis, iudicii, consilii, gehennae, posset comparari, leoni triplicibus ligato vinculis. Multo magis eae comparationes currunt in laudibus Sanctorum, ut si S. Joannem Evangelistam compares Aquilae volanti per ardua, cum Christum sequitur, per praecipitia, cum gentibus, & peccatoribus praedicat, per aera, cum Divinitatem Christi explicat: *In principio erat Verbum &c.*

### P R A X I S.

In Festo Inventionis S. Crucis.

*Sicut exaltavit Moyses serpentem in deserto, ita exaltari oportet Filium hominis.*  
Joan. 3.

**A**ccessus & Propositio. Eremus Israëlitica, & Calvaria ad diversa, hodie rapiunt animum spectacula. Ostentat eremus serpentem, de quo dictum: *Sicut Moyses &c.* Ostentat Calvaria triumphalem Crucem, cui hodiernus dies colendae sacer est, & quam ponè D. Nazian. exclamat: *Ecce lignum contra lignum, &*

ma-

*manus contra manum*, in Apolog. *Quæ dextræ extensæ sunt*, contra eas, *quæ clavis affixæ*, adversus remissas: *quæ fines terræ moderantur*, contra eam, *quæ Adamum eiecerat*. Cedat tandem figura rei, & typus veritati, & nos Calvariam potius, sed jam triumphantem conscendamus, ut lignum Crucis contra lignum paradisiacum erectum, noscamus, atque veneremur.

**Confirmatio à comparatione opposita,**  
ligni Paradisiaci, & ligni S. Crucis.

Ecce igitur: *Lignum contra lignum*. Lignum benedictionis, contra lignum maledictionis. Nimirum ad Galat. 3. *Redemit nos in Cruce Christus, de maledicto, factus maledictum*. In figura maledictus, pergit Ambros. in veritate autem, qui totius mundi peccata deleret. 4. Reg. 6. posteaquam cecidit securis, uni ex filiis Prophetarum, Hem, hem, inquit, & hoc ipsum mihi tu acceperam. Præcidit ergo Eliseus lignum, & misit illuc, natavitque ferrum, & ait: tolle. Vide gravissimum ferrum, ligno ex aqua attractum, & cogita, homines pondere peccati, & maledictionis mersos, per lignum benedictos, ac salvatos. Quid manifestius hujus ligni sacramento? monet Tertul. adversus Judæos cap. 13. quod duritia hujus sæculi, mersa in profundo erroris, à ligno Christi, id est, Passionis ejus, in Baptismo liberatur. Gen. 48. Benedicturus filios Joseph, Ephraimo, & Manasse, dextram posuit super minorem, & super majorem sinistram, efformans manibus signum Crucis. A signo itaque

Crucis benedictio utrique venit, quamvis major obtigerit minori. Gaudet jam Hebræus benedictione, gaudet & gentilis majore: uterque à cruce accepta. Et ubi crux non benedicens: aut non benedicta. *In purpuris crux, in diadematis crux, in armis crux, in toto orbe crux, & super solem fulget crux*, ait D. Chrysol. adversus gentes. *Ecce lignum benedictionis, contra lignum maledictionis. Ecce lignum contra lignum: lignum salutiferum, contra lignum mortiferum.*


I. Quia hoc lignum est clavis Cœli. *Crux clausus Cœli januas aperuit*, ait Chryf. atque ita aperuit, ut nunquam claudantur, quod vidit Joannes in Apoc. cap. 21. Præclare id notat auctor imperfecti operis Homil. 4. in c. 3. Matthi. *Ecce baptizato quidem Christo cœli aperti sunt, et tantum; postquam verò Tyrannum rejicit per crucem, & resurgens ab Angelis portabatur in cœlum; videntes jam portatores, quod nunquam essent cœli claudendi, quia non erant necessariae portæ cœlo claudendo, ideo non dicunt: Aperite portas, & introibit Rex gloriæ, jam enim erant apertæ; sed tollite portas Principes vestras &c.* Prædictum olim: *Ero mors tua, ô mors!* Oseæ 13. jam per crucem impletum: *Tu Christe, mundum, ac terram extensis manibus, tu cœleste sustentas imperium. Tuis immortalibus adhæret humeris salus nostra. Tu Domine æternæ vitæ bajulas signum. Hæc sunt crucis cornua, quibus omnia & sublevantur pariter, & continentur. His cornibus bene hominum nititur vita, dixerat piè, ac doctè Julius Fir. de Mysteriis Prophet. cap. 21. &c.*

*Ecce*



*Ecce lignum adversus lignum.* Lignum, quod est trophæum de Diabolo, adversus lignum, quod erat trophæum Diaboli, ut, qui in ligno vincebat, canit Ecclesia, in ligno quoque vinceretur. Esther. 7. Amon suspensus in patibulo, quod paraverat Mardochæo D. Leo Ser. 10. de Passione. *Exaltatus in ligno retorfit mortem, in mortis authorem. Clavi illi Diabolum perpetuis fixere vulneribus.* Origen. Homil. 8. in Joan. *Visibiliter quidem Filius DEI in carne crucifixus est, invisibiliter verò Diabolus cum principatibus suis in ea cruce affixus est.* Cum Cœna suprema ageretur, Diabolus imisit in cor Judæ, ut Christum traderet Judæis, Joan. 13. cum verò Judex contra Christum ferret sententiam mortis, Matth. 27. misit ad eum uxor ejus, dicens: *Nil tibi, & justo illi.* Notat causam D. Ign. Martyr epist. ad Polycarp. *Cum paranda esset crux, Diabolus tumultuabatur, & pœnitentiam immisit proditori, & mulierculam turbavit in somnis, & ut à crucifixione cessarent, inducere moliebatur, suam ipsius perniciem sentiebat.* Ecce lignum adversus lignum. Ecce trophæum insigne de Diabolo. Gaudeamus igitur, ac triumphemus in hoc signo carnem, in hoc mundum, in hoc dæmonem, in hoc omnes hostes possumus triumphare. Julianus Apostata, ut refert D. Nazianzen. territus monstris magicis, hoc signo in fronte edito, monstra fugavit: Judæus paribus agitatus territamentis, Specul. Exemp. illas voces hostium audivit: *Vas vacuum, sed signatum.* An ergo in quo signo ipsi

triumphant increduli, non potius triumphabunt fideles? Curandum tamen, ne simus vasa vacua. Regio signo thesaurus ditissimus signatur. Regium signum Crux est: Christianus, ut sit thesaurus gratiæ, & virtutum, curare debet. Sic fiet, ut lignum hoc Crucis fiat nobis lignum benedictionis, salutis, & nobilis victoriæ trophæum.



## MODUS LVI.

**O**ppositus naturali rerum dispositioni, quando rem non eo ordine prosequimur, quod gesta est: sed aut ab imis inchoamus, & procedimus ad superiora, aut media, summa, ac infima ordine certo, & ad propositum conducente permiscemus. Utimur hoc modo potissimum in genere exornativo, vel vitæ, mortisque acta prosequendo; vel virtutum laudes. Nam sicut à vita rectè ad mortem descenditur, ita à morte ad vitam rectè ascenditur, cum prius proposita vita tanquam causa laudabilis mortis, inde ad ejus laudes proceditur: Similiter in virtutibus, virtus aliqua specialiter relucens assumitur, & ad eam aliæ, tanquam causæ antecedentes, aut effectus consequentes revocantur: ut, si laudes alicujus Sancti humilitatem: & ad eam referas sui contemptum, Divinæque Majestatis eximiam cognitionem, sine quibus virtus illa consistere non potest. Hic ipse modus nec ten-  
di,

di, & variandi summa cum infimis, ingenio-  
sius, & facilius cedit, si ipsa ratio nectendi,  
alicui insuper auctoritati, aut historiæ, aut  
symbolo, aut Scripturæ adnectatur. Ex. gr.  
laudaturus D. Casimiri eximiam castitatem,  
imaginem ejus sacram respiciens, in qua pin-  
gitur lilium altera manu, aliâ Crucifixum ge-  
stans, laudata inde ex occasione lilii castita-  
te, transferres orationem ad illud symbolum  
Crucifixi, & virtutem patientiæ, mortifica-  
tionis, humilitatis, per Crucifixum signatam  
prosecutus, utrumque deinde jungeres. Simi-  
liter in Festo D. Xaverii, de ejus vita tracta-  
turus, sumeres illud de Confessoribus: *Sint  
lucernæ ardentes in manibus vestris*, dicerésque 1.  
Vitam ejus fuisse lucernam, quæ lumen innu-  
meris gentibus infudit; quod est inter acta vi-  
tæ medium. 2. Lucernam ardentem, qualis  
præcipue est ejus conversio, & illi ardores,  
quibus accensus clamabat: *Satis est Domine,  
fatis est*. 3. Lucernam in manibus conserva-  
tam, quod servit & castitati inviolatæ, & vi-  
tæ à prima conversione sanctissimè custoditæ,  
& morti, quæ quamvis in loco desolato acci-  
dit, sanctissima obvenit: ideoque est lucerna,  
consecrata in manibus, non objecta, nec ali-  
cubi per oblivionem neglecta &c.



In Commemoratione Stanislai Kostka,  
Societatis JESU, quæ solet juxta cursum  
annuum contingere.

Dominica XXII. post Pentec.

*Cujus est hæc Imago? Matth 22.*

**A**ccessus & Propositio. Ut ad interrogatio-  
nem hanc die commemorationis hodie-  
næ respondeam, duo considero. Alterum, quod  
hic Beatus interrogatus aliquando: an B. Vir-  
ginem MARIAM amaret? respondit: *Quid  
queris Pater? Mater mea est*, quod ipsum, cum  
ea animi pietate, & teneritudine protulit, ut  
plusquam humana vox videretur. Alterum,  
quod Physici communiter asserunt: *Filios ma-  
trizare*: hoc est, ut plurimum Matrum imagi-  
gem referre. Hinc infero B. Stanislaum, si-  
quidem Mater ejus D. MARIA est, *Matriza-  
re*, nec melius ad prædictam interrogationem,  
cujus est hæc imago? responderi posse, quàm  
Marianizo, seu MARIAM Deiparam refero.  
Hoc ipsum, ut certius pateat, similitudinem  
hanc felicem ex vitæ ejus similitudine profe-  
quamur.

Confirmatio per vitæ puncta non ordi-  
ne, quo acta sunt, sed liberè, & mixtim  
relata.

Scriptura sancta cum Deiparam Virginem,  
ejusque Maternitatem multis, variisque lau-  
dibus semper depinxit, tum his quoque æter-  
næ



næ Sapientiæ verbis descripsit, Eccl. 24. *Ego Mater pulchræ dilectionis, & timoris, & agnitionis: & sanctæ spei.* Hæ laudes, si objectivè sumantur, omnes inprimis congruunt, immaculatæ ejus Conceptioni. Est enim in illa Mater pulchræ dilectionis respectu DEI, cum sit purissima, ideoque amabilissima. Est Mater timoris, respectu inferni, ipsa enim in Conceptione contrivit caput originale serpentis. Est Mater agnitionis, respectu Angelorum; illis enim præ cæteris nota est animæ intemeratæ, ac immaculatæ pulchritudo. Est Mater spei, respectu hominum, quibus eo ipso dat fiduciam vincendæ impostherum mortis, & peccati; quando mortis, & peccati primo conceptu elidit virus. Rursus objectivè similiter sumendo eadem encomia. Est Mater pulchræ dilectionis, in annuntiatione, quia in ea in Sponsam Spiritûs Sancti, & Matrem DEI eligitur. Est Mater pulchri timoris, in purificatione, quam tanquam simplex Mater, & purificatione indigens, suscipit. Est Mater agnitionis in visitatione, & in partu virgineo, à quo & ab Angelis, & à Pastoribus, & à Regibus ut talis agnita, & culta. Est Mater pulchræ spei in assumptione, illam enim, secundum Filium ejus, primam in cœlis habemus advocatam. Eadem autem encomia, si accipiantur formaliter, & effectivè. Est B. Virgo Maria ipsa plena pulchra dilectione, timore, spe, agnitione rerum divinarum: & facit ope, & precibus suis,

ut

ut servi quoque, & filii ejus sint tales, atque ideo ejus gratia.

D. Virgo Maria est Mater pulchræ dilectionis, & B. Kostka Matrizat, estque filius pulchræ dilectionis. Testatur id mors, quam præter omnem naturæ ordinem evenisse consensere Medici: Testantur flammæ cœlestes, quibus continuò ad patriam cœlestem anhelabat; ac quibus in extremo morbo æstuabat, cum speraret, prædiceretque se à D. Matre, die ejus Assumptionis de terra assumendum: Testantur contemptæ paternæ opes, honor, dignitates summæ in patria speratæ, generis splendor, & quidquid magni mundus polliceri potuit. Notanda cedro, aut potius medio cordis, verba D. Justini vitæ Monasticæ cap. I. sic loquentis: *O mirabilis artifex è cœlo missus! O incarnata sapientia! Magister amoris, qua arte reparas lapsos? quibus vinculis trahis post te filios Adam? quæve virtute totum tuis legibus subdis orbem? Gravia suades, contraria corpori consulis, & tamen innumeros tibi quotidie vendicas amatores.* Mirari id sæpius licet, sed in B. Juvene Stanislaò prædicare, qui contempto mundo sibi maximè obsequente, pauper & contemptus in religiosa domo latere elegit. Opus hoc non est nisi amoris: cor ad tanta facinora impensum non est nisi plenum Divinæ dilectionis, unde & Stanislaus plenus pulchræ dilectionis.

D. Virgo MARIA Mater pulchri timoris, & B. Stanislaus Matrizat, estque filius referens pulchrum timorem: At quid timeat innocetif

fima

suma vita? imò quid ipsa innocentia, nunquam lethali culpa sauciata? Turpis est timor, qui supponit peccatum, & quanquam, non infalutaris sit, servilis tamen est. Ille timor est pulcher, de quo David ad Salamonem 2. Regum 2. *Confortare & esto vir*: Chall. *Et esto in virum timentem peccata*. Ille pulcher de quo D. Greg. homil. 6. moral. cap. 24. *Anchora cordis est pondus timoris, & sicut majoribus, & deterioribus navibus, majore anchora opus est, ita quod justior est homo, majore timore indiget* Ille pulcher est, de quo Zeno. Veron. Ser. 6. de Isa. *Is solet esse genius bonæ mentis. Timet illâ arte, non casu; voluntate, non necessitate; religione, non culpa quemadmodum egit B. Stanislaus, cum innocens, ut peccati occasionibus se subduceret, è mundo fugit, & die D. Laurentio sacra, vilibus culinæ ministeriis sponte addictus, cum interrogaretur, quid interea cogitasset. Ex aspectu, respondit, ignis, & D. Laurentii, prunis, ad inferni supplicia, cogitatione deductus, pœnas peccatis debitas, & ignes æternos in menteolvebam. Ah mi Kostkule! non tuus hic timor est, non tua supplicia? At ubi Deus, ibi metus in Deum, ait Tertul. de præsc. c. 43. quod dum & sentit, & præstat B. Stanislaus, refert imaginem D. Matris, filius pulchri timoris.*

D. Virgo MARIA, Mater pulchræ agnitionis, & D. Stanislaus *Matrixat*, estque filius pulchræ agnitionis. Maximorum in orbe maiorum, maxima causa, est mentis cæcitas. Nil

hîl volitum nisi cognitum. Quis mundum æstimet, si illud Christi percipiat. *Quid prodest homini, si universum mundum lucretur, animæ verò suæ detrimentum patiatur*, Matth. 16. Quis se felicem de successu & potentia temporali credat, si illud percipiat Matt. 5. *Beati Pauperes, beati mites, beati qui flent, Beati qui persecutionem patiuntur*. Quærit Isa. c. 53. *Domine quis credidit auditui nostro?* O quoties ea quæstio repetenda, cum de peccati gravitate, de mundi vanitate, de salutis incertitudine, de æternitatis duratione, agitur! Exclamavit redivivus à morte, post observatum septennii silentium, ingentesque sui afflictiones, Religiosus: *Nemo credit, nemo credit, quid sit mori*. Clamare hoc licet toties, quoties surdis, fabulam auditis prædicari. Quamvis Isaïæ minentur, Jeremiæ plorent, Baptistæ clament, ipse Christus prædicet, in utramque tamen aurem dormitur. O felix portio, & electa plebs, quæ cum Davide dicere possis Psal. 39. *Aures autem perfecisti mihi*. Hujus portionis gloria, B. Stanislaus Kostka quo lumine polleret mentis, cum innumeris heroicis virtutibus, & ingentium spiritualium eruditione probavit, tum illo verò facto, quo literas Parentis, magnis promissis, tum gravissimis minis à proposito vitæ sanctioris revocantes intimis lacrymis deplorans sæcularium hominum tenebras, rigavit: & eximio responso. Omnia præ cælo & Christo nihili habenda, quemadmodum haberet, habereque constanter vellet, monstravit



vit. O DEO dilectum Stanislaum! O lucis Divinae receptaculum! O filium pulchræ agnitionis!

D. Virgo MARIA Mater sanctæ spei, & Divinus Stanislaus *Matrizat*, estque filius sanctæ spei. Nam ut ait D. Chrys. *fides gloriam inchoat, spes sustinendo consumat*. Sic agricola, pergit D. Chrys. Ser. 118. *fructus uberes, & epulas cantat, ut imminensem vomeris laborem non sentiat & sudorem*. Sic nautæ, portus modulantur & lucra; ne undarum ruinas; ne maris discrimina pertimescant. Sic miles, ne vulnèra metuat, prædis personat & triumphos. Alexander Macedo ut est apud Plutar. cum munera liberalius inter amicos partiretur, interrogatus: quid sibi relinqueret? spes, inquit, meas. Magnificum, sed inane inventum. Ubi nunc spes eæ; ubi regna, ubi opes Alexandri? verissimè Aug. *Quidquid sine DEO possederis latius inanis eris*. In hoc certè fixerat spes suas, Stanislaus ut cum Job diceret 19. *Reposita est hæc spes mea in sinu meo*. Non in arcis, non in horreis, non in vitæ & fortunæ successibus: ad quæ omnia auferenda validæ sunt hominum & temporum injuriæ: sed in sinu, in cordis medullis, hoc est DEO: in quo sperans est, filius, Virginis matris, & hæres sanctæ spei. Quid nos obsecro inrea? quo amore raptamur? quo angustiarum timore? quibus involvimur tenebris? qua premimur diffidentia? O Esto auxilio beate Kostule! & deterfis improbis amoribus, detraha cæcitate, exclusis angoribus, fac nos,



tus, nec est qui pro illo verbum dicat. Suscipiam ejus causam, & pro posse tuebor: ubi excusationes variorum quas prætexunt, in innocentiae neglectu, ita essent adferendæ, quod simul pateret nullam earum, apud Deum valituram. Dominica I. post Nativ. ubi prædicatur, Christum fore multis in ruinam, posset similiter dici compertos sibi eos quos hæc manet ruina. Monituum se igitur sincere, ut malâ suâ antevertant. Sunt autem Non credentes bene, malè credentes, credentes, sed male viventes.

*rubens. P R A X I S.*

**Dominica II. post Pentecost.**

*Misit servum suum dicere invitatis ut venirent. Luc. 14.*

**A**ccessus & Propositio. Si gloriari cum Paulo oportet, in infirmitatibus meis, & in virtute Christi gloriabor. Conversus sum fratrum meorum, & unus ex iis quos destinavit Dominus, dicere invitatis, ut venirent. Id circo huc hodie descendi, hoc opere fungi volo, atque utinam ita fungar, quatenus illis ut veniant persvadeam. Adeste igitur O invitati, adeste quibus salutis promissio facta est. Vobis loquar, vobis ne divinam cænam negligatis suadere conabor, dummodo aures ac animum commodetis.



**Confirmatio per iunctionem ad invitatos directam, adesse ut velint.**

*Primum igitur, quod vos movere debet, & boni invitati, est summa humanitas Patrisfamilias præstolantis. Caligula apud Suet: inter medios convivas mensæ suæ subridens, causam risûs dedit: Quia vos omnes possum occidere. Domitianus mensam convivalem apparatu pulchro, & severæ mortis imaginibus funestavit. Absalon 2. Reg. 13. fratris sanguine dapes polluit. Pharao, & Herodes diei natalis sacra convivalia foedissimè cruentârunt. Nihil in hac cœna tale suspicandum, nihil verendum est, quod ut ipse invitans significet, hominem se vocari jubet. Homo quidam fecit cœnam. Imperator ille est, & Rex Regum, ac Dominus Dominantium; Monarcha est, cujus voluntati nemo possit resistere, sed ut vos humanissimè habeat, & libertatem integram veniendi relinquit, & non Rex, non Imperator, sed homo vult dici. Hoc sæpius revocans nobis, quod dignatus est fieri pro nobis, ait D. Greg. nascendo, docendo, invitando, solando, atque etiam judicando, & præmiando: quod dum perpenderet Bernar. in 5. Joan. exclamavit. O vere Pater misericordiarum! vult per hominem homines judicari, quo in tanta trepidatione malorum, electis fiduciam præstet similitudo naturæ. Quid si dum Judex venerit, id solabitur, quis homo est: quantò magis nunc debemus hac humanitate oblectari, & capi, quia homo est, & haberi vult, dum nos ad suam invitat cœnam.*

Gen.



Gen. 42. videns Joseph fratres, majestate sua, ac potestate turbatos. *Accedite*, ait, *ad me, ego sum Joseph frater vester*. Esther c. 15. cùm intrasset Asveri Palatium, ac timore repentino correpta, animo linqueretur, his verbis blanditus Asverus: *Quid habes Esther? Ego sum frater, noli metuere*. Pulcherrimæ humanitatis utrumque exemplum; vos pariter omnes, quibuscunque hæc ejus voluntas denuntiata ad cœnam suam humanissimus homo, homo Deus, homo convivii sempiterni Paterfamilias. Quid enim dicit, cùm dici vobis jubet. *Homo quidam fecit cœnam*, nisi quodd frater vester sit, homo de homine, caro de carne, & os de ossibus vestris. Singulare nomen non quærit, quia communis illi ut natura, ita bonitas est. Lex erat, ut captivi, qui festis Jani vestem Imperatoriam attigissent, libertate donarentur. Præstiturus id beneficii Severus spontè carceres adiit, cum inde plurimis liberatis, auctoritatis Imperatoriæ moneretur. *Omnes me*, inquit, *do, & omnes se mihi dent*: si hoc est se omnibus dare, vestem tangendam concedere, humanitatem sibi induere, Divinitatem humanitate vestire, atque homines humanâ formâ, habitu, voce ad se invitare, quid erit? O dura pectora! quæ tantæ humanitati non cedunt, quæ humanissimum hominem se invitantem non audiunt.

Nec tantum humanitas invitatis, eos pelli- cere debet, sed & ejusdem singularis circa nos amor, & vestri boni cura. Inter celebratissi-

ma orbis convivia habetur convivium Afveri, quod Esther 1. fecit grande, & multo tempore: centum videlicet, & octingenta diebus. Quo id fine? *Ut ostenderet divitias gloriæ Regni sui, & magnitudinem, atque jactantiam potentiæ suæ.* Hæc Afveri, hæc mundi convivantis meta, jactantia, gula, luxus. Proponunt cibos, ut colligant opiniones, proponunt pocula, ut bibant superbiam. Se vendunt, & se licitantur simul, nec convivarum bono, sed suo luxuriantur. Longè à vestro, ô invitati, is animus Patrefamilias! Parata est Cœna, & ab ipsomet parata, fecit enim *cœnam*, non fieri jussit, ut repræsentaret, quod de Principibus dixit Cassiod. lib. 12. *Dona Regum nulla debent pollutione fuscari, sed sicut ab ipso exeunt copiosa, ita debent ad cives pervenire, mutant enim quamlibet largitatem Ministrorum manus.* Quis verò ejus præparationis finis? Necessitatis vestræ providentia: quam vel ex eo probat, quia tanta sollicitudine vos invitat, & nisi aditis, ex vicis, & plateis pauperes colligi jubet, ne beneficentiæ fraudetur solatio. Hoc ipsum prodit: dum convivium quoque suum cœnam appellat. *Cœna dicitur*, inquit D. Greg. *quia post cœnam nullum convivium restat.* Heu quanto studio vana mundi aucupamur jentacula! quantâ gulâ in prandia sæculi, & voluptatum ruimus! His tamen, nisi ad cœnam hanc accedamus, nunquam saturi futuri. Post jentacula prandia, post prandia cœna, *post cœnam nullum convivium restat.* Prô quanta siti à tot mil-

libus annorum premitur clamans ex inferno  
 Epulo Luc. 16. *Pater Abraham miserere mei, &  
 mitte, ut intingat extrema digiti sui in aquam, ut  
 refrigeret linguam meam.* At post cœnam nullum  
 convivium restat. Prô quantam famem patiun-  
 tur à tot sæculis infelices illi! quibus Christus  
 minatus Lucæ 6. *Væ vobis, qui saturati estis, quia  
 esuriatis.* At post cœnam nullum convivium  
 restat. *Felix pestilentia*, ait Quint. declam. 12.  
*Felix praeliorum strages, denique omnis mors faci-*  
*lis, fames aspera, durissima necessitatum, asperrima*  
*malorum: nisi tamen invitati obtemperatis, to-*  
*leranda hæc æternum erit.* Post cœnam nul-  
 lum convivium restat. Unde & vos tremenda  
 petit sententia. *Non gustabunt cœnam meam.* Cæ-  
 nam itaque, post quam, nullum convivium  
 restat, cœnam eamque magnam, id est ut pla-  
 cet Euthymio, quæ finem nesciat. *Circuibunt*  
*igitur civitatem* Psal. 56. *Et famem patientur ut*  
*canes.* Allatrabunt portas, heu! clausas odo-  
 rabunt; cibos; heu! negatos. Semper esurient  
 & semper negabitur cibus, semper latrabunt,  
 & semper dura cruciabuntur fame, dum in-  
 terea vocatis & obedientibus applaudet Pa-  
 ter familias verbis apud Isa. 65. expressis. *Ec-*  
*ce servi mei comedent, & vos esuriatis, ecce servi*  
*mei bibent, & vos sitietis, ecce servi mei lætabun-*  
*tur, & vos confundemini, ecce servi mei laudabunt*  
*præ exultatione cordis, & vos clamabitis præ dolore*  
*cordis, & præ contritione ululabitis.* Nil tum pro-  
 derunt vitæ Domino sublato, nil boves, pin-







nem. Similiter 3. Epiphan. de Centurione ; Domine non sum dignus , quando paucis verbis multa impetrantur. 1. Ubi magna necessitas , *vinum non habent*. 2. Ubi magna fides : ut hodie. 3. Ubi magna charitas , *Domine ecce quem amas , infirmatur*. Joan. 11. Exemplum primi modi habebis sub modo sequenti , cum alio præcepto. Secundi modi sit.

## P R A X I S.

Dominica X. à Pentecost.

*Publicanus longe stans , noluit , nec oculos , ad Cælum levare , sed percutiens pectus suum dicebat . Deus propitius esto mihi peccatori .* Luc. 18.

**A**ccessus & Propositio. Bonum Dominum habemus. dicebat B. Episcopus Turonensis , Bonum Dominum nos habere , continuo gloriari par est , in hodierno præsertim exemplo , in quo publicano tam facile , tam ingentes culpas , donari videmus. Eheu ! inferni titio , mortis præda , æternitatis infelicitis miserandus debitor , ad pauculas voces , ad exiguum pectoris tunctionem , omnibus culpis absolutus abijt justificatus in domum suam ! O dolorem felicem ! O dolorem omni gaudio dignum ! utinam is nobis contingat ! atque ut contingat coöperari creatori nostro studeamus , ideoque ab Exemplo publicani , qualis debeat esse dolor de peccatis , qui verus est discamus.

**Confirmatio**, à diviso adjuncto, qualis?

Primum igitur, dolor publicani est dolor humilis, stat enim à longè, & non vult oculos levare ad cælum. Benè, longe à Deo, quia status miseri peccatoris. De quo Psal. 15. *Longè à peccatoribus salus & Psal. 5. non Deus volens iniquitatem tu es. Neque habitabit juxta te malignus, neque permanebunt injusti ante oculos tuos.* Infernus est locus peccatoris, Cælum sedes Dei. Magnum inter hæc, chaos firmatum est. teste D. Luca cap. 16. ut proinde, qui se peccato addixit, noscat, quantum à Cælo & Deo distet, quantum & à bono Patre, à quo malus prodigusque salutis filius, profectus est in regionem longinquam. Sed frons meretricis, facta est multis, totoque defluxit cultu verecundia. Videat non raro monstra, nullis oculis digna, qui pænitere se de peccatis dicant, & in ipsa pænitentia, collo audaciaque erecta, nihil minus quam pænitentis habitum proferant: Imparati, inordinati, lævissimo dolore, vix ulla præparatione tribunalia sacra adeant, & cum scelera sua decussatim, properanter, ac penè inimicè coram sacerdote demurmura-verint, nulla seria præmissa præparatione, sacra altaria invadant, Eucharistiam frequentitent adhuc libidines, & contumelias spumantes, Deo sub tegmine panis velato, appropinquent. O incredibilem audaciam! O turpissimam arrogantiam! nec sui, nec Dei memorem. *Sancta sanctis* inclamabat olim in sacris Eucharisticis Diaconus. Clamat autem & nunc

nunc Paulus I. ad Corinth. II. *Qui indigne manducat judicium sibi manducat. Siste peccator. Quo tam facile ruis? Sinum DEI petis! nec pedibus dignus. Dextram aut sinistram DEI affectas? Nec terram meritis. A longe cum publicano subsiste, indignitatem tuam expende, moram penitentiae, & preparationi concede, & tunc justificandum te sperato, cum te vilissimum coram Deo, ut es agnoveris. Unde & à cœlo oculos tuos averte; nisi fulmen illud conspiciere cupias, quo petiit avaros D. Chrysost. Quid aspicias in cœlum, ubi nihil habes depositum? at, plura fulmina ruent, quæ D. Chrysol. Ser. 122. super illa verba de epulone Elevans oculos cum esset in tormentis notavit, atque his elocutus. Serò dives sursum oculos levat, quos semper depressit in terram. Dives quo oculos levat? ipsi sunt accusatores tui. Quo oculos levat? ipsi non placant judicem, sed inflammant; non reportant veniam, sed reatum; & exigunt poenarum cumulum, non solamen. Quo oculos levat? Ibi est Lazarus, ibi est impietatis tuæ proditor, testis criminis, crudelitatis assertor. Hæc enim verò humilis publicanus apud se cogitabat, hæc dolor cogitat, qui verus est dolor, ut exaltandum coram Deo hominem, salutariter humiliet.*

Alterum, quod dolor, publicani habet, est, quod sit dolor, cum detestatione vera peccatorum conjunctus; quod significat & oculorum dejectio, quæ solet assumi cum aliquid detestamur; & pectoris dolorosa  
tun-

tunſio, de qua D. Aug. *Pectus percutiebat, pænas à ſe exigebat.* Tundunt tamen multi pectus, ſed non à ſe pænas exigunt. Anaxarchus Philoſophus, cum in eum Tyrannus ſæviret *Tunde*, ait, *faccum Anaxarchi, Anaxarchum non contundes*, in Apoph. Hoc tota vita mundi clamat. Tundit pectus avarus, ſed avaritiam non deferit, à ſe pænas non exigit, avaritiam non tangit, ſed faccum quatit. Tundit libidinoſus pectus, ſed continuo ſordibus inhæret, pænas à ſe non exigit, libidinem non tangit, faccum quatit, non ſe. Te pete avare, te libidinoſe, te ſuperbe, à te pænas exige, te tange, ut ſcelera excutias, non ſolides, D. Aug. id ipſum de diſciplina Chriſtiana ſuadente. *Erubescamus ſaltem, confiteamur, & pectora tundamus*, non ut ſuper peccata noſtra pavimentum ſolidemus, nam qui tundit pectus, & non corrigit, ſolidat peccata, non tollit. i. Reg. 24. cum Sauli, David Chlamydis oram abſcidiffet, id ipſum tanquam crimen in ſe redarguens poſt hæc ait Scriptura, *percuffit cor ſuum David*, ed quod abſcidiffet oram chlamydis. En notam, en punctum, quo debet tundere manus pænitentis, non veſtem, non corpus, non faccum, ſed cor percuffit David. Per pectus, ad cor plaga penetravit, & peccatum fede ſua excuſſit. Hoc egit & felix publicanus, & hoc agere debet, quisquis de peccatis verè dolet.

Tertium, quod dolor Publicani habet, eſt, quòd ſit ſincera hominis converſio ad DEUM.



Patet id ex verbis, quæ supplex protulit : *DEUS propitius esto mihi peccatori.* Videamus, ut nihil respiciat, nisi se, & *DEUM*, multum diversus ab illis, de quibus *Osæ. 1.* *Non clamaverunt ad me in corde suo, sed ululabant in cubilibus super triticum, & vinum ruminabant.* O quot quotidie ululatus, quot gemitus, quot planctus ! Hic mortem liberorum, ille domestica: possessiones alius, in pœnam peccati ereptas, prædia alius incensa plorat, hi ululant super damna temporalia, fletu inutili, nec clamant ad Deum in cordibus suis clamore Publicani : *DEUS propitius esto mihi peccatori.* Dicebat Pambo Abbas in VV.P.P. *Ego, & Deus in mundo.* Vox religiosissima, & fiduciæ plena. Urgent tentationes, & adversa, ne timeas, dic : *Ego, & Deus in mundo.* Instat orationis tempus, ne evageris, sed dic : *Ego, & Deus in mundo.* Singulariter tamen qui verè de peccatis dolet, hoc cogitet : *Ego, & Deus in mundo.* Infandum est demeruisse cœlum, horrendum meruisse infernum, leviora tamen hæc sunt sincerè pœnitenti : hoc unicè summè dolet, quodd Deum offenderit, & tanquam res aliæ non essent in mundo, hæc duo, se offendentem, & Deum offensum cogitat, intimèquè ingeminat : *DEUS, propitius esto mihi peccatori.* O quàm altè ascendit, & quàm demissè hic mens Publicani descendit. Suitulit se supra se, & vidit *DEUM*, descendit ad se, & vidit se, sed qualem ? qualis apparere potuit in comparatione summæ Majestatis, & huma

næ vilitatis, summæ sanctitatis, & abominandæ turpitudinis, summæ dignitatis, & miserandi nihili, summæ justitiæ, & potestatis, & peccaminosi demeriti, atque ideo exclamavit: *Deus mihi!* Summa sanctitas scelerato, summa dignitas vilissimo, summa bonitas, propitia est peccatori. *Abyssus abyssum invocat, in voce cataractarum tuarum dixit*, Psal. 41. Audis Deum? noveris abyssum summæ misericordiæ, audis peccatorem? noveris abyssum summæ misericordiæ; abyssus igitur abyssum invocat, cum misericordiam miseria implorat; sed si verè implorat, ita implorare debet, ut Deum solum cogitet, Deum offensum doleat. Tum enim verus est dolor, & perfecta conversio, tunc homo fit ille unicus, qualis hodie Publicanus; antehac David Psal. 24. *Quia unicus, & pauper sum ego.* Cui adscribens Cassiodor: *Quia unicus plus amatur, quia pauper plus doletur*; Unde & cum adulteram Christus absoluturus misericorditer esset, non prius id gratiæ præstitit, quàm cum abiissent Pharisei, Joan. 8. Et tunc relictæ sunt duo. *Miseria, & misericordia*, inquit D. Aug. Tract. 32. in Joannem.

\*\*\*\*\*

## MODUS LIX.

**Q**Uando adagium, Proverbium, aut Paradoxon aliquod assumitur, cujus sensus explicetur, atque probetur.

PRA-

## P R A X I S.

In Festo Trium Regum.

Quod in Polonia, usitato proverbio, *Largum Vesper* nominatur.

**A**ccessus & Propositio. *Largum Vesper* hodie occinimus, & *largum Vesper* mutuò gratulamur. Videamus, cui, & quomodò dies hodierna ferat *Largum Vesper*.

**Confirmatio**, ab explicato Proverbio, per adjunctum, cui, & quomodo.

*Largum vesper* à tribus Magis hodie Christo. Quidni? Triplex munus assignat Jurisprudencia & Theologia, à lingua, à manu, ab obsequio. Omni hoc genere suam liberalitatem in Christum tres Reges testati sunt; obtulerunt enim inprimis munera à lingua, cum ejus Regiæ, & Divinæ dignitatis magnanimi Confessores adiëre Jerosolymam, dicentes: *Ubi est, qui natus est Rex Judæorum?* Quid agitis, O sapientissimi Duces? non capit cælum duos Soles, nec duos Reges Imperium. Videtis, ut turbetur Herodes, & cum eo Jerosolyma, & Regem novum inquiritis? Nihili hæc illi æstimant, dum debitam Christo confessionem reddant, munus scilicet à lingua, & *largum vesper*. Obtulëre item munus à manu, de quo apertè Evangelista: *Apertis thesauris suis*, Matth. 2. *obtulerunt ei munera, aurum, thus, & myrrham*. Regalis liberalitas, & digna consideratu. Obtulerunt aurum, & in auro testimonium supremi Domini: in thure decus sum-

mi Sacerdotii: in myrrha confessionem divi-  
 nē subsistentis humanitatis. Obtulerunt au-  
 rum, & in auro opulentiam suam: in thure  
 dignitates: in myrrha spem immortalitatis in-  
 corruptibilis. Largum igitur vesper iterum de  
 munere manūs Christo à Magis. Largum de-  
 nique vesper de munere ab obsequio, quod  
 reddiderunt, ita ait sacer Textus, *cum proci-*  
*dentes adoraverunt eum.* O quantum in animis  
 excitandis, fides vera valet, & quantum in  
 iisdem effringendis, fides languida ac mortual  
 viderunt Reges, infantem involutum levi-  
 bus panniculis, videmus & nos involutum,  
 panis accidentibus: viderunt illi in stabulo,  
 nos in templis: viderunt illi in præsepio, nos  
 in aris: viderunt illi medium inter bovem &  
 Asinum nos medium, inter sacerdotes, &  
 principes sacerdotum: viderunt illi recenter  
 genitum, nos in cælis regnantem: viderunt  
 illi pauperem, nos omnibus dominantem, &  
 heu! illi procidentes humillimè adoraverunt,  
 nos templa & præsentem Majestatem, multis  
 frequentissimè irreverentiis dehonestamus.  
*Ossa ossa digna fossa, tot oculos habetis, & Regem*  
*non videtis.* exclamavit impatiens olim aleator  
 sed potiori jure, id ipsum supra illas cervi-  
 ces inclamemus, quorum superba, ac inso-  
 lentia capita, paratus est DEUS conquassare,  
 in hoc quoque Regum exemplo discant, quem  
 cultum summo opifici & Domino debeant.  
 Interea cedit adoratio Regia, in munus Chri-  
 sto, ab obsequio; & in largum vesper, at  
 non



non finit se Divina liberalitas ab humana vinc-  
ci, ideoque ut à Regibus Christo, ita

Largum vesper à Christo Regibus. 2. Paral.  
9. cum venisset Saba Regina ad Salomonem, ut  
tentaret eum in ænigmatibus in Jerusalem, *dedit*  
*Regi centum viginti talenta auri, & aromata multa*  
*nimis, & gemmas pretiosissimas.* Liberalia sanè mu-  
nera, sed & reciproca liberalitate pensata, v. 12.  
*Rex autem Salomon dedit Reginæ Saba cuncta, quæ*  
*voluit, & quæ postulavit, & multò plura, quàm attu-*  
*lerat ad eum.* An & Sabæi Reges à Regina Saba?  
& plus quàm Salomon hic? ideoque dubio omni  
procul, quòd receperint, quæ voluerunt, &  
quæ postulaverunt, & multò plura, quàm attu-  
lerunt, triplici singulariter addita gloria. 1.  
Quòd minores tulerint benedictionem mayo-  
rum. 2. Quòd insigniti sunt titulo trium Prin-  
cipum fortissimorum. 3. Quòd tulerint benedi-  
ctionem trium Patriarcharum. Gen. 4. cum va-  
ledicens Jacob filiis Joseph posuisset dextram  
super Ephraim, minorem natu. *Non ita convenit*  
*Pater, dixit Joseph, quia hic est primogenitus, po-*  
*ne dexteram tuam super caput ejus.* Cui Jacob: *Scio*  
*fili mi, scio, & iste quidem erit in populos, sed frater*  
*ejus minor major erit illo, & semen illius crescet in*  
*gentes.* O Ephraim! ò popule gentilis, sinistram  
merite! quas gratias hodie DEO referas? Ecce  
novus Jacob, & Jacobi author Christus, ponit  
dexteram super te, ecce benedicit in tribus gen-  
tium Principibus tibi? Meritò turbatur post-  
habita Jerosolyma, sed laudent Deum omnes  
gentes, quia largissimum benedictionis in Ma-  
gis,

gis, cum ipsis Magis à Christo vesper accipiunt.  
 2. Reg. 23. sitiens David exclamat: *O si quis mihi daret aquam de cisterna, quæ est in Bethlehem.* Quibus auditis terna exercitus decora, tres non jam Curiatii, nec Horatii, sed divinis laudibus asserti. *Tres fortes, tres robustissimi irruperunt castra Philistinorum, & hauserunt aquam de cisterna Bethlehem, quæ est juxta Portam.* O Bethlehem! ô domus vitæ! ô salutis fons! quanta ad te siti anhelabat extrema gentium necessitas! Ecce hodie tres, quique perrumpant, & id laudis ferant: *Tres fortes, tres robustissimi*, quod est à Christo veniens illis largum vesper. Venit tamen & aliud, scilicet benedictio trium Patriarcharum, Abrahamæ, Isaaci, & Jacobi, quibus id promissum, ut fierent Patres omnium gentium, sed non nisi in hodiernis Magis completum, de quibus merito D. Leo Ser. 2. Epiph. *Agnoscamus dilectissimi, in Magis adoratoribus Christi, vocationis nostræ, fideique primitias, & exultantibus animis, beatæ spei initia celebremus.* Exinde enim in beatam æternitatem cæpimus introire. Et D. Aug. Ser. 30. de tempore. *Illi primitiæ gentium, nos populi gentium.* Largum inde vesper tribus Magis, ad quos pro auro, omnium Christianorum Principum diademata, & Sceptra; pro thure, omnium Sacerdotum, Episcoporum, Pontificum Sacra; pro Myrrha, omnium Martyrum, Confessorum, Virginumque Sanctitas, tanquam ad primitias nostras delata. Infelix Mater infelicissimum ediderat partum, cui nomen, Ose. 1. *Absque Misericordia, & iterum: non populus meus.* Cedat hic  
 ti.

timor à nobis, quia in Patribus nostris susceptis impletur, quod item Ose. 2. promissum: *Et miserebor ejus, quæ fuit absque misericordia, & dicam, non populo meo, populus meus es tu.* Largum igitur vesper à Christo tribus Magis. Utinam verò sit, prout esse debet: Largum vesper à nobis Christo, si vicissim volumus Largum vesper à Christo offeri nobis. *Sitit Deus, sitiri, ait D. Nazian. Orat. 40. & promptus est, nummum Regno rependere, cui census deficere non potest, inquit Chrysol. Ser. 23.* Sed hem nostram parcitatem! *Sunt enim nonnulli hæretici, ait D. Gregor. Homil. 10. in Evang. qui hunc Deum credunt. Hi profectò ei thus offerunt, sed offerre etiam aurum nolunt. Et sunt nonnulli, qui hunc Regem æstimant, sed Deum negant. Illi videlicet ei aurum offerunt, sed thus offerre nolunt. Et sunt nonnulli, qui hunc & Deum fatentur, sed assumpsisse carnem mortalem negant. Hi nimirum ei aurum, & thus offerunt, sed offerre myrrham assumptæ mortalitatis nolunt.* O quot ex fidelibus hanc parcitatem imitantur! fateris, & credis Christum Deum, sed non colis ut Deum, thesaurum negas cultui debitum thus. Orationibus instas, & Divina curare videris, sed eleemosynam pauperibus subtrahis: das thus, sed aurum negas. Eleemosynarius es, sed carnis licentiam non fugis: das aurum, sed myrrham mortificationis negas. Eja Christiani, liberalem in Deum animum induamus, & quemadmodum Reges pro largo vespere largissimum tulerunt, ita nos relatueros, si prius pro debito obtulerimus, confidamus.

## MODUS LX.

**D**Ucitur à partibus communibus Orationis: Exordio, Propositione, Narratione, Confirmatione, Confutatione, Peroratione, quas non ideo hic recenseo, quòd omnes semper requiram, aut à se omnimodè distinguam; sed neque de iis disputandi cum Rhetoribus mentem suscipio. Sentiant, quod lubet. Ego finem assequor, cum ostendo, hac ratione formari aptè sacram orationem, cujus non quoad formam, sed quoad materiam, sit

## P R A X I S.

In Festo Immaculatè conceptæ Deiparæ Virginis: *De qua natus est JESUS.*

**E**Xordium, est *Propositio*. Cum in prima Conceptione Deiparæ Virgini, maternitatem ejus his verbis: *De qua natus est JESUS*, Ecclesia memorat, id à suis fidelibus exigit, ut ex cognita conceptæ Virginis Maternitate Conceptionis ejus dignitatem, & privilegia metiamur. Inter cætera verò ejusmodi ornamenta præcipuum illud piè creditur, quòd sit sine labe originali concepta. Huic expendendo tantisper insistemus, quatenus ad gratum dilectæ DEO Virginis cultum, animis excitemur.

## NARRATIO.

Notius est, quàm ut repeti sit necesse, quemadmodum primis parentibus legem Divinam transgressis, mors corporis, & animi in posteris transfusa. *Deslendus parens*, ait Chrysol.

Ser.



Ser. III. *qui nos tantarum miseriarum reliquit hæredes, qui non solum collata bona perdidit, sed omnes posteros suos, tam feris creditoribus obnoxios, sic reliquit: vitium seminis vitium est totius arboris quod tamen ita oportet existimemus, ut quanquam in omnes, qui de lumbis Adam procedunt, derivetur macula originalis, ea tamen ipsa non semine affecto devehatur, sed ex pacto cum Adam inito posteris ejus imputetur, ut qui filii ejus nascuntur, nascuntur simul filii iræ, exules cœli, mancipia peccati, servi peccati, servi diaboli, scilicet ad Rom. 8. v. 12. Per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccaverunt. O durum jugum filiorum Adam! O mancipatum horrendum! prius per peccatum mori, quam mundo caperis vixisse; prius hostem DEI videri, quam homo nascaris; prius carnifici subjici, quam legis naturam pervideris: justus es Domine, & iusta judicia tua. Verum tamen loquar ad Dominum, quia pulvis; ficcine hic fons sceleris omnes omnino rivos inficiet? ficcine manum avarissimi accipitris nulla avis evadet; Scio, scio, quod si sibi ipsa per se natura sperperare potuisset nunquam eam ad reparandam auctor in se suscepisset. Chryf. ubi sup. At num, ubi abundavit peccatû, non superabundabit tua Deus gratia; num naturæ leges non cedent, supremo Legislatori; num ut alios pro merito finas, illam quoque, de qua natus est JESUS, illam tui filii, illam Dei de Deo Matrem originali labe affici permittes?*

num iterum id tu quoque patieris, ô potentissime, sapientissime, amantissime tuæ Matris nate? an quod edixit deinceps Aug. contra Manich. jam nunc in ejus Conceptione decernes? *Si potuit inquinari, Manichæe, Mater mea, cum nasceretur; potui & ego inquinari, cum ex eo nascerer?* Hic mihi sensus de tua pietate est, hunc omnibus insitum, ingeneratumque cupio: nequaquam Mariam labe originali in sua Conceptione affectam: nequaquam ullum momentum permissum, quod in Matrem DEI peccato, & Satanæ concessum fuisset.

## CONFIRMATIO.

Fecit id, qui & fecisse potuit, & fecisse voluit, & se voluisse, non obscuris Scripturæ, Patrûmque autoritatibus indicavit. An enim non posset Creator de sua Creatura pro placito dispo-  
nere? aut summus, supremusque omnium legum Lector, legem ad suum libitum restringere? an iterum id nollet? quod in suum maximum cederet honorem, quod amor communis apud filios efficeret, si penes illos jus omne defendendi ab injuria Matrem esset? quod ingens decoris ratio, ne Mater Dei esset serva diaboli, postularet? *Decebat, decebat, ut ea puritate, quæ major sub Deo intelligi nequit, Virgo illa niteret, cui Deus Pater unicum Filium suum, loquor cum D. Ansel. in Concept. quem de corde suo æqualem sibi genitum, tanquam seipsum diligebat; ita dare dispo-*  
*neret, ut naturaliter esset, unus idemque communis Dei Patris, & Virginis Filius, & quam ipse Filius substantialiter sibi facere Matrem eligebat, & de qua*  
Spi-

*Spiritus S. volebat, & operaturus erat, ut conciperetur, & nasceretur ille, de quo procedebat. An verò ea maxima sub Deo puritas, quæ tantam labem admittit? an ea, quæ Angelis inferior est? an ea, in qua Domina subditis cedit? Regina Cœli inferis mancipatur? Nequaquam. Ideoque totum, quicquid in Maria fuit, possedit Spiritus S. ait D. Ildefon. de Virgine Maria, quoniam virtus Altissimi eam obumbravit in conceptu, & in partu. Et sicut ab omni æstu libidinis libera fuit, ita & ab omni pressura maledictionis, cujus caput est maledictio peccati originalis; sed jam hodie à Virgine concussata, ut impleretur dictum, serpenti. Gen. 3. Inimicitias ponam inter te, & mulierem, & sementuum, & semen illius, ipsa conteret caput tuum, & tu insidiaberis calcaneo ejus. Inimicitias suscepit serpens cum Eva muliere, & cum semine ejus, & contrivit caput nostrum, primum hominem, & erexit caput suum, ad afflandos pænifero veneno peccati originalis omnes homines. Mutantur hodie sortes pro inimiciis nostro malo susceptis, indicuntur inimiciæ nostræ salutis bellaturæ. Substituitur mulieri mulier, Evæ MARIA: Et quemadmodū per Evam victor serpens caput nostrum contrivit, peccato originis inflicto primo utique & capitali: Ita caput ejus conteritur, eodem peccato, ab admiranda victrice Maria, per Christi gratiam profligato. Insidiatur quidem, & nunc calcaneo ejus, hominibus Virginis conceptionem, & gratiam Christi nati secutis; sed sibi ipsi semel victus diffidit: Nec jam ut continuus triumphator caput su-*



perbum attollit, sed ut calcatus insidiator per terram serpit. *In Mariam*, ait Hieron. citatus in officio à sacr. Rituum congre. approbato, totius gratiæ, quæ in Christo est, plenitudo venit, quanquam aliter. Fatemur id libenter, & idcirco, quod facer textus mutat, ut ibi vulgata legit, *ipsa conteret caput tuum*, alii legunt, *ipse conteret*, convenire dicimus Christo & sacratissimæ ejus Matri, quanquam aliter. Nam Christus, integer ex natura verbi, humanitatem terminantis: in B. autem Maria, *Quicquid gestum est, totum puritas & simplicitas totum veritas & gratia fuit, totum misericordia, & justitia, quæ de cælo prospexit, & ideo immaculata, quia in nullo corrupta.* Hieron. ubi supra. *Non naturæ benignitas, non seminis puritas, Non parentum sanctitas, tantum muneris contulit: sed misericordia & justitia, quæ de cælo ex liberalitate Dei prospexit unde & Proverb. 8. ipsa de se, in sensu communi Ecclesiæ loquitur: Dominus possedit me in initio viarum suarum, antequam quidquam faceret & principio.* Utique universæ viæ Domini, Misericordia & veritas; electio salvandorum, reprobatio peccatorum. Harum initio viarum, antequam peccatum vires suas expediret: antequam justitia, sententiam in prævaricatores, de supplicio labis originalis subeundo, ferret: & antequam à peccato originali justificandos, misericordia secerneret: jam Maria; à Deo possessa erat, ne manus, stygii hostis in illam injiceretur, ne dens, vel unicus sauciret, ne unguis in eam impingeret.

Unde



Unde latè, toto illo capite, Beatissimæ Mariæ liberatio admirabilis, spiritus sancti eloquio celebratur. *Ab æterno pergit ibi, ordinata sum.* Ita ut domus Dei, ut habitaculum spiritus sancti, ut castrorum acies; Quis autem ordo, si ad talem domum, si ad tale habitaculum, si ad talia castra hosti accessus pateat? imò si invasio & præda permittatur? Hoc certè sinere, est speciali providentia Dei eximere, & communi abyisso humanæ calamitatis, singulariter electam à Deo, & præ electam virginem, immergere. *At nondum erant abyssi,* & Maria concepta erat. Abyssi, utique peccatorum. Abyssi prævaricationis; abyssi innumerarum calamitatum, hominibus cum peccato originis immisfarum, quas, qui primus sentit, primus lacrymis suas miseras perfundit: sed, non affudit illas, oculis immaculatissimæ virginis, jam ante Deo intentis. Unde, *necdum fontes aquarum eruperant,* cum Maria conciperetur, necdum, & *montes gravi mole constiterunt* montes superbiæ, montes affectatæ Divinitatis, quorum pondus, ad inferos genus humanū depressit. Sic nos miseri, gementes & flentes mundo edimur, flentes præ calamitate peccati, gementes præpondere molis & debiti. B. autem Maria, nunquam flens, nunquam gemens in oculis Dei visa: sed *ludens coram eo omni tempore, ludens in orbe terrarum,* teatro nostræ infelicitatis, scenæque doloris. *Fundamenta ejus in montibus, sanctis,* inquit Psalm. 86. Nos nascitu-

ros valles, in quas, tot sæculorum confluunt lacrymæ & calamitates: illam; montes: nec montes qui gravi mole consistant, & premendo sint, sed montes qui cælos usque pertingant; & eam sublimem faciant. *Fundamenta ejus in montibus sanctis.* Mons sanctus Abraham, mons Isaac; Jacob: at ubi illi verticem attollunt, ut sancti dici possint: ibi Mariæ fundamenta jaciuntur. Nemo sanctus, nisi justus, nemo sanctus nisi à peccato liber, quales in vita Abraham, Isaac, & Jacob, atque alii sancti: in fundamentis autem vitæ, & primo conceptionis instanti D. Virgo Maria. Parum id est. *Fundamenta ejus in montibus sanctis.* Montes sunt Angeli, Archangeli, & quæcunque cælum decora memorat. Montes sunt, & montes sancti horum quoque sanctitas, fundamentum sanctitatis, in Maria est. Quales illi semper, quam puri, quam Deo grati, talis Maria in sui conceptione. Pura, Deo grata, sancta, immaculata. *Diligit Dominus portas, & ingressum in vitam, Mariæ; Super omnia tabernacula Jacob.* Nos Rachab, nos peccatorum, nos Babylonis, nos confusionis memores simus, in Maria ait Chrysol. serm. 117. *Sanguis pluit, Caro stupuit*, unde & Psaltes concludit. *Sicut lætantium omnium habitatio est in te; Ea scilicet tuæ mentis in tui conceptione, & vitæ fundamento dispositio, ea animi compositio: quæ est lætantium omnium Angelorum, in accepta beatitudine: hominum justorum,* in

in spe beatitudinis, & vera interna sanctitate:  
præter quam lætus nemo vivit.

## CONFUTATIO.

Quàm jam hic lubens, quàm lætus dico, illud  
Gabrielis Archangeli? *Ne timeas Maria, inve-*  
*nisti gratiam apud DEUM.* Luc. 2. Instet gen-  
ti prævaricatrici ultrix ira Dei, urgeat puteus  
os suum. Ne timeas Maria. Exerat minas Pau-  
lus, ad Roma. 3. *Omnes peccaverunt in Adam.*  
Ne timeas Maria. *Non morieris Esther.* Non  
*enim pro te, sed pro omnibus hæc lex constituta.* Ne-  
que tamen ideò servatoris gratiâ non indige-  
bis. Psalm. 85. *Eruisti animam meam, ex infer-*  
*no.* Quæri potest. Cur dicat se inde erectam,  
quo nondum pervenerat. Respondet ad quæ-  
stionem ibidem. D. Aug. *Nescio quis habet cau-*  
*sam molestam, mittendus erat in carcerem. Venit*  
*alius, defendit eum, Gratiâs agens quid dicit. Eru-*  
*isti animam meam de carcere. In hoc non erat, sed*  
*quia talibus meritis agebatur, ut nisi subventum ef-*  
*set, ibi esset: Rectè dicitur liberari, quò per Libe-*  
*ratorum suum non est permissus duci.* Non est extra  
Christum, sed per Christum libera Maria: nec  
tamen libera quia à peccato, post ejus macu-  
lam, liberata; sed quia à peccato præservata,  
tota pulchra, tota sine macula, amica DEI  
MATER CHRISTI, Sponsa Spiritûs Sancti,  
Domina nostra. Absit ut illi id imponamus,  
quod exprobari possit, quod tegi debeat, aut  
laudes ejus sanctissimas velare. Gen. 20. Cum  
comperisset Abimelech, quod chara, uxor ef-  
set Abrahæ, & propter eam à Deo flagella-  
retur

retur, tullit oves & boves, & servos & ancillas, & dedit Abraham. Sane autem dixit: *Ecce mille argenteos dedi fratri tuo. Hoc erit tibi in velamen oculorum, ad omnes qui tecum sunt, & quosunque perrexeris, memineris te deprebensam.* Grandis accusatio, innocentissimæ Saræ. Velamen oculorum ad omnes, & adjecta opprobatio. *Memento te deprebensam.* Ah! quam gravius hæc ferirent, Deiparam virginem, si ferire possent: Possent autem, si Stygius triumphator manus suas ostentaret, aut si cœlites Triumphatores, palmas suas numerare valerent, cum hoc Epigraphe. *Memento te deprebensam.* Memento te à styge correptam, à cœnitibus gratiâ victam, memento te deprebensam.

## PERORATIO.

Alia mihi de te sentiendi semper fuscepta ratio, aliam suscipi ab omnibus quoque intimè cupio: ô immaculata semper, Deipara & virgo Maria! Tū illa de qua conceptus est, & natus est Jesus. Qui dicitur Christus? Sanctissimus de sancta, purissimus de purissima Matre. Tu pro qua idem oravit & impetravit Psal. 21. Ut eriperet Pater æternus *de manus canis unicam suam.* Tu victrix Judith: Tu Asveri Justitiæ, moderatrix Esther. Tu ad Salamonis dexteram, collocans thronum suum, Berfabet, Tu ne ad momentum quidem in domum peccati, reversa, Ruth. c. 2. Tu filo purpureo, pereuntibus Jerichontinis, notata Rahab. Tecum transferentur montes in cormaris, dū

tur-



turbarentur gentes, adjuvit non manè solum, hoc est conceptam in utero, Deus Psal. 45. sed manè diluculo, id est in ipsa conceptione Te radicare voluit in populo honorificato: & præservavit, à populo peccatis infami & dehonoreto. Tuam hæreditatem, censerij iussit in parte Dei tui, & divisit à parte peccati & diaboli. De te quicquid orbis dicat, quidquid censeat, parum ad meritum dignitatis tuæ censeat. *Tu gratiarum pelagus, receptaculum potentiae Divinae, sanctitatis thesaurus, officina immensorum bonorum, omnem mentis captum, & intelligentiam superantium, ut tuus fatur Damas:* Ora pro me misero, & innumeris peccatis meis coram filio tuo & suscipe duo minuta, vocis, & huius exigui operis: animæ & corporis, vitæ, & mortis: quæ tuæ Majestati, atque singulariter immaculatæ conceptionis honori, & per te, JESU Christo filio tuo, æternum devoveo. Huic laus & gloria in sæcula sæculorum Amen.

F I N I S.



INDEX

# INDEX I.

*Materiae Concionum Dominicalium in Praxi exhibitae, juxta numerum foliorum.*

Dominica I. Advent.	Fol. 106
Domin. II. Advent.	24
Domin. III. Advent.	85
Domin. I. post Epiphan.	228
Domin. II. post Epiphan.	93
Domin. V. post Epiphan.	43
Domin. VI. post Epiphan.	82
Domin. Quinquagesimæ	19. 174
Domin. II. Quadragesimæ	253
Domin. IV. Quadragesimæ	296
Domin. Paschatis	131
Domin. I. post Pascha	212
Domin. III. post Pascha	136. 169. 249
Domin. IV. post Pascha	302
Domin. VI. post Pascha	217
Domin. Pentecostes.	55
Domin. II. post Pentecost.	321
Domin. VI. post Pentecost.	32
Domin. VII. post Pentecost.	98
Domin. VIII. post Pentecost.	282
Domin. IX. post Pentecost.	180
Domin. X. post Pentecost.	327
Domin. XV. post Pentecost.	238
Domin. XVII. post Pentecost.	6
Domin. XXIV. post Pentecost.	12

# INDEX II.

*Materiae Concionum Dominicalium in Modis indicatae, juxta numerum Modorum.*

Domin. IV. Adventus.	Modo. VI
Domin. I. post Epiphan.	LVII
Domin. III. post Epiphan.	XVI. LVIII
Domin. IV. post Epiphan.	IV
Domin. V. post Epiphan.	XLIII
Domin. VI. post Epiphan.	LIII
	Domi-

Domin. Septuagesimæ	LI. LIII
Domin. Sexagesimæ	X
Domin. I. Quadragesimæ	XXV
Domin. III. Quadragesimæ	IX
Domin. Passionis	XXIX. XXXII. LIV
Domin. Palmarum	XI.
Domin. Paschatis	XXIV. XLIV
Domin. II. post Pascha	XIII
Domin. V. post Pascha	LIV
Domin. SS. Trinitatis	II. XXX. XXXII
Domin. I. post Pentecost.	XII. XXXIX. LV
Domin. II. post Pentecost.	XXXI
Domin. III. post Pentecost.	XIV
Domin. IV. post Pentecost.	I
Domin. V. post Pentecost.	XXII. LV
Domin. VII. post Pentecost.	XLVIII
Domin. VIII. post Pentecost.	XXXI. LVII
Domin. IX. post Pentecost.	XLIII
Domin. X. post Pentecost.	XXXIV
Domin. XI. post Pentecost.	XVIII
Domin. XII. post Pentecost.	XVIII
Domin. XIII. post Pentecost.	XI. XXXII
Domin. XIV. post Pentecost.	LV.
Domin. XV. post Pentecost.	XXXII. XXXIX
Domin. XVI. post Pentecost.	XIX
Domin. XVIII. post Pentecost.	XXVII
Domin. XIX. post Pentecost.	XLIX. LVII
Domin. XX. post Pentecost.	LIII
Domin. XXI. post Pentecost.	XXI
Domin. XXII. post Pentecost.	XV. XLIX
Domin. XXIII. post Pentecost.	XV.

## I N D E X III.

*Materiae Concionum Festivalium in Praxi exhibitæ,  
juxta numerum foliorum.*

Pro Festo	Fol.
Natiuit. Domini	73
Circumcis. Domini	102
Epiphan. Domini	333
Cena Domini	195
	Ferie

Feria II. Pascatis	191
Feria III. Paschatis	79
Ascensionis Domini	153. 244
Feria II. Pentecost.	36. 147
Feria III. Pentecost.	123
S. Casimiri	288
S. Josephi	68
Annunciat. B. V. Mariæ	27
Inventionis S. Crucis.	308
S. Joannis Bapt.	267
SS. Petri, & Pauli	160
Visitat. B. V. Mariæ	112
S. Mariæ Magdalenz	117. 261
S. Jacobi Apotoli	223
S. Patris Ignatii	48
Assumpt. B. V. Mariæ	207
Nativit. B. V. Mariæ	201. 141
S. Matthæi Apostoli	272
S. Michaëlis Archangeli	234
S. Stanislai Kostkæ	314
Omnium Sanctorum	186
Immaculatæ Concep. B. V. Mariæ	60 338
Communi SS. Virginum	277

## I N D E X IV.

*Materia Concionum Festivalium in Modis indicatæ,  
juxta numerum Modorum.*

Pro Festo	Modo.
Purificat. B. V. Mariæ	II
S. Casimiri	XIII. LII. LVI
S. Thomæ de Aquino	XII
Annunciat. B. V. Mariæ	XVII. LVIII
SS. Petri, & Pauli	LII
S. Mariæ Magdalenz	XIX
S. Patris Ignatii	LI
Assumpt. B. V. Mariæ	LIV
S. Catharinæ Virg. & Marty.	LIV
S. Francisci Xaveri	LIV. LVI
Immaculatæ Concep. B. V. Mariæ	XXX. LVIII

O A M D G.



